



6
18-d
18

D
.



18 d 18



DECII JUNII

JUVENALIS

ET



A. PERSII FLACCI

SATIRAE.

1900
MAY
13

DECII JUNII
JUVENALIS

ET

A. PERSII FLACCI
SATYRAE.

Notis novissimis ac perpetuâ interpretatione
illustravit JOSEPHUS JUVENCIUS.

Cum appendice de Diis et Heroïbus poëticis, ad
Poëtarum intelligentiam necessariâ.

NOVA EDITIO PRIORIBUS LONGÈ EMENDATIO.



PARISIIS,

Apud H. BARBOU, viâ Mathurinensium.

1805.

THE UNIVERSITY OF CHICAGO

LIBRARY

PHYSICS DEPARTMENT

CHICAGO, ILL.

RECEIVED

APR 11 1961

11 11 11



APR 11 1961

11 11 11

2-3


~~~~~

DECI JUNII  
JUVENALIS  
VITA.



EJUS SATIRÆ QUALES , ET QUO ANNO SCRIPTÆ.

**D**ECIUS JUNIUS JUVENALIS , Italus fuit ; patriam habuit Aquinum , urbem ejusdem Italiæ , ut patet e tertia Satira. Obscuro fuisse loco natum indicat Martialis , describens eundem potentiorum limina obeuntem salutandi causâ , quod solebant clientes et humilioris fortunæ cives. Ad aliquas tamen opes evasisse argumento est , quod cohortis præfectura fuerit ipsi mandata , cum in Pentapolim Lybiæ ablegatus est , operâ Paridis pantomimi et scurræ , Domitiano gratiosi , quem , satiricis versibus , ut Satira III dixi , carpsêrat. Hinc patet scriptam ab eo Satiram tertiam sub Domitiano : quo demortuo , et rescissis a Senatu ejus actis , revocatis etiam quos exsulare jusserat , in Italiam rediit Juvenalis. Duas ultimas Satiras in exsilio suo Africano videtur scripsisse : alias aliis temporibus , plerasque sub Trajano : quod affirmari de prima certò potest , cum in ea de exsilio Marii Prisci meminerit , quem , coram Trajano jam tertium annum imperante , ab Afris fuisse accusatum constat , causam contra eum agente Plinio , qui rem totam disertè narrat in suis

Epistolis, Libro II, Epistola, XI. Sub eodem Trajano conscriptas meritò dixeris secundam, quartam, sextam, octavam, et undecimam. In secunda quippe et quarta vocat Domitianum adulterum tragico pollutum stupro, eundem Calvum Neronem appellat, Lamiarum percussorem cerdonibus timendum, etc. Quis autem hæc potuisse scribi Domitiano vivo putet? Porro Nervæ imperium brevius fuit, quàm ut spatii satis haberet Juvenalis ad redeundum ex Africa, et istas Satiras scribendas: ita scriptas oportuit, imperante Trajano, qui Nervam proximè excepit.

In sexta Satira mentionem facit vasorum in quibus essent cælati vultus imperatoris, cum titulo et cognomento Dacici, et Germanici. At in nullo vetere monumento, vel nummo, nullo antiquo scriptore Domitianus legitur cognominatus fuisse Dacicus, ut testatur Jos. Scaliger. Trajanum Dio scribit, victis Dacis, Dacici cognomen accepisse: quem etiam Germanicum appellant inscriptiones antiquæ non paucae. Denique in eadem Satira Juvenalis non obscurè innuit expeditionem Trajani in Parthos et Armenios, ac memorabilem terræ motum quo tota prope Antiochia, non sine gravissimo ipsius Trajani periculo, concussa est, ut non immeritò Lipsius existimavit. In Satira octava de Mario Prisco meminit, quem sub Trajano condemnatum diximus: meminit etiam Prætoris Celsi quem, Trajano imperante, Prætorem factum refert Plinius Epist. 5, Lib. VI.

Satiram XIII, post Imperatoris Adriani, qui Trajano successit, annum tertium fuisse compositam dubitari non potest, cum Calvinus ad quem est scripta, dicatur sexaginta jam annos vixisse, et esse natus Fonteio Consule: is enim consulatum gessit anno Neronis quinto; a quo si numeres annos sexaginta, incidet in annum Adriani tertium.

In Satiris X et XI, senem se testatur esse, qualis non nisi sub Trajano, aut ipso etiam Adriano existisse potuit. Quo tempore apparet complures ex aliis Satiris fuisse compositas; cum nullus reperiatur ex iis scriptoribus, qui, Domitiano imperante, floruerunt, a quo Juvenalis nomen fuerit proditum, quod tamen, si exiissent ejus Satiræ, celebrari potissimum debuerat.

Neque obest iis quæ diximus, quod Juvenalis quædam referat sub Nerone gesta, quasi nunc, nuper, aut dum ipse scriberet fuissent facta, verbi gratia, cum Satira I, quam probavi non fuisse compositam ante Trajani tempora, de Tigellino loquitur tanquam superstite, de Christianis in arena mori, et tædarum instar lucere per noctem jussis, quod sub Nerone contigisse perspicuum est. Rursum, quod Satira VIII, pariter edita sub Trajano, videatur alloqui Plautum Rubellium, qui tamen ante annos 40, exsilio damnatus a Nerone ac mori jussus erat. Id enim solenne Satiricis vatibus est, ut exempla sumant a mortuis, quod minus habeant invidiæ, tametsi eadem a vivis et præsentibus non raro petant.

Ex istis omnibus conjici videtur posse Juvenalem circa Neronis initia natum Aquini, Romam venisse, ibi litteris operam et eloquentiæ dedisse; cum Paridem versibus amaris pupugisset, relegatum fuisse in Lybiam, natum annos admodum triginta. Post Domitiani cædem Romam rediisse quadragenarium: circa secundum aut tertium Trajani annum se ad scribendas Satiras aut in lucem edendas seriò accinxisse; annos deinde viginti ac fortasse plures vivendo explevisse.

Ingenio fuit acri, elato, vehementi: ingenio respondet stylus, sublimis, eloquens, incitatus, plenus iræ et contentionis, copiosus, illuminatus, et oratorio propior: cum Horatianus Satirarum stylus propior quotidiano sermoni sit, festivus et jocosus magis, quàm acer et serius: in quo tamen sunt qui putent Horatium Juvenali præferendum. Viderint eruditi. Ego id esse statuo inter utrumque discriminis, quod inter aulicum elegantem, et vehementem e schola oratorem intercedit.

Quod ipsius mores attinet, fuisse probos apparet ex eo, quo improbos ubique insectatur, ardore atque impetu. Ignoscendum Ethnicis si vitiorum foedas imagines objecit, quas ab oculis adolescentum remove studuimus, ut impunè ac tuto vates egregius legi posset.



DECII JUNII  
JUVENALIS

SATIRA PRIMA.

ARGUMENTUM ET SYNOPSIS.

*C*ausas exponit cur Satiras aggrediatur scribere. Primam hanc affert, quod velit parem gratiam referre ineptis vatribus, quorum audire carmina quotidie cogitur, cum æquè commodè ac illi possit scribere. Secundam petit a vitiiis Romanæ urbis, quæ dissimulare jam, et animò æquo ferre nequit. Ea congerit in acervum, et enumerat obiter, nempe nimias hominum vilissimorum opes et potentiam, delatorum improbitatem, judiciorum corruptelas, veneficia, adulteria, ludendi cacoëthes, epularum sumptus, divitum in clientes acerbiter et parcimoniam, etc. Ad extremum se candidè ac simpliciter scripturum profitetur, nullius ad ductum odio, nullius metu deterritum: daturum se tamen operam ut vivos ac superstites non insectetur.

*S*EMPER ego auditor tantum? numquamne  
reponam,

Vexatus toties rauci Theseide Codri?

*I*Tane semper audiam ineptos vates? Non scribam ipse  
aliquid vicissim, quod ex me audiant, cum toties meas au-  
res Codrus obtruderit recitandâ ad ravim usque suâ Theseide?

1. *R*Eponam. Reponere est idem, ac vicem referre, remetiiri beneficium. Numquamne illis parem gratiam referam? non ero illis semel molestus, qui me toties vexarunt?

2. *Theseide*. Poëmate, cu-

## D. JUVENALIS

Impunè ergo mihi recitaverit ille togatas,  
Hic elegos? impunè diem consumpserit ingens  
5 Telephus? aut summi plenâ jam margine libri  
Scriptus et in tergo, nec dum finitus, Orestes?

Notavi magis nulli domus est sua, quàm mihi lucus  
Martis, et AEoliis vicinum rupibus antrum

*Ergone inultam ferant, quam exhibere mihi molestiam, dum lectitat mihi alius comœdias Latinas, alius elegias? Non pœnas diei malè mihi ereptæ dabit prolixi scriptor Telephi, aut Orestis, qui volumen totum a fronte ac tergo, nec dum absolutus, implet? Nemo suas cedes melius novit, quàm ego Martis lucum, et antrum officinamque Vulcani, prope insulas AEolias sitam. Perscrutant*

jus erat argumentum res aliqua insignis a Theseo gesta. Is AEgei regis Athenarum filius fuit. Vide appendicem c. XVI.

*Codri. Inepti poëtæ.*

3. *Impunè. Inultus.*

*Togatas.* Sic appellantur Comœdiæ Latinæ, in quibus actores induti erant togâ, quæ vestis Romanorum propria; ut pallium, Græcorum.

4. *Elegos.* Versus elegus, sive elegia, est carmen alternis Hexametris et Pentametris constans. Sic appellatur a voce græca *ἐλεῖν* miseror, quia inventum est id genus carminis primum ad res flebiles canendas. Vide Horatium de Arte poëtica, versu 77.

5. *Telephus.* Rex Mysorum, et Herculis filius. Cum Græcos ad bellum Trojanum proficiscentes prohibere conaretur, ne per Mysiam iter tenderent, ab Achille vulneratus est.

6. *Orestes.* Agamemnonis et Clytemnestræ filius. Ore-

stis patrem AEgystus, Clytemnestræ plus æquo deditus, interfecerat; cùmque ipsum Orestem tollere de medio pararet, id sentiens Electra Orestis soror, eundem clam ad Strophium Phocensium principem, qui Agamemnonis sororem duxerat, ablegavit. Post annos 12 quàm in Phocide moratus fuisset, Argos rediit ignotus, et velut ab ipso Strophio missus, ut Orestis obitum nuntiaret. Intromissus ad Clytemnestram, eandem cum AEgisto, conscia Electrâ, interfecit. Quod facinustamen expiare coactus fuit ad aram Dianæ Tauricæ. Amicum habuit Pyladem, omnium periculorum socium. De Oreste insignes exstant tragœdiæ duæ Poëtarum Græcorum Euripidis et Sophoclis.

7. *Lucus Martis.* Lucus Marti sacer.

8. *AEoliis rupibus.* Insulae sunt septem, non procul a Peloro Siciliae promontorio, nempe Lipara, Hiera, Stron-

Vulcani. Quid agant venti ; quas torqueat umbras  
 AEacus ; unde alius furtivæ devehat aurum  
 Pelliculæ : quantas jaculetur Monychus ornos ;  
 Frontonis platani, convulsæque marmora clamant  
 Semper, et assiduo ruptæ lectore columnæ.  
 Exspectes eadem a summo, minimoque poëta.  
 Et nos ergo manum ferulæ subduximus ; et nos  
 Consilium dedimus Syllæ, privatus ut altum

10

15

*Frontonis horti, et columnis marmoreis fultæ porticus penè  
 dissiliunt et convelluntur vocibus poëtarum sua carmina le-  
 gentium, in quibus ventorum vim, et tempestates ab iis  
 excitatas, describunt, pœnas umbris ab AEaco irrogatas:  
 quæ ex regione nescio quis asportet in patriam vellet an-  
 reum furto sublatum : quàm proceras arbores Monychus  
 gigas in adversarios torqueat instar jaculorum. Hæc omnia  
 docti pariter indoctique vates crepant. Atqui ego etiam scho-  
 las frequentavi olim, et fictas, exercitationis gratiâ, causas  
 egi, cum Syllam hortarer, ut, omissis reipublicæ curis,*

gyle, Didyme, Ericusa, Phæ-  
 nicusa, et Evonymus. AEo-  
 liæ vocatæ sunt propterea  
 quod AEolus in iis regnabat  
 Trojæ temporibus. In Sici-  
 lia verò est mons AEtna ignes  
 eructans, ubi poëta Vulcani  
 officinas ponunt: quas sibi no-  
 tissimas ait esse Juvenalis, eò  
 quod plerique tunc vates in  
 AEtnæ incendiiis describendis  
 sudarent.

9. *Vulcani.* Jovis et Juno-  
 nis filii. Vide append. c. iv.

10. *AEacus.* Jovis filius,  
 AEginæ insulæ rex, pater Te-  
 lamonis et Pelei. Ob æquita-  
 tis famam delectus a Jove qui  
 mortuorum in inferis causas  
 cum Minos, et Rhadaman-  
 tho cognosceret, ac me-  
 ritas criminibus pœnas irro-  
 garet.

*Unde alius, etc.* Jason AE-

sonis filius. Vide append. c.  
 xviii.

11. *Monychus.* Centauri  
 fortissimi nomen est. De Cen-  
 tauris vide app. c. xvi.

12. *Frontonis.* Julius Fron-  
 to, civis Romanus dives et  
 eruditorum patronus, suas li-  
 benter ædes poëtis recitanti-  
 bus commodabat.

13. *Lectore.* Ita legebant  
 suos versus illi recitatores,  
 ut gestum sæpe vocemque in-  
 tenderent.

16. *Syllæ.* De illo dubita-  
 tum est, inquit Sallustius,  
 fortiorne an felicior fuerit.  
 Missus a Mario in Africam,  
 Jugurtham vicit: Mithrida-  
 tem in Asia sævientem com-  
 pescuit: Cinnae dominatio-  
 nem fregit; Marium denique  
 ipsum urbe expulit, in qua  
 Dictator factus, ita remp. op-

Dormiret. Stulta est clementia, cum tot ubique  
Vatibus occurras, periturae parcere chartae.

- 20 Cur tamen hoc libeat potius decurrere campo,  
Per quem magnus equos Auruncæ flexit alumnus:  
Si vacat, et placidi rationem admittitis, edam.  
Patricios omnes opibus cum provocet unus,  
Quo tondente gravis juveni mihi barba sonabat:  
Cum pars Niliacæ plebis, cum verna Canopi

*in otio privatus degeret. Quidni ergo scribam, aut cur  
parcam papyro, quam tot quotidie vates imperiti male  
consumunt? Quod si quis tamen rogaverit, cur hoc sati-  
rico scribendi genere delecter, in quo Lucilius tamquam  
in patente Circo exspatiatus est: dicam sanè, si vobis au-  
dire vacat, et si æquis auribus dicentem accipitis. Omnino  
difficile est a scribenda Satira temperare, cum hunc ton-  
sorem intueor, qui mihi juveni barbam radebat, perve-  
nisse ad eas opes, ut cum patricio quolibet contendat:*

pressit, ut nemo illo invito  
nec bona, nec patriam, nec  
vitam retinere posset. Postre-  
mo, rep. constituta, dictatu-  
ram deposuit, ac privatus Pu-  
teolos, quæ est urbs Italiæ,  
prope Neapolim, secessit, ubi  
pediculari morbo consumptus  
est, anno ab urbe condita  
676.

*Ut altum dormiret.* Altum  
dormire, est somno, ut aiunt,  
profundo indulgere: dormire  
in utramque aurem.

20. *Auruncæ.* Latii civitas  
fuit, patria Lucilii; qui pri-  
mus Satiram Latinam scripsit,  
natus anno ab urbe condita  
552.

*Equos flexit.* Ducitur hæc  
Metaphora a Circo, in quo  
currus agitantur, et circa me-  
tam flectuntur.

22. *Patricios.* Cum primum  
temp. Romulus constituit,

elegit ex omni civitate viros  
centum ætate ac prudentia  
insignes, qui eam gubernaren-  
t; illosque senatores, sive  
Patres appellavit. Eorundem  
filii dicti sunt Patricii.

*Provocet.* Lacessat ac cer-  
tare opibus cum iis velit. Si-  
gnificatur autem Cinnamus  
tonsor, qui censum eques-  
trem adeptus, ac subinde ju-  
dicio damnatus, exilavit in  
Sicilia.

23. *Gravis juveni barba.*  
Molestum est juvenibus bar-  
bæ fruticantis onus.

*Sonabat barba.* Cum ton-  
deretur. Solent tonsores nu-  
merosumqueundam strepitum  
forficibus edere.

24. *Niliacæ.* Nilus Aegypti  
fluvius.

*Canopi.* Canopus Aegypti  
urbs clara, prope ultimum  
Nili ostium.



Crispinus, Tyrias humero revocante lacernas, 25  
 Ventilet æstivum digitis sudantibus aurum,  
 Nec sufferre queat majoris pondera gemmæ;  
 Difficile est satiram non scribere. Nam quis iniquæ  
 Tam patiens urbis, tam ferreus, ut teneat se,  
 Causidici nova cum veniat, lectica Mathonis, 30  
 Plena ipso; post hunc magni delator amici;

*cum Crispinus ex Ægyptiorum mancipiorum fœce emersus, purpureas lacernas molliter in humerum rejiciat, exertamque protendens manum; jactet digitos annulis levioribus ex auro, quales æstate gestat, micantes, nec majori et graviore gemmæ ferendæ par sit. Age, quis tam sceleratæ flagitia civitatis animo æquo ferat? quis tam omnis sensus expers, ut stylum non expediat, cum Mathonem Causidicum cernit in eleganti et recenti lectica procedere, ita obesum et saginâ distentum, ut eam solus impleat; ita superbum, ut nullum comitem admittat? cum paulò post subire videt famosum illum delatorem, qui suo amico, viro clarissimo, exitium est machinatus; quique brevi reliquas.*

*Verna.* Ita vocatur propriè servus domini ex ancilla natus, hinc vernaculum appellamus quidquid intra domesticos parietes alitur.

25. *Crispinus.* Domitiano gratissimus fuit. Hunc, opinor, in domini gratiam, laudat sæpe Martialis.

*Tyrias.* Tyrus Phœniciæ civitas clarissima, ubi nata et perfecta purpura.

*Lacernas.* Id est, *togas.* Lacerna, vestis erat exterior et crassior, instar pallii: sed toga comptior, longior, ac decentior, quàm lacerna.

26. *Ventilet.* Eximat illum e digito, et per aërem leviter jactans, ventum faciat.

*Æstivum.* Leviores æstate, hyeme graviores gestabant annulos.

*Lectica.* Ferebatur a servis, interdum sex, et Hexaphorus vocabatur; interdum octo, et vocabatur Octaphorus.

*Mathonis.* Causidicus dives fuit. Sub Domitiano sæva et publica rabies accusandi fuit: unde magnas opes Causidici colligebant.

31. *Plena ipso.* Potest etiam exponi sic: ut solus fuisse in lectica intelligatur, quò gestaretur commodiùs.

*Delator.* Accusator, præsertim occultus, ita vocatur. Hoc in loco intelligitur M. Regulus, qui hanc artem sub Domitiano, magnâ civium invidiâ, exercuit.

*Magni amici.* Gall. illustre patroni.

Et citò rapturus de nobilitate comesa

Quod superest, quem Massa timet, quem munere palpat

Carus; et a trepido Thymele summissa Latino.

35. Quid referam, quantà siccum jecur ardeat ira,  
Cum populum gregibus comitum premat hic  
spoliator

Pupilli prostantis? et hic damnatus inani

Judicio (quid enim salvis infamia nummis!)

Exsul ab octava Marius bibit, et fruitur dīs

*nobilium a se spoliatorum exuvias diripiet; quem Boëbius Massa formidat; quem delinire muneribus missis tentat Carus; ad quem placandum Latinus sibi malè metuens uxorem suam Thymelen clam allegat. Quid dicam quantà aestuem trácundid, quàm graviter mihi bilem et stomachum moveat hic tuor, qui pupillum fortunis exuit; cumque in foro prostare inter venales servos coëgit, interim dum ipse magnâ clientium et famulorum, quibus stipatur, turbâ, vias urbis impedit? aut iste Marius, qui licet à judicibus ob Africam compilatam fuerit condemnatus, tamen vanam ac inutilem eorum severitatem ridet? Quis enim de ignominia vehementer laborat, modò salva incolumisque pecunia sit? immo etiam irrogatas sibi ultoribus Superis pœ-*

34. Carus. Delator is quoque fuit, Martiale teste; sed minoris notæ ac auctoritatis, quàm Regulus.

Latino. Celebri mimo et histrione, quo imprimis delectabatur Domitianus.

37. At hic damnatus. Marius priscus, homo Boëticus in Africam Proconsul missus, eam spoliaverat; accusatus repetundarum est anno Trajani tertio, ac damnatus, et in exsilium pulsus, ubi lautè et opiparè vivebat. Afris tamen pecunia, quâ spoliati fuerant, minime restituta: sed partim, ipsi Mario relicta, partim in ærarium illata. Hinc dicit, Inani judicio,

quod nec Afris profuit, nec valde obfuit Mario.

39. Ab octava. Post solis ortum videlicet, id est, secunda post meridiem, ut in Gallia numeramus. Dies Romanus constabat semper duodecim horis, quarum prima numerabatur ab solis ortu. Non cenabant ante horam nonam nisi helliõnes, qualis iste Marius.

Fruitur Diis iratis. Licet hos habeat infensos ob flagitia, nullum tamen ex eorum ira detrimentum accipit; immo fructum et emolumentum: vescitur enim lautius et intemperantiùs.

Iratis : at tu victrix provincia ploras.  
 Hæc ego non credam. Venusinâ digna lucernâ?  
 Hæc ego non agitem? sed quid magis Heracleas,  
 Aut Diomedæas, aut mugitum Labyrinthi,  
 Et mare percussum puero, fabrumque volentem?  
 Cùm fas esse putet curam sperare cohortis

40

45

nas apponit lucro, et ab vespera usque in lucem epulis indulgens, calamitatem suam facillè consolatur, te interim lugente, o infelix Africa, et amissas, nec reddendas umquam tibi, licet causam viceris, pecunias deplorante. Hæc ego flagitia non arbitrabor digna, quæ satiricis versibus agitentur, Horatii more ac stylo? an satius putabo esse peragatas illas de Hercule, de Diomede, de Minotauro in Labyrinthi latebris mugiente fabulas, carmine persequi, aut evolantem Dædalum, Icarumve in mare decidentem denarrare? cùm interea non nemo, qui patrimonium equis

40. *Provincia.* Sic appellatur quælibet regio extra Italiam a Romanis domita et imperio adjuncta; quasi diceret procul victa.

41. *Venusina lucerna.* Horatiana Satira. Horatius natus est Venusii, quæ civitas in finibus Apuliæ et Lucaniæ.

*Lucerna.* Solebant elucubrare suos versus ad lucernam.

42. *Sed quid magis.* Nempe, scribam: Quid juvat, magis et prodest scribere?

*Heracleas.* De Hercule vide appendicem, c. xv.

43. *Diomedæas.* Diomedes rex Aetoliæ in Græcia, Tydei filius, inter Græcorum primores ad Trojam profectus, secundum Achillem et Ajacem fortissimus habitus est. Equos Rhesi cepit, Palladium ex arce Trojana sustulit, Martem ipsum vulneravit. Confecto bello in Italiam se

contulit, domum et libidines uxoris fugiens; ibi Argyrippam urbem condidit. Vid. lib. XI AEneid. vers. 246 et 270, ejus socii dicuntur in aves fuisse conversi, quæ a Græcis *Ἐρωδιῶν*; a Latinis, Diomedææ sive ardeæ, nominantur. *Labyrinthi.* Labyrinthus, locus est multis viarum ambagibus inflexus.

44. *Puero, etc.* Iratus Minos Cretæ rex Dædalo, eum in labyrinthum conjecit: at ex eo evolavit homo ingeniosissimus, compactis cerâ pennis, atque ita in Sardiniam, deinde in Italiam pervenit. Sed Icarus ejus filius cùm justò altius volaret, liquefactâ calore solis cerâ et solutis alis, in maris AEgei partem decidit, quæ ab eo mare Icarium est vocata. Ovid. VIII Metam.

45. *Cohortis.* Exercitus Romanus in legiones divideba-

Qui bonâ donavit præsepibus, et caret omni  
 Majorum censu, dum pervolat axe citato  
 Flaminiam: puer Automedon nam lora tenebat.  
 50 Nonne libet medio ceras implere capaces  
 Quadrivio? cùm jam sextâ cervice feratur  
 Hinc atque inde patens, ac nudâ penè cathedrâ,  
 Et multum referens de Mæcenate supino

*alendis ligurivit, nihilque jam ex avitis opibus in censu  
 habet, nihilominus confidat se cohortis præfecturam obti-  
 nere posse, eo scilicet nomine, quod Imperatoris per viam  
 Flaminiam inveci currum ipse adolescens agitaverit, ut  
 olim Automedon Achilleos equos regebat. Quis non gestiat  
 mediis in compitis exerere calamum, et iis, quæ se of-  
 ferunt flagitiis, libros ingentes refecire, cùm homo tur-  
 pissimus, et in obsignandis falsò testamentis exercitatus,  
 qui subjiciendis in locum verarum, et notandis madefecta  
 annuli gemma tabulis adulterinis, lautus ac dives evasit,  
 jam gestetur sublimis in lectica servorum sex humeris im-*

tur, plures, aut pauciores:  
 legio ferè quatuor militum  
 millia; interdum quinque,  
 aut etiam sex continebat. In  
 singulis porrò legionibus erant  
 cohortes decem. Toti legioni  
 præerant per vices Tribuni  
 sex.

46. *Qui bona, etc.* Vel  
 Cornelium Fuscum intelligit;  
 qui puer Neronis auriga fuit,  
 etsi ortus nobili loco, ut nem-  
 pe iniret gratiam a Nerone,  
 qui aurigas ejusmodi nobiles  
 adamabat, ac suos ipse interdum  
 equos agitabat. Idem  
 Fuscus Domitiani tempore co-  
 hortium prætorianarum præ-  
 fectus, bellum adversus Da-  
 cos gessit, ibique periit. Vel  
 potius intelligit Tigillinum  
 hominem impurissimum et  
 egentissimum, qui Neronis  
 beneficio ad magnas opes et  
 cohortis etiam prætorianæ

præfecturam evasit.

48. *Flaminiam.* Via Flami-  
 nia pertinebat ab urbe usque  
 Ariminum: habuit nomen a  
 C. Flaminio Consule, a quo  
 strata, quique ad lacum Thra-  
 symenum ab Annibale cæsus  
 fuit.

*Automedon.* Achillis auriga  
 fuit. Ponitur pro quolibet au-  
 riga insigni.

49. *Ceras.* Scribebant Prisci  
 Romani in tabulis ligneis ob-  
 ductis cerâ, quam stilo ceu  
 graphio ferreo exarabant.

*Quadrivio.* Quadrivium  
 est locus in quo viæ quatuor  
 coeunt.

52. *Mæcenate.* Mæcenas,  
 eques Romanus fuit Augusto  
 carissimus, vir doctus, et do-  
 ctorum patronus; idem deli-  
 ciarum et lautitiarum omnium  
 amantior.



Signator falsò, qui se lautum, atque beatum  
 Exiguïs tabulis, et gemma fecerat udâ.  
 Occurrit matrona potens, quæ molle Calenum 55  
 Porrectura viro miscet sitiënte rubetam,  
 Instituitque rudes, melior Locusta, propinquas  
 Per famam et populum nigros efferre maritos.

Aude aliquid brevibus Gyaris, et carcere dignum,  
 Si vis esse aliquis: PROBITAS LAUDATUR ET 60  
 ALGET.

Criminibus debent hortos, prætoria, mensas,

*posita, et ab utroque latere aperta, ipse in ea porrectus ac supinus, ad eum ferè modum quo Mæcenâs gestari solebat. En occurrit nobilis mulier, quæ dum mariti sitim vino Caleno restinguere parat, rubetæ virus poculo, quod illi porrigit, admiscet, cognatasque suas nondum istius gnaras artis, ipsa longè veteri Locusta peritior, docet quemadmodum suos viros adhuc venenis notis lividos, contemptis populi spectantis et indignantis rumoribus, ad rogam efferri jubeant. Si vis in aliquo esse inter homines pretio ac numero, id consequeris insigni quodam et palmario scelere; aliquid oportet exsilio dignum et carcere moliaris. Laudantur viri probi, at egent. Florent improbi, et suis sceleribus acceptas ferunt villas, cedes in urbe magnificas; mensas exquisitas, argentea pocula prisco arti-*

53. *Signator falsò.* M. Regulus testamentorum captator corruptorquë nequissimus.

54. *Exiguïs tabulis.* Brevi testamento, in quo V. G. paucis verbis, omnia bona uni relinquantur.

*Gemma udâ.* Annulo signatorio salivâ madefacto, ut faciliùs imprimatur signum ceræ.

55. *Calenam.* Cales, sive Calenum, oppidum erat Campaniæ Italiæ, cujus in agro vinum optimum nascebatur.

56. *Rubetam.* Venenum confectum è rubetâ.

57. *Locusta.* Venefica; quæ, imperante Nerone, floruit, pro qualibet venefica ponitur.

58. *Efferre.* Verbum fanebre est; significatque ad rogam deportare, sepelire.

59. *Gyaris.* Gyarus vel Gyara, est insula exigua in mari AEgeo, una e Sporadibus, in quam Romani reos insignes deportabant. De illâ fit mentio in Satirâ X. Utitur hoc loco Juvenalis numero plurali, per Emphasim.

60. *Prætoria.* Prætorium domus est Prætoris, seu lantâ-

- Argentum vetus, et stantem extra pocula caprum.  
 Quem patitur dormire nurus corruptor avaræ,  
 63 Quem sponsæ turpes, et prætextatus adulter?  
 Si natura negat, facit indignatio versum  
 Qualemcumque potest: quales ego, vel Cluvienus.  
 Ex quo Deucalion, nimbis tollentibus æquor,  
 Navigio montem ascendit, sortesque poposcit,  
 Paulatimque animâ calnerunt mollia saxa,  
 70 Quicquid agunt homines, votum, timor, ira,  
 voluptas,  
 Gaudia, discursus, nostri est farrago libelli.

*ficio elaborata, et signis cœlatis aspera. Quem non impellit ad scribendam satiram, excitatque pater filii uxorem ad scelus prælio pertrahens; sponsæ amoribus turpissimis æstuantis, pueri adulteriis infames? Si quis poeta natus non est, ipsi tamen carmina indignatio suggeret, qualia illa cumque sint, cujusmodi scribuntur a me, vel a Cluvieno. Quidquid molliuntur homines, eorum vota, metus, ira, voluptates, gaudia, concursationes ac negotia, ex quo tempore Deucalion, augescente continuis imbribus mari, supra Parnassum navi est evehctus, et Apollinis oraculo consulto, lapides ab eo projecti sensim mollescere cœperunt: hæc omnia, inquam, huic libello materiam da-*

et splendida domus, qualem Prætor habet.

62. *Caprum.* Sculpti solebat in poculis caper, animal Baccho invisum, quia vites arrodit. Figuræ porro cœlatæ, extra vasa extant eminentque.

64. *Prætextatus.* Indutus prætextâ. Brat illa vestis ornata limbo purpureo, quam pueri gestabant usque ad annum 17, quo togam virilem sumebant.

67. *Deucalion.* Promethei filius, Thessalorum rex, in Græcia. Eo regnante contigit immane diluvium. Deucalion ipso tantum, ut poëtæ fingunt, et Pyrrha ejus con-

juge, ex omni hominum multitudine, servatis. Qui in Parnassum montem naviculâ delati, ubi primam aquæ subsederunt, Themidis oraculum consulere, quâ ratione posset humanum genus reparari: jussi sunt magis matris ossa, nimirum terræ lapides, post tergum jactare: saxa in homines continuo mutata. Ovid. I. Metam.

68. *Sortes.* Oracula sic vocantur, vel quia ferè ductis sortibus edebantur; vel quia suam quique sortem, rei cuiusque eventum, denuntiant.

71. *Farrago.* Propriè est acèryus farris, et variorum

Et quando uberior vitiorum copia ? quando  
 Major avaritiæ patuit sinus ? alea quando  
 Hos animos ? neque enim loculis comitantibus itur  
 Ad casum tabulæ, posita sed luditur arcâ.  
 Prælia quanta illic dispensatore videbis  
 Armigero ! Simplexnè furor sestertia centum  
 Perdere ; et horrenti tunicam non reddere servo ?  
 Quis totidem erexit villas ? quis fercula septem  
 Secretò coenavit avus ? nunc sportula primo

75

80

*bunt, nullo certo distinctam ordine, amplam certè ac ubere-  
 rem : ecquando enim ætas fuit criminum feracior ? quando  
 major avaritiæ gurgès, quando aleæ insatiæ pertinacior et  
 projectior ? Non jam incertis tabulæ aleatoricæ jactibus lu-  
 sores exponunt crumenas, sed totas in ludum arcas dese-  
 runt ; quibus illic animis, quæ contentione certantes videre  
 est ! servo talos et nummos, arma isti ludo idonea, submi-  
 nistrante. Cujus hoc tandem et quàm vesani est furoris,  
 centum sestertia ludendo perdere, et vestem famulo frigore  
 confecto debitam denegare ? Quis majorum nostrorum tot  
 villas ædificavit, quot possim jam extruuntur ? quis eo-  
 rum in secretis etiã, ac privatis, ubi gulæ indulgetur  
 paulò liberius, coenis, diversi generis dapes septem mensæ  
 apposuit ? clientes suos avi nostri eadem secum accipiebant  
 mensâ, nunc illis in domus vestibulo parata est exigua*

leguminum, ut hordei, vi-  
 ciæ, etc. quæ animantibus  
 dantur in pabulum : meta-  
 phoricè significat rerum va-  
 riarum congeriem.

74. *Loculis.* Capsulis angu-  
 stis, et marsupiiis.

75. *Casum tabulæ.* Incer-  
 tum jactum talorum aut tes-  
 serarum, in tabulam lusoriam  
 seu alyceolum temerè cadenti-  
 um.

77. *Armigero.* Sic appellat  
 servum, talos, nummosque  
 domino subjicientem ; ad  
 eum ferè modum, quo in  
 pugna domino armiger tela  
 suggerit.

*Sestertia centum.* Hodie  
 (1804) nostrarum librarium  
 18700.

80. *Sportula.* Propriè est  
 vas vimineum, in quo de-  
 ponuntur cibi, pecunia, etc.  
 Apud Romanos ea vox vul-  
 gò significabat cibos, quos  
 clientibus patroni divites lar-  
 giebantur e sua mensa. Quod  
 cum patronis subinde mole-  
 stum et majoris impendii vi-  
 sum fuisset, pro cibis dedere  
 centum nummulos, qui qua-  
 drantes dicebantur, quia va-  
 lebant singuli quartam partem  
 Romani assis, sive tres uncias.  
 Respondent centum quadran-

Limine parva sedet, turbæ rapienda togatæ.  
 Ille tamen faciem prius inspicit, et trepidat, ne  
 Suppositus venias, ac falso nomine poscas:  
 Agnitus accipies. Jubet a præcone vocari

- 85 Ipsos Trojugenas; nam vexant limen et ipsi  
 Nobiscum. Da Prætori, da deindè Tribuno.  
 Sed libertinus prior est: Prior, inquit, ego adsum.  
 Cur timeam, dubitemve locum defendere? quamvis  
 Natus ad Euphratem, molles quod in aure fenestræ  
 90 Arguerint, licet ipse negem: sed quinque tabernæ  
 Quadringenta parant. Quid confert purpura major

*sportula, quam miseri posteri attritam cursitando salutando-  
 que, togam, avidè, raptimque auferant, ac ne id quidem  
 sine lite et labore. Est qui tuum os intueatur diligenter,  
 antequam sportulam largiatur; metuens videlicet ne in al-  
 terius venias locum, teque clientem esse mentiaris. Ubi com-  
 pertum fuerit, qui sis, quo jure sportulam petas, tunc ea  
 dabitur. Præclarus ille patronus per præconem arcessit prin-  
 cipes civitatis, ab antiquis illis Trojanis ortos, nam ipsi  
 quoque pro foribus in clientium turba conferti et obnixi  
 adstant. Da sportulam Prætori primum, deinde Tribuno,  
 inquit Prætores ac Tribuni: sed cum illis pugnat liberti  
 alicujus filius: Ante illos, exclamat, huc accessi: Quis  
 mihi sit pudor aut religio tueri hunc, quem occupavi,  
 locum; libet oriundus sim ex urbe ad Euphratem sita,  
 meque servum esse, si negare vellem, satis indicaret ac  
 probaret aurium perforata pars una: verum tabernas quin-  
 que habeo in urbe, quarum ex annua pensione conficio  
 sestertia quadringenta. Quid habet ipsa senatoria dignitas,  
 res solidis 25, monetæ Gal-  
 licanæ.*

81. *Turbæ togatæ.* Clienti-  
 bus qui togâ induti ventita-  
 bant manè domum patrono-  
 rum salutandi causâ, eos de-  
 ducebant per urbem, etc.

82. *Ille.* Patronus vel ejus  
 œconomus.

86. *Da Prætori.* Possunt  
 hæc verba tribui patrono,  
 jubenti dari sportulam pri-  
 mum Prætori, dein Tribuno.

*Tribuno.* Erant Tribuni;

alii Urbani, sive plebis, qui  
 jura populi tuebantur: alii  
 Militares qui legioni præe-  
 rant, ac vulgò sex in una  
 quaque numerabantur.

89. *Euphratem.* Fluvius est  
 Mesopotamiæ, in Asia.

*In aure fenestræ.* Servi, qui  
 Rómam ex Asia deportaban-  
 tur, aures habebant perfora-  
 tas, iisque aureos et argen-  
 teos annulos appendebant.

91. *Quadringenta.* Subau-  
 di, sestertia: quam summam



Optandum, si Laurenti custodit in agro  
 Conductas Corvinus oves? Ego possideo plus  
 Pallante, et Licinis. Exspectent ergo Tribuni.  
 Vincant divitiæ; sacro nec cedat honori  
 Nuper in hanc urbem pedibus qui venerat albis.  
 Quando quidem inter nos sanctissima divitiarum  
 Majestas: etsi funesta pecunia templo  
 Nondum habitas, nullas nummorum ereximus aras,

95

*quare tanto expetatur opere, siquidem Corvinus ex amplissimis senatoribus genitus eo redactus est inopiæ, ut armentum conductum in agro Laurenti pascat? Mecum non certarent opibus Pallas et Licinus. Jubeo igitur Tribunos exspectare dum data mihi sportula fuerit: priorem locum obtineat qui ditior est; nec sacro-sancto illi magistratui concedat, qui non ita pridem Romam oblitis gypso pedibus accessit. Sanè divinis honoribus pecuniam prosequimur, licet nondum ipsi templum sit extractum, nec dum ullæ nummis arcæ fuerint positæ, uti positæ sunt Paci, Fidei,*

in censu annuo qui non haberet, eques Romanus esse nemo poterat. 75 millia circiter librarum nostratum.

*Purpura major.* Senatorum propria vestis dicebatur latus clavus: eratque tunica purpureis quibusdam globulis majoribus, qui capita clavorum imitarentur, ornata. Erant autem illi clavi purpureis plagulis seu institis ante pectus demissis, insuti.

92. *Laurenti agro.* Laurentum, civitas fuit antiqui Latii, prope Lavinium: ita dicta a sylva Laureæ, quæ in eo, ubi condita est agro, erat. Hujus incolæ Laurentes appellati.

93. *Corvinus.* Ponitur hoc in loco Corvinus pro quolibet nobili; Valeria gens clara imprimis apud Romanos fuit,

ex qua prognati Poplicolæ, Corvini, Messalæ, etc.

94. *Pallante.* Pallas, ex Arcadia oriundus, homo nequam et ignobilis, Claudii Imperatoris libertus prædives.

*Licinis.* Licinus, Augusti libertus: et ipse prædives fuit.

*Exspectent....* Potest ita exponi versus iste, ut hoc dicere libertus ille arrogans, et opibus suis elatus intelligatur, vel ipse Juvenalis.

95. *Sacro honori.* Tribunatui. Is enim magistratus, apud Romanos sanctus, seu sacro-sanctus habebatur: ut qui Tribunum plebis læsisset is morte poenas penderet.

96. *Pedibus albis.* Pedes venalium servorum trans mare advectorum, cretâ quâdam, seu gypso, illinebantur.

100 Ut colitur Pax, atque Fides, Victoria, Virtus,  
Quæque salutato crepitat Concordia nido.

Sed cum summus honor finito computet anno,  
Sportula quid referat, quantum rationibus addat;  
Quid facient comites, quibus hinc toga, calceus  
hinc est

105 Et panis, fumusque domi? Densissima centum  
Quadrantes lectica petit, sequiturque maritum  
Languida, vel prægnans, et circumducitur uxor.  
Hic petit absenti notâ jam callidus arte,  
Ostendens vacuam, et clausam pro conjuge sellam.  
110 Galla mea est, inquit: citiùs dimitte, moraris?

*Victoriæ, Virtuti atque Concordiæ, cujus templum resonat strepitu ciconiarum in ejus turribus nidificantium, cum nidos quos exactâ hyeme revisunt, læto videntur plausu salutare. Quod si primores urbis cives, qui summos in ea magistratus gerunt, exeunte anno referunt in librum suarum rationum, quid apportet ipsis lucri sportula, quantum ad censum annum accessionem faciat, quàm miseram esse clientium conditionem necesse est, qui censu omni et patrimonio carentes, ex iis, quos a patre capiunt, nummulis coguntur togam, calceos, panem ac pauca uvula, quibus focum accendant, ligna emere? Quid quod ipsi nobiles in lecticis gestati, ad centum illos quadrantes corrogandos frequentissimi convolant, nec viri tantum, sed illorum etiam uxores, etsi ægrotae vel gravidæ, quæ per omnia limina circumferuntur, adeo ut aliquis callidior (quod artificium jam est pervulgatum) sportulam dari petat absenti uxori suæ, quam esse fingit in vacua lectica et clausa. Hic, inquit, Galla est, uxor mea; oro, ne patere ut diutiùs expectet. Quid moraris autem, et sportulam cunctaris dare? Juvat illam ipsam intueri, inquit,*

100. Pax, etc. Paci templum ornatissimum extruxit Vespasianus. Fidei templum Numa ædificavit. Virtuti et Honori M. Marcellus: Concordiæ, olim Camillus; postea Tiberius. Victoriæ, Arcades.

101. Salutato nido. Vereres nidos vere primo repetunt Ciconiæ, ut hirundines.

105. Centum quadrantes. Vide supra, p. 17, v. 80.

109. Sellam. Gestandam videlicet; id est, lecticam.



Profer, Galla, caput. Noli vexare, quiescit.

Ipse dies pulchro distinguitur ordine rerum.

Sportula, deinde forum, jurisque peritus Apollo,

Atque triumphales, inter quas ausus habere

Nescio quis titulos Aegyptius, atque Arabarches, 115

Cujus ad effigiem non tantum mejere fas est.

Vestibulis abeunt veteres lassique clientes,

Votaque deponunt, quanquam longissima coenae.

Spes hominum! Caules miseris, atque ignis emendus.

Optima sylvarum interea, pelagique vorabit 120

Rex horum, vacuisque toris tantum ipse jacebit;

*sportulae dispensator; age Galla, effert caput e lectica, si verè hic ades. Noli cum inclamare (maritus respondet) ægra est, ac indulget somno. Prosequamur ceteras diei occupationes egregias. Post acceptam a divite patrono sportulam, cum assectantur usque in forum Augusti, ubi celebris illa visitur Apollinis statua, et aliae complures ducum et imperatorum, qui triumphum honorem adepti sunt, inter quas nescio quis Aegyptius, aut Arabum princeps, non dubitavit suam ponere magnificis titulis et inscriptionibus insignitam, non sine justa civium indignatione, quibus eam lotio, ut minimum, inquinare impune licet. Postea redeunt domum divitis clientes, cursitando defatigati, et expectatæ diu multumque coenæ liberaliore, demum frustrati suis votis et expectatione discedunt. O miseris, et falsas hominum spes! Caules emere coguntur, et ligna quibus illos coquant. Interim illorum patronus ingurgitabit se lectissimis cibis, quos sylvae, quos maria suppeditabunt, et in toro*

113. *Apollo juris peritus.* Ita vocat. statuam Apollinis positam in Augusti foro, ubi litigabant causidici et juris periti; quorum clamoribus ac litibus audiendis Apollo jus dicere potuisset; vel quia huic loco veluti præerat.

114. *Triumphales.* Augustus in fori a se ædificati gemina porticu, statuas eorum qui triumphaverant, collocavit.

115. *Arabarches.* Græca vox, significans ducem, aut Principem Arabum: Ἀραβὶς Arabs; ἀρχὸς princeps.

117. *Clientes.* Ita vocabantur cives tenuiores, qui se in divitum tutelam et patrociniū conferebant, quique illos instar parentum certis officiis colebant.

121. *Rex.* Ita patroni appellabantur a clientibus.

- Nam de tot pulchris, et latis orbibus, et tam  
 Antiquis, unâ comedunt patrimonia mensâ.  
 125 Nullus jam parasitus erit, sed quis feret istas  
 Luxuriæ sordes? quanta est gula, quæ sibi totos  
 Ponit apros, animal propter convivium natum?  
 Poena tamen præsens, cum tu deponis amictus  
 Turgidus, et crudum pavonem in balnea portas.  
 Hinc subitæ mortes, atque intestata senectus.  
 130 It nova, nec tristis per cunctas fabula coenas:

*solus accumbet, jam enim illis divitibus mos est unam instruere mensam inter tot amplas et pretiosas ac prisco elaboratas opere mensas, quas domi habent, in qua tamen una dapibus oneranda tantos faciunt sumptus, ut integrâ patrimonia absumant. Itaque nemo jam parasitus reperitur. At quis tam immanem, tam sordidam ingluviem æquo animo ferre possit? cujus demum intemperantiæ est, aprum integrum apponere uni homini, aprum, inquam, idèo natum, ut inter plures convivas simul epulantes dividatur? nec inultam hanc diu tamen gulam fers, debitas continuo pœnas deperdis, cum cibo onustus exuis vestem ut balneum petas, necdum digesto pavone, quem avidè vorasti. Ex illa videlicet stomachi, tot cibos ferre et coquere negantibus, cruditate, oriuntur mortes repentini multorum, ac præcipuè senum, qui tolluntur e medio ante conditum testamentum. Recens ac subitus rumor alicujus hujusmodi mortis per omnia convivia domosque spargitur, hominibus, ad rei novitatem, ut ad monstri fabulæque narrationem, demi-*

*Toris.* In lectulis compositi vescebantur, ferè jacentes, ita tamen, ut sinistro cubito caput incumberet.

122. *Orbibus.* Rotundis mensis.

124. *Nullus erit.* Quia divites, cum cœnant nullum admittunt socium et convivam.

*Parasitus* Ita vocantur qui alienas mensas captant. Vide Satiram V, ubi de illis fusè agitur.

128. *Pavonem.* Pavo inter delicata Romanorum fercula numeratus aliquandiu fuit: primum ob novitatem: deinde propter pennarum pompam et spectaculum, quæ cocto reponebantur, et quibus indutus inferebatur mensis.

*Balnea.* Ante cœnam corpus aliquâ exercitatione curabant, tum balnea ingrediebantur: eadem aliquando repetebant cœnati.

136. *Fabula.* Significat in-

Ducitur iratis plaudendum funus amicis.  
 Nil erit ulterius, quod nostris moribus addat.  
 Posteritas; eadem cupient, facientque minores.  
*Omne in præcipiti vitium stetit.* Utere velis.  
 Totos pande sinus. Dicas hic forsitan, unde  
 Ingenium par materiæ? unde illa priorum  
 Scribendi quodcumque animo flagrante liberet  
 Simplicitas, cujus non audeo dicere nomen?  
 Quid refert dictis ignoscat Mutius, an non?  
 Pone Tigellinum, tædâ lucebis in illa,  
 Quâ stantes ardent, qui fixo guttore fumant;

135

140

*rantibus, nec tamen valde ingemiscen-  
 tis ob mortem avari  
 senis. Effertur ad ro-  
 gum mortuus; ab  
 amicis iratis, et  
 dolentibus nihil  
 sibi testamento  
 relictum esse; im-  
 mo plaudentibus,  
 et gaudentibus  
 quoddam avarus  
 helluo male perie-  
 rit. Nihil habebunt  
 posterî quo mores  
 nostros ac scelera  
 vincant, iisdem  
 planè cupiditatis  
 vitiis laborabunt.  
 Ad summum omnis  
 nequitiae venimus.  
 Nullus itaque  
 modus satiræ sit,  
 in altum paten-  
 tia vela demus.  
 Roget quis, an  
 tibi satis est inge-  
 nii pro tam amplo  
 ac difficile argu-  
 mento? estne illa,  
 quæ priscis vati-  
 bus aderat, facul-  
 tas apertè, sim-  
 pliciter scribendi  
 quodcumque mens  
 et ira suasisset,  
 quam libertatem  
 appellarem, si li-  
 ceret ejus nomen  
 edere? Ego verò  
 parum laboro utrum  
 Mutius, aut alius  
 ejusmodi, quem  
 meis carminibus  
 descripsero, mihi  
 vera dicenti par-  
 cat, necne. Sit ita  
 sanè. At si Tigel-  
 linum describas,  
 ad palum alligatus  
 combustusque tæ-  
 dam de te dabis,  
 ut illi qui Nerone  
 imperante vivi  
 cremati sunt, ad-  
 acto per medium  
 corpus stipite, et  
 per guttur emeg-  
 ente: nec magis*

terdum narrationem quæ mi-  
 rum aliquid aut fictum ha-  
 beat: aliàs *tragædiam* aut  
*comædiam*.

134. *In præcipiti.* Abrupta  
 loca ferè sunt altissima: ita-  
 que sensus est: nequitiam  
 altiùs provehi non posse,  
 quàm Juvenalis ævo sit pro-  
 vecta.

135. *Sinus.* Cum vento dis-  
 tenduntur vela, sinum quem-  
 dam efficiunt.

138. *Cujus, etc.* Romanam  
 libertatem Imperator Domi-  
 tianus, et alii non absimiles  
 planè oppresserant, adeo ut  
 ne illa quidem impune appel-  
 lari posse videretur.

139. *Mutius.* Lucilius Poëta  
 insectatus erat Mutium quem-  
 dam, hominem improbum,  
 at parum timendum, inopem  
 nempe et ignobilem.

140. *Tigellinum.* Hominem  
 impurum, Neroni gratiosum.

Et latum mediâ sulcum deducis arenâ.

Qui dedit ergo tribus patruis aconita, vehatur

Pensilibus plumis, atque illinc despiciat nos?

145 Cùm veniet contrâ, digito compesce labellum:

Accusator erit, qui verbum dixerit, hic est.

Securus licet AEneam, Rutulumque ferocem

Committas: nulli gravis est percussus Achilles;

Aut multum quæsitus Hylas, urnamque secutus.

150 Ense velut stricto, quoties Lucilius ardens

Infremuit, rubet auditor cui frigida mens est

Criminibus, tacitâ sudant præcordia culpâ:

Inde iræ, et lacrymæ. Tecum prius ergo voluta

Hæc animo ante tubas: galeatum serò duelli

*tua illâ satirâ proficies quàm si sulcum duceres arando littus. Ergo patiar eum, qui tres patruos suos veneno sustulit, gestari impunè in lectica instrata pulvillis plumâ fartis, ex qua nos humi per vicum ingredientibus despectabit? Patere omnino: quin etiam, cùm illum habueris obvium, impone digitum ori, nec hiscere quidem aude. Si quis enim vel hanc duntaxat vocem miserit, hic ille Tigellinus est, statim aliquis præsto erit, qui verbum istud excipiat, eumque accuset a quo fuerit prolatum. Potes enimverò Rutulorum regem Turnum, et AEneam inter se pugnantem tutò describere: nemo ægrè fert nec stomachatur, cùm Achillem a Paride vulneratum audit, aut ab Hercule diu vestigatum Hylam, qui cum urna haustus aquis perierat. Verùm quoties poëta satiricus, putâ Lucilius incensus irâ, stylum in flagitiosos tamquam ensem distringit, tunc auditor suorum sibi conscius criminum, rubore afficitur, ac tacito conscientie vulnere percussus cruciatur, flet, ultionemque meditatur. Hæc tecum expende prius, quàm satiricum hoc bellum moveas: postquam miles galeam et arma*

142. *Et sulcum deducis, etc.* Arare littus, proverbio dicitur, pro operam perdere.

*Arena.* Sic vocabatur ipsum amphithéatri solum, quia erat arenâ constratum. Satir. II, versu 102.

143. *Aconita.* Aconitum est herba-succi pestiferi.

148. *Achilles.* Vide appendicem, c. xxiv.

149. *Hylas.* Vide appendicem, c. xviii.

150. *Lucilius.* Poëta satiricus. Suprà p. 4, versu 20, nota *Auruncæ.*

154. *Duelli.* Ea vox bellum significabat apud veteres.



Poenitet. Experiar quid concedatur in illos,  
Quorum Flaminia tegitur cinis, atque Latina.

*induit, serum est pugnam detrectare: Præclatè mones:  
vivis parcam, ac videbo quid possit in eos dici, quorum  
sepulcra exstant in via Latina et Flaminia.*

156. *Flaminia.* Hæc via Latina. Ducebatur a porta  
pertinebat ab urbe usque Latina versus Latium; eadem  
Ariminum: strata fuerat a prope Casinum, in Appiam  
C. Flaminio Consule, qui viam incidebat. Erant autem  
ad lacum Thrasymenum ab vulgò sepulcra nobilia secun-  
Annibale cæsus fuit. dum vias publicas posita.

## SATIRA II.

### ARGUMENTUM ET SYNOPSIS.

*V*irtutis ac probitatis simulatores insectatur,  
ac primò quidem eorum inscitiam exagitat, cum  
doctrinæ tamen famam ambiant: deindè furta,  
homicidia, luxum in unguentis quibus delibuti; in  
vestibus parum decoris et virilibus, quibus induti,  
in corporis cultu, in ludis, etc. Inducit Laroniam  
quamdam ejusmodi viros objurgantem; Othonem  
imperatorem obiter perstringit. Causam tot scele-  
rum hanc affert, quod paucis persuasum sit inferos  
esse, ac pœnas impiis, morte obitæ, luendas.

*U*ltra Sauromatas fugere hinc libet, et  
glacialem  
Oceanum; quoties aliquid de moribus audent

*E*t impetus ultra Sarmatas et septentrionalem Ocea-  
num hinc aufugere, quotiescumque illos audio, qui

1. *Sauromatas.* Sauromatæ, plagam septentrionalem inco-  
qui Sarmatæ vulgò nuncu- lebant, ubi nunc sunt Tartari,  
pantur, Europæ atque Asiæ Moscovitæ, etc.

- Qui Curios simulant, et Bacchanalia vivunt.  
 Indocti primùm : quamquam plena omnia gypso  
 5 Chrysippi invenias. Nam perfectissimus horum est,  
 Si quis Aristotelem similem, vel Pittacon emit;  
 Et jubet archetypos pluteum servare Cleanthias.  
 Rarus sermo illis, et magna libido tacendi,  
 Atque supercilio brevior coma. Verius ergo,  
 10 Et magis ingenuè Peribonius. Hunc ego fatis  
 Imputo, qui vultu morbum, incessuque fatetur.

*sermonem Curiorum et vultum sibi sumunt, licet eisdem, quod vivitur in Bacchanalibus licentiâ, vitam ipsimet turpem et flagitiosam vivant, verba tamen de moribus emendandis magnifica facere. Primùm quidem sunt admodum imperiti; Doctrinæ tamen famam captant coacervandis domi suæ philosophorum, atque in primis Chrysippi statuis factis e gypso; usque inter illos censetur esse doctissimus, qui Aristotelis imaginem ipsi Aristoteli simillimam, aut Pittaco, emerit, Cleanthisque effigies archetypas in museo suo tanquam ejus custodes ostentet. Utuntur autem sermone parco et infrequenti, silentiumque pertinax adamant; comæ brevitatis quàm supercilii, major est. AEquius multò et candidiùs facit Peribonius, qui morbos ex intemperantia contractos ipse confitetur ultro, et facie macilenta, incessu*

3. *Curios.* Manlius Curius, Dentatus cognomento dictus, de Samnitibus, Sabinis, ac Pyrrho triumphavit. Legatis Samnitium auri grande pondus offerentibus quum ipse ad focum sedens rapa in cœnam torreret, respondit, malle se aurum habentibus imperare quàm aurum habere. Multa edidit alia præclara frugalitatis ac modestiæ exempla.

*Bacchanalia.* Sic dicebantur Bacchi festa : in iis quasi publica libidinis crapulæ, aliorumque flagitiorum venia et facultas apud Romanos erat.

5. *Chrysippi.* Chrysippus

fuit insignis Philosophus, miræ in disputando subtilitatis.

6. *Aristotelem.* Eo præceptore usus est Alexander Magnus.

*Pittacon.* Græca est terminatio. Latini dicunt *Pittacum*. Is inter septem Græciæ sapientes numeratur : patriam habuit Mitylenen, Lesbii insulæ urbem primariam.

7. *Archetypos.* Ἀρχή Græcis initium sonat : τύπος, verò, formam, exemplar. Itaque statua archetypa est ea quæ prima fuit ab artifice confecta, et cujus ad exemplum fieri possunt aliæ.

*Cleanthas.* Cleanthes, Phi-



Loripedem rectus derideat, Æthiopem albus.  
 Quis tulerit Gracchos de seditione querentes?  
 Quis cœlum terris non misceat, et mare coelo,  
 Si fur displiceat Verri, homicida Miloni?  
 Clodius accuset moechos, Catilina Cethegum?

15

*contorto, satis indicat. Ego quidem illum excuso et miseror, qui nescio quo tristi ac luctuoso fato vitiiis turpissimis nanciatus est: istos qui vitia in aliis insectantur, quibus ipsi laborant, non fero. Qui recto est corpore, et firmis pedibus, rideat sanè alium obtortis pedibus claudicantem: qui vultu est candido, eum qui instar Æthiopis fuscus sit. Quis verò non indignè ac molestè ferat, si audiat seditiosos Gracchos, seditiones insectari? quis omnia perturbata esse non clamitet, cœlumque terris mixtum, si latroni succenseat Verres, Milo homicidæ? si Clodius in adulteros*

Philosophus Stoïcus, Zenonis demortui regendam scholam accepit, quam postea reliquit Chrysippo. Cum primum philosophiæ daret operam ac inopiâ premeretur, solitus erat noctu aquam e puteis Atheniensium civium ad eorum hortos irrigandos haurire: interdum verò studiis operam navabat.

12. *Loripedem.* Loripes, idem ferè est atque claudus. Qui pedes, instar lori, et corrigiæ, molles, flexibiles, et tortos habet.

*Æthiopem.* Æthiopia est regio Africæ. Nomen habet a voce Græca *αἴθερ*, uro quia torrentur æstu et solibus ejus incolæ: hinc fuscus illorum color.

13. *Gracchos.* In hoc loco mentio est de duobus Gracchis Tiberio et Caio, fratribus, et majoris Africani ex filia nepotibus, Tribunis ple-

bis, qui cum, ut captarent populi gratiam, leges agrarias, perpetuos seditionum fomites, revocarent, reclamantibus patribus, interfecti sunt anno U. C. 621 et 623.

15. *Verri.* C. Verres cum Siciliam in quæstura crudelissimè spoliasset, a Siculis accusatus est repetundarum, agente Cicerone, cujus extant orationes, quæ Verrinæ appellantur.

*Miloni.* Cum occidisset P. Clodium, a Cicerone defensus fuit egregiâ oratione, quæ in manibus omnium est.

16. *Clodius.* Homo profligatissimæ libidinis.

*Catilina.* Lucius Catilina Civis Rom. conjuravit in rem. anno U. C. 691, gerente Consulatum Cicerone, qui ejus conjurationem consilio et armis extinxit.

*Cethegum.* Socius conjurationis Catilinarie fuit.



In tabulam Syllæ si dicant discipuli tres ?  
 Nonne igitur jure, ac merito vitia ultima fidos  
 Contemnunt Scauros, et castigata remordent?  
 Non tulit ex illis torvum Laronia quemdam  
 Clamantem toties; ubi nunc lex Julia? dormis?  
 Ad quem subridens: Felicia tempora, quæ te  
 Moribus opponunt! habeat jam Roma pudorem:

*invehatur, Catilina in Cethegum? si Triumviri Syllam, quoddam cives proscripserit, accusent, qui eum, ut magistrum discipuli, sunt in eo ipso imitati? Nonne igitur merito facinorosissimi homines derident illos simulatores probitatis, qui Scauros imitari se fingunt; cumque ab hypocritis ejusmodi reprehenduntur, nonne ipsi vicissim eos merito vituperant ac redarguunt? Laronia unum aliquem ex illis, qui vultu severo ac tetrico sanctimoniam præ se ferebat; non potuit palam non carpere; cum enim ille sæpius in eas voces erumperet, o lex Julia, ubi tandem es? an dormis? tunc Laronia subridens: O felicem, inquit, nostram ætatem, quæ in te habeat specimen et exemplar probitatis, quo mores hujus ævi perditissimos refutare possit? Pudi-*

17. *Syllæ.* L. Cornel. Sylla bellum civile movit circa annum urbis conditæ 670, victisque adversariis; quorum princeps erat Marius, rerum potitus est; ac primus omnium proscriptionem instituit, hoc est, nomina inimicorum publicè in tabula scripsit, appositâ mercede, si quis eos interficeret. Anno verò U. C. 711 Octavius Augustus cum sibi Consulatum negari videret a Senatu, foedus iniit cum AEmilio Lepido et M. Antonio, qui *Triumviratus* est appellatus; statimque Triumviri Syllam imitari, suos quisque adversarios propositâ tabulâ, proscribere: hinc illos Syllæ discipulos appellat Juvenalis.

19. *Scauros.* Scaurorum

familiam potissimum illustravit M. AEmilius Scaurus, qui anno Urbis 638, Consulatum gessit; et aliquantò post Proconsul de Liguribus triumphavit, ac demum Censor, viam AEmiliam stravit, diuque Senatus princeps summam inter cives suos auctoritatem obtinuit, homo impiger, factiosus, avidus potentiae, inquit Sallustius in bello Jugurthino, ceterum vitia sua callidè occultans. Ejus filius M. Scaurus AEdilitate, ludorum apparatur, et theatri magnificentia notissimus fuit.

21. *Lex Julia.* Lex in adulteros lata ab Augusto, qui, quod a Jul. Cæsare fuisset adoptatus, Julius etiam est appellatus.

*Tertius e cœlo cecidit Cato.* Sed tamen unde  
 Hæc emis, hirsuto spirant opobalsama collo. 25  
 Quæ tibi? ne pudeat dominum monstrare tabernæ.  
 Quod si vexantur leges ac jura, citari  
 Ante omnes debet Scantinia. Respice primùm  
 Et scrutare viros: faciunt hi plura; sed illos  
 Defendit numerus, junctæque umbone phalanges. 30  
 Numquid nos agimus causas, civilia jura  
 Novimus? aut ullo strepitu fora vestra movemus?

*citiam Roma colat, en tertius Cato e cœlo ad nos emen-*  
*dandos delapsus est. Age tamen, oro te, qua in officina*  
*venduntur odores pretiosi, et succi balsamei, quibus collum*  
*tuum, licet barbatum et villosum, est delibutum? Ne te,*  
*bro, pudeat edere mihi nomen illius unguentarii. Quodd si*  
*appellantur a te leges, et molestè, quasi dormientes, exci-*  
*tantur, Scantiniam profectò præ ceteris appellari par est.*  
*Viros contemplare, gravius peccant fœminis, sed numero*  
*se tuentur contra legum severitatem, ut milites multi junctis*  
*clypeis confertis hostem arcent. An aguntur a nobis causæ,*  
*an callemus jura civilia, aut clamoribus nostris fora vestra*  
*personant? paucae fœminæ pugilatu et luctatione exercen-*  
*tur, paucae vescuntur illis panibus, quibus utuntur Athletæ*

24. *Cato.* Porciæ gentis princeps fuit M. Porcius, cognomento Priscus, qui propter singularem sapientiam appellatus fuit *Cato*: quod nomen posteris suis proprium relinquit. Catus enim solertem, acutum, prudentem, significat. Idem propter Censuram summâ severitatis ac probitatibus laude gestam, vulgò vocatus est *Censorius*. Floruit circa annum Urbis 558, inter ejus posteros maximam æquitatis ac sapientiæ laudem adeptus est M. Cato, *Uticensis* dictus, qui, post Præturam integerrimè administratam, Pompeium contra Cæsarem sequutus, victis parti-

bus, Uticæ in Africa, sibi mortem conscivit. Duo illi Catones fuere celeberrimi, ex quo factum, ut si quis, severitate morum ac probitate foret illustrior, tertius Cato appellaretur.

28. *Scantinia.* Lex fuit a Tribuno plebis Scantinio, lata in viros impudicos.

30. *Umbone.* Est umbo pars eminens in medio clypeo: pro toto clypeo ponitur. Conferti milites junctis scutis, collatis, facile hostem irrumptentem arcent.

*Phalanges.* Phalanx propria vox est Macedonica, significans cuneum militarem, seu peditum stabile agmen,

- Luctantur paucae, comedunt colliphia paucae.  
 Vos trahitis lanam, calathisque peracta refertis  
 35 Vellera : vos tenui praegnantem stamine fusum  
 Penelope melius, melius torquetis Arachne.  
 De nobis post haec tristis sententia fertur.  
*Dat veniam corvis, vexat censura columbas.*  
 Fugerunt trepidi vera ac manifesta canentem  
 40 Stoicidae, quid enim falsi Laronia? sed quid  
 Non facient alii, cum tu multitia sumas,  
 Cretice? et hanc vestem populo mirante perores

*ad corroborandas vires : vos e colo ducitis lanam, o viri, et in vimineis cistis perfecta pensa reportatis ; vos fusum, cuius media pars involuto circum filo intumescit, doctius et citius, quam Penelope aut Arachne, contorquetis. Et fertur tamen contra nos, tanquam reas, feralis sententia, dum viri abeunt absoluti ! Nempe a censoribus notantur et plectuntur columbae, corvis ignoscitur. Laroniam haec dicentem, quae vera esse ac manifesta intelligebant illi praecleari Stoici, pudore suffusi ac metu, fugerunt. Quid enim illa falsum dictitabat ? Age verò cum tu patronus nobilis, et oriundus ex illo Metello, qui Creticus est nuncupatus, bombycinam vestem molliissimam ac tenuissimam induas, eaque indutus populo praeclearam vestem admirante,*

in quo vir viro, arma armis conserta sunt.

33. *Colliphia.* Colliphium, secundarius panis, corroborandis pugilibus idoneus.

36. *Penelope.* Ulyssis uxor, texenda tela, mariti diuturnam absentiam, ac desiderium solabatur.

*Arachne.* Puella fuit Lyda, quae cum Palladem lanificio provocasset, ut fabulis proditum est, victa et in araneam est conversa. Ovid. VI Metamorph.

38. *Censura.* Censor apud Romanos moribus civium emendandis praecipue praefectus erat.

40. *Stoicidae.* Stoicorum velut nepotes et imitatores. Erant Stoici philosophi graves ac severi : summum bonum in virtute uno collocabant.

41. *Multitia.* Multitium, seu vestis multitia, est vestis molliissima.

42. *Cretice.* Quintus Metellus in bello Piratico tam feliciter contra Cretenses bellum gessit, ut iis domitis et triumphum et Cretici cognomen reportarit. Consulatum gessit anno Urbis 684. Iudicem nobilem hoc nomine significat vates noster : erat enim nobilissima et antiquissima Metellorum familia.

In



In Proculas, et Pollineas? Est mœcha Fabulla:  
 Damnetur, si vis, etiam Carphinia, talem  
 Non sumet damnata togam. Sed Julius ardet,  
 AEstuo. Nudus agas; minus est insania turpis,  
 En habitum, quo te leges, ac jura ferentem  
 Vulneribus crudis populus modò victor, et illud  
 Montanum positis audiret vulgus aratris.  
 Quid? non proclames, in corpore judicis ista:  
 Si videas? quæro an deceant multitia testem.  
 Acer, et indomitus, libertatisque magister,  
 Cretice, pelluces. Dedit hanc contagio labem,  
 Et dabit in plures: sicut grex totus in agris

45

5/1

*inveharis in adulteras Proculæ ac Pollineæ similes, quid non audebunt ignobiliores alii Causidici? quas exemplo tuo vestes sumere verebuntur? Fabulla est adultera, sit ista sanè, condemnetur, non recusò: feratur eadem, si lubet, in Carphiniam sententia; neutra tamen togam adedò mollem ac delicatam induet, adulterii convicta. At enim scæviti æstus, hoc mense Julio calorem tolerare non possum; auctor ego tibi sum, ut nudo potiùs corpore declames, quàm istà tam molli utaris veste; nec eorum reprehensionem verearis qui te insanum dixerint, si nudum videbunt; minùs turpe est insanum existinari quàm impudicum. Egregiam enimverò vestem, et idoneam in qua te priscus ille Romanus populus in sylvis et montibus educatus, aut a bello recens post victoriam de hostibus reportatam, ostentansque vulnera cruore adhuc manantia; aut redux ab agris, post aratra deposita; spectaret audiretque leges proponentem, et jura civitati dantem! Ego te ipsum consulo: num illas tenues ac pellucidas vestes convenire testi arbitraris? quoniam igitur pacto judicem decebunt? nonne indignissimas illo esse, ac jure quidem clamabis? Tunc o Cretice, qui austeram virtutem, et omnibus libidinum telis insuperabilem, profiteris, pellucidam vestem gestas? nimirum alienis hominum flagitiosorum exemplis ad hanc mollem effœminatamque vitam es perductus: nec ibi sistet morum ista contagio, serpet ad plures, qui tuis vicissim exemplis inquinari se sinent, sicut integrum armentum,*

45. Togam. Romanæ fœminæ utebantur vulgò stolà: pellices et adulterii convictæ jubebantur togam, quæ propria virorum vestis erat, induere.

B

- 55 Unius scabie cadit , et porrigine porci ;  
 Uvaeque conspectâ livorem ducit ab uva.  
 Foedius hoc aliquid quandoque audebis amictu.  
*Nemo repente fuit turpissimus.* Accipient te  
 Paulatim , qui longa domi redimicula sumunt  
 60 Frontibus , et toto posuere monilia collo ,  
 Atque Bonam teneræ placant abdomine porcæ ,  
 Et magno cratere Deam , sed more sinistro  
 Exagitata procul non intrat foemina limen.  
 Solis ara Deæ maribus patet : ite profanæ ,  
 65 Clamatur ; nullo gemit hîc tibicina cornu :

*ob unius porci scabiosi et porrigine laborantis morbum , interit ; et uva tabescit corrumpiturque , si prope uvam aliam tabidam et livido colore suffusam posita fuerit. Ab hac vestitis mollitie gradum olim facies ad flagitia graviora. Nemo enim statim ad summum improbitatis culmen evadit. Brevi suum in gregem te pertrahent illi Albani sacerdotes , qui capita induunt prolaxis redimiculis , atque colla tota monilibus circumdant , et Bonæ Deæ prægnantem immolant suam , eique vas ingens vino refertum offerunt. Sed , more penitus contrario illi mori qui Romæ in Bonæ Deæ sacris usurpatur , expellunt omnes templo mulieres , et viris solis ad aram aditum patere volunt. Procul este , o profanæ , exclamant , nullæ hîc tibicinæ ad canendum adhibentur.*

55. *Porrigne.* Porriigo , morbus est , quo inter pilos enascuntur squamulæ acurfures : scabies quædam siccior.

61. *Bonam Deam.* Sacra Bona Deæ fiebant Romæ quotannis , in domo Pontificis Maximi , pro salute populi Rom. ; a mulieribus tantum celebrabantur , exclusis viris. Insectatur autem Juvénalis hoc in loco sacerdotes Minervæ , quorum collegium Domitianus iustituerat in Albano , regiâ prope Albam villâ. Illi cum Bonæ Deæ ( quæ eadem est ac Terra , Ops , seu Proserpina , ) sacra faciebant ,

foemineas induebant vestes , soles mares admittebant , etc. homines impuri et effoeminati.

*Abdomine.* Pro ventre toto ponitur. Abdomen est cutis ventrem obtegens.

63. *Exagitata procul.* Expulsa.

64. *Profanæ.* Profani dicuntur qui sacris initiati non sunt , qui fanum intrare non possunt.

65. *Tibicina.* Foemina tibiam inflans.

*Gemit.* Quia tibicines contentis buccis et operosè tibias inflant.



Talia secretâ coluerunt orgia tædâ  
 Cecropiam soliti Baptæ lassare Cotytto.  
 Ille supercilium madidâ fuligine tinctum  
 Obliquâ producit acu, pingitque trementes  
 Attollens oculos: vitreo bibit ille Priapo,  
 Reticulumque comis auratum ingentibus implet  
 Cæruleâ indutus scutulatâ, aut galbana rasa;  
 Et per Junonem domini jurante ministro.

70

*Non dissimili modo Baptæ sacrificia olim nocturna celebrarunt accensis facibus, in honorem Cotyttis, Deæ Atheniensium, et saltando jactandoque se fatigarunt. Videas unum aliquem ex iis præclaris sacerdotibus, qui supercilium madendi fuligine imbutum, calamistro componat oblique ducto, ac pilos singulos carpens, extendat; idem palpebras pigmento aliquo inficit, oculos nictantes ac tremulos identidem attollens: alius vitreo utitur scypho, Priapi figuram referente, prolixos ejus crines, reticulum filis aureis discretum includit; splendent vestes coloris cærulei aut galbanei, e panno raso, vel in morem brevium scutorum variato: interim servus, qui poculum ei porrigit, jurat per Junonem, quam nempe ab hero suo, mulierum more,*

66. *Orgia.* Propriè Bacchi sacrificia, pro quibuscumque cæremoniis accipi solent.

67. *Cotytto.* Est accusativus numeri singularis; Cotytto, Cotyttus, ut Dido, Didus. Hæc Dea libidinis præses ab Atheniensibus colebatur: ejus sacerdotes vocabantur *Baptæ*, a voce Græca βαπτω, lavo, tergo, quia lavabantur aquâ calidâ cum initiabantur.

*Cecropiam.* Cotytto Cecropia dicitur, id est, Attica. Cecrops fuit primus rex Atticæ.

77. *Priapo.* Priapus Deus, hortorum custos erat apud

Romanos, non postremus inter obscœnitatis præsides Deos.

71. *Reticulum.* Pannus est sericus in similitudinem retis confectus: tegmen etiam capitis muliebris.

72. *Galbana.* Galbanus, seu galbaneus, color est pallidus, et subflavus; qualis apparet in galbano, quod est visci aut resinæ genus in Syria frequens. Eo vestium colore fœminæ plurimum utebantur.

73. *Junonem.* Viri per Deos jurabant: fœminæ per Deas. Ille impurus dominus per Junonem jurabat.

- 75 Ille tenet speculum mollis gestamen Othonis,  
 Actoris Aurunci spoliū, quo se ille videbat  
 Armatum, cū jam tolli vexilla juberet.  
 Res memoranda novis annalibus, atque recenti  
 Historiā, speculum civilis sarcina belli.  
 80 Nimirū summi ducis est occidere Galbam,  
 Et curare cutem summi constantia civis,  
 Bebriaci in campo spoliū affectare palatī,

*-coli videt. Alter præsert manu speculum, quod Otho mollis et effæminatus imperator, non secus atque olim Turnus hastam Actori Aurunco ereptam, gestabat, et in quo se armatum contemplabatur, quum exercitum in hostes educi juberet. Enimvero speculum inter præcipuas sarcinas Imperatoris, civile bellum gerentis, numeratum res est digna quæ in Romanis nostrorum temporum annalibus, et peculiari quadam historia legatur. Sanè fuit illud præclari ducis facinus, Galbam interficere. Fuit hæc civis eximii fortitudo, curare cuticulam et genio constanter indulgere: hostem in agris Bebriacis lacessere, ad obtinendas imperatorii palatii gazas, ac ludicra ornamenta, velut optima spolia et*

74. *Othonis.* Romanus fuit imperator octavus. Galbæ successit, victus est a Vitellio. Inter impedimenta et sarcinasspeculum ingens circumferebat, in quo se armatum contemplari gestiebat. Hoc speculum vocat Juvenalis ironice *Actoris Aurunci spoliū*, quod hemistichium est Virgilianum, Lib. XII, vers. 95, ubi Turnus ad singulare contra Æneam certamen se accingens, *validam vi corripit hastam Actoris Aurunci spoliū*, quassatque trementem, vociferans, etc. Erant autem Aurunci populi veteris Italiæ. Quemadmodum igitur Turnus hastā illā gloriabatur, quā spoliaverat Actorem, ita Otho suū speculum gestabat.

76. *Tolli vexilla.* Defigebantur humi signa, cū stabat agmen; cū in hostes ducebatur, revellebantur.

79. *Galbam.* Virum optimum et senio confectum Otho, vel ipsius milites in foro, interemerunt.

81. *Spoliū Palatī.* Pro *Palatii.* Erat autem Palatium unus e septem Romæ montibus, ita dictus a Dea pastorum Pale, vel quod ibi pascere, id est, errare pecudes pascentes solerent. In eo monte primū Romulus domum sibi edificavit, itemque Ancus Martius, et Servius Tullius, Reges Rom. unde factum ut regiæ domus, palatia vocarentur. Per *spoliū* autem *Palatii* Juvenalis intelligit omnem supellectilem re-

Et pressum in faciem digitis extendere panem,  
 Quod nec in Assyrio pharetrata Semiramis orbe,  
 Mœsta nec Actiaca fecit Cleopatra carina.  
 Hic nullus verbis pudor, aut reverentia mensæ.  
 Hic turpis Cybeles, et fractâ voce loquendi  
 Libertas, et crine senex fanaticus albo  
 Sacrorum Antistes, rarum ac memorabile magni  
 Gutturis exemplum, conducendusque magister.

85

*victoriæ præmia: panis offulas madidas, et digitis compressas ac subactas, vultui levigando dealbandoque adhibere: quod neque a Semiramide factum apud Assyrios fuit, neque a Cleopatra ob amissam Actiaca pugna victoriam navalem merente et iram Cæsaris metuente. Ceterum in hoc impuro sacrificulorum grege et contubernio, nulla est vel in loquendo, vel in potando verecundia: licentia maxima voces obscænas jactandi et faciendi quidquid in sacris Cybeles fieri consuevit. Quippe illis impudicitia quasi sacris præsidet senex aliquis lymphatus, non tam spectandus ob crines canos, quàm ob gutturis amplitudinem et immensitatem gulæ, ac dignus qui pretio conducatur, ut homines ad ebrietatem*

*giam et gazas, quas, ut victoriæ præmia, Otho istarum deliciarum cupidus, consectabatur, et peroptabat.*

82. *Et pressum...* Macerabant isti delicati panem lacte asinino, et eo quasi pultem conficiebant, quâ vultum leniter inducebant, ut candêret cutis ac teneresceret.

83. *Semiramis.* Assyriorum regina, Nini regis uxor, quæ post viri obitum, regnum strenuè ac viriliter administravit, bellum Aethiopibus atque Indis intulit, etc. Pharetrata dicitur, id est, bellatrix, sagittis uti solita.

*Assyrio.* Est Assyria pars Asiæ, circa Euphratem.

84. *Cleopatra.* Aegypti re-

gina. Primum a Caio Julio Cæsare adamata, deinde post ejus obitum Antonio justæ uxoris loco est habita. Victa cum Antonio in Actiaca pugna, fugit in AEgyptum, ubi Antonius, persequentis Cæsaris metu gladio se confecit: Cleopatra serpentibus corpori admotis, ne viva et captiva duceretur in triumpho, necem sibi conscivit.

86. *Cybeles.* Vide appendicem, c. II.

87. *Fanaticus.* Insaniens, numine afflatus, sacro furore correptus. Dictum id nomen est a fanis, id est, delubris; in iis enim ejusmodi sacerdotes furiosi solebant futura prædicere.

- 90 O proceres! Censore opus est, an haruspice nobis?  
 Scilicet horreres, majoraque monstra putares,  
 Si mulier vitulum, vel si bos ederet agnum?  
 Segmenta, et longos habitus, et flammæ sumit,  
 Arcano qui sacra ferens nutantia loro  
 95 Sudavit clypeis ancilibus. O pater urbis,  
 Unde nefas tantum Latiis pastoribus? Unde

*instituat. O Romani proceres! egemusne censore qui hæc flagitia emendet, an potius haruspice, qui hæc procuret monstra? an cohorresceremus vehementius, aut majus monstrum esse duceremus, si fœmina vitulum, vel agnum vacca pareret, quàm cum hæc portentâ scelerum audimus? En Martis sacerdos, qui non semel sacros clypeos, ancilia nuncupatos, occulto loco inter se religatos, per urbem, non sine labore circumtulit, idem mulierum more vestem tænis versicoloribus ornata, et ad pedes usque demissam, nec non velum quo novæ nuptæ caput obtegunt, induit. O Mars, urbis Romæ conditor, quis hæc tandem scelera in populum tuum inexit? quæ lates priscos Latinorum pastorum, o quibus Roma primum coaluit, et sanctos mores*

90. *Censore.* Quinto quoque anno creabantur Censores, qui regendis urbis moribus præessent. Senatores flagitiosos movebant. Senatu equitibus equum adimebant: plebeios in tabulas Cæritum referebant.

*Haruspice.* Haruspex is dicebatur qui victimarum exta inspiciens, quid portenderent renuntiabat, ac si quid obtigisset monstri portentique, certis expiabat sacrificiis.

93. *Segmenta.* Ornamenta quædam vestium erant, e variis particulis panni subtilioris, tæniis textilibus, etc. constantia, fœminis aptiora, quàm viris.

*Flammæ.* Flammæum, veli genus erat, lutei, seu crocei coloris, quò caput novæ nuptæ velabatur.

95. *Clypeis ancilibus.* Regnante Romæ Numæ Pompilio, e cælo decidisse fertur breve scutum ex ære, dictum Ancile, quia rotundum erat, accisis undique angulis. Responderunt haruspices civitatem, in qua, clypeus iste servaretur, potentissimam fore. Numæ, ne subripi Ancile posset, jussit undecim alia scuta fieri ad ejus similitudinem: iisque servandis Salios sacerdotes Martis præfecit, a quibus illi clypei, loro inter se arctissime devincti, ne alii aliis solverentur, interdum ferebantur per urbem, religionis causâ.

*Pater urbis.* Mars Romuli Romæ conditoris pater. Armatus galeâ et hastâ ferro præfixâ vulgò pingitur.



Hæc tetigit, Gradive, tuos urtica nepotes?  
 Nec galeam quassas, nec terram cuspide pulsas,  
 Nec quereris patri. Liceat modò vivere; fient,  
 Fient ista palam, cupient et in acta referri.  
 Vicit et hoc monstrum tunicati fuscina Gracchi,  
 Lustravitque fugâ mediam gladiator arenam,  
 Et Capitolinis generosior, et Marcellis,

100

*eò usque sensim immutavit, ut tam fæda voluptatis pruriginē eorum posteri ac tui laborarent? Cessas interim tu, neque armatum galeâ caput hæc intuens, moves, nec hastam terræ incutis, neque apud Jovem quereris? Scio quidem hæc scelera clam admitti, sed si vita longior nobis suppetat, erit, erit illa dies, cum hæc palam fieri videbimus, immo etiam fastis annalibusque mandari. Hæc tamen flagitia, licet monstrorum simillima, superavit illud deformē spectaculum in quo Gracchus tunicâ indutus, et armatus tridente, gladiatoris in morem, mediam arenam, fugiens secutorem, pererravit: ille nobilior et Capitolinis et Mar-*

100. *Acta.* Sunt hic libri in quibus perscribuntur negotia publica, quæcumque ad remp. pertinent.

101. *Fuscina.* Gladiatorium, hoc est, hominum gladiis inter se animi et spectaculi publici causâ, singulari pugna dimicantium. Alter vocabatur *Retiarius*, habebatque pro armis rete, quo involvere conabatur caput adversarii, et fuscinam seu tridentem, quo illum ad se pertractum interimeret: alter dicebatur *Mirmillo*; habebat pro armis galeam, in cujus apice piscis effigies visebatur; item ensē recurvum; vocabatur etiam *Thrax*, *Gallus* et *sequutor*.

*Tunicati.* Tunica induti. Tunica est vestis arctior, sine manicis; quâ utebantur gla-

diatores, ut essent expeditiones ad pugnam.

102. *Fuga.* Cum Retiarius emiserat rete frustra, fugere conabatur instantem Mirmillonem, ac rete colligere.

*Arenam.* Patens in amphitheatro solum et ædificiis circumdatum, arena vocabatur; quia conspersum erat arenâ, quæ sanguinem cæsorū combiberet, ac pugnantium gradum firmaret, ne in madida cruore humo laberentur.

103. *Capitolinis, etc.* Ducebant originem illi a M. Manlio qui Capitolium a Gallicis obsessum servavit.

*Marcellis.* Unus Marcellorem rem contra Hannibalem felicissimè gessit, secundo bello Punico.

- Et Catuli, Paulique minoribus, et Fabiis, et  
 105 Omnibus ad podium spectantibus: his licet ipsum  
 Admoveas, cujus tunc munere retia misit.  
 Esse aliquos Manes, et subterranea regna,  
 Et contum, et Stygio ranas in gurgite nigras,  
 Atque unâ transire vadum tot millia cymbâ,  
 110 Nec pueri credunt, nisi qui nondum ære lavantur.  
 Sed tu vera puta. Curius quid sentit, et ambo  
 Scipiadæ? Quid Fabricius, manesque Camilli?

*cellis et Catuli, et AEmilii Pauli posteris, et omnibus demum qui primis in sedilibus spectabant: adde et illo, qui tunc edebat munus gladiatorium, cum Gracchus idem retiarii personam et partes gessit. Esse Manes et regna inferorum ubi supplicia sint sceleratis constituta; esse ibi Stygem, in qua ranæ nigræ conspiciantur: per eam paludem à Charonte subigi conto cymbam, in qua tot hominum millia, quot quotidie mortem obeunt, transvehantur: hæc, inquam, ita esse, ne ipsis quidem pueris persuasum est, nisi fortè iis, qui adhuc sunt impuberes, nec lavantur in publicis balneis. Tu verò ea prorsus vera esse, tibi persuade. Attende quid sentiat Curius, quid duo Scipiones, quid Fabricius, Camillus, Fabii ad Cremeram cæsi, Romana*

104. *Et Catuli.* Q. Catulus finem imposuit primo bello Punico.

*Pauli, etc.* Paulus AEmilius Perseum regem Macedoniæ devicit. Fabiorum etiam nomen clarissimum fuit.

105. *Podium.* Locus erat ornatiore, et ab aliis sejunctus, ubi nobiles considebant, spectabantque.

107. *Manes.* Ita vocabantur umbræ seu animæ mortuorum.

108. *Stygio.* Styx, palus inferorum, per quam Charon subvectat umbras.

110. *Ærè.* Pueruli non utebantur balneo, sed tantum ætate projectiores. Dabatur

balneatori exigua moneta ex ære, quadrans dicta, quia pars erat quarta Romani assis.

111. *Curius.* Actum de illo, supra, vers. 3, verbo *Curios*.

112. *Scipiadæ.* Scipiones duo fuere clarissimi: alter Africanus major, seu senior: alter minor Africanus est appellatus. Major confecit Punicum bellum secundum anno urbis 553, et victos Afros tributo multavit. Minor tertium bellum punicum absolvit, anno 608, et Carthaginem delevit.

*Fabricius.* Dux Romanus memorandæ frugalitatis, Curii æqualis, adversus Pyrrhum



Quid Cremeræ legio, et Cannis consumpta-  
juventus,

Tot bellorum animæ? Quoties hinc talis ad illos  
Umbra venit, cuperent lustrari, si qua darentur 115  
Sulphura cum tædis, et si foret humida laurus.  
Illuc, heu, miseri traducimur! Arma quidem ultra  
Littora Jubernæ præmovimus, et modò captas  
Orcadas, ac minimâ contentos nocte Britannos:  
Sed quæ nunc populi fiunt victoris in urbe, 120  
Non faciunt illi, quos vicimus.

*pubes ad Cannas interfecta, tot viri bello præstantes. Quoties ad egregios illos Manes aliqua ex hoc impiorum grege umbra descendit, exsecrantur ejus impietatem, ad spectum occursumque fugiunt, quo se ita contaminari putant, ut lustrari, purgarique cuperent, si esset ibi facultas et copia sulphuris ac lauri. Omnes heu! ad hæc regna subterranea deportandi aliquando sumus, et pœnas scelerum daturi. Sanè armis victricibus populos ultra Hiberniam positos, Orcadas recenti bello expugnatas, et Britannos, ubi noctes per æstatem sunt brevissimæ, domuimus. Verùm gentes a nobis victæ, non inquinant se illis flagitiis, quæ a nobis ipsarum victoribus admittuntur.*

Epirotarum regem et Samnites gravia bella gessit, eorum armis juxta et muneribus invictus. Ejus filiae ob domesticam paupertatem de publico dotatæ fuerunt circa annum U. C. 440.

*Camilli.* Anno ab urbe condita 363, Galli Senones Romam Brenno duce incendunt. AEgrè a Capitolio per Manlium repulsi, demum a Camillo profligati sunt.

113. *Cremeræ legio.* Cùm Veientes Romam nascentem anno ejus 277, premerent acri bello, Fabii sex et trecenti cum servis suis et clientibus pugnam depoposcerunt:

insidiis hostium intercepti ad Cremeram, Tusciæ fluvium, periere.

*Cannis.* Cannæ; viculus Apuliæ in Italia, ad quem Hannibal 40 Romanorum milia cecidit.

115. *Lustrari.* Si quo piaculo inquinati fuissent victores, eluebant maculam sulphure, igni, lauro, etc.

118. *Jubernæ.* Nunc Hibernia sive Irlandia dicitur.

119. *Orcadas.* Sunt Orcades insulæ minores, triginta numero, ad septentrionem Scotiæ. Britanniam, sive Angliam, Clodius imperator domuerat.

## SATIRA III.

### ARGUMENTUM ET SYNOPSIS.

*U*Mbritium quemdam, amicum suum, inducit Romā Cumas discedentem, et causas cur discedat exponentem: quarum prima est, quòd artibus honestis loci nihil jam Romæ sit: altera quòd in ea tantum improbi dominantur, et magnorum scelerum auctores, vel conscii: tertia, quòd plena sit hominibus exteris, præsertim Græcis, quorum adulationem, vafrum et versatile ingenium, delationes, calumnias aliasque malas artes exagitat: quarta, quòd solarium opum ratio habeatur, non virtutis aut nobilitatis: quinta, quòd Romæ nihil summo pretio non constet, ne somnus quidem: sexta petitur a ruina domorum et crebris incendiis: septima ducitur ab urbis strepitu: octava, a periculo, cum tegulæ aut vasa e sublimibus fenestris in prætereuntes decidunt: nona, est juvenum ebriorum ac petulantium protervia, qui obvios quosque pulsan ac malè multant, præsertim pauperes, quorum miseram conditionem non uno in loco hujus Satiræ describit: decima, est grassatorum et latronum incredibilis copia. In clausula Satiræ, Umbrilius valere Juvenalem jubet, iterque institutum pergit.

QUAMVIS digressu veteris confusus amici,  
 Laudo tamen vacuis quodd sedem figere Cumis  
 Destinet, atque unum civem donare Sibyllæ.  
 Janua Baiarum est, et gratum littus amœni  
 Secessus. Ego vel Prochyta præpono Suburræ: 5  
 Nam quid tam miserum, et tam solum vidimus,  
 ut non

Deterius credas horrere incendia, lapsus  
 Tectorum assiduos, ac mille pericula sævæ

*L*icet non possim veteris amici discessum ferre non molestè, nihilominus ejusdem consilium vehementer probo, quodd habitare Cumis, in urbe tranquilla nec admodum populosa cogitet, ibique domicilium sibi eligere ac saltem uno capite, numerum augere civium Cumæam Sybillam colentium. Est hæc civitas quasi vestibulum Baiarum, ac totum istud Campaniæ littus gratissimum adeuntibus, et amœnissimum secessum præbet. Neque verò me solitudo loci et incolarum infrequentia movet: sic enim sum, ut insulam vel maximè desertam, qualis est Prochyta, præferam Suburræ, vico urbis frequentissimo. Ecquis enim locus tam solitarius, tam desertus, tam commodis omnibus destitutus esse potest, ut in eo non præstet habitare, quàm Romæ versari, perpetuo in metu incendiorum, ædium corruentium, et sexcentorum, quæ cives miseros excruciant quotidie, periculorum

2. *Cumis.* Cumæ, Cumarum, civitas est Italiæ in Campania. Lege Virgil. Lib. VI, versu 17.

3. *Sibylla.* Virgines quædam ita sunt appellatæ, quæ multa de Christo et Christianæ religionis mysteriis longè ante Christum prædixerunt, viamque straverunt Ethnicis ad fidem amplectendam. Decem vulgò numerantur, in quibus non ultimum obtinebat locum Cumana seu Cumæa.

4. *Baiarum, Baiæ, Baïa,*

locus erat amœnus in Campano littore, juxta Lucrinum sinum, inter Puteolos, et Misenum montem. Ibi erant aquæ calidæ et balnea celeberrima, quod qui conveniebant, genio, ut fit, indulgebant ac voluptati.

5. *Prochyta.* Insulam ejusdem littoris Campani.

*Suburræ.* Vicus erat Romæ frequentissimus, qui a foro Romano per forum Nervæ protendebatur usque ad Esquilium montem.

Urbis , et Augusto recitantes mense poëtas ?

- 10 Sed dum tota domus rhedâ componitur una  
 Substitit ad veteres arcus , madidamque Capenam ,  
 Hic ubi nocturnæ Numa constituebat amicæ :  
 Nunc sacri fontis nemus , et delubra locantur  
 Judæis , quorum cophinus , fœnunique supellex.  
 15 Omnis enim populo mercedem pendere jussa est  
 Arbor , et ejectis mendicat sylva Camoenis.  
 In vallem AEgeriæ descendimus , et speluncas  
 Dissimiles veris. Quanto præstantius esset

*et miseriarum , in quibus jure numeres molestos poëtas , Sextili mense sua carmina , convocatis amicis , odiosè recitantes. Interim autem dum omnis domestica Umbrilii supellex Cumas demigrantis in curru congeritur , paulisper ipse rhedam exspectans restitit prope arcus triumphales a veteribus erectos in honorem trium Horatorum , ac portam quæ Capuam ducit , aquis , ob impositum ipsi aquæ ductum , madentem semper et stillantem : non procul ab eo loco in quem Numa constituto tempore conveniebat noctu , ad audiendum AEgeriam Deam : nunc illud nemus cum fonte sacro ac delubro locatur mendicantibus Judæis , quorum egestas tanta est , ut , nihil ferè aliud supellectilis habeant quàm corbem fœno refertam. Tamen pro sylva ista obtinenda persolvunt populo Romano pretium certum , in singulas ferè arbores ; et qui lucus antea sacer Musis erat , ac in earum honorem frequentabatur , nunc iis velut ejectis , Judæos ibi stipem corrogantes a prætereuntibus , dominos et incolas habet. Ego igitur et quem deducebam , Umbrilius in vallem AEgeriæ sacram devenimus , et cavernas a nativis et veris multùm abhorrentes , iisque multò deteriores. Quanto facilius*

9. *Recitantes.* Hoc ironicè ac lepidè , tamquam omnium incommodorum cumulum , ultimo loco posuit.

11. *Arcus.* In memoriam victoriæ solebant Romani ædificare lapideum arcum seu fornicem. Ita vocantur etiam aquæ ductus.

12. *Numa.* Numa Pompilius Romanorum rex secu-

lus numeratur. Simulabat se identidem colloqui cum AEgeria Dea , ejusque monitis remp. administrare ac religionem et sacra instituere , quò plus auctoritatis apud populum conciliaret suis legibus. Idem Numa lucum et ædem portæ Capenæ vicinam dedicavit Musis.

Numen aquæ, viridi si margine clauderet undas.  
Herba, nec ingenuum violarent marmora tophum? 20  
Hic tunc Umbritius : Quando artibus, inquit,  
honestis

Nullus in urbe locus, nulla emolumenta laborum,  
Res hodie minor est here quàm fuit, atque eadem  
cras

Deteret exiguis aliquid ; proponimus illuc  
Ire fatigatas ubi Dædalus exiit alas : 25  
Dum nova canities, dum prima, et recta senectus,  
Dum superest Lachesi quod torqueat, et pedibus  
me

Porto meis, nullo dextram subeunte bacillo.  
Cedamus patriâ ; vivant Arturius istic,  
Et Catulus : maneant qui nigra in candida vertunt, 30

*agnosceretur, ac jucundius coleretur numen quod istis fontibus præsidet, si herba virens lymphis marginem daret, vel simplex tophus, qualis ibi natus est, nec addita aut inducta essent ei marmora, quæ ipsius nativum decus videntur corrumpere. Tunc Umbritius ejusmodi fere sermonem habuit : Cùm viris honestas artes exercentibus nihil jam sit loci Romæ, nec ullum sui laboris fructum sperare possint; res verò mea familiaris hodie angustior est quàm heri, et eadem licet exigua, cras aliquid tamen deperdet, constitui recipere me in eam civitatem, ubi Dædalus alas fessus deposuit, dum viridis necdum incurva mihi senectus est, dum incipiunt canescere capilli, et adhuc Lachesis habet aliquid mei staminis trahendum, ipseque pedibus bellè nitens; carere scipione possum. Patriâ sanè discedamus : eam obtineant Arturius et Catulus : ibi cômmorentur qui nigra pro candidis ; prava pro rectis, habent : qui lucrum vile sectantur*

20. *Tophum.* Est lapis im-  
politus et erosus, qui ferme  
in iis locis, unde scatent  
fontes, cernitur. *Du tuf.*

23. *Here.* Pro, heri : vox  
antiqua.

25. *Dædalus.* Vide Sat. I,  
nota 44 ; Virgil. VI Æneid.  
vers. 14.

27. *Lachesi.* Vide app. ch. xi.

29. *Arturius, Catulus.* Ho-  
mines vilissimi, qui ad sum-  
mas opes malis artibus pro-  
vecti erant.

30. *Nigra, etc.* Color albus  
virtuti et felicitati designan-  
dæ servit : niger, vitio et  
calamitati.



Queis facile est ædem conducere, flumina, portus,  
Siccandam eluviam, portandum ad busta cadaver,  
Et præbere caput dominâ venale sub hasta.

- 35 Quondam hi cornicines, et municipalis arenâ  
Perpetui comites, notæque per oppida buccæ,  
Munera nunc edunt, et verso pollice vulgi

*ex re qualibet, nec dubitant in se recipere certo pretio constituta ædificia reficienda purganda flumina, colligenda e mercibus per portum invectis. Vectigalia, sordes e cloacis eluendas, ad rogi effèrenda cadavera, et venales servos auctione factâ publicè proponendos. Olim isti patulas fauces locabant in municipiis ad inflandas ibi buccinas, et noti vulgo erant in oppidis, ubi edebantur ludi gladiatorii, in quibus assidue navabant operam. Nunc eadem ipsimet edunt*

31. *Ædem.* Ea vox in singulari numero significat vulgò *ædificium sacrum.*

32. *Busta.* Rogus, propriè est lignorum strues ad cremandum cadaver parata: pyra, eadem strues accensa: Bustum, eadem flammis usta et consumpta.

33. *Sub hasta domina.* In eo loco ubi fiebat auctio, defigebatur humi hasta, ut prætereuntes admoneret. *Dominam* vocat, quia veluti præsidebat auctioni: vel quia Dominis servos addicebat auctio.

34. *Municipalis.* Municipia vocabantur oppida Italiæ, minora vulgò et ignobiliora, quæ suis vivebant legibus, ac jure civitatis gaudebant: quorum proinde cives eadem capere munia, eosdem gerere magistratus, quos ipsi Romani cives poterant.

*Arenæ.* Amphitheatrum appellabant Latini ædificium rotundum crescentibus cu-

neatim, id est, pluribus in summo, paucioribus in imo, subselliis et gradibus, e quibus spectabantur gladiatorum vel ferarum certamina. Imo in solo, circa quod istud ædificium erat extructum, conspersa erat humus arenâ, quæ sanguinem occisorum combiberet, ac versari rastris, renovarique posset. Hinc solum hoc, *Arena*, vocabantur. Sat. II, versu 102, nota *Arenam.*

36. *Munera.* Sic proprio suo et peculiari nomine appellabantur *ludi gladiatorii*: et qui eos dabant, *munerarii* dicebantur.

*Verso pollice, etc.* Si gladiatorem ab adversario victum populus miseratione captus servare cuperet, ac neci victorique subducere, voluntatem suam significabat, pollicem intra manum premendo: si contrâ juberet interfici, pollicem a reliquis digitis separatim, invertebat humum

Quemlibet occidunt populariter, inde reversi  
Conducunt foricas. Et cur non omnia? cum sint  
Quales ex humili magna ad fastigia rerum  
Extollit, quoties voluit Fortuna joculari.

40

Quid Romæ faciam? mentiri nescio, librum,  
Si malus est, nequeo laudare, et poscere: motus  
Astrorum ignoro: funus promittere patris

Nec volo, nec possum: ranarum viscera numquam  
Inspexi: ferre ad nuptam quæ mittit adulter,

45

Quæ mandat, norint alii; me nemo ministro  
Fur erit: atque ideo nulli comes exeo, tamquam  
Mancus, et extinctæ corpus non utile dextræ.

Quis nunc diligitur, nisi conscius, et cui fervens  
Æstuat occultis animus, semperque tacendis;

50

*spectacula suis impensis, et populi captantes gratiam, efficiunt ad ejusdem nutum, et inversa, ut fit, manu, tollant e medio, quemcumque libuerit: iidem ab edendis ludis digressi latrinas purgandas redimunt, neque quidquam est tam abjectum, quo non descendant: nec mirum, cum sint ex eo genere hominum, quos ex infimo loco ad summum evehit fortuna per ludum et jocum. Quid artis est aut negotiū, in quo me exerceam, si Romæ sim? Artem mentiendi non calleo; non is sum qui librum illepidè scriptum ornare laudibus possim, aut legendum exposcere: peritus astrologice non sum: mortem patris filio eam expetenti vaticinando polliceri nequeo, nec si queam, velim. Rubentium exta non consideravi, ut ex iis venenum conficerem. Sint alii per me licet, qui sciant ferre ad sœminam conjugio illigatam adulteri munera et mandata: furibus numquam operam meam et ministerium locabo: eam ob rem solus et incommittatus Romæ discedo, perinde ac si manus essem, et corpus, manibus præcisis, inutile. Quis nunc alicui carus est, nisi qui arcana ejus novit scelera, quorum cognitione et conscientia cruciatur, dum ipsorum atrocitate percussus, ea premere silentio cogitur, ac nemini audeat*

versus, vel circumagebat.

43. *Astrorum.* Ex quibus divini et harioli futura prædicebant, splendide mendaces.

44. *Ranarum.* Satira II,

versu 108, eas vocat nigras. Atrum et nigrum, quicquid est inferorum, appellatur. Ranæ autem a Poetis in palude Styge locabantur.

Nil tibi se debere putat, nil conferat umquam,  
Participem qui te secreti fecit honesti.

Caruserit Verri, qui Verrem tempore, quo vult,  
Accusare potest. Tanti tibi non sit opaci

55 Omnis arena Tagi, quodque in mare volvitur  
aurum,

Ut somno careas, ponendaque præmia sumas  
Tristis, et a magno semper timearis amico.

Quæ nunc divitibus gens acceptissima nostris;  
Et quos præcipuè fugiam, properabo fateri;

60 Nec pudor obstabit. Non possum ferre, Quirites,  
Græcam urbem, quamvis quota portio fæcis  
Achææ?

Jampridem Syrus in Tyberim defluxit Orontes,

*aperire. Nullo beneficio se tibi obligatum credit, nec ulla te vicissim ille obstringet, qui te honesti arcani consocium esse voluerit, quippe nihil admodum metuens, ne illud prodas. Verres hunc impensè diligit a quo, cum libuerit, potest in jus vocari. Tu verò, si sapis, ne proposito quidem omni auro quod arenis suis mixtum in mare devolvit Tagus, cupies divitum et potentium arcana cognoscere, quorum conscientia tibi somnos adimat, teque perpetuo mœrore angat, ac metu insidiarum amici nobilis semper timentis, ne arcanum retegat: neque accipies ab eo munera; quæ tibi fortasse cum vita sit erepturus. Ego verò dicam breviter, quinam homines a Romanis locupletibus præcipuo habeantur in honore ac pretio, et propter quos præsertim Româ discedam, nec pudore, quominus vera dicam, deterrebor. O Quirites, urbem Græculis refertam, ac totam pœnè Græcam, pati nequeo. Quamquam fallor qui Græculis plenam esse Romam dixerim, illi homines despiciatissimi minima sunt pars exterorum, qui Romam quotidie confluent. Jamdudum Orontes videtur undas suas Tiberi admiscuisse, et Romam invexisse Syrorum sermonem, mores, tibicines*

53. *Verri.* Satir. II, v. 15, nota 15.

55. *Tagi.* Tagus, gall. *le Tage*, fluvius Hispaniæ, aureas arenas dictus volvere.

60. *Quirites.* Id est Romani.

61. *Achææ.* Achaïa pars Græciæ fuit in Peloponneso; in ea Corinthus, Argos, etc.

62. *Tyberim.* Alluit Romam. *Orontes.* Antiochiam, principem Syriæ urbem, præterfluebat.

Et linguam, et mores, et cum tibicine chordas  
 Obliquas, necnon gentilia tympana vexit.  
 Ite, quibus grata est picta lupa barbara mitra.  
 Rusticus ille tuus sumit trechedipna, Quirine,  
 Et ceromatico fert niceteria collo.  
 Hic altâ Sicyone. ast hic Amidone relictâ,  
 Hic Andro, ille Samo, hic Trallibus, aut Alabandis,

65

*obliquis chordis uti solitos, cum usitatis in Syria tympanis. Non vos pudet, o Romani, barbaras meretrices picturatis indutas mitris, adamare? Nec tu, Romule, indignè fers, tuos illos Romanos agrestes, et deliciarum olim istarum rudes, ornamenta gestare quibus victores in Græcorum sacris certaminibus donantur, et appensa e collo ceromate delibuto prænium victoriæ, quam in istis exercitationibus ludicris reportarunt, ostentare; interim dum Græci longè consultiores, alius profectus Sicyone, alius Amydone, hic ex Andro insula, ille ab urbe Samo, aut Trallibus, Ala-*

65. *Mitra.* Ornamentum est capitis ac tegmen.

66. *Trechedipna.* Vocem hanc eruditè, ut omnia, Vossius explicat Lib. I de vitiis sermonis, cap. 29, decetque ornamenta quædam fuisse, torques, bullas, aut monilia, dari solita victoribus sacrorum in Græcia certaminum, nempe Olympiorum, Pythiorum, etc. quibus illi sacri victores (Hieronicas Græci vocabant) insigniti admittebantur ad sacrum et commune epulum, annonam accipiebant ex publico, etc. Porro trechedipna Græca vox est, e duabus composita, *τρέχων* curro, et *δύπλον* cæna.

*Quirine.* Romuli nomen.

67. *Ceromatico.* Uncto ceromate. Est autem cerôma, sœra oleo macerata et sub-

acta, quâ utebantur Athletæ ad cutem lævigandam et durandam.

*Niceteria.* Νίκη, victoria; νικητήριον, præmium victoriæ.

68. *Sicyone.* Sicyon, urbs vetusta et nobilis in Peloponneso, non procul Coryntho, olim Ægialus dicta.

*Amydone.* Amydon, civitas Præoniæ, seu Emathiæ, in Macedonia.

69. *Andro.* Andros est insula maris Ægei, una Cycladum.

*Samo.* Samos est insula maris Ægei, adiacens Ionix, e regione Ephesi, Junoni sacra. Altera est ejusdem nominis, e regione Epiri, non procul a sinu Ambracio, quæ appellatur etiam Samo, et *Cephalenia*.

*Trallibus.* Tralles, Tra-

- 70 Esquilias, dictumque petunt a vimine collem,  
Viscera magnarum domnum, dominique futuri.  
Ingenium velox, audacia perditā, sermo  
Promptus, et Isæo torrentior? Ede quid illum  
Esse putes? quemvis hominem secum attulit ad nos:
- 75 Grammaticus, rhetor, geometres, pictor, aliptes,  
Augur, schoenobates, medicus, magus: omnia novit  
Græculus esuriens, in coelum jusseris, ibit.

*bandisve, Romam veniunt, ut illi clarissimarum et ditissimarum familiarum arbitri et domini sint. Unum aliquem ex illis inspicere, videbis hominem ingenii peracris, projectæ audaciæ sermonis expediti, ac volubilis, cui certare priscus ille Isæus, torrentis in morem verba devolvens, nequeat. Age, quid hominis illum esse, aut cujus artis peritum arbitraris? Unus omnium instar est; omnes omnium artium professores in se complexos habet: Grammaticus est, rhetor, geometra, pictor, unctor, augur, funambulus, medicus et magus: verbo dicam, inops et famelicus Græculus, nihil nescit, nihil non potest: in ipsum, si jubebis, cælum evolabit. Et verò ille Dædalus, qui, aptatis sibi pennis,*

Hum: urbs Cariæ, seu Lydiæ, in Asia minori.

*Alabardis.* Alabanda urbs Lydiæ, in Asia minori.

70. *Esquilias.* Esquilæ, sive Exquilæ, nomen est unius e septem Romæ colliculis. A rege Tullo Hostilio urbi adjectus fuit et septus excubiis, a quibus detorta paulisper voce, nomen invenit.

*Dictum a vimine collem.* Septem montes sive tumuli et loca editiora fuerunt Romæ: Aventinus, Capitolinus sive Tarpeius, Cælius, Esquilinus, Palatinus, Quirinalis, demum Viminalis, a vimine, seu salicibus ibi consitis, dictus: jacet inter collem Quirinalem a Septentrione;

et Esquilinum, a meridie, porrigiturque ad ipsa urbis moenia.

73. *Isæo.* Fuit Isæus orator Græcus, præceptor Demosthenis. Itemque alius Trajani tempore, eloquentissimus.

75. *Aliptes.* Unctor, ἀλειψτης, ab ἀλείφω ungo. Ita vocabatur seu qui palæstritas oleo et ceromate inungebat antequam luctarentur; seu cui cura erat in publicis balneis, egressos balneo, ungendi, abstergendi, etc.

76. *Augur.* Qui ex avium garritu et cantu, volatu, vel pastu, prædicit futura.

*Schoenobates.* Gall. *Danseur de corde.*



Ad summam non Maurus erat, nec Sarmata, nec Thrax,

Qui sumpsit pennas, mediis sed natus Athenis.  
Horum ego non fugiam conchylia? me prior ille  
Signabit? fultusque toro meliore recumbet  
Advectus Romam, quo pruna, et coctona vento?  
Usque adeo nihil est, quod nostra infantia coelum  
Hausit Aventini baccâ nutrita Sabinâ:

80

*iter avibus solis pervium invenit, non erat ortus in Mauritania, non in Sarmatia aut Thracia; sed ipsis Athenis, in urbe totius Græciæ primaria. Ego hujusmodi homines purpurâ, instar principum, iuduos non fugiam? Patiar ut mecum ad obsignandum testamentum vocati, priore loco signum apponant suum? Vile mancipium, cum prunis et ficibus una eisdemque navi Romam deportatum, accumbet mecum ad mensam in toro elegantiore et nobiliore? Nihilne tandem est, ac nihili faciendum, quodd Romæ nati, quodd educati cibis Italicis sumus? Præter illas autem, quas modò me-*

78. *Maurus.* Mauri partem occidentalem Africæ obtinent.

*Sarmata.* De Sarmatis dictum. Satira II, nota 1.

*Thrax.* Thraces Europæ populi sunt, suprâ Macedoniam.

*Athenis.* Athenæ civitas Græciæ primaria, in Attica, e regione Eubœæ insulæ.

79. *Qui sumpsit pennas.* Dædalus. Satira I, nota 44.

80. *Conchylia.* Conchylum est piscis quilibet conchâ tectus: propriè illum significat, cujus e succo fit purpura, qui murex etiam appellatur: unde conchylum pro ipsâ purpura, et veste purpurea, ponitur.

81. *Fultus toro.* Circa mensam erant dispositi lectuli, vulgò tres; quibus in singulis

tres accumbebant convivæ, caput sinistro cubito fulti, et paululum erecti.

82. *Coctona*, seu Cottona, sunt ficus quædam, sed minores, natæ in Syria: ubi Damascus; Damas, qua ex urbe pruna laudatissima in Europam hodieque devehuntur. Ex eadem porrò Syria multa mancipia Romam tunc transmitti solebant.

84. *Aventini.* Suprà p. 48, nota *Dictum*, etc. Nunc vocatur *Monte di santa Sabina*, ob ædem D. Sabinæ ibi positam.

*Baccâ.* Ita vocatur fructus quilibet minor pomo, ut sunt cerasa, oleæ, etc. apud Sabinos autem, Italiæ populos, oleæ nascebantur eximie.

- 85 Quid ? quodd adulandi gens prudentissima, laudat  
 Sermonem indocti, faciem deformis amici,  
 Et longum invalidi collum cervicibus æquat  
 Herculis, Antæum procul a tellure tenentis?  
 Hæc eadem licet et nobis laudare; sed illis  
 90 Creditur. An melior cum Thaidā sustinet, aut cum  
 Uxorem Comoedus agit, vel Dorida solers?  
 Nec tamen Antiochus, nec erit mirabilis illic  
 Aut Stratocles, aut cum molli Demetrius Hæmo.  
 95 Natio comoeda est. Rides? majore cachinno  
 Concutitur: flet, si lacrymas conspexit amici,  
 Nec dolet. Igniculum brumæ si tempore poscas,  
 Accipit endromidem: Si dixeris, AEstuo, sudat.

*moravi, Græcorum artes, iidem sunt ad omnem adulationem solertissimi. Amicum licet imperitum, tanquam eloquentissimum laudabunt; licet ore deformem, pulcherrimum appellabunt: macrum et procero ac imbecilli collo, cum Herculis Antæum sublimè attollentis faucibus comparabunt. Neque inter nos non reperiuntur etiam adulatores, qui ad hunc modum bene multa in amicis laudent, sed spreitis nobis, Græci placent, Græci audiuntur. Huc accedit quod histriones præstantissimi sunt. Ecquis comædiarum actor suas meliūs partes sustinet, cum Thaidis in theatro, cum matronæ, cum Doridis personam agit, quàm quilibet Græculus? Fac in eandem scenam illum prodire cum celeberrimis Romanis actoribus, Antiocho, Stratocle, Demetrio, Hæmo, omnium spectatorum plausus et admirationem unus præ istis auferet. Tota Græcorum gens ad comædiam et histrioniam est facta et nata. Ridet aliquis, erumpunt in cachinnos: lacrymatur, fundunt ipsi lacrymas ubertim, licet nullo dolore vero tangantur: si per hyemem foculum poscas leniendo frigori; continuò vestem villosam, quasi algeant, induunt: si te æstuarè per æstatem dixeris, ipsi se totos sudare dejerant. Fateor, longè*

87. Longum collum. Qui sunt oblongo collo; minùs robusti ac validi feruntur esse.

88. Herculis. Vide append. cli. xv.

90. Thaidā. Thais nomen solitum tribui scenicis scortis.

91. Dorida. Doris, Oceani Thetyosque filia, Dea marina, uxor Nerei.

94. Comæda. Comoedus vocatur scriptor vel actor comædiæ.

97. Endromidem. Endro-

Non sumus ergo pares : melior qui semper, et omni  
 Nocte dieque potest alienum sumere vultum ;  
 Horum si nihil est, aulam resupinat amici ; 100  
 Scire volunt secreta domûs, atque inde timeri.  
 Et quoniam coepit Græcorum mentio, transi  
 Gymnasia, atque audi facinus majoris abollæ.  
 Stoïcus occidit Baream, delator amicum.  
 Discipulumque senex, ripa nutritus in illa, 105  
 Ad quam Gorgonei delapsa est penna caballi.

*sum illis impar, eadem præstare non possum ; vincunt qui omni et loco et tempore, noctu, interdium alieno ex vultu fingere suum norunt. Quodd si nullam ejusmodi adulationum materiam reperiunt, ad alias artes se conferunt. Amicorum domum omnem susque deque vertunt, omnia excutunt : rimantur familiæ arcana, ut timeantur, velut eorum conscii. Et quoniam cæpimus de Græcis dicere, omittamus leviora flagitia, quæ solent ab eorum nonnullis tamquam tyronibus et in hac scelerum palæstra nondum exercitatissimis admitti. En dignum Græco. emerito facinus : Publius Egnatius, Philosophus Stoïcus, educatus in ea urbe quam Cidnus præterfluit, ad quem Pegasus olim delapsus unam e talaribus pennis amisit : Stoïcus, inquam, iste, senex perfidus, falso testimonio Baream Soranum amicum suum, quo*

mis, erat vestis crassiore et viliori filo texta, quâ utebantur in stadio et Gymnasio post cursum et ludum, ne perfrigescerent.

100. *Resupinat.* Invertit, mutat, rimando et scrutando.

103. *Gymnasia.* Γυμνάσιον Græcis est locus, ubi corpora exercentur, ubi docentur tyrones lutationem, et varias id genus exercitationes.

*Abolla.* Est abolla vestis oblonga, philosophorum propria, nonnumquam a militibus usurpata.

104. *Stoïcus.* Satira II, nota 40, per istum autem delatorem Stoïcum, intelligit

Pub. Egnatium, qui Baream Soranum amicum suum apud Neronem accusavit, quodd in detegenda conjuratione Pisoniana parum fideliter ac strenuè se gessisset. Quo testimonio Barea oppressus, mori demum est jussus.

*Delator.* Satira I, versu 31.

105. *Ripa, etc.* Designat Pub. Egnatii patriam, et eum Tarsensem fuisse dicit. Est autem Tarsus, urbs Ciliciæ in Asia minori.

106. *Caballi.* Equi : Pegasi videlicet, qui vocatur Gorgoneus, quia ex Medusæ, unius e Gorgonibus a

Non est Romano cuiquam locus hîc, ubi regnat  
 Protogenes aliquis, vel Diphilus, aut Erimanthus,  
 Qui gentis vitio, numquam partitur amicum;  
 110 Solus habet. Nam cùm facilem stillavit in aurem  
 Exiguum de naturæ patriæque veneno,  
 Limine summoveor: perierunt tempora longi  
 Servitii: nusquam minor est jactura clientis.  
 Quod porrò officium (ne nobis blandiar) aut quod  
 115 Pauperis hîc meritum; si curet nocte togatus,  
 Currere, cùm Prætor lictorem impellat, et ire  
 Præcipitem jubeat dudum vigilantibus orbis,  
 Ne prior Albinam, aut Modiam collega salutet;

*præceptore usus erat, oppressit. Nihil est homini Romano loci in ea domo, in qua dominatur aliquis Protogenes, aut Diphilus, aut Erimanthus, qui (est ea Græcorum omnium indoles et vitium) numquam admittit socium in amicitia patroni divitis. ed frui vult solus. Hujus in aures credulas, ubi semel nonnihil demisit de calumniis et criminationibus, quas artes et virus ab indole et a patria acceptum hausit, pector ædibus, nec mihi quidquam prodest, quod multos annos in obsequio, et servitute potius molestissima consumpserim: nusquam gentium in levioris damni loco ponitur clientis jactura, quàm Romæ. Quamquam (nolo enim civium tenuiorum quorum e numero sum, officia erga potentiores nimium venditare) quid est admodum in quo de patronis bene meriti pauperes esse videantur, etsi de nocte surgant, ac togam induere festinent, ad eos mane salutandos, cùm ipsi Prætores urgeant lictores suos, ac jubeant accelerare, ad salutem summo mane dicendam divitibus viduis quibus nulli sunt liberi, et quas jamdiu expectatas esse ac vigilare audiunt, ne quispiam ipsorum collega Albinam et Modiam prior salutet? cùm ingenuorum*

Perseo interfecto, sanguine  
 fuit procreatus, cum alis,  
 quibus confestim evolavit in  
 montem Heliconem.

113. *Clientis.* Satira I,  
 versu 117.

115. *Togatus.* Clientes togam induebant cùm patronos salutatum irent. \*Erat illa

vestis honestior et amplior, tunicæ imponi solita.

116. *Prætor.* Sex lictores cum fascibus Prætorem antecedeabant, quoties per urbem incedebat; duodecim verò, Consulem.

118. *Collega.* Alius quispiam Prætor.



Divitis hic servi claudit latus ingenuorum  
Filius; alter enim quantum in legione Tribuni 120  
Accipiunt, donat Calvinæ, vel Catienæ.

Da testem Romæ tam sanctum, quàm fuit hospes  
Numinis Idæi: procedat vel Numa, vel qui  
Servavit trepidam flagranti ex æde Minervam.  
Protinus ad censum; de moribus ultima fiet 125

Quæstio: quot pascit servos, quot possidet agri  
Jugera, quàm multa, magnâque paropside coenat.  
*Quantum quisque sua nummorum servat in arca,*

*filii nonnulli comitentur per urbem, honoris causâ, locupletes patronos, olim servos et vilissima mancipia: scilicet redacti ad egestatem et exhausti opibus, quas eorum aliqui profundunt in meretrices Calvinam et Catienam, quibus largiuntur tantum pecuniæ, quantum Tribunis militaribus pro stipendio dari solet. Fac esse aliquem Romæ testem æquè pium et probum, ac Scipionem illum Nasicam, qui matrem Deorum e Phrygia deportatam hospitio excepit: prodeat in jus, testimonii dicendi causâ, Numa Pompilius, vel Lucius Metellus, qui ex æde Vestæ subito incendio correptâ Palladium subduxit ac servavit, statim quæretur quis sit illius census, quos alat domi servos, quàm multa magnaue prædia possideat, quàm lautè opsonetur. Ultimo demum loco de illius probitate ac moribus aliquis percontabitur. Quantas quisque opes habet, tantum illi creditur.*

119. *Claudit latus.* Claudere latus, tegere latus, est deducere aliquem honoris causâ per urbem, eique locum viæ superiorem et honoratiorem tribuere.

122. *Testem.* In testibus maximè quæritur probitas.

*Hospes, etc.* Scipio Nasicus, a Senatu vir optimus cum judicatus esset, statuam Numinis Idæi, i. e. Cibeles quæ in Ida colebatur, advectam e Phrygia; hospitio excepit, ac domi suæ habuit, donec illi templum extrueretur, quod ipse quidem

designavit, Metellus postea inchoavit, Augustus perfecit. Fuerat quippe responsum ut hæc statua reciperetur ab eo qui vir optimus esset.

123. *Vel qui, etc.* Cum ædes Vestæ deflagrasset, Luc. Cæcilius Metellus e mediis ignibus Minervæ statuam quod Palladium vocabant, sustulit, oculis igne amissis.

125. *Censum.* Modus est pecuniæ, quam quisque ex annuis agrorum, aliarum rerum fructibus, redigit.

127. *Paropside.* Patinâ, vase, quo inferuntur cibi.



- Tantum habet et fidei: jures licet et Samothracum,*  
 130 Et nostrorum aras, contemnere fulmina pauper  
 Creditur, atque Deos, Dīs ignoscentibus ipsis.  
 Quid, quod materiam præbet causasque jocosum  
 Omnibus hic idem, si foeda et scissa lacerna,  
 Si toga sordidula est, et rupta calceus alter  
 135 Pelle patet, vel si consuto vulnera crassum  
 Atque recens linum ostendit non una cicatrix?  
*Nil habet infelix paupertas durius in se,*  
*Quàm quod ridiculos homines facit.* Exeat, inquit,  
 Si pudor est, et de pulvino surgat equestri,  
 140 Cujus res legi non sufficit, et sedeant hic

*Quamvis pauper aliquid affirmet juratus per Deos veteres Trojanorum e Samothracia olim arcessitos, et recentiores Deos Romanorum, falsum tamen jurare existimatur, neque fulmina pertimescere, ac ipsos etiam spernere Deos, idque bonū ipsorum veniū. Huc accedit quod idem propositus videtur esse omnibus ad ludibrium et jocos, si lacernam gerat obsoletam aut sectam, si togam parum comptam, si alterum e calceis hiantē corio pertusum, aut pingui ac recenti lino malè consutum variis in locis. Hoc unum est videlicet miseræ paupertatis vel maximum iucommodum, quod homines opportunos aliorum sannis et risui faciat. Audis illum qui suas singulis in theatro sedes assignat, quibus verbis pauperem equitem ejiciat? Facessat, inquit, et, si quo pudore tangitur, in sedilibus equitum ne considat, qui non habet censum a lege constitutum. In istis*

129. *Samothracum.* Samothracia insula est maris AEgei, Thraciæ adjacens. In eam Dardanus ex Italia fugiens, Deorum qui ibi colebantur peregrinas religiones in Phrygiam invexit, unde in Italiam ab Aenea sunt allatae.

130. *Nostrorum.* Verbi gratiā, Martis, Quirini, et aliorum, qui Romæ præcipuè colebantur.

151. *Cicatrix.* Foramen calcei sartum et consutum.

139. *Pulvino.* Pulvinus pluma vel tomento fartus sedili insternitur.

140. *Legi.* Anno U. C. 685 Luc. Roscius Otho Tribunus plebis legem tulit, ne cui liceret sedere in 14 primis post Orchestrā gradibus, nisi censum equestrem haberet, id est, 400 sestertia (vide Satira I, versu 91, verbo *Quadringenta.*) Inter sedes igitur assignatas spectatoribus in amphitheatro, primæ *Se-*  
*Lenonum*

Lenonum pueri quocumque in fornice nati.  
 Hic plaudent nitidi præconis filius inter  
 Pinnirapi cultos juvenes, juvenesque lanistæ.  
 Sic libitum vano, qui nos distinxit, Othoni.  
 Quis gener hic placuit censu minor, atque puellæ 145  
 Sarcinulis impar? quis pauper scribitur heres?  
 Quando in consilio est AEdilibus? agmine facto  
 Debuerant olim tenues migrasse Quirites.

*primis ordinibus spectent lenonum filii, quocumque sint in lupanari geniti: in iisdem applaudat strenuus gladiatoribus, filius præconis alicujus, sedens inter lautos et elegantes retiarii liberos, aut liberos alicujus gladiatorum magistri. Sic nempe visum Othoni vanissimo, qui spectatores alios ab aliis secrevit, cum antea promiscuè spectaremus. Quem generum parentes eligunt, qui minores quàm puella fortunas habeat? Quis pauperem testamento heredem instituit? Quandonam in consilium ab AEdilibus admittitur? Fecisset sapienter ac probè Romana plebs, cum divitum impotentiam fugiens, unum in agmen collecta olim urbe cessit, si, numquam Romam reditura, in alias terras*

natoribus destinatae erant, et hic locus Orchestra dicebatur. Quatuordecim inde retro gradus, Equitibus, reliqua sedilia populus occupabat:

143. *Pinnirapi.* Pinnirapus, exponitur, qui pinnam rapit, significatque alterum e gladiatoribus qui retiarius dicebatur, (vide Sat. II, nota 101.).

*Lanistæ.* Sic vocabatur gladiatorum magister, qui eorum magnam interdum familiam alebat, docebat, ad manera edenda vendebat.

144. *Othoni.* Suprà p. 48, v. 140, nota Legi.

140. *AEdilibus.* AEdiles magistratus erant Romani. Alii Plebis dicebantur, quorum munus erat fœneratores coercere, ædificia sive publica,

sive privata, ut munda essent atque integra, curare. Alii Curules, quorum fuit ludos sacros et solennes instituere; theatra, stadia, fora, mœnia reficere et exornare. Alii denique Cereales, qui rei frumentariæ præerant.

148. *Debuerant olim, etc.* Anno Romæ conditæ 264, cum ob creditorum impotentiam ac fœnebre malum plebs trans Anienem in montem sacrum secessisset, seque reditum negaret, Menenii Agrippæ oratione reconciliata patriciis, rediit in urbem, imperato prius magistratu qui plebis commoda contra nobilium violentiam tueretur. Is Tribunus plebis appellatus est. Florus, Lib. I, cap. 23.

- Haud facîle emergunt, quorum virtutibus obstat*  
 150/ *Res angusta domi.* Sed Romæ durior illis  
 Conatus : magno hospitium miserabile, magno  
 Scrvorum ventres, et frugi cœnula magno.  
 Fictilibus cœnare pudet, quod turpe negavit  
 Translatus subitò ad Marsos, niensamque Sabellam,  
 155 Contentusque illic Veneto, duroque cucullo.  
 Pars magna Italiæ est (si verum admittimus) in qua  
 Nemo togam sumit nisi mortuus. Ipsa dierum  
 Festorum herboso colitur si quando theatro  
 Majestas, tandemque redit ad pulpita notum

*demigrasset.* Quibus exigua res familiaris est, licet eximiis dotibus præditi sint, illi e tenebris et humilitate vulgi ad honorum lucem et hominum famam ægrè assurgunt. *Idque illis conantibus Romæ, quàm alibi uspiam, difficilius est: magno enim pretio constat domus conductitiâ, eaque angusta et inornata, magno servi alendi, magno frugalis ac jejuna mensa. Adde quod turpe putant uti vasis fictilibus. Quod probrosum tamen esse non censuit ille Curius ab Roma repente ad bellum Marsis et Samnitibus inferendum vocatus, quorum in regione parçè ac duriter vescebatur, et caput tegebat cucullo cœrulei coloris et crassi fili. Multò commodiùs profectò et minoribus impensis, quàm Romæ vivitur in magna Italiæ parte, ubi nemo togâ induitur, si verum fateri volumus, nisi cùm obitâ morte ad rogum effertur. Quodd si ad celebrandos paulò magnificentiùs dies festos, extrahitur aliquando theatrum e cespite, in quo aliqua obsoleta fabula cum vetustis cantilenis, recurrente*

154. *Marsos.* Marsi Italiam incolebant prope Sabinos. De Curio, dictum Sat. II, nota 3.

155. *Veneto.* Color venetus est similis marinis fluctibus, nempe cœruleus, sive glaucus.

*Cucullo.* Est cucullus capitis tegmen plebeium.

157. *Togam,* Suprà p. 46, versus 115, verbo *Togatus*, Et Sat. II, versu 45, verbo *Togam*.

*Nisi mortuus.* Mortui efferebantur quàm ornatissimè vestiti.

158. *Theatro.* Nihil differbat theatrum ab amphitheatro (de quo dixi suprà p. 38, nota *Arenæ*) nisi quod hoc omni ex parte clausum esset, illud dimidiâ tantum: itaque amphitheatrum circuli oblongi vulgò formam referebat, theatrum verò hemicycli, e regione cujus structa erat scena, et locus editior in

Exodium, cùm personæ pallentis hiatum 160  
 In gremio matris formidat rusticus infans :  
 AEquales habitus illic, similemque videbis  
 Orchestram, et populum : clari velamen honoris,  
 Sufficiunt tunicæ summis AEdilibus albæ.  
 Hic ultra vires habitus nitor : hîc aliquid plus, 165  
 Quàm satis est ; interdum alienâ sumitur arcâ.  
 Commune id vitium est : hîc vivimus ambitiosâ  
 Paupertate omnes. Quid te moror ? *Omnia Romæ*  
*Cum pretio.* Quid das, ut Cossum aliquando salutes?  
 Ut te respiciat clauso Vejento labello ? 170  
 Ille metit barbam, crinem. Hic deponit amati :

*demum anno, exhibetur ex editiore loco, personæque larvis pallidis et rictu diducto hiantibus indutæ, metum puerulis agrastibus in matrum gremio sedentibus incutiunt; tunc eâdem induti veste omnes spectant; neque ullum inter primores oppidi et plebem ipsam, discrimen videas: solis AEdilibus pro insigni ornatu et honoris sui munerisque nota, sunt tunicæ albæ. At Romæ lautior vulgò et splendidior est vestis, quàm cujusque fortunæ ferant. Ad immodicos illos sumptus faciendos contrahitur æs alienum, quod nimis multi faciunt; dumque nemo pauper non sit, nemo non ambit videri lautus et locuples. Quid plures? Nihil Romæ sine pecunia sumptibusque magnis fit. Vis admitti ad Cossum salutandum, quid eam ob rem dabis? Quid ut Vejentonem videas, qui te compressis labiis tantum respiciet, non alloquetur aut vicissim salutabit? Est qui barbam primam servi carioris, est qui capillos ejusdem ton-*

quem prodibant actores : et quem noster versu sequenti vocat pulpitem.

160. *Exodium.* Carmen quoddam ridiculum, ac turpiculum, quod recitabant mimi, seu exodiarii, cum gestibus solutioribus, post *ἐξόδιον*, id est, egressum actorum e theatro.

163. *Orchestram.* Explicui vocem hanc suprâ v. 140, verbo *Legi*.

164. *Tunicæ.* Tunica vestis erat interior, vulgò sine mannicis, eaque arcta et curta.

*AEdilibus.* AEdilium meminit, quia erat illorum muneris ut ludi sacri et solennes rite ac statis temporibus ederentur. Suprà versu 147.

171. *Metit barbam.* Festus ille dies habebatur, quo primum raderent barbam, et capillos tonderent, quos ferè cuipiam Deo consecrabant.

Plena domus libis venalibus : Accipe , et istud  
Fermentum tibi habe. Præstare tributa clientes  
Cogimur , et cultis augere peculia servis.

- 175 Quis timet , aut timuit gelida Præneste ruinam ?  
Aut positis nemorosa inter juga Volsiniis , aut  
Simplicibus Gabiis , aut proni Tiburis arce ?  
Nos urbem colimus tenui tibicine fultam  
Magnâ parte sui : nam si labentibus obstat  
180 Villicus , et vetêris rimæ contexit hiatus ,

*deri jubeat , statim clientes eam in domum comportant pla-  
centas et liba , quæ ille servus deinde vendat ? Ita (quod  
merito bilem tibi et stomachum moveat ,) cogimur miseri  
clientes patronorum servis elegantioribus tributa quodam-  
modo pendere , et eorum augere loculos ac marsupia. Quid  
quod in aliis Italiæ urbibus multo commodius habitatur ac  
tutius , quàm Romæ. Quis unquam timuit ne ruerent cædes  
in urbe Prænestina gelido in colle sita ? aut Volsiniis , in  
juge montis quem vestiunt sylvæ collocatis aut Gabiis ,  
quorum incolæ dolo et insidiis Tarquinii fuerunt olim  
propter simplicitatem decepti , aut Tibure quod in clivo  
est exstructum ? Nos in urbe domos habitamus levibus ful-  
cris maximâ sui parte sustentatas , quas si opposito tigno  
firmavit villicus , ne penitus corruant ; si earum hiantes*

173. *Fermentum.* Transfertur ea vox aliquando ad significandam iracundiam , quâ intumescunt præcordia , et velut arescunt.

174. *Peculia.* Vocatur peculium illa pecunia peculiaris et propria servi , quæ extra domini jus et potestatem est.

175. *Præneste.* Urbs Latii , nunc *Palestrina*.

176. *Volsiniis.* Urbs antiqua Etruriæ fuit. Hodie *Bolsena* vocatur.

177. *Simplicibus.* Sic urbem Gabios appellat , quia ejus cives , cum a Tarquinio Superbo vinci armis et virtute non possent , dolis decepti sunt , ac nimis facile credi-

derunt Sexto , Tarquinii filio , ad ipsos confugienti , quasi patris impotentiam et crudelitatem ferre non valeret ; is enim primoribus civitatis partim cæsis , partim pulsus , ad extremum ipsam urbem patri tradidit.

*Gabiis.* Gabii , olim Latii urbs , in via Prænestina.

*Tiburis.* Tibur oppidum est Latii , nunc *Tivoli* , ad decimum ab urbe lapidem , in colle situm.

178. *Tibicina.* In ædificiis tibicines appellantur *fulcra* , et *tigna* quibus paries vitiosus sustentatur , *étançon* , *étais*.

180. *Villicus.* Rure advo-



Securos pendente jubet dormire ruinâ.  
 Vivendum est illic, ubi nulla incendia, nulli  
 Nocte metus. Jam poscit aquam, jam frivola  
 transfert

Ucalegon; tabulata tibi jam tertia fumant.  
 Tu nescis: nam si gradibus trepidatur ab imis, 185  
 Ultimus ardebit, quem tegula sola tuetur  
 A pluvia; molles ubi reddunt ova columbæ.  
 Lectus erat Codro Proculâ minor, urceoli sex,  
 Ornamentum abaci; necnon et parvulus infra  
 Cantharus, et recubans sub eodem marmore 190  
 Chiron;

*pridem rimas et vitia, obduxit levi aliquo tectorio, satis hoc esse putat ad nostram securitatem, nosque dormire in utramque aurem jubet, quamvis ruinæ periculum præsentissimum impendeat. Præstat illic vivere, ubi nulla incendia timeantur, quæ tam gravem et justum pauperibus metum ac damnum asserunt Romæ: ubi si ardet domus aliqua, cum vicini trepidantes aquam poscunt ac suppellectilem aliò transferunt, sensim pervenit ad tertiam contignationem flamma, ignaro ac nesciente te inquilino paupere, quia in summa et remotissima cedium parte degis, prope tegulas et nidulos columbarum: ignis ab imis scalis occupavit, in te desinet. Codrus nihil suppellectilis habebat præter lectulum, eumque suâ uxore Procula breviorum, sex vascula, quibus ornatus erat ejus abacus e ligno vili confectus, infra quem Cantharus visebatur et statua Chironis*

catus ut tigna ferat, quibus domus fulciatur. Villici etiam dicebantur qui cænacula elocabant mercedesque pro iis exigebant, quæ cura servis quibusdam urbanis mandabatur, ut patet ex Epig. 29, Martialis, Lib. XII. Quidam ita legunt istos versus: *Nam si labentibus obstat villicus* (nempe admoto tibi cœne impedire ne labantur) *et veteris rimæ cum texit hiatus, securos*, etc. id est; postquam occultavit potiùs, quam sustu-

lit vitium rimosi parietis, illud tegens arenâ vel luto, tunc nos jubet securos esse.

183. *Frivola.* Sunt vasa fictilia, et viliora: scrutâ.

184. *Ucalegon.* Civis quilibet vicinus domui deflagranti. Respexit Juvenalis ad versum Virgil. II AEneid. *Jam proximus ardet Ucalegon.*

188. *Codro.* Poëtæ ignobili; cujus mentionem facit prima Satira, versu 2.

190. *Cantharus.* Vas potatorium. *Chiron.* Centaurus

Jamque vetus Græcos servabat cista libellos,  
Et divina opici rodebant carmina mures.

Nil habuit Codrus: quis enim negat? Et tamen  
illud

Perdedit infelix totum nihil: ultimus autem

195 AErumnæ cumulus, quod nudum, et frustula  
rogantem

Nemo cibo, nemo hospitio, tectoque juvabit.

Si magna Arcturi cecidit domus: horrida mater,

Pullati proceres, differt vadimonia Prætor:

Tunc geminus casus urbis, tunc odimus ignem.

200 Ardet adhuc, et jam accurrit qui marmora donet,

Conferat impensas. Hic nuda, et candida signa,

Hic aliquid præclarum Euphranoris, et Polycleti,

*sub eodem vili abaco jacentis. Detrita vetustate arcula custodiebat Græcos quosdam libellos, in quibus carmina divinitus scripta indocti mures arrodebant. Hæc omnia nullius profectò pretiū, ac nihil potius erant; nemo id negat: hoc tamen nihil incendio miser amisit, accedetque ad miseræ cumulum; quod eum egentem et panis frustula corrogantem nemo recreabit dato cibo, nemo hospitio vel mensâ accipiet. Si Arcturii superba domus collapsa est, matronæ dolorem vultu squalido, vestibisque præ se ferunt: primores urbis nigro colore uestiuntur, ut in publico luctu, Prætor causas dictâ die judicandas in aliud tempus rejicit. Tunc deploramus varios urbis populosæ casus, et ignem ac incendia detestamur. Nondum domus Arcturii tota deflagavit, ecce tibi adest qui marmor ad eam reficiendam donet, qui samptus se facturum spondeat, alius statuas e puro et candido marmore, alius opus aliquod eximium ab Euphranore aut Polycleto confectum, alius prisca orna-*

Achillis magister, arte medicinæ præstans: navigavit cum Argonautis in Colchidem. Ad eum in monte Pelio cum venisset Hercules: ferens sagittas Hydræ Lernææ sanguine adhuc imbutas, accidit ut una in pedem nudum Chironis decideret, quo ille vulnere diu cruciatus, Deorum misericordione in cælum translatus

est, ubi inter signa numeratur.

192. Opici. Opici, seu Osci, obtinere partem Campaniæ, in Italia, rudes, et imperiti; qui vix Latine scirent, multò minùs Græcè. Sic mures appellat qui tam bonæ Codri carmina, quæ ignorabant, roderent.

202. Euphranoris. Sta-

Hic Asianorum vetera ornamenta Deorum ;  
 Hic libros dabit, et forulos, medianque Minervam ;  
 Hic modium argenti : meliora ac plura reponit 205  
 Persicus orborum lautissimus, ut meritò jam  
 Suspectus, tamquam ipse suas incenderit aedes.  
 Si potes avelli Circensibus, optima Soræ,  
 Aut Fabrateriæ domus, aut Frusinone paratur ;  
 Quanti nunc tenebras unum conducis in annum. 210

*menta Deorum in Asia coli solitorum, alius libros et loculos ubi reponantur, ac dimidiæ Minervæ signum ad ornandum bibliothecam, alius denique plenum argento modium largietur. Sic meliorem et uberiorem domum instaurat Persicus Arcturius, fitque orborum locupletissimus, adeo ut suspicari possis ipsum suis cedibus ignem consultò iniecisse. Si a ludis Circensibus abstrahi et iis carere potes, non majore pretio emes pulcherrimam domum, ac propriam perpetuo jure possidebis in urbe Sora aut Fabrateria, aut Frusinone, quam quo emis Romæ in unum duntaxat annum aliquem tenebricosum angulum. Ibi aderit hortulus*

tuarius celeberrimus, Atheniensis.

*Polycleti.* Pictor fuit celeberrimus, Atheniensis.

204. *Forulos.* Armaria et capsas librorum.

*Median Minervam.* Pectore tenuis extantem.

206. *Persicus.* Vel est cognomen illius Arcturii cujus mentionem fecit initio Sati-  
 ræ, nota 29, et versu 197.  
*Vel ponitur pro quolibet divite orbo,* cujus hereditatem inhiantes plurimi, hominem devincere student missis, ad reparandam domum, muneribus.

*Orborum.* Virorum prole carentium.

208. *Circensibus.* Ludis qui eduntur in Circo. Erat autem Circus apud Romanos, spa-

tium oblongum ac ferè rotundum, clausum porticibus et ædificiis, unde spectabantur certamina, præsertim curulia, in quibus currus circa metas ultimo in Circo positas circumagebantur. Tres ejusmodi Circi celebres Romæ visebantur, Maximus, Flaminius, et Neronianus.

*Soræ.* Olim urbs Latii ad Lirim Fluvium, hodie in Aprutio ulteriori, vetus nomen retinuit.

209. *Fabrateriæ.* Hodie *Falvaterra*, civitas non procul a fluvio Liri, quondam Volscorum in Latio oppidum.

*Frusinone.* Quondam urbs Latii, hodie vocatur *Frusilone* et est in campania Romana.

Hortulus hic, puteusque brevis, nec reste movendus,

In tenues plantas facili diffunditur haustu.

Vive bidentis amans, et culti villicus horti,

Unde epulum possis centum dare Pythagoræis.

215 Est aliquid quocumque loco, quocumque recessu,

Unius sese dominum fecisse lacertæ.

Plurimus hic æger moritur vigilando; sed illum

Languorem peperit eibus imperfectus, et hærens

Ardenti stomacho. Nam quæ meritoria somnum

220 Admittunt? Magnis opibus dormitur in urbe,

Inde caput morbi; rhedarum transitus arcto

Vicorum inflexu, et stantis convicia mandræ

Eripiunt somnum Druso, vitulisque marinis.

*domui adjunctus, et puteus non altus, ex quo sine fune, manu ipsa, haurire aquam poteris, edque horti plantas irrigare. Quid porro jucundius rusticand illa vita, quæ sarculo et rastro gaudet: ubi licet hortum colere, cujus ex oleribus parare possis convivium centum discipulis Pythagoræ. Operæ pretium est dominium sibi vel unius lacertæ acquirere, quocumque demum in loco, quamlibet deserto et ignoto degas. Ad ea quæ dixi urbis incommoda, hoc etiam accedit, quod in ea frequentes ægri diuturnâ vigiliâ extinguntur. Eorum quippe morbi e cibis indigestis, neque coctis somno, ac stomachum prægravantibus oriuntur. Quibus enim in tabernis meritoriis et diversoriis publicis, capere somnum placidè licet? Nemini dormire, nisi divitibus, Romæ concessum est. Hæc origo morborum: hic fons. Rhedæ prætereuntes per vicorum angustas ambages, et voces inconditæ ac maledictæ quibus aurigas lacerat mulio, cum suo jumentorum grege coactus subsistere, donec evolvant se rhedæ, adiment somnos vel ipsi Druso, ac marinis*

213. *Bidentis.* Bidens, astri genus, duplici dente instructum.

214. *Pythagoræis.* Pythagoras philosophus docebat abstinendum a carnibus, ac suos vesci oleribus jubebat.

222. *Mandræ.* Est Mandra, multitudo jumentorum, equo-

rum, mulorum, etc.

223. *Druso.* Carpit obiter hunc Drusum, hominem eâ tempestate deditum somno, et veternosum.

*Vitulis marinis.* Phocæ alio vocabulo appellantur; dicuntur immanes ronchas edere cum dormiunt.

Si vocat officium, turbâ cedente vehetur  
 Dives, et ingenti curret super ora Liburno, 225  
 Atque obiter leget, aut scribet, vel dormiet intus.  
 Namque facit somnum clausâ lectica fenestrâ :  
 Antè tamen veniet : nobis properantibus obstat  
 Unda prior, magno populus premit agmine lumbos  
 Qui sequitur : ferit hic cubito, ferit assere duro 230  
 Alter ; at hic tignum capiti incutit, ille metretam.  
 Pinguia crura luto ; plantâ mox undique magnâ  
 Calcor, et in digito clavus mihi militis hæret.  
 Nonne vides quanto celebretur sportula fumo ?  
 Centum convivæ ; sequitur sua quemque culina. 235  
 Corbulo vix ferret tot vasa ingentia, tot res  
 Impositas capiti, quas recto vertice portat

*vitulis. Si dives domo prodit, officii alicujus causâ, gestabitur in lectica supra capita civium qui viam ipsi patentem dabunt, ac cedent. Ipse in lectica compositus leget quippiam inter eundem, aut scribet, vel etiam dormiet: quippe lectica somnum arcessit; si ejus fenestræ claudantur; et quamvis ea lento motu progredi soleat, prius tamen, quam nos, perveniet eundem in locum dives, quia dum in vico transeuntibus referto festinamus, multitudo anterior nos moratur, posterior premit urgetque: alius me cubito percutit, alius rigido assere. Hic trabe ferit caput, ille ingenti amphorâ. Luto infecta sordent crura, pedem pede calcat mihi miles indutus caligâ, quæ ferreis clavis undique inhorrescit. Cernis ut opus fervet cum sportulam Clientes domum reportant? Centenos licebit aliquando numerare, quos singulos culinaria sua supellex sequitur? Vix ipse Corbulo par esset portandis tot ingentibus vasis capiti impositis, quot erectâ cervice gestat miserum mancipium,*

225. *Liburno.* Servo e Liburnia oriundo: vel, lectica tanta, quantæ sunt naves Liburnæ. Horat. Epod. I. Liburnum igitur vehiculum erit navi Liburnicæ par. Hyperbole. Liburnia est pars Illyrici e regione Italiæ, inter Istriam et Dalmatiam, in intimo sinu Adriatico. Illinc valentes et proceri servi ad

lecticas ferendas adhibebantur.

229. *Unda.* Populus confertus, undas reciproco fluctu æstuantes imitatur.

231. *Metretam.* Cadum, vas capiens. libras 108.

234. *Sportula.* Lege Satiram I, v. 80.

236. *Corbulo.* Eo nomine floruit vir bellicis artibus,



Servulus infelix; et cursu ventilat ignem:

Scinduntur tunicae sartae; modo longa coruscat.

- 240 Sarraco veniente abies, atque altera pinum  
Plaustra vehunt, nutant altè, populoque minantur.  
Nam si procubuit, qui saxa Ligustica portat  
Axis, et eversum fudit super agmina montem;  
Quid superest de corporibus? quis membra,  
quis ossa

- 245 Invenit? obtritum vulgi perit omne cadaver,  
More animae. Domus interea secura patellas  
Jam lavat, et buccà foculum excitat, et sonat  
unctis.

Strigilibus, pleno componit lintea gutto.

*a quo currente ignis ventilatur in foculo quem gestat, ipsius interim vestes paulò antè domi ab eodem consutae et refectae, properanti per vicum curribus impeditum scinduntur, dum imposita grandi vehiculo abiegnata trabs aut pinea vacillat, cohorescente circum populo, nec injuriâ: si quando enim contingit ut plaustrum aliquod ejusmodi marmore onustum subvertatur, et lapidum veluti montem effundat in circumstantem multitudinem, ita obteruntur corpora, ut nihil ex iis restare plus videatur, quàm ex anima ipsa, quæ avolavit ac nusquam apparet; nec membra dignoscere, nec ossa calligere quisquam possit. Interim familia hunc ignorans casum, vasa escaria lavat, sportulam et dapes quas ferebat servus expectans, et ore anhelò focum accendit, ungit detergitque strigiles, guttum*

robore corporis ac mole praestans, sub Nerone.

240. Sarraco. Gall. un chariot.

242. Ligustica. Liguria est in parte superiori Italiae prope Alpes, ad oram maritimam, ubi nunc Genua, Luna, etc.

248. Strigilibus. Strigiles, a stringendo, tergendoque corpore sunt dictae. Erat instrumentum ferreum longum duos admodum pedes, et in

modum falcis incurvum, latitudine pollicis, rotundo manubrio sex pollices longo, reliquâ parte quâ sudor abstergebatur cavum, et saepe ornatum intus ebore striato et sulcato.

Gutto. Guttus, est vasculum olei, ex quo liquor guttatim defluit. Hinc illi nomen factum.

Lintea. Quibus egressi balneo detergebantur.

Hæc inter pueros variè properantur : at ille  
 Jam sedet in ripa, tetrumque novitiis horret 250  
 Porthmea, nec sperat cœnosi gurgitis alnum  
 Infelix, nec habet quem porrigat ore trientem.  
 Respice nunc alia, ac diversa pericula noctis :  
 Quod spatium tectis sublimibus, unde cerebrum  
 Testa ferit, quoties rimosa, et curta fenestris 255  
 Vasa cadunt, quanto percussum pondere signent,  
 Et lædunt silicem. Possis ignavus haberi,  
 Et subiti casus improvidus, ad cœnam si  
 Intestatus eas : adeò tot fata, quot illa  
 Nocte patent vigiles, te prætereunte fenestræ. 260  
 Ergo optes, votumque feras miserabile tecum,  
 Ut sint contentæ patulâs effundere pelvès.

*oleo implet, lintea præparat; si omnia ad cœnam necessaria properè famuli expediunt, interim servus infelix, obtritius plaustro, jam est in Stygis ripa, et Charontis antè non visi vultum infœm perhorrescit: cùmque careat triente, quem illi pro vectura solvat, spem nullam transmittendæ in ejus cymba Stygis habet. Atque hæc quidem pericula et incommoda sunt in urbe metuenda interdum: jam quæ noctu pertimescenda sunt, expende. Contemplare in quantam altitudinem attollantur domorum fastigia, è quibus in capita prætereuntium decidunt tegulæ, aut vasa fictilia, quæ cùm fracta et mutilata corruunt, vide ut ipso pondere silices, quibus viæ sunt strætæ, notent ac vulnerent. Non immeritò quispiam parum prudentem te credat, neque satis prospicientem repentinis vitæ casus, si vesperi vocatus ad cœnam domo prodeas non condito testamento: adeò tam multæ tibi mortes impendent, quàm multæ sunt in vicis, per quos habes iter, fenestræ, unde cives nondum cubantes possint in tuum caput testam, aut aliud aliquid ejus generis dejicere. Restat igitur hoc unum optandum tibi, ut contenti sint pelvim aliquam ingentem aquâ*

250. *Novitiis.* Rudis et inexpertus. Servi quoque recens advecti Romam, novitii vocabantur.

251. *Porthmea.* Portitorem.

*Alnum.* Ex alno arbore fiunt lintres.

253. *Trientem.* Charon pro naulo, id est, vecturæ pretio, poscebat a mortuis sive a Manibus, quos transmittēbat, trientem, seu tertiam assis partem. Hunc mortuis in os ingerebant, quasi Charonti dandum.

- Ebrius, ac petulans, qui nullum fortè cecidit,  
 Dat poenas, noctem patitur lugentis amicum  
 265 Pelidæ, cubat in faciem, nox deinde supinus.  
 Ergo non aliter poterit dormire: quibusdam  
 Somnum rixa facit: sed quamvis improbus annis,  
 Atque mero fervens, cavet hunc, quem coccina  
     læna  
 Vitari jubet, et comitum longissimus ordo;  
 270 Multum præterea flammarum, atque ænea lampas.  
 Me, quem Luna solet deducere, vel breve lumen  
 Candelæ, cujus dispenso et tempero filum,  
 Contemnit. Miseræ cognosce procemia rixæ,  
 Si rixa est, ubi tu pulsas, ego vapulo tantum.  
 275 Stat contrà, starique jubet, parere necesse est.  
 Nam quid agas, cum te furiosus cogat, et idem  
 Fortior? Unde venis? exclamat: cujus aceto,

*plenam in te desuper effundere. Ebrius aliquis et protervus, si post nocturnam comessionem neminem malè verberibus mulctavit, dolore afficitur non minori, quàm quo affectus est Achilles, Patroclum interfectum mærens; modò pronus, modò supinus cubat; neque somnum capere poterit antequam verberibus aliquem contuderit: sunt qui ejusmodi concertationibus somnos arcessant; sed licèt mentis parum sit compos, quippe juvenis ferox, et vino æstuans; vitat illos tamen ac præterit, quos purpurea vestis, et comitum multitudo et faces lampadesque ahenæ vitandos esse admonent: me verò, qui ad Lunæ lucem ingredior, aut exiguæ candelæ, cujus parçè et minutatim ellychnium impendo, despicit, ac impunè invadit. Operæ præcium est cognoscere principia tristis ejusmodi concertationis, si concertatio tamen appellari potest, in qua unus tantum ferit, alter tantum feritur. Igitur eunti mihi obstat ac consistere me jubet; obtemperandum, velim nolim. Quid enim agas, cogente furioso codemque fortiori? Statim exclamat ac sciscitatur, unde venis? quicum acetarium aut conchem come-*

268. *Coccina.* Coccus granum est, ex quo aqua macerato fit color eximii ruboris.

*Læna.* Vestis lanea, augurum, militum, etc. propria.

273. *Procemia.* Procœmium

significat initium propriæ symphonice, πρὸς ante; et ὀρχή cantus. Citharædi levioribus modulis proludunt et quasi præparant se se.

Cujus conche tumes? quis tecum sectile porrum  
 Sutor, et elixi vervecis labra comedit?  
 Nil mihi respondes? aut dic, aut accipe calcem. 280  
 Ede ubi consistas: in qua te quæro proseucha?  
 Dicere si tentes aliquid, tacitusve recedas,  
 Tantundem est: feriunt pariter: vadimonia deinde  
 Irati faciunt: libertas pauperis hæc est.  
 Pulsatus rogat, et pugnis concisus adorat, 285  
 Ut liceat paucis cum dentibus inde reverti.  
 Nec tamen hoc tantum metuas; nam qui spoliет te  
 Non deerit, clausis domibus, postquam omnis  
 ubique  
 Fixa catenatæ siluit compago tabernæ.  
 Interdum et ferro subitus grassator agit rem, 290  
 Armato quoties tutæ custode tenentur  
 Et Pomptina palus, et gallinaria pinus.

*disti? ad cujus sutoris mensam accubuisti? ubi sectili porro, et aquæ incocti vervecis capite saginatus es? Siles? aut loquere, aut calcibus vapula, furcifer. Narra ubi habites, in qua te proseucha requiram? Hæc ille. Si contra hiscere coneris aliquid, aut nihil prolocutus abscedas, perinde est, nihilo secius verberant; tum iræ effrati vadimonium tibi denuntiant. Ita demum liberè abire permittitur pauper, si post multa verbera supplex veniam ac pacem oret, pugnisque contusus obsecret, ut sibi concedatur, amissis dentibus in hac miserabili rixa non paucis, discedere ac vitam retinere. Neque hæc tamen duntaxat nocturna pericula metuenda sunt: timor alius instat a furibus, qui tuis inhiant spoliis, postquam tabernæ omnes clausæ et ferreis catenis munitæ fuerunt. Nec desunt aliquando repentini grassatores qui gladiis in miseros sæviant, cum paludes Pomptinæ, et sylvæ gallinaria multo milite custodiun-*

278. *Conche.* Conchis, fabæ genus est, quæ elixa cum ipso cortice apponebatur.

*Sectile.* Porrum aliud sectile, aliud capitatum. Plin. Libro XIX, c. 6.

281. *Proseucha.* Est tuguriolum, cavum aliquod e luto

*runderibusve confectum, ubi mendici sessitant.*

292. *Pomptina palus.* Est in Latio, ad oram Tyrrheni maris prope Setiam, Priverium, etc. locus latronibus opportunus. Nunc Paludi Pontinæ appellatur.

Sic inde huc omnes tamquam ad vivaria currunt.  
Quæ fornace graves, quæ non incude catenæ?

295 Maximus in vinclis ferri modus, ut timeas, ne  
Vomer deficiat, ne marrae et sarcula desint.

Felices proavorum atavos, felicia dicas

Secula, quæ quondam sub Regibus, atque  
Tribunis

Viderunt uno contentam carcere Romam.

300 His alias poteram, et plures subnectere causas:  
Sed jumenta vocant, et sol inclinatur; eundem est.  
Nam mihi commotâ jamdudum mulio virgâ  
Innuat: ergo vale nostri memor; et quoties te  
Roma tuo refici properantem reddet Aquino,

*tur; quo fit ut inde exclusi latrones, Romam advolent, tamquam ad vivarium quoddam, in quo paratam prædam ac facilem inveniant. Quæ fornax, quænam incus, occupata non est in catenis fabricandis? Illarum tanta est multitudo, ut ferri maxima copia consumatur in vinculis conficiendis; meritòque sit timendum, ne non suppetat ad vomeres, marrae et sarcula conficienda. Quis non prædicat beatos majorum nostrorum avos et fortunata illa Romæ tempora, cum Reges ac Tribuni rerum potirentur, unusque sceleratis continendis carcer urbe totâ sufficeret. Me verò ista potissimum impulerunt ut Româ demigrarem, quibus alia plurima possem addere; sed ut absolvam, non equi ac muli sarcinis nostris onusti; tum sol in occasum vergit, utque in viam nos demus, significat virgâ ter agitâtâ mulio. Vale igitur, mi Juvenalis; neque mei te ulla capiat oblivio; immo quoties, Româ relicta, patriam tuam Aquinum petes, virum reficiendarum et captandæ liberioris auræ causâ, fac me quoque arcessas ab urbe Cumana, quod jam pergo, ut Aquini tecum Cereris Helvinæ*

*Pinus.* Arboris una species ponitur pro tota sylva.

*Gallinaria pinus.* Sylva gallinaria est in sinu Cumano, a Gallinis sylvestribus dicta, quæ ibi multæ.

293. *Vivaria.* Vivarium, locus, in quo vivi pisces, aut feræ, servantur.

296. *Marra.* Marra, genus est ligonis.

299. *Uno carcere.* Ille Tullianus vocabatur, de nomine Tulli Hostilii Regis Romanorum.

304. *Aquino.* Aquinum, urbs Italiæ, in via Latina, *Aquin.*



Me quoque ad Helvinam Cererem, vestramque 305  
Dianam

Convelle a Cumis: satirarum ego (ni pudet illas)  
Adjutor gelidos veniam caligatus in agros.

*aut Dianæ quam Aquinates colitis, sacra celebrem. Avelli  
me ab loco gratissimo patiar, et in frigidiorum vestram  
urbem abduci, ut operam tibi navem ad scribendas Sati-  
ras, si me adiutorem, hominem imperitum, non recusas.  
Illic tibi ad expugnanda cævi nostri vitia, instar expediti  
et ocreati militis, subserviam, ac succenturiatus adero.*

305. *Helvinam.* In agro hujus Satyræ, nota 2.  
Aquinatæ fons Helvinus fuit, 307. *Caligatus.* Caliga ge-  
nec procul Cereris templum. nus est calceamenti militaris.  
Hæc inventrix frumenti, anno- Itaque hominem armatum,  
næ præsidet, ut Diana sylvis. et ad dimicationem accinctum  
306. *Cumis.* Vide initium ea, vox hoc loco significat.

---

## SATIRA IV.

---

### ARGUMENTUM ET SYNOPSIS.

*IN* priori parte hujus Satyræ invehitur in Crispinum, sceleratum hominem et Domitiano gratiosum, ejusque libidinem, luxum, et gulam increpat. Deinde mentione factâ nulli, quem sex totis sestertiis Crispinus emerat, occasionem arripit agitandi in secunda Satyræ parte Domitiani, ad quem delatum narrat piscem eximie magnitudinis, et vocatos principes civitatis, quos enumerat carpitque singillatim, ut suam de isto pisce coquendo et condiendo, sententiam, coram ipso Domitiano, dicerent.

**E**cce iterum Crispinus ; et est mihi sæpe  
vocandus

Ad partes, monstrum nullâ virtute redemptum

A vitiis, æger, solâque libidine fortis :

Quid refert igitur quantis jumenta fatiget

5 Porticibus, quantâ nemorum vectetur in umbra,

Jugera quot vicina foro, quas emerit ædes ?

Nemo malus felix, minimè corruptor, et idem

Incestus, cum quo nuper vittata jacebat

Sanguine adhuc vivo terram subitura sacerdos.

**E**N rursum Crispinus tamquam in scenam prodit : et  
verò in hoc satiricum theatrum non semel erit produ-  
cendus, in quo suas partes agat : homo monstri similis  
ob turpissima et immanissima flagitia, quibus ita manci-  
patus est, ut nulla virtus eum ab hac teterrima servitute  
in libertatem vindicaret : qui licet variis morbis debilitatus  
sit, fortis tamen duntaxat et strenuus est, cum indulget  
libidini. Quid igitur illi prodest, quod equos plurimos ac  
mulos veret fatigeturque, dum illis gestatur, aut in exstructis  
magnifice porticibus, aut in umbrosis sylvarum spatiis ?  
quod hortos complures, quod magnificas domos ac lati-  
fundia emerit in ipsa urbe prope ipsum forum ? Neminem  
improbum felicem rectè dixeris, minimè omnium verò  
alienæ pudicitie corruptorem, et incesto contaminatum, qui  
nuper Vestalem virginem temeravit, quæ ob id scelus humo

1. *Iterum.* De Crispino sci-  
licet jam fecit mentionem,  
Satira I, versu 25.

2. *Ad partes vocandus.* Me-  
taphora sumpta est a comœ-  
diis, ubi actores dicuntur suas  
agere partes, primas, secun-  
das, tertiâs, etc. hoc est, suam  
personam, partem Regis, servi,  
etc. *Jouer son rôle.*

*Redemptum a vitiis.* Du-  
ciur translatio a captivis et  
mancipiis, quæ sunt in po-  
testate dominorum, donec  
ab aliquo redimantur ac li-  
berentur.

8. *Incestus.* Qui admisit in-  
cestum, non castus. Incestum  
proprie dicitur flagitium quod  
committitur cum muliere,  
cum qua non potest contrahi  
matrimonium, ob sanguinis  
aut religionis rationem.

*Vittata.* Vittæ, sunt tæniæ  
seu redimicula et ornamenta  
infularum, quibus sacerdo-  
tum capita solent amictiri ;  
iisdem victimæ immolandæ  
ornabantur.

9. *Terram subitura.* De  
Vestali sacerdote loquitur. De  
Vestalibus vide append. c. 3.

Sed nunc de factis levioribus : et tamen alter  
 Si fecisset idem, caderet sub iudice morum. 10  
 Nam quod turpe bonis, Titio, Seioque, decebat  
 Crispinum. Quid agas, cum dira et foedior omni  
 Crimine persona est? nullum sex millibus emit,  
 AEquantem sanè paribus sestertia libris, 15  
 Ut perhibent, qui de magnis majora loquuntur.  
 Consilium laudo artificis, si munere tanto  
 Præcipuam in tabulis ceram senis abstulit orbi.  
 Est ratio ulterior, magnæ si misit amicæ,

*defodienda viva fuit. Sed hæc levia Crispini flagitia, quæ tamen si quis alius admisisset, debitas pœnas, Censoris arbitrio, daret. Quod enim Titio, Seioque, viris optimis, vitio gravissimo vertebatur, hoc pulchrum Crispino et decorum erat. Quod se verat scriptor, aut quod primum ultimumve crimen insectetur in eo, qui omni flagitio tetrior ac turpior est? En aliud præclarum illius facinus; emptus ab eo nullus fuit sex millibus nummum, totidem penderis libras, quot erant ipsa, quibus emptus est, sestertia, ut narrant, qui res magnas majores facere dicendo solent. Dicerem callidè factum et prudenter fuisse a Crispino, si piscem tanti emisset, ad captandam ipso munere benevolentiam orbi cujuspiam et opulenti senis, ut primus in ejus testamento heres scriberetur. Esset alia quoque ratio potiùs, si eundem piscem nobili ac diviti matronæ misisset, quæ in ant-*

11. *Judice morum.* Censore, cujus erat civium mores emendare. Vide Satira II, versu 38, verbo *Censura* et versu 90, verbo *Censore*.

12. *Titio Seioque.* Homini- bus tunc notæ prohibitatis.

14. *Mullum.* Est piscis marinus, un barbeau.

*Sestertia.* Sestertium in neutro genere valet mille sestertios, qui minores idcirco appellantur, quorum sex millibus emptus hic piscis dicitur, sive sex majoribus sestertiis. Eorum valor quis esset dixi Satira I, versu 77.

15. *AEquantem sanè, etc.* Dictum ironicè; undè versiculo sequenti jactatum hoc ab assentatoribus Crispini fuisse ait: vix enim trilibres nulli reperiebantur: testaturque Seneca nullum quatuor librarum Tiberio datum fuisse, tamquam ingens manus.

18. *Ceram.* Paginam. Scribebant quippe in ligneis tabellis obductis cerâ nigricante quam stylo seu graphio exarabant. In prima porro testamenti pagina primi heredes et præcipui nominabantur.

- 20 Quæ vehitur clauso latis specularibus antro.  
 Nil tale exspectes : emit sibi. Multa videmus,  
 Quæ miser et frugi non fecit Apicius. Hoc tu  
 Succinctus patriâ quondam, Crispine, papyro !  
 Hoc pretium squamæ ! potuit fortasse minoris  
 25 Piscator, quàm piscis emi. Provincia tanti  
 Vendit agros ; sed majores Apulia vendit.  
 Quales tunc epulas ipsum glutisse putemus  
 Induperatorem ? cùm tot sestertia , partem  
 Exiguam, et modicæ sumptam de margine cœnæ  
 30 Purpureus magni ructaret scurra Palati,  
 Jam princeps Equitum, magnâ qui voce solebat,

*pla et clausa lectica per urbem gestatur. Nihil horum spectavit Crispinus, suæ unius gulæ rationem habuit. Hæc illa sunt edita nostris temporibus inauditæ prodigalitatis et luxus exempla, quæ ab ipso prodita non fuerunt Apicio, qui si cum Crispino componatur, pænè parcus ac frugalis habebitur. Tunc hoc ausus es, o Crispine ? tu vilissimum Ægypti mancipium, in qua confectis e papyro vestibus, ut unus e vulgo, induebaris ; eò propecta est ingluvies tua, ut piscem hoc immani pretiò comparares, quo piscator ipse poterat emi, inmo etiâ minori fortasse quo ingentes agri venduntur in remotis provinciis, atque adeo amplissimi in ipsa Apulia ? Quos tunc ab ipso Imperatore sumptus fuisse factos in convivia censemus, cùm piscem tot sestertiis emptum, qui tamen imperatoricæ cœnæ minima pars erat, ac velut ex ipsius mensæ sumpta margine, comederet aulicus parasitus, ac potius scurra, jam equitum*

20. *Antro.* Lectica obscurâ, instar antri.

22. *Apicius.* Nobilis Romanus helluonum omnium et comessorum celeberrimus, quem Seneca suo seculo vixisse tradit.

23. *Papyro.* Est papyrus Ægypti arbuscula palustris, e cujus libro texuntur vela, tegetes, vestes, chartæ, etc.

25. *Provincia.* Satira I, versu 40.

26. *Majores.* Nempe illis qui in provincia sunt, atque adeo cariores.

*Apulia.* Regio Italiæ ; nunc regni Neapolitani pars, *la Pouille.*

28. *Induperatorem.* Pro Imperatorem : vox Latina vetus, et poetica.

29. *Margine.* In extrema et remotiori parte mensæ, sunt viliores cibi.

30. *Scurra.* Qui risum jo-

Vendere municipales fracta de merce siluros?  
 Incipe, Calliope, licet hic considerare: non est  
 Cantandum; res vera agitur. Narrate puellæ  
 Pierides; prosit mihi vos dixisse puellas.  
 Cum jam semianimum laceraret Flavius orbem  
 Ultimus, et calvo serviret Roma Neroni,  
 Incidit Adriaci spatium admirabile rhombi,  
 Ante domum Veneris, quam Dorica sustinet Ancon,

35

*magister, olim vilis institor, qui contentâ voce siluros pisciculos in Ægypto sua natos singillatim divendere solitus erat? Huc ades, o Calliope, fas hic immorari paulo diutius; neque verò fictum aliquod carmen tibi est recitandum, sed res verè gesta. Illam, quæso, memorate, Musæ, eruditæ Virgines, favete mihi narranti, vel eam ob causam quod vos virgines honestissimo nomine appellaverim. Cum postremus Cæsarum e Flavia gente orbem dirâ crudelitate vexaret, ac Roma servitute premeretur sub immanissimo Imperatore, qui Neroni cetera similis, hoc uno dispar erat, quod calvus esset, rhombus piscis admirandæ magnitudinis in retia piscatoris incidit, in mari Adriatico; ante fanum Veneris, quæ Anconæ colitur: ac rete*

cis illiberalitùs movet.

*Purpureus.* In familia Imperatoris numeratus.

32. *Municipes.* Populares, ex eadem regione ortos. Consule super hac voce Sat. III, nota 34.

*Fracta de merce.* Non ex integra merce, non ex arcâ tota, sed divisa; ita ut pisces siluros singillatim venderet, vilissimorum cetariorum more.

33. *Calliope.* Una e Musis.

35. *Pierides.* Pierus, mons est Thessaliæ in Græciâ, Musis sacer; a quo et nomen hoc duxere.

36. *Flavius ultimus.* Domitianus, e gente seu domo et familia Flaviorum originem duxit.

37. *Neroni.* Nero fuit sex-

tus Imperator Rom. insigni crudelitate memorabilis; formâ et ingenio non contemnendus, in quo Domitianum vicit.

38. *Adriaci.* Adria masculini generis, nomen est sinus prælongi, in mari Mediterraneo, Italiam ab ortu alluentis; quem vocamus *le Golfe de Venise*, ab urbe celeberrima Venetiis, in intimo sinu posita. Adria verò, feminini generis, oppidum est agri Picini, non procul a mari. Dicitur autem mare Adriaticum. Adriacum et Adrianum.

*Rhombi.* Rhombus hoc in loco piscis est marinus, un-  
*turbot.*

39. *Ancon,* sive Ancona, *Anconæ,* urbs agri Piceni ce-



- 40 Implevitque sinus : neque enim minor hæserat illis,  
Quos operit glacies Mœotica, ruptaque tandem  
Solibus effundit torpentis ad ostia Ponti  
Desidia tardos, et longo frigore pingues.  
45 Destinat hoc monstrum cymbæ linique magister  
Pontifici summo. Quis enim proponere talem,  
Aut emere auderet ? cùm plena et littora multo  
Delatore forent ; dispersi protinus algæ

*totum complevit, quippe nihil mole concedebat illis, qui dum in palude Mæotide gelu constricta delitescerent pinguescunt, eisdem verno sole dissoluti, otio longo tardi et hyeme diuturnâ saginati transeunt in illud fretum, quo tanquam ostio Mæotis cum Ponto Euxino conjungitur. Piscator hunc piscem monstri similem destinat summi Pontificis mensæ; quis enim auderet venalem ejusmodi mercem palam exponere, aut emere? Cùm enim vel ipsa littora plurimis delatoribus abundarent; statim illi riparum in-*

leberrima. Dorica vocatur, eò quòd condita fuerit a Syracusanis, qui e Doride, parte Græciæ, sunt oriundi.

41. *Mæotica glacies.* Mæotis palus est, maris Mediterranei pars ultima, ad Septentrionem, infra Scythiam, ab Euxino Ponto discreta per angustum fretum, quem olim Bosphorum Cimimerium vocabant, nunc *le détroit de Caffa*.

42. *Ponti.* Pontus, masculini generis, significat quidem generali nomine, *universum mare*; propriè verò illud, quod a *Palude Mæotide* protenditur usque in *Ægeum Pelagus*; sed ubi primùm se arctat, a Tenedo incipiens, quæ est insula in ostio maris Ægei, vocatur Hellespontus, nunc *le détroit de Gallipoli*; ubi se expandit

Septentrionem, et Orientem versùs, appellatur Propon-tis, nunc *mer de Marmara*; ubi iterum arctatur, Bosphorus Thracius nuncupatur, nunc *le détroit de Constantinople*; quia Constantinopolis ad fauces hujus freii posita est. Denique ubi latissimè diffunditur, appellatur Pontus Euxinus, nunc *la mer Noire*, aut *la mer Majeure*. Pontus, cùm est generis feminini, significat *Asiæ minoris regionem*, ad littus ejusdem Ponti Euxini, venenorum feracem.

45. *Pontifici summo.* Ipsi Domitiano. Solebant enim Cæsares Pontificis summi dignitatem ad imperatoriam ad-jungere, quò plus haberent auctoritatis.

47. *Delatore.* Ad *Sat. I*, vers. 31, verbo *Delator*.

*Algæ.* Alga, est herba ma-

Inquisitores agerent cum remige nudo ;  
 Non dubitaturi fugitivum dicere piscem ,  
 Depastumque diu vivaria Cæsaris ; inde  
 Elapsum , veterem ad dominum debere reverti .  
 Si quid Palphurio , si credimus Armillato ,  
 Quidquid conspicuum , pulchrumque ex æquore  
 toto est ,

50

Res fisci est , ubicumque natat : donabitur ergo ,  
 Ne pereat . Jam letifero cedente pruinis  
 Autumno , jam quartanam sperantibus ægris ,  
 Stridebat deformis hyems , prædamque recentem  
 Servabat : tamen hic properat , velut urgeat Auster .

55

*dagatores ubique diffusi litem piscatori misero intenderent , nec dubitarent affirmare piscem ejusmodi educatum diu fuisse in Imperatoris vivariis , ex iis effugisse , atque adeo priori domino esse restituendum . Si qua fides adhibetur Palphurio et Armillato , quidquid universo in mari præclarum et eximium est , quocumque in loco reperitur , debetur Imperatori , et ad principis mensam pertinet . Ne igitur invito piscatori , sine ullo fructu , piscis eripiat , et omnino pereat ; donabit illum Imperatori , ut meritum saltem habeat muneris , et mercedis aliquid fortasse obtineat . Jam inhorrescebat hyems , exeunte autumno , et suum brumæ locum vicesque concedente , cum ægrôti quartanam febrem sperare incipiunt . Eo frigore piscis recens captus servari diu poterat , piscator tamen festinat ire ad Imperatorem , perinde ac si calidior ventus flaret . Postquam ventum est*

rina quæ in littus ejicitur ab æstu maris , cum spuma et variis sordibus .

40. *Vivaria*. Sat. III , v. 293.

52. *Palphurio Armillato*. Domitiani satellitibus , et famosis delatoribus .

54. *Fisci*. Fiscus vulgò significat ærarium principis : propriè calathum vimineum , seu corbem , et sportam , in qua reponebatur pecunia .

55. *Ne pereat*. Quod datur

non perit omnino danti , imò , si Martiali credimus , manet adhuc penes illum . *Quas dederis , solas semper habebis opes*. ( Lib. V , v. 45. )

56. *Quartanam*. Febris est , quæ quarto quoque die recurrit . Autumno exeunte solent febres , in quartanas minus periculosas et molestas mutari .

58. *Auster*. Ventus calidior , quo putrescunt opsonia .

- Utque lacus suberant, ubi, quamquam diruta, servat  
 60 Ignem Trojanum, et Vestam colit Alba minorem,  
 Obstitit intranti miratrix turba parumper.  
 Ut cessit, facili patuerunt cardine valvæ.  
 Exclusi exspectant admissa opsonia patres.  
 Itur ad Atriden: tum Picens, Accipe, dixit,  
 65 Privatis majora focis; genialis agatur  
 Iste dies; propera stomachum laxate saginis,

*ad lacus positos prope Albam, qua in civitate, licet ferè destructa, servatur, more a Trojanis indactio, ignis perpetuus, et minori quàm in urbe Romana, templo, Vesta colitur, multitudo admirantium ingredientem paulisper detinuit: quæ ubi sumnota est, in patentes illico fores imperatorii culiculi admissus est piscator, jussis consistere ad valvas proceribus, et exspectare donec illustre ferculum Domitianus accepisset. Quem ubi conspexit piscator: Summe, inquit, dapès pretiosiores quàm ut hominis privati culinæ conveniant, hodie genio indulgeas, et epuleis opiparè, licebit; confestim stomachum aliis cibis exone-*

59. *Usque lacus suberant.* Postquam in Albanos colles pervenere, ad quorum radicem visuntur lacus, etc.

60. *Vestam.* Vide append. c. III.

*Alba.* Urbs veteris Latii, ab Ascanio AENEÆ filio condita. Prope hanc urbem Domitianus arcem seu villam regio extruxerat opere et cultu, quam Albanum vocaverat, ubi Quinquatria (erant Minervæ festa) quotannis celebrabat, ac frequens morabatur. Vide Sat. II, v. 61, verb. *Bonam Deam.*

*Minorem.* Cùm Albam diruissent Romani, et sacra Romam transtulissent; terribi nihilominus prodigiis et religione moti, AEdem Vestæ ibidem extruxerunt, sed paulò

minorem quàm Romæ.

63. *Opsonid.* Propriè sic appellantur omnes cibi præter panem: ab ὀψῆων, coquo.

*Patres.* Senatores, primores, etc. Iis nomen hoc proprium fecit, ætas, prudentia, auctoritas.

64. *Atriden.* Hic per Atriden intelligitur Domitianus, qui, ut Agamemno Atrei filius, domesticis insidiis oppressus periit.

*Picens.* Oriundus ex agro Piceno, qui ager est in Italia, ad litus maris Adriatici, vulgò *la Marche d'Ancone.*

65. *Genialis.* Lætus, hilaris. Fingebant Deum esse quemdam singulis hominibus addictum, fortunæ ipsorum et felicitatis velut arbitrum: *Genium* appellabant.

Et tua servatum consume in secula rhombum,  
Ipse capi voluit. Quid apertius? et tamen illi  
Surgebant cristæ. Nihil est, quod credere de se  
Non possit, cum laudatur Dis æqua potestas.

70

Sed deerat pisci patinæ mensura. Vocantur  
Ergo in concilium proceres, quos oderat ille;

In quorum facie miseræ, magnæque sedebat

Pallor amicitiae. Primus, clamante Liburno,

Currite, jam sedit, raptâ properabat abollâ

75

Pegasus, attonitæ positus modò villicus urbi.

Anne aliud tunc Præfecti? quorum optimus, atque

Interpres legum sanctissimus; omnia quamquam

Temporibus diris tractanda putabat inermi,

Justitiâ. Venit et Crispi jucunda senectus,

80

*ra, ut opimo pisci pateat totus: rhombo vescere, quem  
superi tuo seculo servaverunt. Ultrò ipse captus est. Quid  
adulatione tam putidâ clarius? plaudebat ipse sibi tamen  
Imperator, et ineptis laudibus triumphabat. Adeo quaslibet  
avidè admittunt laudes, ac de se quidlibet dicentibus  
credunt, qui parem Superis potestatem sunt adepti. At enim  
nulla erat patina satis ampla, ut in ea coqui et apponi  
tam vastus piscis posset. Itaque cogitur concilium, primores  
civitatis accersuntur; qui cum insensum haberent Domi-  
tianum, ipso vultu anxio et pallido satis indicabant, quàm  
misera esset tam sævi principis amicitia. Dum singulos festi-  
nare præco jubet, urgetque his verbis: Advolate, jam adest  
Cæsar, primus abollâ properè indutus celerabat gradum  
Pegasus, non ita pridem urbi trepidæ villicus a Domitiano  
præpositus: quid enim aliud tunc erant Præfecti urbis,  
quàm villici? inter quos sanè Pegasus probitate præsta-  
bat, idemque legum et juris interpres erat integerrimus,  
licèt arbitraretur in illa temporum acerbitate et scævitia  
mollem ac languidam, ac velut inermem justitiam in ad-  
ministranda republica esse adhibendam. Adsuit etiam Crispus*

69. *Cristæ.* Sumptum a gal-  
lis gallinaceis, quibus læti-  
tia cristas erigit, deprimit  
mœror.

74. *Liburno.* Sat. III, nota  
225.

75. *Abolla.* Sat. III, nota  
*Abolla.*

76. *Pegasus.* Hoc in loco  
nomen est Senatoris aut ju-  
risconsulti peritissimi, et Ro-  
mæ Præfecti.

80. *Crispi.* Vibius Crispus  
homo facetus et comis, cum  
fuisset aliquando interroga-  
tus, essetne solus Domitia-



- Cujus erant mores, qualis facundia, mite Ingenium. Maria, ac terras, populosque regenti Quis comes utilior, si clade, et peste sub illa Sævitiā damnare, et hōnestum afferre liceret
- 85 Consilium? sed quid violentius aure tyranni? Cum quo de pluviis, aut æstibus, aut nimboso Vere, locuturi fatum pendebat amici?
- Ille igitur numquam direxit brachia contra Torrentem. Nec civis erat, qui libera posset
- 90 Verba animi proferre, et vitam impendere vero. Sic multas hyemes, atque octogesima vidit Solstitia, his armis, illā quoque tutus in aula.

*comis ac festivus senex, cujus placiti et quieti mores erant, nec absimilis eloquentia, snavis indoles, et ad clementiam nata; nemo ut Aulicus imperatori orbem universum gubernanti utiliora suggerere posset consilia, si fuisset honesto cuiquam consilio locus; et immanitatem arguere liberè licuisset, imperante Domitiano, quem orbis perniciem et pestem jure dixeris: quo tyranno quis unquam exstitit crudelior, si quid parum gratum ad ejus aures accideret? Cum quo si amicus colloqueretur de imbribus aut vernæ tempestatis nimbis, ex hoc uno sermone vita ipsius aut mors pendebat, si ad voluntatem et gratiam imperatoris, vel secus, loquutus foret. Id cū intelligeret Crispus, cavit sedulò ne contra flumen adversum navigaret; ac rectè ille quidem et sapienter. Quis enim tunc civis audebat, quod sentiret eloqui, ac vitæ discrimen, ut verum diceret, adire? Hac arte Crispus ætatem ad octoginta usque annos produxit; seque ejusmodi armis, in ista, quod mireris, aula sævitie plenissima, salvum et incolumem præstitit. Post Crispum proximè*

nus, num quis cum illo intus esset, respondit, Nemusca quidem. Consueverat enim Domitianus muscas in cubiculo persequi et aureo stylo configere.

92. *Solstitia.* Solstitium est anni tempus, in quo sol lentius movetur versùs Septen-

trionem, aut Meridiem, adedò ut stare videatur, quod contingit bis in anno, cū sol Tropicos attingit, Junio scilicet exeunte et Decembri. Itaque duo sunt solstitia: cū tamen absolutè ponitur vox illa *solstitium*, semper intelligitur *æstivum*.

Proximus



Proximus ejusdem properabat Acilius ævi,  
Cum juvene indigno, quem mors tam sæva  
maneret,

Et domini gladiis jam designata: sed olim  
Prodigio par est cum nobilitate senectus;  
Unde fit, ut malim fraterculus esse Gigantum.

95

Profuit ergo nihil misero, quòd cominus ursos  
Figebat Numidas, Albanâ nudus arenâ  
Venator. Quis enim jam non intelligat artes  
Patricias? Quis priscum illud miretur acumen,  
Brute, tuum? Facile est barbato imponere regi.

100

*festinabat totidem natus annos Acilius, comitante filio, adolescente ornatissimo, ac digno sanè qui mitiori morte defungeretur, quàm quæ ipsi aliquantò post a Domitiano fuit irrogata, jam tunc verò destinata fuit: sed jam pridem monstri simile quiddam est, homo nobilis et senex; eamque ob causam terræ filius et minimus gigantum frater esse multò maluerim, quàm inter nobiles ac Deorum pueros numerari. Nihil igitur infelix juvenis ad evitandam Imperatoris immanitatem et odium profecit, quod, ut ejus benevolentiam captaret, adversus Lybicos ursos nudo corpore depugnaret in Albano amphitheatro; quis enim ignorat, quàm variis artibus nobiles effugere crudelitatem Domitiani, et in ejus gratiam irreperere conarentur? Nemo jam admiratur Bruti solertiam, quâ Tar-*

93. *Acilius.* Acilius Glabrio Consulatum gessit, vir ob singularem prudentiam et probitatem populo acceptissimus, sed ob easdem dotes, ac maxime propter corporis robur, in visus Domitiano, qui ne ab ejusmodi robustioribus hominibus aliquando necaretur, timebat, quod reverà contigit, ut extremâ Satirâ dicemus. Hunc igitur e medio sustulit.

95. *Jam designata.* Legunt nonnulli, *tam festinata.*

97. *Gigantum.* Terræ filii erant. Solemus autem homines obscuro et humili ortos

loco, terræ filios appellare.

99. *Numidas.* Lybicos, Numidia est pars Africæ.

*Albana.* Vide suprâ v. 60, verbo *Alba*.

*Nudus.* Vel ut esset expeditior ad venationem istam: vel ut quamdam stultitiam simularet, exemplo Bruti.

*Arena.* Sat. II, versu 102, verbo *Arenam*, et Sat. III, nota *Arena*.

101. *Patricias.* Sat. I, nota 22, sumuntur, hoc loco Patricii, pro viris nobilibus et principibus civitatis.

102. *Brute.* Lucius Brutus, fatuus se esse ac hebetem si-

- Nec melior vultu, quamvis ignobilis, ibat  
 Rubrius, offensæ veteris reus, atque tacendæ.  
 105 Montani quoque venter adest abdomine tardus :  
 Et matutino sudans Crispinus amomo,  
 Quantum vix redolent duo funera : sævior illo  
 Pompeius tenui jugulos aperire susurro ;  
 Et qui vulturibus servabat viscera Dacis  
 110 Fuscus, marmoreâ meditatus prælia villâ ;  
 Et cum mortifero prudens Veïento Catullo,  
 Grande, et conspicuum nostro quoque tempore  
 monstrum.

*quinium deceptis simulatione stultitiæ : obsoletæ sunt fraudes ejusmodi, et idoneæ tantum ad fucum faciendum priscis illis qui barbani adhuc alebant regibus, quorum simplicitas cum nostrorum Imperatorum calliditate comparanda non est. Nec minus pallido, quàm illi nobiles vultu accurrebat Rubrius, nempe criminis olim admissi, et silentio premendi, pœnas meritò timens. Adest ipse quoque Montanus, vix abdomen amplum et bene factum trahens ; et Crispinus unguenta olens quibus mane fuerat delibutus, quantum condiendis duobus cadaveribus satis esset. Adest etiam Pompeius Ruffus, Crispino crudelior ad homines delationibus in Cæsaris aurem instillatis jugulandos. Nec non Cornelius Fuscus qui Dacico in bello postmodum occidendus erat, opima vulturum præda, licet artem bellicam in villa ornatissima umbratili meditatione per otium didicisset. Adest cum prudenti Veïentone Catullus, qui multis exitium solebat afferre, monstrum immane, ac nostris etiam temporibus, quibus omnia portenta scelerum vulga-*

mulavit, eoque modo Tarquinii Superbi immanitatem effugit.

*Barbato.* Prisco, antiquæ simplicitatis. Romani per annos amplius quadringentos ab urbe condita intonsi fuere, imò et caruere tonsoribus, quos Ticinus Mena e Sicilia primus advexit.

105. *Abdomine.* Sat. II, nota *Abdomine.*

107. *Duo funera.* Cadave-

ra condiebantur aromatis.

109. *Dacis.* Daci erant Europæ populi ad Septentrionem, ubi nunc sunt Valachi, Moldavi, etc.

110. *Fuscus.* Cornelius Fuscus prætorianæ cohortis Præfectus, in bello contra Dacos gesto periit. Sat. I, nota 46.

111. *Catullo.* Catullus Messalinus, teste Plinio, luminibus orbatus, ingenio suo mala cæcitatibus addiderat, non eru-

Cœcus adulator, dirusque a ponte satelles,  
 Dignus Aricinos qui mendicaret ad axes,  
 Blandaue devexæ jactaret basia rhedæ. 115  
 Nemo magis rhombum stupuit : nam plurima dixit  
 In lævum conversus : at illi dextra jacebat  
 Bellua. Sic pugnas Cilicis laudabat, et ictus,  
 Et pegma, et pueros inde ad velaria raptos.  
 Non cedit Veïento, sed ut fanaticus œstro 120

*ria sunt, admirandum. Homo propter pestiferas adulationes infamis, utroque captus oculo, qui clarus imperatorii furoris administer evaserat, cùm antea esset mendicus, quales in pontium crepidinibus solent considerare, ac dignus qui stipem a rhedis clivum Aricinum prætereuntibus rogaret. Unus præ ceteris rhombum miratus est, quem a dextra parte positum, ipse ad sinistram se convertens mirificè laudabat. Haud aliter certantem Cilicem illum celeberrimum gladiatorem laudibus ad cœlum efferebat, vulneraque ab illo adversariis inflicta, et pegmata, et pueros ex iis ad vela, quibus theatrum supernè tegebatur, sublato prædicabat. Nihilo sègnior est Fabricius Veïento in laudando*

bescebat, non miserabatur, etc.

113. *A Ponte.* Solent pauperes in pontium crepidinibus considerare, ut a prætereuntibus stipem petant.

• 114. *Aricinos.* Aricia, la Ricia, urbs Latii, in via Appia, sita erat in clivo, qui ob viæ celebritatem et hominum comitantium frequentiam, mendicis abundabat.

118. *Cilicis.* Cilix, nomen cuiusdam gladiatoris tunc spectatissimi, fortasse quia oriundus erat e Cilicia, parte Asiæ minoris Meridiem versùs.

119. *Pegma.* Pegmata erant machinæ quædam lignæ, quæ in triumphorum et ludorum pompa rotis subvehiebantur; eo artificio compac-

tæ, ut repentè in varias contignationes assurgerent, ac, si collibuisse, contraherentur, descenderentque. In iis sæpè visebantur pueri maximâ celeritate volitantes ab infimo tabulato ad summum.

Facta vox a *πῆγνόςμαι*, compingo, fabrico.

*Inde.* A summo pegmate.

*Valeria.* Loca erant ubi reponebantur complicata vela, theatri oppandi solita. Vide Horat. Epist. I, Lib. II.

120. *Fanaticus.* Sat. II, nota 87.

*OEstro.* OEstrus, muscæ quoddam genus armenta pungere solitum, et pecudes in furorem agere; un taon: quam ob causam pro furore accipitur.

- Percussus, Bellona, tuo divinat; et, Ingens  
 Omen habes, inquit, magni clarique triumphi:  
 Regem aliquem capies, aut de temone Britanno  
 Excidet Arviragus: peregrina est bellua. Cernis  
 125 Erectas in terga sudes? Hoc defuit unum  
 Fabricio, patriam ut rhombi memoraret et annos.  
 Quidnam igitur censes? Conciditur? Absit ab illo  
 Dedecus hoc, Montanus ait; testa alta paretur,  
 Quæ tenui muro spatiosum colligat orbem.  
 130 Debetur magnus patinæ, subitusque Prometheus.  
 Argillani, atque rotam citiùs properate: sed ex hoc  
 Tempore jam, Cæsar, figuli tua castra sequantur.  
 Vicit digna viro sententia: noverat ille

*pisce; quin, tanquam fanaticus aliquis Bellonæ stimulis agitatus, huriolatur, et, Hæc bellua tibi, o Imperator, inquit, insignem aliquem triumphum portendit. Rex aliquis a te capietur, aut e solio Britannicæ deturbabitur Arviragus, idque ex eo conjici faci'è potest, quòd hæc bellua ex aliqua longinqua regione advecta sit: vides ut tergum illi squamis erectis ac pinnis inhörrescat? Nihil restabat, quòd illi adderet Veïento, nisi ut patriam rhombi, et quot esset annos natus, exponeret. Quid igitur faciendum isto pisce censes, subjicit Imperator? num in frusta comminuetur? Cui Montanus, Noli, inquit, illum hac afficere ignominia: fabricetur ingens vas fictile, quod latera in orbem tanquam muros amplos vastosque protendat: sed opus est ad extruendam ejusmodi patinam solers et diligens, nihil Prometheo veteri cedens, figulus. Agite, paretur confestim argilla et rota, et deinceps figuli tuis, Cæsar, in castris præsto semper adsint, ut si quid ejusmodi contingat, statim accingant se ad opus. Ilum est in hanc sententiam, auctore suo dignam: sciebat ille videlicet, quibus delecta-*

121. *Bellona.* Soror Martis, belli præses; eadem atque Cybele.

124. *De temone excidet.* Propriè potest accipi: nam Britanni e curribus pugnant, ut Cæsar docet.

125. *Sudes.* *Palos* ea vox propriè significat: hic, pin-

*næ piscis prægrandes et præacutas.*

130. *Prometheus.* Vid. app. c. III et xv. Pro quolibet figulo sumitur a poetis, quia princeps eam artem invenit.

131. *Rotam.* Utuntur figuli rotâ in firgendis vasis,

Luxuriam Imperii veterem, noctesque Neronis  
 Jam medias, aliamque famem, cum pulmo Falerno 135  
 Arderet. Nulli major fuit usus edendi  
 Tempestate meâ. Circeis nata forent, an  
 Lucrinum ad saxum, Rutupinove edita fundo  
 Ostrea, callebat primo deprendere morsu :  
 Et semel adspecti littus dicebat echini. 140  
 Surgitur, et misso procures exire jubentur  
 Concilio, quos Albanam dux magnus in arcem  
 Traxerat attonitos, et festinare coactos,  
 Tamquam de Cattis aliquid, torvisque Sicambris

*rentur ferculis, quàm fædis comessionibus indulgerent superiores Imperatores, ac præcipuè Nero, qui epulas a medio die ad mediam usque noctem protrahens, famem renovare callebat, cum jam stomachus exquisito vino hauriendo defatigatus esset. Unus omnium ævo meo in opsoniorum arte fuit exercitatissimus ac peritissimus : primo e morsu detegebat ubi nata essent ostrea, num Circeis, num ad Lucrini lacûs rupes, aut Britannico in mari : satis erat illi echinum vidisse, ut intelligeret quo in littore captus foret. Consurgitur, ac procures, soluto concilio, dimittuntur, quos præclarus Imperator in Albanam arcem trepidos evocaverat, et festinare jusserat, quasi cum iis deliberaturus de negotio aliquo graviore, cum Cattis vel Sicambris transigendo ; aut quasi de clade aliqua*

135. *Falerno.* Falernus mons et ager Campaniæ in Italia, vini generosi ferax, inter Calenum et Sinuessam.

137. *Circeis.* Circei, oppidum fuit Italiæ, in ditone Volscorum ad oram Tyrrheni maris, et radices montis Circei, *Monte Circello.* Dirutum est, et extractus in ejus rudcribus pagus, cui nomen *Santa Felicità.*

138. *Lucrinum.* Lucrinus lacus in Italia erat Campania inter Puteolos et Baias; sed anno 1538, terræ motu est

absorptus. Restat modò lutosus palus quam indigenæ vocant *Mare morto.*

*Rutupino.* Rutupinæ, oppidum est maritimum majoris Britanniæ.

140. *Echini.* Est Echinus e genere cancrorum : sed spinis horrens totus.

141. *Cattis.* Populis Germaniæ ad Rhenum, quos infelici bello Domitianus laceravit.

*Sicambris.* Germaniæ itidem inferioris populis.



- 145 Dicturus; tamquam diversis partibus orbis  
 Anxia præcipiti venisset epistola pennâ.  
 Atque utinam his potiùs nugis tota illa dedisset  
 Tempora sævitæ, claras quibus abstulit urbi,  
 Illustresque animas impunè, et vindice nullo:  
 150 Sed periit, postquam cerdonibus esse timendus  
 Cœperat; hoc nocuit Lamiarum cædè madenti.

*per epistolas e variis orbis partibus properè missus, fuisset admonitus. Utinam verò his ludicris deliberationibus consumpsisset omnes annos, quibus tam diram exercuit carnificinam, et viris nobilissimis urbem, nullo ulciscente, spoliavit! Sed intersectus est cum scævire in plebem cœpit. Exitio illi fuit ignobilis vulgi furor, postquam nobilium sanguine manus impias inquinasset.*

150. *Cerdonibus.* Aux savetiers, aux plus vils artisans. Quam ob causam veteramentarius etiam appellatur.

151. *Lamiarum.* AELIUM Lamiam, quòd jocatus fuis-

set paulò liberius, interficì Domitianus jussit; porrò isti Lamiæ genus antiquum ducebant a Lamo, qui olim Caietæ imperitaverat. Horat. Od. 21, Lib. I, pag. 61, ut editi anno 1696.

## S A T I R A V.

### ARGUMENTUM ET SYNOPSIS.

*T*Rebium conatur deterrere a sectandis divitum mensis, eique varia parasiticæ vitæ incommoda singillatim proposuit, verbi gratiâ, quòd nihil hac vitâ turpius ac miserabilius, quòd fercula omnia deterrima, vinum, panis, oleum, pisces, fungi, poma, ipsi etiam cyathi viles, parasitis apponantur. Denique in ipsos divites ac lautos invehitur, qui clientes tam malè accipiant, ex iisque risum sibi et voluptatem superbam quærant.

**S**i te propositi nondum pudet, atque eadem  
est mens,

Ut bona summa putes alienâ vivere quadrâ ;

Si potes illa pati, quæ nec Sarmentus iniquas

Cæsaris ad mensas, nec vilis Galba tulisset,

Quamvis jurato metuam tibi credere testi.

Ventre nihil novi frugalius. Hoc tamen ipsum

Defecisse puta, quod inani sufficit alvo.

Nulla crepido vacat ? Nusquam pons, et tegetis  
pars.

Dimidiâ brevior ? tantine injuria cœnæ ?

Tam jejuna fames ? cùm possis honestiùs illic

Et tremere, et sordes farris mordere canini ?

**S**i te nondum pudet consilii tui, et in eadem perstas  
mente, ut summi boni loco ducas alienâ vesci mensâ :  
si contumelias ac dedecora ferre potes, quæ perpeti vix  
potuissent Sarmentus, aut Galba, cùm ad Augusti men-  
sam vocati, multa indignissima perferrent : etsi jures et  
contesteris te hac vitâ delectari, fidem adhibere tibi no-  
lim. Et verò humanus venter parvo admodum est conten-  
tus : et quamvis deesset quod vacuæ alvo placandæ sit  
satis, nullusne tandem, ubi mendicare possis, locus est  
vacuus, sive in ponte, sive in fluvii ripa ? Nonne præ-  
staret corrogare stipem, indui curtâ et vix dimidiâ tegete,  
quàm hanc vitam vivere ? Tanti-ne facis cœnam, unde  
onustus probris et ignominiâ discedas, ac fermè jejunus,  
cùm in iis, quæ dixi, locis longè honestiùs queas rigere  
frigore, ac fursureo sordidoque pane vesci ? Primum hoc  
tibi persuâde, cœnam hanc ad quam accumbere te dives  
jubeat, velut omnium, quibus eum jampridem colis, obsequio-

2. *Quadra.* Propriè signi-  
ficat quartam partem cujus-  
vis rei, maximè verò panis,  
casei, aut placentæ, etc.  
Interdum sumitur pro pla-  
centa patula, quæ duabus  
lincis decussatis in medio  
notata sic erat, ut quatuor  
in partes veluti distingueret-  
tur. Ejusmodi porrò placen-  
tis imponebant opsonia, ut

solemus orbiculis e plumbo  
albo, vel argento. Alienâ  
quadrâ vivere, proverbii  
more dicitur, pro alienam  
captare mensam.

3. *Sarmentus.* Eques Ro-  
manus, Augusti scurra et  
parasitus; itidem ut Galba.

8. *Crepido.* Gall. un quai.  
*Pons.* Sat. IV, not. 113.

Primo fige loco, quod tu discumbere jussus  
Mercedem solidam veterum capis officiorum.

- 15 Fructus amicitiae magnae cibus : imputat hunc rex,  
Et quamvis rarum, tamen imputat. Ergo duos post  
Si libuit menses neglectum adhibere clientem,  
Tertia ne vacuo cessaret culcita lecto,  
Unâ simus, ait. Votorum summa : quid ultra  
Quæris ? Habet Trebius propter quod rumpere  
somnum

- 20 Debeat, et ligulas dimittere, sollicitus, ne  
Tota salutatrix jam turba peregerit orbem,  
Sideribus dubiis, aut illo tempore, quo se  
Frigida circumagunt pigri sarraca Bootæ.  
Qualis coena tamen ! Vinum quod succida nolit

*rum mercedem integram tibi rependi. Est hic demum illustis amicitiae fructus, hoc præmium, ut interdum ad capiendum cibum inviteris ? Hoc tibi objectat nobilis patronus, tamquam aliquod magnum munus et memorabile ; ac licet rarum sit, prædicat nihilominus, ac in præcipua rationum parte, ponit. Itaque si visum illi fuerit post menses duos te clientem diu neglectum, tandem ad cœnam vocare, ne sit vacuus in tertio lecto locus, adesdum, inquiet, unâ cibum ambo capiamus. Hæc illa scilicet est meta quam tot votis ambiebas : hæc illa tot laborum tuorum ampla merces. Quid præterea postulas ? Hac tantâ mercede donatus Trebius recusare profectò non debet, quin abrumpat somnum, ac vincula calceorum femoraliumque omittat, festinans ad patronum salutandum, timensque ne ceteri clientes jam ad salutem illi dicendam ordine suo quisque admissi, velut in orbem, fuerint, tametsi nondum planè diluxerit, ac frigidus Bootes adhuc suum plaustrum versare lento gyro pergat. Sed ipsam, quæso, cœnam expendamus ad quam adhiberis. Vinum tibi jam vile propina-*

14. *Rex.* Sic patronos suos appellabant.

17. *Vacuo lecto.* Sat. III, not. 81.

*Culcita.* Un matelas.

22. *Sideribus dubiis.* Cum ob auroram imminentem astra evanescunt.

23. *Bootæ.* Bootes sidus est septentrionale, proximè post illud quod *Plaustrum* vocant, adeo ut videatur ipsum plaustrum agitare, et boves urgere, qui plaustrum trahunt. *Sarraca.* Chariot.

24. *Succida lana.* Plena

Lana pati : de conviva Corybanta videbis.  
 Jurgia proludunt ; sed mox et pocula torques  
 Socius, et rubrâ deterges vulnera mappâ ;  
 Inter vos quoties, libertorumque cohortem  
 Pugna Saguntinâ fervet commissa lagenâ.  
 Ipse capillato diffusum Consule potat,  
 Calcatamque tenet bellis socialibus uvam,  
 Cardiaco numquam cyathum missurus amico.  
 Cras bibet Albanis aliquid de montibus, aut de  
 Setinis, cujus patriam, titulumque senectus

25

30

*tur, ut ad lanam quæ succisa sit recens, et tingenda purpureo colore, vix adhiberetur; quod fumosis vaporibus ita tuum caput perturbet, ut qui veneras conviva, fias brevi Corybas; ac initio quidem in convicia prorumpis et jurgia, mox ipsos cyathos jacularis, et iis vicissim potius ac vulneratus, sanguinem abstergis cruentâ mappâ, quoties inter hinc vestram parasitorum, inde verò libertorum aciem exarsit certamen, in quo scyphis et poculis tamquam gladiis res geritur. Ipse interim patronus vester potat vinum vetustissimum et generosissimum, in amphoras e torculari defusum sub aliquo ex antiquis Consulibus, qui comam longiorem aiebant, aut tempore socialis belli: cui vino ita parcat, ut ad amicum stomacho laborantem scyphum numquam missurus sit. Cras aliud ipsi vinum miscebitur, putâ Albanum aut Setinum, ita vetus, ut quo sit*

succi et humoris. Dicuntur lanæ recens ab ovium tergo decussæ et succisæ vino elui, maximè si purpureo colore sint inficiendæ; sed vinum deterius ad hos usus adhibetur.

25. *Corybanta.* Vide app. c. 24.

29. *Saguntina.* Saguntus Hispaniæ urbs antiqua. In illa urbe vasa fictilia laudatissima fiebant.

30. *Capillato.* Antiquo: veteres enim Romani intonsi erant, ut dixi Sat. IV, nota *Barbato.* Intelligitur autem præcipuè Opimius qui Consulatum gessit anno ab urbe con-

dita 633, ante Juvenalem 230. Eo consule vini optimi felix et ingens per Italiam omnem copia fuit, quod in amphoras defusum ad ducentos post annos servatum fuit, Plin. Lib. XIV, c. 4.

31. *Bellis socialibus.* Bellum sociale, confectum fuit anno U. C. 666, ducentis ferme annis ante hanc Satiram scriptam.

32. *Cardiaco.* Græca vox: a καρδια, cor, stomachus.

33. *Albanis,* Sat. IV, nota *Alba.*

34. *Setinis.* Setia, nunc Sezza, urbs est in extrema

- 35 Delevit multâ veteris fuligine testæ :  
 Quale coronati Thræsea, Helvidiusque bibebant,  
 Brutorum et Cassi natalibus. Ipse capaces  
 Heliadum crustas, et inæquales beryllo  
 Virro tenet phialas : tibi non committitur aurum :  
 40 Vel si quando datur, custos affixus ibidem,  
 Qui numeret gemmas, unguisque observet acutos.  
 Da veniam : præclara illic laudatur iaspis,  
 Nam Virro, ut multi, gemmas ad pocula transfert

*loco natum, quo notata Consule amphora, vix legi in cortice ac titulo amphoræ, propter fuliginem et antiquitatem, possit: quale potabant olim Thræsea et Helvidius floreis coronis redimiti, cum Brutorum et Cassii natalem diem celebrabant. Idem Virro, a quo vocatus es, pateram habet in manibus confectam ex electro, phialasque ob extantem beryllum asperas: tibi aureus cyathus non præbetur: aut si tuas in manus aliquando venit, adest eodem in loco servus, neque a tuo discedit latere, qui calicem custodiat, qui insertas auro gemmas velut in numerato habeat, qui sit in excubiis, ne quam unguibus avaris divellas, Noli succensere si tam diligenter calix custoditur, in eo quippe est egregia iaspis, et magni pretii. Nam Virro, multorum more, ab annulis suis ablatis uniones, poculis*

Latii parte, cujus ager optimi vini ferax.

*Cujus patriam.* Amphoras vini obturabant gypso, pumice, aut pice, addebantque titulum in quo erat scriptum nomen Consulis, ac proinde anni quo defusum vinum: item agri nomen, in quo natum. Sæpe amphorassuspendebant in camini spiraculo, et multo fumo vetustatem et commendationem vino querebant.

36. *Thræsea.* Thræseas Pætus vixit Neronis ævo, cui ob eximiam probitatem ac studium libertatis invisus, et a quo mori, venis incisis, jusus est.

*Helvidiusque.* Helvidius Thræseæ Pæti gener: fuit socero non dissimilis, a Nerone in exilium pulsus.

37. *Brutorum.* Duorum videlicet, Luc. Junii Bruti, qui Tarquinium Romæ exegit; et Decimi Bruti, qui præcipuus C. Jul. Cæsaris interfector fuit, unâ cum Cassio.

38. *Heliadum.* Vide app. c. v.

*Beryllos.* Beryllus, *Béril*, lapis est pretiosus, cærulei ferè coloris.

42. *Iaspis.* Gemma viridis coloris, interdum rosei, aut fulvi, *du jaspe*.



A digitis ; quas in vaginæ fronte solebat  
 Ponere zelotypo juvenis prælatus Hiarbæ.  
 Tu Beneventani sutoris nomen habentem  
 Siocabis calicem nasorum quatuor, ac jam  
 Quassatum, et rupto poscentem sulfura vitro.  
 Si stomachus domini fervet vinoque, ciboque,  
 Frigidior Geticis petitur decocta pruinis.  
 Non eadem vobis poni modò vina querebar ;  
 Vos aliam potatis aquam : tibi pocula cursor  
 Gætulus dabit, aut nigri manus ossea Mauri,

45

50

*inserit, quos in summa vaginæ parte collocare solitus erat Æneas, quem Hiarbæ Dido anteposuit. Tu bibes in aliquo ex illis, quibus Vatinius sutor Beneventanus nomen dedit, vitreo cyatho, in quo extabunt quasi rostra et nasi quatuor per quos bibatur, quique fractus sit, mutilus, et dignus qui cum sulfuratis permutetur. Si æstuat patroni stomachus, mero ac dapibus onustus, offertur illi aqua cocta, quæ vincat nives suo frigore. Ita non tantum aliud illi ac vobis vinum, quod modò questus eram, apponitur, sed etiam alia aqua. Hanc tibi infundet in cyathum aliquis servus a pedibus, e Gætulia oriundus, aut e Mauri-*

45. *Juvenis.* Æneas, Lib. IV ÆN. v. 261.

*Zelotypo.* Hiarbas appellatur *zelotypus*, id est, *cemulus Æneæ*, et *rivalis*.

*Hiarbæ.* Hiarbas, Africæ regulus, cum Didonis nuptias ambiret, ab ea spretus est. Virg. IV ÆN. v. 195.

46. *Beneventani sutoris.* Beneventum est urbs extremæ Italiæ, *Benevent* : in ea urbe sutor fuit nomine Vatinius, helluo et comessator egregius, qui vitreos quosdam calices invenit, quadratos, ita ut quatuor in illis prominerent anguli, nasorum instar, per quos bibebatur. Illi calices ab auctore suo dicebantur *Vatiniiani*.

48. *Rupto, etc.* Romani permutabant vasa vitrea fracta cum sulfuratis, id est, ligni aridi frustulis sulfure imbutis, ad ignem accendendum idoneis.

50. *Geticis.* Getæ sunt populi septentrionalis Asiæ, ubi frigus asperissimum.

*Decocta.* Aquam coctam, et vitreo vase inclusam mittebant in nivem : ita voluptas frigoris contingebat, sine vitiiis nivis. Plin. XXXI, cap. 3.

52. *Cursor.* Servus a pedibus, vilioris notæ, et ordinis. Gætulia est pars Africæ. Ejus incolæ pernicitate præstabant.

53. *Mauri.* Populi Africæ

- Et cui per mediam nolis occurrere noctem;  
 55 Clivosæ veheris dum per monumenta Latinæ.  
 Flos Asiæ ante ipsum pretio majore paratus,  
 Quàm fuit et Tulli census pugnacis, et Anci:  
 Et, ne te teneam, Romanorum omnia regum  
 Frivola. Quod cum ita sit, tu Gætulum Ganymedem  
 60 Respice, cum sities: nescit tot millibus emptus  
 Pauperibus miscere puer: sed forma, sed ætas  
 Digna supercilio. Quando ad te pervenit ille?  
 Quando vocatus adest calidæ, gelidæque minister?  
 Quippe indignatur veteri parere clienti,  
 65 Quodque aliquid poscas, et quod se stante  
 recumbas.

Maxima quæque domus servis est plena superbis.

*tania, fuscus, macer, ita deformis ut eum habere obvium nocte intempestâ reformidares, si faceres iter per sepulcra, quibus clivi Latinæ viæ sunt referti. Patrono tuo ministrat puer lectissimus et cultissimus, ex Asia petitus, ac pluris emptus, quàm quantum haberent annui proventus Reges Romani Tullus, Ancusque, aut ut veriùs ac brevius dicam, quantum omnis ceterorum Romæ Regum supellex delicatior olim valebat. Itaque cum te sitis premet, voca illum tuum e Gætulia Ganymedem et pincernam; iste enim elegans puer, tot nummorum millibus comparatus non dignatur pocula pauperibus ministrare: nec mirum si tam superbus est, quem et flos ætatis, et formæ commendet elegantia. Neque ille tantum te despicit, sed alius etiam qui calidam et gelidam aquam convivis ministrat: an eum umquam ad te accedentem vides, etsi sæpius inclamatum? Nempe iniquissimo animo fert morem tibi aliquid petenti gerere, quamvis vetus sis cliens; nec te oculis æquis mensæ accumbentem cernit, dum ipse stat. Ut quæque domus est lautissima, ita maxime servis arrogantibus abundat. En,*

ad Occidentem et Meridiem.

55. *Latinæ.* Sat. I. versu 157, verbo *Latina*.

57. *Tulli, Anci.* Sat. III, nota 298. *Pugnax* appellatur Tullus, quia militarem disciplinam et artem Romanos imprimis docuit: Albanos bello vici, etc. Flor. c. 3.

59. *Frivola.* Sunt figlina ferè vasa viliora. Sat. III, nota 183.

*Ganymedem.* Hic pro quolibet pincerna ponitur. Vide app. c. IV. et XXIII.

64. *Clienti.* Sat. I, v. 117, verbo *Clientes*, et Sat. III, nota 115.

Ecce alius quanto porrexit murmure panem  
 Vix fractum, solidæ jam mucida frusta farinæ,  
 Quæ genuinum agitent, non admittentia morsum :  
 Sed tener et niveus, mollique siligine factus 70  
 Servatur domino. Dextram cohibere memento ;  
 Salva sit artoptæ reverentia. Finge tamen te  
 Improbulum, superest illic qui ponere cogat.  
 Vin'tu consuetis audax conviva canistris  
 Impleri, panisque tui novisse colorem ? 75  
 Scilicet hoc fuerat, propter quod sæpe relictâ  
 Conjuge, per montem adversum, gelidasque  
 cucurri  
 Esquillas, fremeret sævâ cùm grandine vernus  
 Jupiter, et multo stillaret pænula nimbo.

*alius minister quàm indignabundus et commurmurans obtulit tibi panem jam truncatum, quem verius dixeris mucidum farinæ male subactæ, ex vix coctæ frustrum, idoneum in quo defatigentur molares dentes, ut illud comminuere possint : at panis candidus, e molli confectus siligine, domino reservatur : vide ne illum attingas, illi honorem habeto, in artopta quippe fuit coctus. Fæ tamen te audaculum esse, statim adest qui te omittere hunc panem jubeat, hisque vocibus increpitet : Næ tu homo delicatus es, qui ex iis canistris panem tibi sumere velis, e quibus domino apponi consuevit, qui, cujus coloris sit panis quo vesceris, labores scire ? Hæc audiens scilicet ingemiscis, atque ita tecum : Hoccine, inquis, merui ? hoccine sperabam, cùm surrexi multo mane relictâ conjuge, et montem Esquilinum superare properavi, cùm gelido vere grando*

69. *Genuinum.* Subaudi : *dentem.* Dentes interiores et majores, appellantur *genuini*, quia genis propiores sunt : iidem morales vocantur, quia cibum molunt et comminuunt, quem dentes anteriores secant, ac dispescunt.

70. *Siligine.* Est siligo, tritici flos, ab omni furture repurgatus.

72. *Artoptæ.* Erat artopta

vas quoddam illi non absimile, quod Galli vocant, *une cloche*, in quo panem molliorem igne lento coquebant.

77. *Adversum.* Arduum.

78. *Esquillas.* Sat. III, nota 70.

79. *Jupiter.* Pro aëre ponitur a poetis.

*Pænula.* Vestis crassa et villosa.

- 80 Adspice quàm longo distendat pectore lancem,  
Quæ fertur domino, squilla; et quibus undique  
septa  
Asparagis, quâ despiciat convivia caudâ,  
Cum venit excelsi manibus sublata ministri.  
Sed tibi dimidio constrictus cammarus ovo
- 85 Ponitur, exiguâ feralis cœna patellâ.  
Ipse venafrano piscem perfundit: at hic, qui  
Pallidus offertur misero tibi caulis, olebit  
Laternam: illud enim vestris datur alveolis, quod  
Canna Micipsarum prorâ subvexit acuta;
- 90 Propter quod Romæ cum Boccare nemo lavatur,  
Quod tutos etiam facit a serpentibus atris.

*plurima decideret, vestesque repentino imbre diffuerent. Age, verò, cernis ut patinam ingentem implet squilla, quæ patrono tuo apponenda, fertur sublimis inter ministri manus? ut in orbem lectissimis asparagis coronata, subjectas dapes ingenti caudâ videtur contemnere? Tibi verò cammarus dimidio parçæ ac malignè implicatus ovo, in angusta lance offeretur, cujusmodi funebres inter dapes apponi solet. Patronus oleum Venafranum ad piscem condiendum adhibebit: verùm ista quæ tibi datur Brassica, oleo putri, quale infunditur laternis, erit condita. Patellis enim vestris illud oleum infundi solet, quod ex Africa deportatur Lybicis navibus, ita sœtens et olidum, ut serpentes fugare possit, quo cum utuntur in Balneis Afri, nemo cum iis lavari sustinet. Apponetur domino nullus in*

81. *Squilla.* Piscis e genere concharum.

84. *Cammarus.* Cancrì genus: vilis pisciculus.

85. *Feralis cœna.* Sepulcris mortuorum dapes inferebant Ethnici, easque vulgò viliores.

86. *Venafrano.* Subaudi, oleo. Ager Venafranus in Italia, optimis oleis erat consitus. Venafrum, oppidum Campaniæ; *Venafrò.*

89. *Micipsarum.* Afrorum. Micipsa Jugurthæ patruus,

Masinissæ filius, Numidiæ Rex fuit. Cannam pro navigio posuit. Nam e scirpis et arundinibus naves interdum in Africa fieri solitas Plinius docet, Lib. VII, cap. 56.

*Prora.* Pars est anterior navis, in acumen desinens, ut facile fluctus findat ac dividat.

90. *Boccare.* Boccar fuit Rex Maurorum, temporibus Masinissæ Regis. Ponitur pro quolibet Numida, seu Afro.

Mullus erit domino, quem misit Corsica, vel quem  
 Taurominitanæ rupes, quando omne peractum est,  
 Et jam defecit nostrum mare; dum gula sævit,  
 Retibus assiduis penitus scrutante macello 95  
 Proxima; nec patitur Tyrrhenum crescere piscem.  
 Instruit ergo focum provincia: sumitur illinc  
 Quod captator emat Lenas, Aurelia vendat.  
 Virroni muræna datur, quæ maxima venit  
 Gurgite de Siculo: nam dum se continet Auster, 100  
 Dum sedet, et siccatur madidas in carcere pennas,  
 Contemnunt mediam temeraria lina Charybdim.  
 Vos anguilla manet longæ cognata colubræ,

*Corsico mari captus, aut Siculo, si quidem pelagus omne Italiam alluens, exhaustum et investigatum est, dum piscatores ut gulam divitum expleant, et macello suppeditent opsonia, jactis retibus ubique grassantur et proxima littora depopulantur, nec minutos pisces in Tyrrheno crescere mari sinunt. Itaque petenda sunt e provinciis opsonia, quæ in culinis nostris coquantur; illinc advehendum quod in macello comparet grandi pecuniâ Lenas inhians Aureliæ orbæ divitis hereditati, quodque illa subinde vendat. Cœnat murænam Virro quæ amplissima reperiri potuit in voraginibus ad Siciliam positis; ad mediam enim Charybdim usque non verentur temerarii piscatores progredi, ad jacienda lina, dum placidum ventis mare paulum quiescit, dum Notus in Æolio antro inclusus feriat, ac madentes alas siccatur. Servatur vobis anguilla, colubrorum consanguinea,*

92. *Corsica.* Gall. *la Corse.* Insula in mari Mediterraneo ad Meridiem Liguriæ.

93. *Taurominitanæ.* Taurominium. Taurmino, est oppidum Siciliæ.

96. *Tyrrhenum.* Mare Tyrrhenum, la mer de Toscane, alluit Italiam ab occasu.

98. *Captator.* Qui dandis muneribus alienam hereditatem aucupatur. Lenas et Aurelia, ficta sunt nomina, vel tunc nota.

*Vendat.* Hæc Aurelia, vidua, orba, et dives tot muneribus affluebat, ut ea lucrari cupiditate venderet.

99. *Muræna.* Une lamproie. In mari Siculo maxime capiebatur.

102. *Charybdim.* Est Charybdis gurgis vorticosus in freto Siculo, obvia quæque absorbens: huic opponitur in adverso littore alter gurgis, Scylla dictus, Virg. IV Æn. 428.



- Aut glacie adpersus maculis Tyberinus, et ipse  
 105 Vernula riparum, pinguis torrente cloacâ,  
 Et solitus mediæ cryptam penetrare Suburræ.  
 Ipsi pauca velim, facilem si præbeat aurem :  
 Nemo petit, modicis quæ mittebantur amicis  
 A Seneca, quæ Piso bonus, quæ Cotta solebat  
 110 Largiri : namque et titulis, et fascibus olim  
 Major habebatur donandi gloria : solùm

*aut lupus, maculosa ob hyemem cute, captus in Tyberi  
 cujus ripas consecatur, ac postea saginatur sordibus cloa-  
 carum in easdem ripas defluentium per subterraneos me-  
 tus, per quos subter ipsum medium Suburræ vicum se in-  
 sinuare iste piscis solet. Ego Virronem ipsum affari paucis  
 velim, si modò me audire non gravabitur. Non petuntur  
 a te illa eximia et lauta munera quæ olim a Seneca suis  
 amicis, iisque tenuioribus mittebantur; quæ Piso libera-  
 lis, quæ Cotta clientibus suis impertiri solebat: nam olim  
 in laude majori ponebatur munificentia, quàm omnes ho-  
 norum tituli ac ipse Consulatus. Hoc duntaxat postulamus  
 ut, civium more, tuos clientes ad easdem tecum dapes ad-  
 hibeas. Id si facis, patiar equidem te, ut multi factitant,*

104. *Tyberinus.* Subaudi, *lupus*, nempe piscis, qui minori erat in pretio, si pellem haberet maculosam, aut si in ostio ipsius Tyberis fuisset captus. Lege Horatii Satiram II, Libri II, paginâ meâ 139.

105. *Vernula riparum.* Natus in ripa Tyberina, ut vernæ in herili nascuntur domo et ibidem habitant.

106. *Cryptam.* Locum sub terram effossum et excavatum.

*Suburræ.* Sat. III, v. 5.

109. *Seneca.* M. Annæus Seneca, rhetor fuit insignis: ejus filius philosophiæ laude floruit; et Seneca philosophus vulgò nuncupatur; exstant ipsius opera,

*Piso.* Hoc in loco sermo est de Caio Pisone, Senecæ amico, qui conjurationis in Neronem auctor fuit.

*Cotta.* L. Cotta Consulatum anno urbis conditæ 688, gessit, et censuram ad bellum usque Mutinense: Caius verò Cotta militari et forensi gloriâ excelluit, quem in libris de Oratore loquentem Cicero inducit.

110. *Fascibus.* Consulatu et Præturâ. Consuli enim Romano per urbem incedenti anteibant lictores duodecim cum fascibus: Prætori sex. Erat fascis, virgarum seu bacillorum manipulus, loro circumdatus: in medio erat securis, cujus ferrum extabat. Per securim significabatur po-

Poscimus, ut cœnes civiliter. Hoc face, et esto,  
 Esto, ut nunc multi, dives tibi, pauper amicis.  
 Anseris ante ipsum magni jecur, anseribus par  
 Altilis, et flavi dignus ferro Meleagri  
 Fumat aper. Post hunc raduntur tubera, si ver  
 Tunc erit, et facient optata tonitrua cœnas  
 Majores: tibi habe frumentum, Alledius inquit,  
 O Libye; disjunge boves, dum tubera mittas.  
 Structorem intereà, ne qua indignatio desit,

115

120

*quando cœnabis solus, lautius et more divitum epulari; parçè verò ac more pauperum cœnare quando cum amicis et clientibus cibum sumes. Ante ipsum Virronem apponitur calidum ingentis anseris jecur, et gallina non minor ansere, domi saginata; nec non aper similis Caledonio, quem Meleager interfecit. Post aprum inferuntur in eandem mensæ partem fungi purgato et abraso cortice, si verna sit tempestas, si opportuna fungis creandis alendisque tonitrua, illorum molèm, ac numerum ferculorum auxerint. Habeas tibi sanè frumentum ac serves, o Africa, boves etiam ab aratris removeas licet, inquit helluo Alledius, dummodo plurimos nobis fungos mittas. Vide interim, ut ille qui struendæ mensæ præest, (ne quid absit quod movere tibi stomachum et bilem queat) agilitate mirâ voli-*

*testas interficiendi: per virgas, levius animadvertendi, pro criminum scilicet gravitate aut levitate.*

112. *Civiliter.* Cives, quando alii alios adhibent ad convivium, iisdem omnes vescuntur cibis. Civiliter est interdum *honestè, urbanè, sine cujusquam offensione.*

*Face.* Antiqua vox, pro fac.

114. *Anseris.* Extà anserina delicatum erant ferculum.

115. *Altilis.* Sic propriè vocantur *aves*, quæ in cohorte saginantur et impensius aluntur, ut gallinæ, galli Indici, anseres, etc. *de la volaille.* Dicitur autem *alti-*

*lis avis, altile pecus, altilia, etc.*

*Meleagri.* Meleager, sive Meleagrus, Oenei Regis Aetolorum in Græcia, filius, immisum ab irata Diana in agros Aetoliæ prope urbem Calydonem, aprum interemit. Ovid. VIII Metam.

116. *Tubera.* Gall. *Des truffes.* Maximè nascuntur cùm tonat.

120. *Indignatio.* Dum vi-des tam multas tam peritè sectas dapes, offerri patrono; nullam tibi: dum cernis tantos sumptus fieri in structorem et alios id genus homines, te egente.

- Saltantem spectes, et chironomonta volanti  
 Cultello, donec peragat dictata magistri  
 Omnia. Nec minimo sanè discrimine refert,  
 Quo gestu lepores, et quo gallina secetur.  
 125 Ducèris plantâ, velut ictus ab Hercule Cacus;  
 Et ponere foris, si quid tentaveris umquam  
 Hiscere tamquam habeas tria nomina. Quando  
 propinat

*tet per omne triclinium, ut alius, cui secandorum perite opsoniorum est cura, cultellum scitè circumagat, donec cibos omnes ex artis ac disciplinæ coquinariæ præceptis disseuerit, quasi plurimum interesset, quo gestu lepores, quo gallinæ, incidantur. Dum ceteri convivæ garrunt, siles tu, ac si quid mutire audeas tamquam si haberes tria nomina, pedibus foras pertraheris, ut olim Cacus ab Her-*

121. *Chironomonta. Un écuyer tranchant.*

125. *Cacus. Vide app. c. XV.*

127. *Tria nomina.* Nobiles Romani et cives, prænominē, nomine et cognomine utebantur, ut Marcus Tullius Cicero: Lucius Cornelius Scipio, etc. Hæc hujus rei et numeri ratio apud Romanos fuit, quòd sub unâ gente, *id est*, familiâ quâpiam primariâ et principe, multæ continebantur minores familiæ. Verbi gratiâ, in eadem gente Cornelia erant familiæ Scipionum, Lentulorum, Syllarum, etc. Quare ne gens cum gente, ne familiæ ejusdem gentis, ne ejusdem familiæ homines inter se confunderentur; adhibita sunt nomina, quæ *gentem*; cognomina, quæ *familiam*; prænominina, quæ *personam* designarent. Publius Cornelius Scipio,

Lucius Cornelius Scipio, ambo fratres erant in Cornelia gente, et Scipionum familia: quare utrique commune et nomen et cognomen, nomen Cornelius, a gente, v. g. Fabia, Claudia, etc. utrumque distinguebat; cognomen Scipio, ab aliis Corneliæ gentis familiis, putà Lentulis, Cethegis, etc. prænomen verò, Publius, Lucius, alterum ab altero discernebat. Aliquando duplex cognomen eidem personæ datum, alterum a familia, alterum ab eventu aliquo, v. g. victoria, petatum: sic Publius Cornelius Scipio Africanus est appellatus. Interdum liberti et clientes habebant tria ejusmodi nomina, quia patronorum et dominorum sibi nomen, grati animi significandi causâ, sumebant.

*Propinat.* Propinare Galli vocant, *boire à la santé de quelqu'un.* Hic, *propinare* est

Virro tibi, sumitque tuis contacta labellis  
 Pocula? Quis vestrum temerarius usque adeo, quis  
 Perditus, ut dicat Regi: Bibe? Plurima sunt, quæ 130  
 Non audent homines pertusâ dicere lænâ.  
 Quadringenta tibi si quis Deus, aut similis Dis,  
 Et melior fatis donaret, homuncio quantus  
 Ex nihilo fieres! quantus Virronis amicus!  
 Da Trebio, pone ad Trebium: vis, frater, ab illis 135  
 Illibus? O nummi, vobis hunc præstat honorem:  
 Vos estis fratres. Dominus tamen, et Domini rex  
 Si vis tu fieri, nullus tibi parvulus aulâ  
 Luserit Aeneas, nec filia dulcior illo.

*cule peremptus. Equando poculum tibi porrigit Virro, ut ex eodem bibas? quando tuum, si porrigas ipse, accipit? Quis e vestra illa parasitorum turba, tam temerarius est, tam impudens, ut patronum suum ad bibendum hortari et appellare ausit? Paupertas et centones obstruunt os hominibus, adeo ut sæpius obmutescere pro pudore cogantur. At si quis Deus, aut quispiam superis par, fatisque benignior, sestertia tibi quadringenta largiretur, quantus evaderes, qui modò nihil nisi homuncio es! quàm subitò Virroni carus fores! ut te complecteretur, ut lautè acciperet, Date, famuli, hoc ferculum Trebio, illud eidem apponite, ecquid aridet tibi, frater, sumen et omentum istud? O nummi! vobis hunc honorem habet, vos illius germani fratres estis. Tu verò, Trebi, si plura his et dulciora audire a patrono tuo, si ejus dominus, rexque esse cupis; oportet ut non tantum sis dives, verum etiam orbis, nullusque tibi sit domi filiulus, nulla filia, quæ carior Virrone tibi sit. Uxor sterilis amicum divitem amico in pri-*

*poculum tradere bibendum.*

131. *Læna.* Villosa vestis.

*Pertusa.* Detrita, perforata.

132. *Quadringenta.* Sat. I, nota 91.

133. *Fatis.* Fatum, apud Ethnicos, erat necessaria quædam rerum series, ab æterno constituta.

138. *Parvulus aulâ, etc.* Sumptum hoc e Libro IV

*Æn. v. 328, ubi Dido sic Æneam alloquitur: Saltem si qua mihi de te suscepta fuisset ante fugam soboles, si quis mihi parvulus aulâ luderet Aeneas, qui te tantum ore referret, etc.*

139. *Dulcior illo.* Potest exponi, *dulcior filio*: sunt enim filiæ interdum filiis cariores.

- 140 Jucundum, et carum sterilis facit uxor amicum.  
Sed tua nunc Mycale pariat licet, et pueros tres  
In gremium patris fundat, simul ipse loquaci  
Gaudebit nido, viridem thoraca jubebit  
Afferri, minimasque nuces, assemque rogatum,  
145 Ad mensam quoties parasitus venerit infans.  
Vilibus ancipites fungi ponentur amicis,  
Boletus domino; sed qualem Claudius edit,  
Ante illum uxoris, post quem nil amplius edit.  
Virro sibi et reliquis Virronibus illa jubebit  
150 Poma dari; quorum solo pascaris odore,  
Qualia perpetuus Phæacum Autumnus habebat;

*mis conciliat. At nunc, si te pauperem uxor tua Mycale tribus filiis auxerit, illis ultrò arridebit dives, cum aliquis eorum suæ mensæ accumbet, et eorum garrulitate ac puerilibus blanditiis delectari se significabit, aut nonnihil munusculi dabit, nuces, assem, thoracem viridem, et alias id genus nugas. Tibi ad suam accumbenti mensam, ac tui similibus amicis, quos ob inopiam aspernatur, jubebit apponi periculosos fungos, dum ipse boletos comedit, qualis Claudius esitabat, antequam illum comederet sibi ab uxore præparatum, quo peremptus, nihil postea manducavit. Virro sibi suisque fructus ministrandos curabit, quorum odore solo fruatur, quales in Phæacum hortis autumnò*

141. *Sed tua, etc.* Si dives esses, non videret æquo animo tuos filios: tunc autem, cum sis pauper, et nihil ab hereditate tua speret, tres filios tuos, ac plures ad mensam adhibebit, munusculis donabit, etc.

142. *Loquaci nido.* Puerulis balbutientibus et garrulis, ut aviculæ in nido garrere solent.

145. *Parasitus.* Qui mensas alienas captat. Sat. II, versu 123.

146. *Ancipites.* Inter fungos aliqui sunt pestilentes

et letiferi, neque facilè discernuntur a probis et salutaribus.

147. *Boletus.* Fungus exquisitus, et innocuus; idemque rarus.

*Claudius.* Romanus Imperator quintus, qui cum Boletis libentissimè vesceretur, Agrippina illius uxor unum illi veneno imbutum apposuit, quo extinctus est.

151. *Perpetuus.* In illis hortis erant arbores semper maturis onustæ fructibus, qui alibi autumnò tantùm maturescunt.



Credere quæ possis surrepta sororibus Afris.  
 Tu scabie frueris mali, quod in aggere rodit  
 Qui tegitur parmâ, et galeâ, metuensque flagelli  
 Discit ab hirsuto jaculum torquere Capellâ. 155  
 Forsitan impensæ Virronem parcere credas :  
 Hoc agit, ut doleas; nam quæ comoedia! Mimus  
 Quis melior plorante gulâ? Ergo omnia fiunt,  
 Si nescis, ut per lacrymas effundere bilem  
 Cogaris, pressoque diu stridere molari. 160  
 Tu tibi liber homo, et Regis conviva videris;

*perpetuo fruentibus nascebantur, quosque furto sublato  
 Hesperidibus meritò credas; tu vesceris scabiosis pomis,  
 qualia novitii milites corrodunt in castris, dum lora me-  
 tuentes artem librandi jaculi armorumque tractandorum  
 docentur ab hircoso aliquo Centurione. Neque verò credi-  
 deris Virronem hæc facere parsimonice studio; hoc unum  
 ipsi propositum est, ut te cruciet ac voluptatem ex tuo  
 dolore capiat. Enimverò quis histrio jucundior, quæ co-  
 mœdia festivior esse potest illo spectaculo, quod parasitus  
 esuriens præbet? Sic igitur habeto, tam indignas avaræ  
 cæcæ sordes, tot contumelias ed denique omnes pertinere,  
 ut bilem ac stomachum tibi moveant, ut in lacrymas pro-  
 rumpens, compressis dentibus stridere et fremere cogaris,  
 atque ita ludibrium de te dare. Credis te scilicet hominem  
 egregiè liberum et nobilis domini convivam; ille arbitratur*

*Phæacum.* Phæaces inco-  
 luerunt insulam Corcyram,  
*Corfou*, e regione Italiæ ex-  
 tremæ positam: illorum Rex  
 Alcinous hortos habuit per-  
 petuis fructibus virentes et  
 onustos ita, ut in proverbium  
 abierint.

152. *Sororibus Afris.* Hes-  
 peridibus, quæ coluerunt  
 hortos decantatos, aureis  
 pomis insignes.

154. *Qui tegitur parmâ et  
 galeâ.* Galea et parma erant  
 arma peditum. Parma scutum  
 breve ac vulgò rotundum;

ambitu trium ferè pedum.  
 Scutum verò erat oblongum:  
 quatuor pedes altum, duos  
 cum dimidio latum.

155. *Hirsuto Capellâ.* No-  
 men est Centurionis tunc no-  
 ti. A Centurionibus autem  
 erudiebantur tyrones milites.

157. *Comoedia.* Sat. III,  
 nota 94.

*Mimus.* Genus est comœ-  
 diæ, sed solutioris ac libe-  
 rioris.

160. *Molari.* Suprà, nota  
 69.

- Captum te nidore suæ putat ille culinæ :  
 Nec malè conjectat : quis enim tam nudus, ut illum  
 Bis ferat, Hetruscum puero si contigit aurum,  
 165 Vel nodus tantum, et signum de paupere loro ?  
 Spes bene cœnandi vos decipit : Ecce dabit jam  
 Semesum leporem, atque aliquid de clunibus apri.  
 Ad nos jam veniet minor altilis : inde parato,  
 Intactoque omnes, et stricto pane tacetis.  
 170 Ille sapit, qui te sic utitur. Omnia ferre  
 Si potes, et debes ; pulsandum vertice raso

*te merum parasitum, qui ciborum odorem sequutus, mensam suam captes : nec malè suspicatur : quem enim dabis mihi, tam inopem, si modò sit ingenuo et honesto loco natus, qui auream bullam more ab Hetruscis accepto puer gesserit, aut libertini saltem filius, qui loro in nodum collecto pro bulla usus fuerit ; quem dabis, inquam, adeo fortunis omnibus destitutum qui a Virrone tam turpiter semel tractatus, ad eum iterum ejusque cœnam redeat ? Sed video quid vos alliciat, opiparæ cœnæ spes vos ducit. En brevi nobis semesi leporis frusta dabit Virro, aut ex apri perna quidpiam largietur : gallinæ saginatae pars aliqua modò ad nos usque deveniet. Sic expedito pane intactoque, ac identidem tantum delibato, ad rem bene gerendam parati, expectectique, fortunam silentio expectatis. Ego Virronem laudo ac sapere puto, qui de te sic risum sibi quærat ; si hæc tam indigna pati potes, debes profectò, nec dubito quin brevi tondendum caput ac cædendum ala-*

162. *Nidore.* Est propriè nidor, fumus odoratus ex re aliqua cocta sive ustulata.

164. *Hetruscum, etc.* Hetruria sive Thuscia, la Toscana, pars est mediæ Italiæ ad occidentem, supra Latium, etc. Aurea bulla, figuram cordis referens, ab ingenuis pueris gestabatur, appensa collo : quem morem Romani ab Hetruscis acceperant ; at libertinorum filii, lorum, quod in nodum erat collectum, ferebant, tamquam signum libertatis.

169. *Stricto pane.* Vel delibato ; ut ne nihil agere videamini : vel exerto, expedito. Sic strictus ensis dicitur, id est, eductus vaginâ, et paratus ad feriendum.

171. *Et debes.* Dignus profectò es, qui hæc patiaris.

*Pulsandum, etc.* Servi libertate donandi radabant caput ; seque sistebant Prætori, ubi eos dominus bis terque percussit in caput, circumagebat, et manumittebat. Itaque videri potest Juvenalis hortari parasitum, ut se in

Præbebis quandoque caput, nec dura timebis  
Flagra pati, his epulis, et tali dignus amico.

*pis, humeros flagellis scindendos præbeas, dignus qui talibus epulis vescare, qui amico ejusmodi gloriæris.*

libertatem aliquando vindicet.

## SATIRA VI.

### ARGUMENTUM ET SYNOPSIS.

*P*osthumum quemdam, amicum suum ab uxore ducenda detertere conatur, propositis mulierum vitiis; impudiciâ scilicet, arrogantia, levitate, protervia, curiositate, crudelitate, ineptâ eruditione, garrulitate, superstitione, veneficiis, odio virorum et liberorum, etc.

**C**REDO pudicitiam, Saturno Rege, moratam  
In terris, visamque diu, cum frigida parvas  
Præberet spelunca domos, ignemque, Laremque,  
Et pecus, et dominos communi clauderet umbrâ;  
Sylvestrem montana torum cum sterneret uxor  
Fronibus et culmo, vicinarumque ferarum

5

*P*udicitiam terras tantum incoluisse tunc arbitror, cum Saturnus rerum potiretur; et longo tempore inter mortales fuisse conspectam, cum in antris degebant homines, et focum, Deos domesticos, greges, atque ipsos heros exigua domus et tenebricosa continebat; cum agrestem lectum insterneret foliis, stramentis, ac cæsarum in vicinia ferarum tergoribus rusticana confux, longè tibi dissi-

1. Saturno. Vide app. c. 1. familiæ proprius: pro ipsa  
3. Larem. Lar Deus erat domo ponitur.  
domesticus, et cujuscumque

Pellibus : haud similis tibi, Cynthia, nec tibi,  
cujus

Turbavit nitidos extinctus passer ocellos :

Sed potanda ferens infantibus ubera magnis,

10 Et sæpe horridior glandem ructante marito.

Quippe aliter tunc orbe novo, coeloque recenti,

Vivebant homines ; qui rupto robore nati,

Compositique luto, nullos habuere parentes.

Multa pudicitiae veteris vestigia forsân,

15 Aut aliqua extiterint et sub Jove, sed Jove nondum

Barbato, nondum Græcis jurare paratis

*milis, o Cynthia, tibi que, o Lesbia, quæ mortuum passerem tam acerbè deflevisti : sed mammas ingentes lacte distentas gerens, quas infantium etiam grandiorum labris immulgeret, ac plerumque incultior suo viro, multâ glande pasto. Sanè aliis, atque nunc, moribus vivebant, orbe recens condito, mortales, qui non procreati ex parentibus, sed e scissis quercubus in lucem editi, aut e luto formati sunt. Neque tamèn dubitem, quin regnante Jove, plurima, aut nonnulla certè, castimoniae vestigia deprehendi potuerint, sed tamen priùs quàm eidem Jovi succevisset barba, priùs quàm Græci per alterius salutem*

7. *Cynthia.* Propertii poëtae, qui Augusti ævo floruit, amica : cujus nimium in corporis cultu, mundoque muliebri studium ipse Propertius non semel incusat.

*Nec tibi, cujus, etc.* Lesbiam intèlligit, Catulli, qui eodem Augusto imperante, vixit, amicam. Ea passerculum sibi carissimum cum amisisset, illum Catullus lepidissimis versiculis deflevit, ac laudavit.

12. *Rupto robore nati.* Cum primis temporibus elegerent homines in exesis arborum truncis, ex iisque identidem, tamquam e domo solita, prodirent, dicti et crediti sunt

ex arboribus ipsis nati.

13. *Compositi luto.* Lege Sat. IV, nota 130.

15. *Jove barbato.* Cum enim illi barba et ætas accrevit, in omnem se libidinem effudit.

16. *Græcis, etc.* Perfidi et perjuri semper existimati fuerunt Græci, uti et Pæni : unde *Græca fides, Punica fides, pro perfidia, seu nulla fide, usurpantur.*

*Jurare.* Consueverant jurare per suam, parentum, aut amicorum vitam, quò sanctius jussurandum crederetur, licèt sæpe falsum et perfidum.

- Per caput alterius, cùm furem nemo timeret  
 Caulibus aut pomis, et aperto viveret horto.  
 Paulatim deinde ad Superos Astræa recessit  
 Hac comite, atque duæ pariter fugère sorores. 20  
 Antiquum, et vetus est alienum, Posthume, lectum  
 Concutare, atque sacri Genium contemnere fulcri.  
 Omne aliud crimen mox ferrea protulit ætas:  
 Viderunt primos argentea secula mœchos.  
 Conventum tamen, et pactum, et sponsalia, nostrâ 25  
 Tempestate paras, jamque a tonsore magistro  
 Pectetis, et digito pignus fortasse dedisti.  
 Certè sanus eras. Uxorem, Posthume, ducis!  
 Dic quâ Tisiphone, quibus exagitare colubris?  
 Ferre potest dominam, salvis tot restibus, ullam? 30  
 Cùm pateant altæ caligantesque fenestræ?

*juramentum conciperent, cùm nemo fur immineret caulibus aut fructibus alienis, et horti paterent impunè. Posthæc sensim Astræa in cælum se recepit, Pudicitia comitante, et ambæ illæ sorores simul mortalium cætus reliquerunt. Non est novum crimen, Posthume, ac nostris inventum temporibus, alienum thalamum attentare, præsidemque conjugalis tori Deum aspernari. Postpaulò ætas ferrea reliqua omnia scelera produxit; et adulteria, quæ argenteo seculo nata erant, increbrescere ac augeri sunt cœpta. Tu tamen cogitas vocare amicos, ut ad nuptias tuas conveniant: tu pacisci cum uxore, inire sponsalia, hoc tempore meditaris. Jamque caput forsitan pectendum tonsori perito commisisti, et annulum puellæ, quo pignore illi fidem tuam obligares, donavisti. Profectò sanæ mentis hactenus fueras; nunc autem sapiens tandem qui uxorem ducere cogites? Quæ te, obsecro, Furæ, quæ intempericæ vexant? Tunc, cùm tibi tot suppetant, quos faucibus innectas, laquei;*

19. *Astræa.* Dea justitiæ præses: eadem ac Themis.

22. *Genium.* Sat. IV, nota 65.

*Fulcri.* Sic propriè vocatur lignum seu columellâ quæ lectum sustinet fulcitque.

25. *Sponsalia.* Sic appellatur promissio matrimonii.

28. *Sanus eras.* Legi potest cum nota interrogationis. An sanus es? Eras pro es, poetice.

29. *Tisiphone.* Vide app. c. xi.

31. *Caligantes.* Vel ob noctem; vel quia propter suam altitudinem obijciunt



- Cum tibi vicinum se præbeat Æmilius pons ?  
 Sed placet Ursidio lex Julia : tollere dulcem  
 Cogitat heredem, cariturus turture magno,  
 35 Mullorumque júbis, et captatore macello.  
 Quid fieri non posse putes, si jungitur ulla  
 Ursidio? si mœchorum notissimus olim  
 Stulta maritali jam porrigit ora capistro?  
 Quid, quod et antiquis uxor de moribus illi.  
 40 Quæritur? O Medici, mediam pertundite venam.

*cum te præcipitem e tot fenestris, aut e vicino ponte Æmilio dejicere possis, mavis sub impotentis dominæ jugo vitam infelicem trahere? Atenim censet Ursidius morem gerendum esse legi ab Augusto in cœlibes latæ; quamobrem filium et heredem suscipere destinat, quamvis intelligat sibi non donandos deinceps fore, si uxorem duxerit, turtures, barbato mullos, et cetera id genus munera, quæ in macello cœmunt captatores alienarum hereditatum, orbisque aut viduis largiuntur. Sed quid est tam monstri simile, quod non putemus fieri posse, si uxorem Ursidius reperiat, si ipse, propter adulteria sua notissimus, jam certis honesti matrimonii legibus et jugo se obliget? Immo verò uxorem etiam veteris castimonie ac probitatis quærit. Ah! medici, venam illi, quæ in brachio media est, ape-*

caliginem oculis despectantium.

32. *Æmilius Pons.* Factus ab Æmilio Scauro Censore, dictus quoque pons Milvius, nunc *Ponte Mole.*

33. *Ursidio.* Homini notæ nequitie.

*Lex Julia.* In cœlibes, quam tulerat Augustus, ut civium numerum belliscivilibus imminutum suppleret, pœnâ constitutâ, si quis vitam conjugii expertem, matrimonio anteferebat.

*Tollere.* Educare. Infantes primum natos humi deponebant: ac siquidem illos educare decrevissent, tollebant

ab humo, et suscipiebant: si vellent enecare vel exponere, abjectos relinquebant, et servis necandos aut exponendos tradebant.

35. *Captatore.* Sat. V, nota 98.

38. *Capistro.* Capistrum, est lignum quod inseritur equorum collo dum jugo admoventur, aut vinculum quo illorum os, collumve tunc obstringitur. Comparatur autem matrimonium jugo, quia cum duos jungat, simul onerant.

40. *Mediam, etc.* Aiunt in brachio tres venas esse, ab hepate derivatas, quarum me-

Delicias hominis ! Tarpeium limen adora  
 Pronus, et auratam Junoni cæde juvencam,  
 Si tibi contigerit capitis matrona pudici.  
 Paucae adeo Cereris vittas contingere dignæ;  
 Quarum non timeat pater oscula. Necte coronam 45  
 Postibus, et densos per limina tende corymbos,  
 Ut testudineo tibi, Lentule, conopeo  
 Nobilis Euryalum mirmillonem exprimat infans.  
 Nupta Senatori comitata est Hippia Ludium

*rite, ut huic furori medicinam faciatis. Næ hominem delicatum ac lepidum! I, perge porro ad Capitolium, Jovi grates illic solve humi provolutus; vitulam aureis ornamentis insignem Junoni immola, si feminam castam probamque nanciscaris. Paucae omnino reperire est dignas quæ Cereris sacris ac mysteriis tractandis adhibeantur: quarum oscula pater ipse non reformidet. O, Lentule, januam tuam lemniscis ac floreis corollis adorna, et sertis hederæ togam obtege, ut tibi nascatur in geniali thalamo, nobilis videlicet filius, qui patrem suum Euryalum mirmillonem vultu referat. Hippia, cum Senatori collocata esset*

dia soleat aperiri, si quis furore ac delirio tentetur.

41. *Tarpeium.* Mons Capitolinus, in quo Jovis templum; dictus est initio Tarpeius, a Tarpeia quadam Virgine Vestali, quæ arcem olim ibi positam Sabinis prodidit, a quibus subinde interfecta, ibidem sepulta est.

42. *Junoni.* Præsidi matrimoniorum: hinc appellabatur vulgò Pronuba.

44. *Cereris vittas.* Vide app. c. 2. Vittæ sunt redimicula, quibus amiciuntur capita crinesque sacerdotum.

45. *Timeat, etc.* Quia suspicatur filiam suam parum pudicam esse.

46. *Corymbos.* Coronam ex hederæ. Hederæ baccas vocamus Corymbos. Lauro,

hederæ, floribus, velis, ornabant januam, cum uxorem quis ducebat.

47. *Conopeo.* Lecto. Proprie conopeum est velum opansum lecto, ad arcendos culices, qui cum e Nilo frequentes emergunt, conopeo maxime utuntur Ægypti. Κονοπέϊον, culex.

*Testudineo.* Lecto sectis testudinum putaminibus ornato: vel, conopeo in orbem expanso circa lectum, et eum ita tegente, ut concha piscem ac testudinem obvolvitur. *Lentule.* Hunc pro quolibet nobili posuit.

48. *Mirmillonem.* Lege Sat. II, nota 101, et Sat. VIII, nota 198.

49. *Ludium.* Postrema hujus vocis syllaba aut elidi-

- 50 Ad Pharon, et Nilum, famiosaque moenia Lagi,  
 Prodigia, et mores urbis, damnante Canopo.  
 Immemor illa domûs, et conjugis, atque sororis,  
 Nil patriæ indulsit, plorantesque improba natos,  
 Utque magis stupeas, ludos, Paridemque reliquit.
- 55 Sed quanquam in magnis opibus, plumaque  
 paterna,  
 Et segmentatis dormisset parvula cunis,  
 Contempsit pelagus: famam contempserat olim,

*in matrimonium, tamen Ludium quemdam in Aegyptum usque sequuta est, ipso Canopo libidinem portenti simillimam, et Romanos mores, condemnante. Illa domum et viri et sororis oblita, patriam et lugentes liberos pensi nihil habuit; quodque multo magis mirere, histriones ac spectacula æquo animo reliquit. Quamvis autem in re ampla et paternæ domûs deliciis educata fuisset, ac mollibus in cunis, quas tæniæ divites ornabant, ipsa infans jacuisset; navigationis tamen labores non extimuit: nec mirum, quippe antea famam neglexerat, cujus perexiguam*

tur propter positam in sequenti versu vocalem ad Pharon...aut per synalæpham cum priore syllaba coalescit, quasi esset *ludum*. Sunt autem Ludii, *histriones* et *actores scenici*, quorum uxores etiam *Ludiæ* vocabantur, a *ludis scenicis* quos exhibebant, dicti.

50. *Pharon*. Pharus est insula Canopico Nili ostio prætentata, postea verò ipsi Alexandriae ponte conjuncta, in qua visebatur turris ingens e candido marmore, et ipsa *Pharos* dicta, ubi facies noctu accensæ navigantium regiebant cursum: a cujus similitudine ceteræ quoque speculæ similem in usum constructæ, *Phari* appellatæ sunt.

*Lagi*. Lagus, miles in Græ-

corum exercitu gregarius fuit, cujus filius Ptolemæus, magnæ apud Alexandrum Macedonem auctoritatis, post ejus mortem Aegypti et Africæ positus est, a quo deinceps Aegyptii Reges, Ptolemæi appellati sunt. Ptolemæorum autem urbs regia et Aegypti caput, Alexandria; quam famosam hic vocat, *id est*, deliciis ac libidinibus infamem.

51. *Canopo*. Sat. I, nota *Canops*.

54. *Ludos*. Circenses et scenicos, quibus mirè delectabantur Romani.

*Paridem*. Histrionem et pantomimum, Domitiano acceptissimum.

56. *Segmentatis*. Sat. II, nota 93.

Cujus apud molles minima est jactura cathedras.  
 Tyrrhenos igitur fluctus, latèque sonantem  
 Pertulit Ionium constanti pectore, quamvis  
 Mutandum toties esset mare. Justa pericli  
 Si ratio est, et honesta; timent, pavidoque  
 gelantur

Pectore, nec tremulis possunt insistere plantis.  
 Fortem animum præstant rebus, quas turpiter  
 audent.

Si jubeat conjux, durum est conscendere navim. 65  
 Tunc sentina gravis, tunc summus vertitur aer.  
 Quæ mœchum sequitur, stomacho valet. Illa  
 maritum

Convomit; hæc inter nautas et prandet, et errat  
 Per puppim, et duros gaudet tractare rudentes.

*rationem habent, jacturamque levem censent, otiosæ ac protervæ mulieres. Itaque Tyrrheni et Ionii maris tempestates excepit impavida, licet aliud ex alio pelagus ineundum, alia ex aliis pericula perferenda essent. Si qua de causa, justa et honesta, periculi quippiam est subeundum, tunc videlicet metu exanimantur, relinquuntur animo, consistere in pedes, et ingredi non possunt: at si quid audendum improbè et facinorosè, fortes et validæ sunt. Si vir imperet ut navim conscendant, imperium ferunt mollestissimè; tunc nauseam movet sentinæ odor, tunc vertigine corripuntur, et aërem susque deque verti queruntur. Sin autem adulterum sequi oporteat, stomacho adversus nauseam firmo et valenti sunt. Illa quæ maritum jubentem comitatur, eum vomitu suo conspergit ac fœdat: hæc, mœchi comes, cum nautis ipsis prandet, expers nauseæ, alacris per navim vagatur, ac nauticos funes attractare gestit. Sed, ut ad Hippiam redeamus, quid causæ fuit cur Sergium Ludium amaret? Cur ejus uxor esse, ac Ludia*

58. *Cathedras.* Mulieres domi sedentes et feriantes notat vel solitas vectari in molli sella, et pulvinaribus strata.

59. *Tyrrhenos fluctus.* Sat. V, nota 96.

60. *Ionium.* Subaudi, pontum. Mare Ionium dicitur

ea pars maris Mediterranei, quæ inter Epirum, Siciliam et Cretam expanditur, incipitque ubi sinus Adriaticus desinit.

66. *Sentina.* Navis fundus, quo sordes confluent: unde gravis odor.

- 70 Quâ tamen exarsit formâ? Quâ capta juvenâ est  
 Hippia? Quid vidit propter quod Ludia dici  
 Sustinuit? Nam Sergiolus jam radere guttur  
 Coeperat, et secto requiem sperare lacerto.  
 Præterea multa in facie deformia, sicut  
 75 Attritus galeâ, mediisque in naribus ingens  
 Gibbus, et acre malum semper stillantis ocelli.  
 Sed gladiator erat: facit hoc illos Hyacinthos.  
 Hoc pueris, patriæque, hoc prætulit illa sorori,  
 Atque viro. Ferrum est, quod amant. Hic Sergius  
 idem

- 80 Acceptâ rude cœpisset Veiento videri.  
 Quid privata domus, quid fecerit Hippia, curas?  
 Respice rivales Divorum; Claudius, audi,

*nominari vellet? an capta est ejus formâ, an juventute, an aliâ aliquâ dote, quæ oculos illius perstrinxerit? Certè pulchellus iste Sergius barbato et hispido non tantùm mento, sed collo erat: deinde brachio uno mutilus, quæ res illi spem obtinendæ missionis et vacationis ab arte gladiatoria faciebat? tum complures in vultu nævi: tumor fædus in medio naso, quem galea etiam attriverat, denique oculus acri et molesto humore semper lippiens. Verùm erat gladiator: ars tam præclara pares Hyacinthis ipsis Ludios facit: hoc illud fuit, quod Hippia patriæ, sorori, liberis, marito anteposuit: delectantur scilicet ferro generosæ mulieres, et eundem Sergium, si donatus fuisset rude, si artem gladiatoriam desivisset, non pluris, quàm Veientonem suum virum, Hippia fecisset. Miraris hoc scelus admissum fuisse a privata, et nullus ferè nominis muliere? Ipsos Cæsares contemplare, intueri illos Deorum æmulos, audi, quid Claudio Imperatori contigerit. Cùm*

72. Radere guttur. Barba faucibus innasci tum solet, cùm quis ætate proveciore est.

73. Requiem. Emeritis gladiatoribus, aut aliquo membro captis, dabatur missio ut vocabant, sen vacatio ab ludo et muneribus gladiatorii.

77. Hyacinthos. Apollo discum imprudens in Hyacinthi caput vibravit, eumque

interemit. E pueri sanguine flos ortus est ejusdem nominis. Ovid. Lib. X. Met.

80. Rude. Rudis, erat virga scabra et impolita, quâ donabantur gladiatores emeriti, honoris insigne, et testis datæ vacationis missionisque ab arena. Suprà, nota 73.

82. Claudius. Sat. V, vers. 147.



Quæ tulerit. Dormire virum cum senserat uxor,  
 Ausa Palatino tegetem præferre cubili,  
 Sumere nocturnos meretrix Augusta cucullos, 85  
 Linquebat, comite ancillâ non amplius unâ.  
 Optima, sed quare Cesennia, teste marito?  
 Bis quingenta dedit, tanti vocat ille pudicam;  
 Nec Veneris pharetris macer est; aut lampade  
 fervet;

Inde faces ardent, veniunt a dote sagittæ. 90  
 Libertas emitur: coram licet innuat, atque  
 Rescribat, vidua est locuples, quæ nupsit avaro.  
 Cur desiderio Bibulæ Sertorius ardet?  
 Si verum excutias, facies, non uxor amatur.  
 Tres rugæ subeant, et se cutis arida laxet; 95  
 Fiant obscuri dentes, oculique minores;

*altiore somno illum teneri uxor sua sentiebat, tunc ab ejus cubiculo clam se proripiebat nocturno cucullo involuta, et unda duntaxat ancillâ comitante, Cesareo thalamo vilem alicujus fornicis torum meretrix Imperatoris conjux antepone non erubescibat. Tamen Cesenniam uxorem v'r suus ut probam et pudicam laudat. Queris causam? nimirum mille sestertia pro dote, viro attulit: hoc pretio pudicam appellat: inde illam diligit, neque amorem aut a facibus Veneris, aut a Cupidinis telis, quibus ardere et macrescere solent amatores, hausit; sed ab luculenta dote. Hoc pretio ipsius uxor emit licentiam suo more vendi. Itaque præsentē licet viro, amatoribus suis impune arridebit ac innuet, ab iisdem accipiet epistolas, ac vicissim ipsis rescribet. Uno verbo, mulier dives, quæ avarum nacta virum est, aurique cupidum, eadem fruitur libertate, ac si vidua esset, virumque planè non haberet. Cur Bibulam deamat Sertorius libertus? Si veritatem ipsam scrutaris, formam uxoris, non uxorem amat. Et verò fiat illa rugis ac senio deformis, flaccescat ac solvatur pelliculis arescens, nigrescant dentes putridi, oculi attenuentur,*

83. Uxor. Messalina.

84. Palatino. Imperatorio, Cesareo.

88. Bis quingenta. Mille sestertia.

95. Laxet. In senibus cutis fit laxior, quia succus et vitalis humor exhauritur, ac remittuntur nervuli, quibus pelliculis intenditur.

- Collige sarcinulas, dicet libertus, et exi;  
 Jam gravis es nobis, et sæpe emungeris; exi  
 Ocius, et propera; sicco venit altera naso.  
 100 Interca calet, et regnat, poscitque maritum  
 Pastores, et ovem Canusinam, ulmosque Falernas.  
 Quantulum in hoc? Pueros omnes, ergastula tota,  
 Quodque domi non est, et habet vicinus, ematur.  
 Mense quidem brumæ, cum jam mercator Iason

*continuo eam jubebit valere libertus a marito missus; et res tuas tibi habe, inquiet; ferre te præterea non possumus, ita tibi mucosus nasus est, absis confestim, moras præcide: in promptu est altera non mucosa. Interim autem donec forma Bibulæ et ætas floret, non friget cessatve imperiosa mulier, cupide omnia ardentemque gerit, regnum quoddam obtinet in Sertorii domo; a viro postulat ut oves cum pastoribus, in Apulia: vineas, in agro Falerno, sibi coëmat: parum est; quoscumque videt servos, integros mancipiorum greges, quidquid est quo caret, quodque vicinis suppetit, comparari jubet. Quin, Decembri mense, cum in septis et Campo Martio cessant mercatores; ac porticus Argonautarum, clausis ob frigoris vim,*

101. *Canusinam.* Canusium, *Canosa*, urbs Apuliæ in Italia; ubi præstantes lanæ ac pascua uberrima.

*Ulmos Falernas.* Vitem solebant ad ulmos applicare. De Falerno dictum. Sat. IV, nota 135.

102. *Ergastula.* Sic appellabantur ea prædia et agri, in quibus mancipia compedibus vincta opus faciebant.

104. *Iason.* Pars campi Martii ad Tyberim siti, sudibus et cancellis erat inclusa, instar caularum, quam ob causam vocabatur etiam hic locus *Septa*, sive *Ovilia*. In eo loco populus Rom. includebatur, divisus per suas Tribus aut Centurias, cum habebantur comitia, quæ per

hyemem vulgò celebrabantur. Occupabant mercatores eundem locum, necnon vicinas porticus, inter quas una vocabatur *Porticus Argonautarum*, sive *Jasonis* eorum ducis, quia in ea porticu visebatur picta expeditio Argonautarum, quos Jason Aësonis filius, fabricata in Thessalia, navi Argo, duxerat in Colchidem, ad rapiendum vellus aureum; et quos Juvenalis *armatos nautas* hic vocat. Ipsum verò Jasonem appellat *mercatorum*, quia in ejus porticu Romani mercatores negotiabantur. Porro isti mercatores, dum habebantur comitia, clauderent tabernacula, ne comitia perturbarentur.

Clausus, et armatis obstat casa candida nautis, 105  
 Grandia tolluntur crystallina, maxima rursus  
 Murrina, deinde adamas notissimus, et Berenices  
 In digito factus pretiosior. Hunc dedit olim  
 Barbarus incestæ; dedit hunc Agrippa sorori.  
 Observant ubi festa mero pede sabbata Reges, 110  
 Et vetus indulget senibus clementia porcis.  
 Nullane de tantis gregibus tibi digna videtur?  
 Sit formosa, decens, dives, foecunda, vetustos

*tabernis, a nemine frequentatur, cogit maritum tamen eò se conferre, ut vasa e crystallo ingentia mercetur, ac domum ferat; mox pocula murrina, tum adamantem celeberrimum, cui pretium fecit Berenice, cujus annulo iste adamas insertus fuit. Annulum hunc barbarus Agrippa dedit, dedit, inquam, incestæ sorori in ea regione, ubi festis diebus coguntur vel ipsi Reges pedibus iter facere, et veteri instituto ac benignitate gentis sinuntur porci ad summam usque senectutem vivere. Quid igitur, o Juvenalis, nulla tibi e tanto numero mulierum videtur digna quam ducam? Tu verò, per me licet formosam aliquam reperiās, divitem, fecundam, nobilem, quæ majorum imagines in*

ementium concursationibus: quo tamen tempore jubebat mulier eò pergere suum maritum, ibique multa emere.

*Brumæ.* Bruma propriè vocatur hibernum solstitium, quâ de voce consule, Sat. IV, nota 92.

105. *Casa candida.* Tabernæ mercatorum nive albi-  
 cantes.

107. *Murrina.* Murra, lapidis quoddam erat genus nitidum et odoratum, non tamen pellucens.

*Berenices.* Berenice fuit Agrippæ soror, ultimi Judæorum Regis, qui cum sorore parum pudicè vivere ferebatur. Romam cum ea venit, ibique est mortuus. Unde

istæ gemmæ Romanis mercatoribus obtingere poterunt.

109. *Barbarus.* Barbari appellabantur quicumque non erant Græci.

110. *Observant, etc.* Ne-  
 fas apud Judæos erat, vel ipsis Regibus, operari sacris, nisi pedibus nudis. Sabbata dicuntur *Judæorum festa* communi vocabulo, quia diem sabbati colebant ut sacrum, et operum immunem.

111. *Senibus porcis.* Judæi ex instituto veteri Mosis, ac divinâ potius lege, abstinebant carne porcina: itaque securi apud eos senescebant porci.

- Porticibus disponat avos, intactior omni  
 115 Crinibus effusis bellum dirimente Sabinâ :  
*Rara avis in terris, nigroque simillima cycno.*  
 Quis feret uxorem, cui constant omnia? Malo,  
 Malo Venusinam, quàm te, Cornelia mater  
 Gracchorum, si cum magnis virtutibus affers  
 120 Grande supercilium, et numeras in dote triumphos.  
 Tolle tuum, precor, Annibalè, victumque  
 Syphacem

*atrio dispositas ostendet; pudicam, quæ ipsas etiam casti-  
 monid vincat Sabinas, quarum opera bellum atrox com-  
 positum olim fuit: quas dotes in una collectas femina tam  
 rarum est, quàm Phœnicem, aut nigrum cycnum invenire.  
 Hanc tamen, quæ istis omnibus dotibus prædita sit, ob  
 easdem istas dotes egregias nego tolerari posse. Malim sanè,  
 malim rusticanam ex agro Venusino uxorem, quam Cor-  
 neliam Gracchorum matrem, si arrogantiam cum egregiis  
 virtutibus quoque affert, ac triumphos avorum suorum in  
 parte aliqua suæ dotis esse censet. Valeas, cum tu Anni-  
 bale ac Syphace castris exuto, cum domita et subacta Car-*

114. *Porticibus disponat avos.* Servabant Romani ma-  
 jorum imagines e cera, vivis  
 simillimas, cum insignibus  
 honorum quos gesserant: eas-  
 que in armariis ordine dis-  
 positas habebant in atrio do-  
 mûs, unde easdem efferebant,  
 si ducendum funus, si trium-  
 phus cohonestandus.

115. *Sabina.* Cùm Romam  
 Romulus condidisset, eam-  
 que cerneret ineundis cum  
 vicino populo conjugii esse  
 frequentandam, Sabinos evo-  
 cavit quasi ad spectandos Cir-  
 censes ludos. Venère illi cum  
 filiabus, quas Romani pro-  
 miscuè rapuerunt: hinc bel-  
 lum atrox: jamque ambæ  
 acies erant in procinctu, cùm  
 Sabinæ, Romanorum mulie-  
 res, crinibus passis, et scissâ

veste in medium proruperunt,  
 aciesque infestas diremerunt:  
 composita pax, et regna con-  
 sociata. Livius, Lib. I.

117. *Cui constant omnia.*  
 Cui omnes egregiæ dotes in-  
 sunt.

118. *Venusinam.* Sat. I,  
 nota 41.

*Cornelia.* Africani majoris  
 filia: ex qua nati Caius et  
 Tiberius Gracchus. Cornelia  
 triumphos Scipionis patris  
 sæpe commemorabat, Plu-  
 tarcho teste.

121. *Annibalè, etc.* Du-  
 cem Carthaginiensium, qui  
 bellum secundum Punicum  
 movit, anno U. C. 536, ac  
 primò quidem duos Consu-  
 les, P. Corn. Scipionem ad  
 fluvium Ticinum; Sempro-  
 nium ad fluvium Trebiam

In castris ; et cum tota Carthagine migra,  
 Parce, precor, Pæan, et tu depone sagittas ;  
 Nil pueri faciunt ; ipsam configite matrem,  
 Amphion clamat : sed Pæan contrahit arcum. 125  
 Extulit ergo gregem natorum, ipsamque parentem,  
 Dum sibi nobilior Latonæ gente videtur,  
 Atque eadem scrofa Niobe fecundior albâ.  
 Quæ tanti gravitas ? quæ forma, ut se tibi semper

*thagine. Ignosce, quæso, Apollo, exclamat Amphion, et tu, o Diana, sagittas abjice ; nihil mei liberi peccaverunt, ipsam Niobem telis vestris perimite ; sed Phæbus arcum contendit, ac torquere tela pergit. Sic Amphion complures filios, atque adeo, illorum matrem sepelivit, quæ alba porca fecundior, se Latonæ filiis anteponebat, ac nobilitatem suam venditabat. Est ne ulla virtus, aut pulchritudo in muliere tanti æstimanda, ut velis idcirco pati ejus superbiam, dum insultabit tibi, idque jactabit*

vicit. Deinde C. Flaminium ad Trasymenum lacum, mox Terentium Varronem ad Cannas, viculum Apuliæ, cecidit. Sed revocatus ad tutandam Carthaginem a suis Pœnis in Africam, ubi P. Corn. Scipio, victo Syphace Africæ Regulo, rem bene ac fortiter gerebat, ab eodem Scipione victus, et in Asiam fugere coactus, ad extremum hausto veneno sibi necem conscivit. Scipio, captâ Carthagine, ac tributo Pœnis imposito, Romam triumphans ingressus est, anno U. C. 553.

123. *Pæan.* Apollinis, cum iratus describitur, est nomen.

125. *Amphion.* Rex Thebanorum, maritus Niobes, quæ cum liberos ex eo duodecim suscepisset, Latonam contempsit quæ geminam duntaxat prolem edidisset ;

quod iniquè ferentes Apollo et Diana, ut matrem ulciscerentur, omnes Liberos Niobes sagittis, hæc feminas, ille mares, confixerunt. Amphion luctu contabescens manus sibi attulit, ipsa Niobe in saxum dirigit. Ovid. VI. Metam.

*Contrahit.* Contendit. Curvatur enim arcus cum sagitta emittitur, ita ut duo ejus cornua serè coeant.

126. *Extulit.* Elferre, propria vox funerum : ad pyram deportavit.

128. *Scrofa.* Respicit hunc Virgilii locum in quo dicitur Æneas invenisse in ripa Tiberis sub ilicibus ingentem suam albam, quæ triginta porcellos albos enixa erat. VIII. Æneid. v. 43, et Lib. III, v. 390.



- 130 Imputet? hujus enim rari, summiq[ue] voluptas  
 Nulla boni, quoties animo corrupta superbo,  
 Plus aloës, quàm mellis habet. Quis deditus autem  
 Usque adeo est, ut non illam, quam laudibus effert  
 Horreat, inque dies septenis oderit horis?  
 135 Quædam parva quidem, sed non toleranda maritis.  
 Nam quid rancidius, quàm quòd se non putat ulla  
 Formosam, nisi quæ de Thusca, Græcula facta est?  
 De Sulmonensi mera Cecropis? Omnia Græcè,  
 Cùm sit turpe magis nostris nescire Latinè.  
 140 Hoc sermone pavent, hoc iram, gaudia, curas,  
 Hoc cuncta effundunt animi secreta. Quid ultra?

*velut ingens beneficium, et immerenti datum, quòd esse tua voluerit? Esto enim, quamvis concedam pudicitia et formæ concordiam, rarum esse ac maximum in muliere bonum, hujus tamen boni fructus capi nullus potest, quoties femina depravato per superbiam animo, plus multo acerbioris, quàm suavitatis habet. Equis verò ejusmodi uxori adeo est addictus, ut eandem, quam probat laudatque simul, plus dimidiâ diei parte non averteretur aut oderit? Sunt in mulierum vitiis alia nonnulla levioris quidem momenti, sed quæ maritis non leviter sunt molesta. Quid enim, exempli causâ, putidius, quàm quòd nulla se pulchram et ornatam putat, nisi quæ, licet nata sit in media Italia, in ipsa Etruria, Græcorum tamen mores consecratur? eum Sulmone sit oriunda, Atheniensis censi gaudet. Nihil Græco sermone non loquuntur, licet multo sit scædus Latinam linguam ignorare. Eâ linguâ stupent, eâ iracundiam, lætitiâ, ægritudines, eâ mentis arcana proferunt universa. Quid amplius? Si uxorem tibi legitimo junctam*

132. *Aloës.* Aloë, herba Indica, succi peramari, et odoris gravioris. Plin. Lib. XXVII.

134. *Septenis horis.* Atque adeo plus dimidiâ diei parte: dies enim Romanus duodecim constabat horis.

137. *Thusca.* Sat. V, nota 164.

138. *Sulmonensis.* Sulmo,

Polignorum oppidum in Italia; patria Ovidii.

*Cecropis.* Cecrops, Rex primus Atheniensium: Cecropidæ, Athenienses. Cecropis, Cecropidis, femina Atheniensis.

140. *Hoc sermone pavent,* etc. Pavorem, iram, gaudium aliosque animi affectus, Græco sermone exprimunt.

Si tibi legitimis pactam, junctamque tabellis  
 Non es amaturus; ducendi nulla videtur  
 Causa, nec est quare cœnam et mustacea perdas.  
 Si tibi simplicitas uxor, deditus uni 145  
 Est animus: subnitte caput, cervice paratâ  
 Ferre jugum: nullam inveniēs, quæ parcat amanti.  
 Ardeat ipsa licet, tormentis gaudet amanti,  
 Et spoliis. Igitur longè minus utilis illi  
 Uxor, quisquis erit bonus, optandusque maritus. 150  
 Nil umquam invitâ donabis conjuge: vendes  
 Hac obstante nihil; nihil, hæc si nolit, emetur.  
 Hæc dabit affectus; ille excludetur amicus  
 Jam senior, cujus barbâ tua janua vidit.  
 Testandi cum sit lenonibus, atque lanistis 155  
 Libertas, et juris idem contingat arenæ,

*matrimonio non amabis, ob ejus vitia; non est cur eam ducas, et sumptum in cœnam nuptialem facias. Quod si nihilominus eam amabis; si tibi est ea facilitas, ut illi obsequi velis in omnibus, teque totum illi dedere; omnino necesse erit ut collum jugo subdas, et ad indignam servitutem ferendam te accingas. Nullam reperies quæ virum sibi addictum nolit regere, quæ illi superbè non imperitet. Quamvis ipsa virum amet impensè, gestiet eundem tamen cruciare ac spoliare. Quocirca ed plus ab uxore detrimenti quisque vir capit, quo se illi meliorem et amantio- rem præbet. Nihil cuiquam largieris, nihil vendes, nihil emes, ed invitâ et reluctante. Hæc suos tibi amores, odia, ceterasque animi perturbationes afflabit ac transmittet: amicum aliquem jam annis provecum ejicies domo tuâ, etsi hanc ille a prima juventute sua frequentaverit et coluerit. Quam lenones, lanistæ, et gladiatores facultatem habent condendi testamenti, et suos sibi heredes legendi, hæc tibi eripietur; cogeris eos heredes in testamento tuo scribere, quos uxor tibi dictabit, quæ riva-*

142. *Tabellis.* Scriptis et instrumentis, quibus continetur matrimonii contractus.

144. *Mustacea.* Placentas et quædam liba musto condita.

147. *Jugum.* Suprà, nota 38.

155. *Lanistis.* Satira III, nota *Lanistæ*.

156. *Arenæ.* Gladiatori- bus. Satira II, nota 101, nota *Arenam*; et Satira III, nota *Arenæ*.

Non unus tibi rivalis dictabitur heres.

Pone crucem servo : meruit quo crimine servus

Supplicium? Quis testis adest? quis detulit? Audi,

160 Nulla umquam de morte hominis cunctatio longa est.

O, demens! ita servus homo est? Nil fecerit, esto;

*Hoc volo, sic jubeo, sit pro ratione voluntas.*

Imperat ergo viro : sed mox hæc regna relinquit,

Permutatque domos; et flammea conterit; inde

165 Advolat, et spreti repetit vestigia lecti.

Ornatas paulò ante fores, pendentia linquit

Vela domus, et adhuc virides in limine ramos.

Sic crescit numerus; sic fiunt octo mariti,

Quinque per autumnos : titulo res digna sepulcri.

170 Desperanda tibi salvâ concordia socru :

Illa docet spoliis nudi gaudere mariti.

Scilicet exspectas, ut tradat mater honestos,

*tuos bene multos non omittet. Suffige, inquiet, servum hunc cruci : at quid sceleris admisit, ut hoc supplicio mactetur? Quis eum accusat, quis hominem testimonio suo condemnat? Ausculta, quæso, et rem repende, conjux, neminem pœnitere debet moræ, cum agitur de homine interficiendo. At tu, reponet illa, non sapis, qui servum inter homines censeas numerandum : nihil verò ille peccaverit, agetur in crucem nihilominus, quia sic volo, sic impero, legis et rationis locum obtinere voluntas mea debet. Sic viro conjux leges imponit, sic domi una regnat : nec diu tamen idem regnum servat : aliam, ubi imperet, domum quærit, ac velum nuptiale rescindit abjicitque : mox ab hac domo, eadem levitate discedens, ad torum, quem spreverat, revertitur; ac januam novissimi mariti velis et sertis pro more ornata subitò deserit. Ita virorum augetur numerus, et annis quinque; maritis octo nubit, exemplo memorabili et digno, quod in ipsius aliquando tumuli inscriptione et elogio perscribatur. Quod si matrem uxoris tuæ habbas domi, frustra pacem concordiamque speraveris. Illa filiam erudiet, quò pacto virum emungere argento ac spoliare possit. Exspectas videlicet dum mater gnatam imbuat honestis moribus et aliis, quam suis? nescis aniculæ*

164. *Flammea.* Satira II, 165. *Vela.* Suprà, nota nota *Flammea.* 46.

Atque alios mores, quàm quos habet? Utile porro  
Filiolam turpi vetulæ producere turpem.

Nulla ferè causa est, in qua non femina litem 175

Moyerit. Accusat Manilia, si rea non est.

Componunt ipsæ per se, formantque libellos,

Principium, atque locos Celso dictare paratæ.

Endromidas Tyrias, et femineum ceroma

Quis nescit? vel quis non vidit vulnera pali, 180

Quem cavat assiduis sudibus, scutoque lacèssit?

Atque omnes implet numeros; dignissima prorsus

Florali matrona tubâ: nisi si quid in illo

*facinorosæ et obscenæ rationes hoc postulare, ut filiam  
iisdem facinoribus assuefaciat. En tibi vitium aliud mu-  
lierum: vix ulla est causa ex iis quæ in foro agitantur,  
in qua litis et suscipiendæ et agendæ auctor aliqua femina  
non extiterit. Si Manilia in jus vocata non est, alios vocat.  
Ipsæ sud sponte componunt ac fabricantur illa scripta,  
quibus lites instruuntur, et causæ perorantur: confiduntque  
se posse Celsum ipsum docere, unde sit petendum exor-  
dium, quibus e locis oratoriis ducendæ rationes et argu-  
menta. Jam verò, quis ignorat esse nunc in more pôst-  
tum, ut mulieres, athletarum ritu, induant endromidem et  
ceromate perungantur? Quis non interfuit, cum se in campo  
Martio adversus palum, tamquam verum hostem exer-  
cerent, eumque clavâ et scuto armatæ, repetitis ictibus  
peterent, vexarentque ex omnibus artis gladiatoris regulis?  
Quis neget matronam istis præclaris assuetam exercitatio-  
nibus, cum ad celebranda Floralia personantibus tubis*

176. *Manilia.* Rixosa et  
litigiosa mulier.

*Rea.* Reus appellatur qui-  
cumque in jus vocatur, quam-  
vis innocens.

178. *Locos.* Loci oratorii,  
sunt argumentorum quasi lo-  
culi et scrinia, unde rationes  
educuntur.

*Celso.* Cornelius Celsus,  
rhetor, floruit Augusti ævo.

179. *Endromidas.* Sat. III,  
nota 97.

*Ceroma.* Sat. III, nota 67.

180. *Vulnera pali.* Tyro-  
nes milites exercebantur ad  
palos, quos singulos singuli  
defigebant in terram, et con-  
tra quos, tamquam contra  
veros hostes, depugnabant  
ensibus ligneis armati, aut  
ligneis sudibus; et rotundi  
crête vimineâ, instar scuti.

183. *Florali tubâ.* Accia  
quædam Tarratia fuit famosa,  
meretrix Romæ, quæ postea  
sub Deæ Floræ nomine con-  
secrata et culta fuit. Hæc



Pectore plus agitat, veræque paratur arenæ.

- 185 Quem præstare potest mulier galeata pudorem,  
Quale decus rerum, si conjugis auctio fiat,  
Balteus, et manicæ, et cristæ, crurisque sinistri  
Dimidium tegmen: vel si diversa movebit  
Prælia; tu felix, ocreas vendente puellâ.

- 190 Hæ sunt, quæ tenui sudant in cyclade, quarum  
Delicias, et panniculus bombycinus urit.  
Aspice quo fremitu monstratos perferat ictus,

*vocabitur, ceteras mulieres facile superaturam? nisi forte; spretis mulierum ludis ac festis, majus aliquid meditatur, seque præparat veris certaminibus gladiatorum obeundis in arena. Quem pudori, quæso, locum relinquit mulier, quæ tam impudenter galeam et arma gladiatoria induere non veretur, quam innata sexui verecundia et modestia non deterret? Quàm illustre præbebit populo spectaculum conjux tua, si domesticam supellectilem, auctione constitutâ, velit vendere, cum proferentur in medium balteus, ferrea manuum tegmina, cristæ, et sinistri pedis integumentum; aut, si uxorem tuam vera delectant bella, habebis profectò cur tibi plaudas, cum ocreas ipsa suis vendet. Atqui illæ ipsæ, si leviori veste per æstatem induantur, sudare se et enecari clamitant: earum delicatam cutem premit cruciatque tunica levis et subtili bombyce confecta: eædem verò cum ad gladiatoriam artem a lanista exercen-*

populum Romanum moriens heredem reliquit eâ lege, ut editis ludis suum natalem diem Roma celebraret. Illi ludi *florales* dicti sunt, seu *Floralia*, erantque pleni omnis spurcitie ac turpitudinis: iis inchoandis signum dabatur tubâ: in iisdem mulieres, instar gladiatorum, depugnabant inter sese.

186. *Auctio.* Sat. III, nota  
*Sub hasta Domina.*

187. *Cruris sinistri, etc.*  
Olim in bello muniebatur pes sinister usque ad genu, aliquo tegmine; cum enim scuto

uterentur, eo pars pedis superior, seu crus, protegebatur: pes verò sinister armabatur, non dexter; quia in pugna protenditur vulgò pes lævus, alter retrahitur. Hinc dimidium tegmen appellatur, nempe *unius pedis*; aut *pedis tantum*, et non *cruris*.

*Balteus.* Hoc in loco significat cingulum e corio latiore, quo gladiatores firmabant latera. *Ocreæ* sunt militum.

190. *Cyclade.* Vestis est feminea: *cyclas* vocatur a voce Græca κύκλος *circulus, ambitus*.



Et quanto galeæ curvetur pondere : quanta  
 Poplitibus sedeat ; quàm denso fascia libro ;  
 Dicite vos neptes Lepidi, cœcive Metelli, 195  
 Gurgitis aut Fabii, quæ Ludiâ sumpserit umquam  
 Hos habitus ? quando ad palum gemat uxor Asyli ?  
 Semper habet lites, alternaque jurgia lectus,  
 In quo nupta jacet : minimum dormitur in illo.  
 Tunc gravis illa viro , tunc orbâ tigride peior, 200  
 Cùm simulat gemitus occulti conscia facti :  
 Aut odit pueros , aut ficta pellice plorat  
 Uberibus semper lacrymis, semperque paratis

*tur, vide quâ contentione vocis ac vultûs, dictatos a magistro ictus in adversarium dirigant ? quàm fortiter ac strenuè ferant onus impositæ capiti galeæ, quamvis eo pondere incurvetur cervix ac subsidat ? quàm densis multisque corticibus et fasciis muniant sibi poplites, ne inflectantur ac fatiscant ? Vos hîc appello Lepidorum neptes, aut ejus Metelli, cui cognomentum Cæco fuit, vel ejus Fabii, qui Gurges appellatus est ; an vidistis aliquam vestrâ tempestate Ludiâ, quæ isto cultu ac vestibus uteretur ? An ipsa conjux Asyli, et ceteræ gladiatorum uxores ad palum sudantes et anhelantes, exercentur ? Quid dicam de jurgiis et litibus, quibus uxor improba domum perturbat, per quas viro somnos placidè carpere numquam licet ? Tunc maximè tamen est molesta, et sævior tigride suis spoliata catulis, cùm ream se alicujus facinoris taciti sentiens, fingit se ingemiscere, quasi virum alienis implicatum sciret amoribus ; simulatque se dölere quòd ex eo pucros susceperit, ab eo pellicem amari dictitans, nec lacrymis parcat, quas velut in statione semper habet ad*

194. *Poplitibus, etc.* Ne inter pugnandum fatiscerent genua, et inflecterentur poplites, eos muniabant molli-  
 bus corticibus, multâ fasciâ constrictis. Liber, libri, propriè corticem significat : primi enim libri ex arborum phyliris, id est, tenuissimis corticibus fiebant.

*Sedeat.* Adstricta firmiter et compacta sit, nempe

*fascia.*

197. *Asyli.* Asylus hoc in loco nomen est histrionis aut gladiatoris tunc noti. Ait igitur nobiles matronas deteriores ac nequiores esse ludiorum uxoribus, quæ ad palum non exercentur.

200. *Orbâ tigride.* Dum catulis ablati, frendet et sævit in raptorem, quem insectatur.

- In statione sua, atque expectantibus illam,  
 205 Quo jubeat manare modo: tu credis amorem,  
 Tu tibi tunc curruca places, fletumque labellis  
 Exsorbes. Quæ scripta, et quas lecture tabellas,  
 Si tibi zelotypæ retegantur scrinia mœchæ!  
 Unde hæc monstra tamen, vel quo de fonte  
 requiris?  
 210 Præstabat castas humilis fortuna Latinas  
 Quondam, nec vitiis contingi parva sinebant  
 Tecta labor, somnique breves, et vellere Tusco  
 Vexatæ, duræque manus, ac proximus urbi  
 Annibal, et stantes Collina in turre mariti.  
 215 Nunc patimur longæ pacis mala: sævior armis  
 Luxuria incubit, victumque ulciscitur orbem.  
 Nullum crimen abest, facinusque libidinis, ex quo

*nutum expeditas, ut quâ parte, quovē pacta jusserit, fluant. Tu eas ab amore proficisci arbitraris, et similis curruca, tibi gratularis, lacrymasque præ gaudio tibi manantes tacitus exsorbes, ac premis. Infelix! quas litteras, quos libellos amatorios legeres, si tibi paterent arculae in quibus uxor adultera, quæ se fingit zelotypam, suarum libidinum conscias recondere chartas solet? Roget quispiam fortasse, quænam tot scelerum sit causa, quo ex fonte libidines tam portentosæ fluxerint? Veterum Latinorum uxores tenuitas et inopia rei familiaris castas efficiebat; arcebat ab eorum casis vitia durus labor, et in multam productus noctem; vigiliæ, lanificium, vicini Annibalis terror, qui viros ipsarum cogebat ad portam Collinam in turribus excubiis agere. Nunc exitio nobis est diuturna pax. Luxuria omni bello crudelior occupavit Romanos, ac per eam orbis, nostris olim armis domitus, pœnas a nobis repetit. Ex quo priscam majorum nostrorum paupertatem copia et luxus expulit, omnis vitiorum cohors ac libidinum invasit urbem. Iis enim opibus factum*

204. *In statione.* Est metaphora a re militari.

206. *Curruca.* Est avicula, quæ ova sibi a cucullo posita, pro suis fovet excluditque.

214. *Annibal.* Sup. not. 121. *Collina.* Porta collina Romæ, proxima erat monti Quirinali, a cujus variis colliculis ac tumulis portæ nomen est factum.

Paupertas Romana perit. Hinc fluxit ad istos  
 Et Sybaris colles; hinc et Rhodos, et Miletos,  
 Atque coronatum, et petulans, madidumque 220  
 Tarentum.

Prima peregrinos obscena pecunia mores  
 Intulit, et turpi fregerunt secula luxu  
 Divitiæ molles. Quid enim Venus ebria curat?  
 Grandia quæ mediis jam noctibus ostrea mordet,

*est ut venirent Romam deliciæ, moresque corrupti Sybaritarum, Rhodiorum, Milesiorum, et Tarentinorum. Romanorum igitur opes in causa præsertim fuerunt, cur aliarum gentium obsceni mores et luxus Romam inveherentur, pristinamque frugalitatem et sanctimoniam depravarent. Quam enim pudoris et parcimonie rationem habeant mulieres epulis et vino accensæ, cum indulgent gulæ ad me-*

218. *Hinc fluxit, etc.* Crimen omne ac facinus libidinis ex eodem fonte manavit, nimirum ex abundantia.

*Istos colles.* Nempe Romanos. Urbs enim in septem collibus magnam partem sedet. Sat. III, nota *Diotum*, etc.

219. *Sybaris.* Est fluvius in extrema Italia, et in sinum Tarëntinum effunditur. Non procul est oppidum ejusdem nominis, cujus incolæ, Sybaritæ dicti, omnium voluptatum ingeniosissimi fuisse narrantur architecti. Cum igitur vates dicit Sybarim ad Romanos colles fluxisse, significat invectam in Romanos mores, Sybaritarum lasciviam, comessationes Tarentinorum, etc.

*Rhodos, Miletos.* Sunt recti casus, Græco more.

*Illinc Rhodos, etc.* Sunt illæ duæ urbes in Asia: Rhodus quidem, in Rhodo insu-

lâ, l'île de Rhode, quæ ob-  
 jacet Asiæ minori, ad Meri-  
 diem: Miletus verò, nunc  
*Melasso*, in Ionia, ad oram  
 occidentalem ejusdem mino-  
 ris Asiæ: lanis olim suis et  
 pannis iuclyta. Illinc igitur,  
*id est*, ex abundantia et ni-  
 miis opibus vitia Græcorum  
 ad nos profluxerunt.

220. *Tarentum.* Urbs ulti-  
 mæ Italiæ, in ea parte quæ  
 olim magna Græcia vocaba-  
 tur: in intimo recessu sinûs,  
 qui ab ea Tarentinus appel-  
 latur.

*Coronatum.* Coronas e flo-  
 ribus imponebant capiti inter  
 vina.

*Madidum.* Ebrium.

221. *Obscena pecunia.* Cu-  
 jus habendæ gratiâ nihil non  
 obscenum admittitur.

*Mores.* Vitia, flagitia.

224. *Mediis jam noctibus.*  
 Protracto ad mediam noctem  
 convivio,

- 225 Cùm perfusa mero spumant unguenta Falerno,  
 Cùm bibitur conchâ, cùm jam vertigine tectum  
 Ambulat, et geminis exsurgit mensa lucernis.  
 Audio quid veteres olim moneatis amici;  
 Pone seram, cohibe. Sed quis custodiet ipsos  
 230 Custodes? Cauta est, et ab illis incipit uxor.  
 Jamque eadem summis pariter, minimisque libido:  
 Nec melior, pedibus silicem quæ conterit atrum,  
 Quàm quæ longorum vehitur cervice Syrorum.  
 Ut spectet ludos, conducit Ogulnia vestem,

*diam usque noctem, comedunt ostrea delicata, immiscunt unguenta exquisito vino, cùm majoribus inter se poculis, e capaci concha factis, poscunt, ebrietate oculos et caput ita perturbante, ut ipsis moveri lacunaria, geminari læœrnæ, mensæ assurgere videantur. Rectè me admonetis, o candidi et veteres amici: nempe dicitis obseranda esse domi omnia diligenter, compescendam prodigæ mulieris et libidinosæ intemperantiam adhibitis custodibus. Sed quæro, quis custodes ipsos custodiet? Ingeniosa et vigil est conjux, hoc primum curat ut illos ipsos custodes deliniat corruptaque. Neque verò primarias tantum matronas et occupates iste luxus, prodigalitatis, et ambitionis furor tenet, eodem et infimæ sortis mulieres laborant; neque modestior est ea quæ pedes iter facit, quàm quæ lectica sublimi gestatur a proceris et valentibus servis. Ogulnia, ignobilis illa muliercula, ut*

225. *Unguenta.* Ita delectabantur odoratis illis unguentis, ut non solum iisdem caput ungerent, sed etiam vinum condirent. Unguento igitur in imo calice posito falernum superfundebant. Plin. Lib. XXXI, cap. 3.

*Falerno.* Sat. IV, nota 136.

226. *Tectum ambulat.* Ebriis omnia videntur moveri et circumagi. Idem ebrii omnium gemina vident.

230. *Ab illis incipit.* Primus omnium uxor corrumpit et sibi conciliat quos sibi custodes novit adhibitos.

232. *Pedibus silicem quæ conterit atrum.* Ignobilis et paupercula nudis pedibus incedens per vias cœnosas silice stratas. Viæ silice sternuntur. *Atrum.* Lutulentum.

233. *Syrorum.* Servorum e Syria, parte Asiæ, Romam advectorum; ab iis lecticæ nobilium ferebantur; ita ut ipsæ a servorum eas subeuntium numero nomen haberent, dicereturque lectica hexaphoros, quæ a sex famulis gestabatur: octophoros, quæ ab octo, etc. *ἵξ, sex, ὀκτώ, octo, et φέω, porto.*



Conducit comites, sellam, cervical, amicas, 235  
 Nutricem, et flavam, cui det mandata, puellam.  
 Hæc tamen argenti superest quodcumque paterni  
 Lævibus athleticis, ac vasa novissima donat.  
 Multis res angusta domi est: sed nulla pudorem  
 Paupertatis habet; nec se metitur ad illum, 240  
 Quem dedit hæc, posuitque modum. Tamen utile  
 quid sit,

Prospiciunt aliquando viri; frigusque, famemque  
 Formicâ tandem quidam expavere magistrâ.

Prodiga non sentit pereuntem femina censum:  
 At velut exhaustâ redivivus pullulet arcâ 245  
 Nummus, et e pleno semper tollatur acervo,  
 Non umquam reputat quanti sibi gaudia constant.  
 Si gaudet cantu, radiant testudine totâ

*spectaculis intersit ibique se ostendet, mutuatur vestem, comites, lecticulam, pulvinum, amicas, nutricem, et puellam elegantio rem, cui det mandata. Cumque par esset, ut quod ipsi restat e patrimonio, servaret alendæ familiæ, hoc ipsum tamen, ac reliqua vasa, et domesticam supellectilem, juvenibus pugilibus largitur. Quamvis plurimæ egestate vexentur, et exiguo sint admodum censu, nullæ tamen paupertatis pudore deterrentur, quomihus prodigæ sint; nullaque eum, quem inopia suadet, modum ac frugalitatem servat. Sanè viri suæ utilitatis rationem interdum habent, quantumlibet prodigi, et exemplo formicæ prospiciunt in futurum, quo pacto famem et frigus arceant. At feminae profundunt ac perdunt omnia, nullo futuri metu; neque secum umquam expendunt quanto eas nugas quibus delectantur, emant; quasi exhausta in arca nummi sud sponte reviviscerent, ac repullularent; neque illorum acervus esset aliquando minuendus. Finge aliquam oblectari cantu, cy-*

236. *Nutricem.* Matronam aliquam et anum, quæ puellis nobilibus moderatrix et comes addebatur.

238. *Levibus.* Topsis, comptis, imberbibus.

*Athletis.* Pugilibus, qui pugno, vel nudo, vel ar-

mato cæstu, inter se dimicant, et alter alterum dejicere nititur.

248. *Testudine.* Cithara, vocata est *testudo*, quia primum e putamine testudinis confecta fuit, nervis super inductis et extensis.



Sardonyches: crispo numerantur pectine chordæ,  
 250 Quo tener Hedymeles operam dedit: hunc tenet,  
 hoc se

Solatur, gratoque indulget basia plectro.

Quædam de numero Lamiarum, ac nominis alti,  
 Cum farre et vino Janum, Vestamque rogabat,  
 An Capitolinam deberet Pollio quercum

255 Sperare, et fidibus promittere. Quid faceret plus,  
 Aegrotante viro? Medicis quid tristibus erga  
 Filiolum? Stetit ante aram, nec turpe putavit

*tharam comparabit gemmis ornatam; feriet cytharæ fides egregio aliquo et pretioso plectro, quo usus fuerit Hedymeles; illud non dimittit e manibus, osculatur, amplectitur. Mulier quædam nobilis, et e Lamiarum familia, Janum et Vestam, cum illis farre et vino sacrificaret, interrogabat num Pollio cytharædus sperare posset se coronam e quercu reportaturum in certaminibus musicis, institutis in honorem Jovis Capitolini; an hoc industriæ suæ et cytharæ præmium polliceri sibi posset. Quid aliud, amabo, faceret, si vir ipsius periculoso tentatus morbo jaceret; aut quo majori argumento, quam ejusmodi sacrificiique sollicitudinem suam significaret, si filii parvuli vita et valetudo foret a medicis deposita? Stetit ante altare, ut vota*

249. *Sardonyches.* Sardonyx est gemma, duarum aliarum colorem referens: nempe Sardii, subrubrum; et Onychis, subalbum: necnon distincta lineolis partim nigris, partim miniatis.

*Crispo.* Tremente, subsistente.

*Numerantur.* Percurruntur, ordine tanguntur ac certâ lege.

*Pectine.* Un archet: dicitur pecten, quia dentibus quibusdam armatum olim erat: nunc serè fit ex equinis setis oblongo bacillo et paululum incurvo impositis.

250. *Hedymeles.* Nomen cytharædi, tunc noti: vel

fictum ex ἡδὺς, suavis, et μέλος, cantus.

252. *Lamiarum.* Sat. IV, nota 151.

253. *Farre.* Far frumenti purioris genus.

*Janum.* Vide app. c. 1.

*Vestam.* Vide app. c. 1.

254. *Capitolinam quercum.* Domitianus, in Jovis honorem instituit certamen solenne triplex, musicum, equestre, et gymnium; quinto quoque anno celebrandum. Victori- bus dabatur corona querna, quia quercus Jovi sacra.

*Pollio.* Citharædus illustri illi matronæ adamanus.

256. *Medicis quid tristi-*

Pro cithara velare caput; dictataque verba  
 Protulit (ut mos est) et apertâ palluit agnâ.  
 Dic mihi nunc, quæso, dic, antiquissime Divûm, 260  
 Respondes his, Jane pater? Magna otia Coeli;  
 Non est (ut video) non est, quid agatur apud vos.  
 Hæc de Comoëdis te consulit, illa Tragœdum  
 Commendare volet; varicosus fiet aruspex.  
 Sed cantet potiùs, quam totam pervolet urbem 265  
 Audax, et coetus possit quàm ferre virorum;  
 Cumque paludatis ducibus, præsentem marito,  
 Ipsa loqui. Novit quid toto fiat in orbe,  
 Quid Seres, quid Thraces agant: secreta novercæ,

*et preces pro cytharædo conciperet; nec erubuit, velato capite, verba solemnia et usitata quæ ipsi præibat haruspex, recitare: diductis agnæ, quam immolabat, extis, metum pavoremque præ se tulit, si quid in illis infaustum cytharædo portendi videretur. Jane pater, Superûm vetustissime, obsecro, an aurem ejusmodi votis præbes? Si ita est, certè oportet vos in cælo valde otiosos esse, neque gravioribus negotiis detineri. Aliæ de comoëdorum, aliæ de tragœdorum ludis et successu te consulunt; et vota tibi eorum in gratiam faciunt: ipse haruspex, dum operatur tam multis ac diuturnis sacris, pedibus insistens, periculum est ne varicosus evadat. Quamquam, esto sanè, cantet, ludatque mulier, longè id salius ac tolerabilius est, quàm si totam concurret civitatem insigni impudentiâ, et mediis se virorum cælibus interponat, ubi multa turpiter aut stolidè deblateret. Nam exploratum habet quid orbe terrarum toto geratur: quid agatur apud Seras, Thracasve; novercarum et mancipiorum arcana callet; aliorum*

*bus.* Ob conclamatam pueruli salutem, de qua jam desperant.

258. *Velare caput.* Inter sacrificandum stabant, velato capite, ante aram, et conceptis verbis, præeunte haruspice, preces fundebant.

*Pro cithara.* Pro citharædo vota facere, capite velato; ex more.

264. *Varicosus.* Varices

sunt venæ quædam majores in cruribus, quæ, ex nimia ferè standi mora, implentur vitioso sanguine.

*Haruspex.* Inspector victimarum. Satira II, nota *Haruspice.*

267. *Paludatis.* Indutis Paludamento. Sagum erat, seu chilamys Imperatorum in acie.

269. *Seres.* Populi Scythiæ

- 270 Et pueri : quis amet, quis decipiatur adulter.  
 Instantem regi Armenio, Parthoque cometen  
 Prima videt : famam, rumoresque illa recentes  
 Excipit ad portas : quosdam facit isse Niphaten  
 In populos, magnoque illic cuncta arva teneri  
 275 Diluvio : nutare urbes, subsidere terras,  
 Quocumque in trivio, cuicumque est obvia narrat.  
 Nec tamen id vitium magis intolerabile, quam  
 quodd  
 Vicinos humiles rapere, et concidere loris  
 Exorata solet : nam si latratibus alti  
 280 Rumpuntur somni ; fustes huc ocyus, inquit,

*amores, aliorum delusas libidines. Prima deprehendit fulgentem in cælo cometam, et Armeniorum Parthorumque Regi funestum aliquid portendentem : advolantem aliunde famam, et novellos rumores, occurrens ipsa pro portis urbis excipit. Narrat fluvium Niphaten prorupisse ultra ripas in regionem quamdam, quæ tota diluvio ingenti demersa fuerit ; alibi urbes integras terræ motu labefactas, alibi montes depressos, et æquatos solo ; id passim in triviis, id omnibus quos habet obvios, denarrat. Est hoc illius vitium tamen ferendum leviter, si cum ejus immanitate comparetur, quæ tanta est, ut vicinos, humilis fortunæ homines ac loci, abripi jubeat, lorisque, licet veniam deprecantes, lacerari. Nam si quis in vicina oanis, edito latratu, dormientem illam, excitaverit, continuo, Expedite fustes, exclamat ; iisque vapulare do-*

*Asiaticæ prope Indos et Sinas, qui e molli lanugine foliis quarundam arborum innascente, conficiunt lanam et vellera. Virg. II, Georg. 121.*

*Thraces. Europæ populi ad Septentrionem Macedoniæ, supra Ægeum mare.*

271. *Regi Armenio. Armenia, pars est Asiæ inter montes Taurum et Caucasum sita, et a Cappadocia ad Caspium usque mare pertinens, vocatur nunc Ararath.*

*Parthoque. Imperium Per-*

*sarum veterum ac Medorum Parthi obtinuerunt : qui olim inter Persidem et Hircaniam habitabant.*

*Cometen. Cometæ, metum imperitæ plebeculæ incutiunt, quasi funestum aliquid portenderent.*

273. *Niphaten. Fluvium Armeniæ, de qua facta est mentio supra nota 271.*

275. *Nutare urbes. Terræ motu concussas.*

279. *Exorata. Cum sinit se exorari ut ne illos interficiat.*

*Afferte,*

Afferte, atque illis dominum jubet antè feriri,  
 Deinde canem. Gravis occursum, teterrima vultu,  
 Balnea nocte subit: conchas, et castra moveri  
 Nocte jubet; magno gaudet sudare tumultu,  
 Cùm lassata gravi ceciderunt brachia massa. 285  
 Convivæ miserè intereà, somnoque, fameque  
 Urgentur. Tandem illa venit rubicundula, totum  
 Oenophorum sitiens, plenâ quod tenditur urnâ  
 Admotum pedibus, de quo sextarius alter  
 Ducitur ante cibum, rabidam facturum orexim, 290  
 Dum redit, et terram luto fecit intestino.  
 Marmoribus rivi properant, aut lata Falernum

*minum canis, deinde canem, jubet. Illius occursum metum incutit, aspectus ipse immanitatem spirat. Petit balnea nocte, et vasa in hunc usum apta, ceteramque suppellectilem: haud secus ac si moveret castra, illuc deportari magno cum tumultu per tenebras imperat: nec minore strepitu in thermis sudorem provocat, plumbeâ massâ in aërem, donec brachia defatigentur, sæpius jactatâ. Interim convivæ illam domi exspectantes, fame ac somno cruciantur: ad extremum adest, ore inflammato, et sitientibus faucibus, adeo ut vas vinarium totum videatur exhaustire velle, quod ante ipsius pedes mero plenum, et urnam totam continens, statuitur. Ex eo sextarios duos ebibit ante ipsam cœnam, mox evomit, postquam illis stomachum abluit, ita maximam cibi appetentiam ad epulas affert. Dum sic potat, quantum bibit anguis, dolium plenum nactus, dum rursus vomit, conspergit vino Falerno stratum*

283. *Conchas.* Pelves factas in concharum morem.

285. *Gravi massa.* Qui balneo utebantur, solebant, ut sudorem facilius elicerent, plumbeas massas jactare, ex uno loco in alium transferre, etc.

288. *Oenophorum.* Vas vinarium.

*Tenditur.* Distenditur, refertum est.

289. *Sextarius.* Sexta pars

Congii: uncias capiens 20.

290. *Orexim.* Cibi appetentiam.

291. *Redit.* Redditur vomitu, e stomacho pellitur. Consueverant crebro vomitu stomachum exonerare et purgare.

*Luto.* Participium est præteriti temporis ab antiquo verbo *luo*, unde composita, *eluo*, *abluo*, *diluo*, etc. pro, *lavo*.

- Pelvis olet : nam sic tamquam alta in dolia longus  
 Deciderit serpens, bibit, et vomit. Ergo maritus  
 295 Nauseat, atque oculis bilem substringit opertis.  
 Illa tamen gravior, quæ cum discumbere coepit,  
 Laudat Virgilium, perituræ ignoscit Elisæ:  
 Committit vates, et comparat inde Maronem,  
 Atque aliâ parte in trutina suspendit Homerum.  
 300 Cedunt Grammatici, vincuntur Rhetores, omnis  
 Turba tacet; nec causidicus, nec præco loquatur,  
 Altera nec mulier; verborum tanta cadit vis.  
 Tot pariter pelves, tot tintinnabula dicas  
 Pulsari. Jam nemo tubas atque æra fatiget:  
 305 Una laboranti poterit succurrere Lunæ.

*marmore pavementum, aut eodem pelvim subjectam implet, non sine odore gravissimo, quem nauseans maritus, oculisque nictantibus, ægrè fert, vique sibi a vomitu temperat. Haud paulò tamen molestior est mulier, cum in vino et mensâ laudes Virgilii persequitur, cum excusat Didonem, quodd sibi necem ipsa consciverit: cum poëtas inter se componit, atque hinc in una quasi trutinæ lance Virgilium, in alterâ Homerum collocans, uter utri sit præferendus disputat, tantâ verborum copiâ, tam garrulâ loquacitate, ut Grammaticos omnes Rhetoresque facillè vincat: silent quicumque adsunt: neque verò, si vocem velent mittere, audirentur, licet causidici mille, ac præcones verba facerent, aut alia quæpiam adesset mulier, tantam hæc una verborum copiam effundit, effutitque. Credas complures concuti pelves, et æra sonantia percrepare; nec jam fuerit opus ad opem Lunæ deficienti ferendam, ut edantur inconditi strepitus personantibus tubis, aut æreis cacabîs, crepitaculisque pulsatis; una, quan-*

294. *Serpens.* Testatur Plinius, Lib. X, cap. 72, serpentes vinum præcipuè appetere.

297. *Elisæ.* Hoc Didonis proprium nomen fuit: Dido verò, cognomen. Vide Lib. IV *Æneid*.

298. *Committit.* Committi dicuntur gladiatores et com-

poni, quando pares junguntur paribus, ut dimicent.

305. *Lunæ.* Ethnici putabant Lunam cum deficeret, eclypsim pati propter incantationes veneficorum, quæ illam arte magicâ privarent luce, in terras devocarent, etc. Quare ut eas incantationes ne audiret, edebant



Imponit finem sapiens et rebus honestis.  
 Nam quæ docta nimis cupit et facunda videri,  
 Crure tenus medio tunicas succingere debet,  
 Cædere Sylvano porcum, quadrante lavari.  
 Non habeat matrona, tibi quæ juncta recumbit, 310  
 Dicendi genus, aut curtum sermone rotato  
 Torqueat enthymema, nec historias sciat omnes :  
 Sed quædam ex libris et non intelligat. Odi  
 Hanc ego, quæ repetit, volvitque Palæmonis  
 artem,

*tum satis erit, clamabit. Eadem sapientum ac philosophorum more, de virtute, de fine, quem spectare debeant honestæ actiones, disserit. Quid restat, nisi ut, dum eloquentis et doctæ famam ac nomen ambit, tunicam, oratorum more, paulum infra genua demissam gerat; porcum, ut poëtæ, Sylvano immolet; quadrante denique persoluto, ut egentes philosophi, lavetur in balneis. Si me audis, cavebis ne tua uxor certo quodam loquendi genere ac stylo utatur, ne brevitatem ac robur sermonis, in quo crebra sunt enthymemata, usurpet; ne omnium historiarum seriem calleat: liceat illi aliquid in libris legendis nescire. Ferre illam ego non possum quæ a Palæmone tradita oratoricæ artis præcepta, recolit ac perdiscere studet; quæ le-*

inconditos strépitus, pulsatis æreïs cacabjs, et pel-yibus.

308. *Crure tenus medio.* Quintilianus, Lib. XI, dum quænam esse debeant oratorum vestes, disserit, *Tunicæ*, inquit, *priõribus oris infra genua paulum; posterioribus ad medios poplites usque perveniant. Nam infra, mulierum est; supra, Centurionum.*

309. *Sylvano.* Sylvarum hic Deus præses erat; illi porcus immolabatur. Nefas verò mulieribus erat adesse sacrificiis quæ in honorem Sylvani a rusticis fiebant.

Colebatur etiam a Poëtis, qui sylvis, otio, et secessu gaudent.

*Quadrante.* Erat quadrans, quarta pars assis: hunc pauperes, et philosophi qui egentio-rem et severiorem vitam profitebantur, solvebant vulgò baluatoribus.

312. *Palæmonis.* Q. Rhem-nius Palæmon, sub Tiberio et Claudio Imperatoribus docuit rhetoricam Romæ; homo ineptè arrogans, qui diceret Musas secum natas, secum morituras esse.

314. *Antiquaria.* Qui antiqua et obsoleta vocabula sectantur, et inde captant

- 315 Servatâ semper lege, et ratione loquendî,  
 Ignotosque mihi tenet antiquaria versus,  
 Nec curanda viris opicæ castigat amicæ  
 Verba. Solœcismum liceat fecisse marito.  
 Nil non permittit mulier sibi; turpe putat nil,  
 320 Cùm virides gemmas collo circumdedit, et cùm  
 Auribus èxtensis magnos commisit elenchos.  
 Intolerabilius nihil est, quàm femina dives.  
 Interea foeda aspectu, ridendaque multo  
 Pane tumet facies, aut pingua Poppæana  
 325 Spirat; et hinc miseri viscantur labra mariti.  
 Ad mœchum veniet lotâ cute: quando videri

*ges omnes ac regulas exacti sermonis observat inter loquendum, quæ nonnulla ignota mihi et obsoleta recinit carmina, antiquæ ac putidæ eruditionis studio: quæ amicæ barbarè loquentis voces parum accuratas et emendatas corrigit, quas ipsi viri si proferant, nemo valde reprehendat. Detur hæc marito venia, ut possit impunè solœcismum facere. Jam verò illæ mulieres quæ contextu e Smaragdis monilia, et pretiosas in aures gestant nihil nefas sibi ducunt esse, et omnia pudoris repagula brevi perfringunt. Nihil est audacius, nihil proclivius ad omnem luxum feminâ locuplete. En ut vultum deformem ac ridiculum pane macerato incrustat, et Poppæanis unguentis pingue quiddam et olidum spirantibus oblinat, quorum visco mariti osculantis labia inquinantur. Cùm domo prodibit ad mœchum aliquem, deterget illa unguenta,*

*eruditionis antiquæ famam, antiquarii vocantur.*

317. *Opicæ.* Indoctæ, barbarè loquentis. Sat. III, nota 192.

320. *Virides gemmas.* Ut smaragdos.

321. *Elenchos.* Elenchi vocantur gemmæ majores, oblongæ et in extremo turgidæ, instar pyrorum. Plin. Lib. IX, cap. 35. Ejusmodi gemmas interdum plures auribus suis mulieres appendebant quo

pondere protendebantur aures.

324. *Pane tumet facies.* Lege versum 82, Sat. II.

*Poppæana.* Unguenta quædam et medicamenta inventa et usurpata a Poppæa Sabina, Neronis uxore, ad curandam et poliendam faciem.

325. *Viscantur.* Non enim abstergere pingua et olida ejusmodi unguenta curat, quando est domi, quia viro parum satagit placere: abluit

Vult formosa domi ? mœchis foliata parantur.  
 His emitur, quidquid graciles huc mittitis Indi.  
 Tandem aperit vultum, et tectoria prima reponit;  
 Incipit agnosci, atque ideo illo lacte fovetur, 330  
 Propter quod secum comites educit asellas,  
 Exsul hyperboreum si dimittatur ad axem.  
 Sed quæ mutatis inducitur, atque fovetur  
 Tot medicaminibus, coctæque siliginis offas

*et faciem lavabit : cùm verò domi versatur, num censes illam formæ valde studiosam esse? Unguenta e foliis nardî pretiosis confecta domi præparantur et reservantur adulteris, quorum in gratiam emuntur quæcumque ab ultimâ India Romam deportari solent. Cùm ad eos pervenit, tum denique ut agnoscat, vultum reteggit, crassioribus integumentis, quibus operiebatur, amovitis; cutem lacte asininò mulcet ac linit; quod ut in promptu semper habeat, armentum asinarum semper deducit secum, etsi ad polum usque Septentrionalem in exsilium amandetur. Ego verò libenter quæsierim, an illa facies, quæ tot pigmentis tam sæpe mutatis, tot medicatis odoribus et unguentis curatur ac integitur, cui adhibentur tot candidissimi panis offæ modò coctæ, modò lacte madefactæ, utrum, inquam, illa fa-*

eadem quando est foris, cùm adulteros invisit.

327. *Mæchis.* Ut mœchis placeat mulier, exquisitis se perfundit odoribus, et nitidam se illis numquam non objicit, non ita verò studet viro placere.

*Foliata.* Confecta e foliis et spicis nardi, quæ est arbuscula bene olens, cujus cacumen in aristarum morem crescit : hinc *Nardium unguentum spicatum* appellatur.

328. *Graciles.* Exilès, macilenti. Tales sunt ob æstum, quo exsiccantur corpora.

*Indi.* Hi sunt Asiæ populi valde Orientales, ab Indo fluvio dicti.

329. *Tectoria.* Fucum, cerussam, Tectorium propriè dicitur *calx*, aut *crusta*, quæ parietes obducuntur.

331. *Asellas.* Affirmat Plinius cutem erugari, ac tenerescere lacte asinino. Quam ob causam Poppæa, conjux Neronis, circumferebat secum Asinas quingentas, quarum e lacte balneum sibi conficiebat.

332. *Hyperboreum.* Subiectum Boreæ : vel, ultra Boreæ ipsius quasi domum et fines, positum.

334. *Siliginis.* Est siligo excellentis tritici genus, ex quo fit purissimus panis.

- 335 Accipit et madidæ ; facies dicetur , an ulcus ?  
 Est operæ pretium penitus cognoscere , toto  
 Quid faciant , agitentque die. Si nocte maritus  
 Aversus jacuit , periit libraria ; ponunt  
 Cosmetæ tunicas , tardè venisse Liburnus  
 340 Dicitur , et pœnas alieni pendere sonni  
 Cogitur : hic frangit ferulas , rubet ille flagellis,  
 Hic senticâ. Sunt quæ tortoribus annua præsent.  
 Verberat , atque obiter faciem linit ; audit amicas ;  
 Aut latum pictæ vestis considerat aurum ;  
 345 Et cædens longi relegit transacta diurni ,  
 Et cædit , donec lassis cædentibus , exi ,  
 Intonet horrendum , jam cognitione peractâ.

*cies , an ulcus potius debeat appellari ? Non erit alienum ab instituto exponere quibus diem totam occupationibus traducent. Si maritus per noctem averso ab uxore vultu somnū cepit , eum sibi iratum putans mulier , in familiam sævit. Vapulat ancilla quæ res familiæ necessarias dispensat : servi qui operam ornandæ et comendæ navant , coguntur tunicas deponere , ut cædantur : lecticæ gestator accusatur , quod domum serius redierit , ac pœnas dat somni parum commodè a marito capti. Hujus in tergo rumpuntur crebris ictibus ferulæ : illius scapulæ flagris , alterius humeri scuticis laniantur : immo etiam reperiuntur nonnullos mulieres , quæ tortores annuâ mercede conducant. Dum sic verberari famulos jubet , ipsa interim vultum fuco pingit , umicarum colloquiis aures præbet , vestem auro intertextam contemplatur ac versat , aut ephemerides , et diurnus servorum rationes recognoscit : nec cedere tamen cessat , donec defatigatis lorariis , quasi peracta causa , et absoluto judicio , immani voce inclamat , Abi furcifer , facesse.*

338. *Libraria.* L'Intendant. Ancilla quæ adhibita librâ dispensabat res familiæ necessarias.

339. *Cosmetæ.* Græca vox : κοσμητής , ordinator , compositor ; a κοσμία , orno , como.

*Liburnus.* Servus e Libur-

nia , Illyrici regione. Satir. III , nota 225.

345. *Transacta.* Res gestas a servis totâ die.

*Diurni.* Codicis , in quo res per dies singulos gestæ notantur ; sumptus , v. g. facti , etc.

Præfectura domûs Siculâ non mitior aulâ.  
 Nam si constituit, solitoque decentius optat  
 Ornari, et properat, jamque exspectatur in hortis, 350  
 Aut apud Isiacæ potiùs sacraria lenæ;  
 Componit crinem laceratis ipsa capillis,  
 Nuda humeros Psecas infelix, nudisque mamillis,  
 Altior hic quare cincinnus? Taurea punit  
 Continuo flexi crimen, facinusque capilli. 355  
 Quid Psecas admisit? Quænam est hic culpa puellæ,  
 Si tibi displicuit nasus tuus? Altera lævum.

*Quis hanc domum, cui talis hera est præposita, Phalaridis Siciliæ Tyranni crudelissimi regis mitiorem putet? Si condixit in aliquem locum, si elegantius adornari cœpit ut eos propere conveniat, cui præponitur ipsam in publicis foris aut istis templo; statim adest, ejusque comam digerit Psecas ancilla, tam festinanter, tam maturè jussa surgere, ut satis otii non habuerit ad componendos capillos, et vestes induendas. Cur iste cirrus nimium assurgit, inquit hera impotens? nec mora Taurinis nervis laceratur ancilla, et crimen peccantis comæ luit. Quid verò commeruit infelix puella, aut cujus est rea sceleris, si te invenustam esse doles? Naso tuo potiùs irascere, ac vultui, cujus deformitatem nulla satis comarum elegantia compensabit. Dum Psecadem imperat laniari, altera puella sinistram capitis et capillorum partem explicat, pectit,*

348. *Siculâ aulâ.* Phalaris, Agrigentinarum in Sicilia Tyrannus, præmia novorum suppliciorum, quibus homines torquere posset, inventoribus proponebat. Perillus quidam artifex, ut ab eo gratiam iniret, æneum taurum conflavit, in quem homo cruciandus abderetur, et subjecto igne sensim torrere-tur. At primus omnium Perillus, jubente Phalaride, illo suo tauro inclusus periit.

351. *Isiacæ lenæ.* Isis, Ægyptiorum Dea, fuit filia Inachi Regis Argivorum, a Jove in vaccam; ut est in fabulis,

mutata. Ejus templum Romæ visebatur prope Campum Martium et Tiberim. Eò conveniebant mœchi ad captandas conditiones. Quorum flagitiorum conciliatrix ipsa Isis, propter loci opportunitatem, hoc in versu dicitur.

352. *Laceratis.* Disjectis, incomptis, vel ab hera furente laniatis.

353. *Psecas.* Nomen unius e Dianæ comitibus et ancillis, apud Ovid. Metam.

354. *Taurea.* Subaudi, scutica: facta scilicet e corio bubulo, *une étrivière*.



Extendit, pectitque comas, et volvit in orbem.

Est in consilio matrona, admotaque lanis

360 Emerita quæ cessat acu : sententia prima

Hujus erit ; post hanc ætate, atque arte minores

Censebunt ; tamquam famæ discrimen agatur

Aut animæ : tanta est quærendi cura decoris !

Tot premit ordinibus, tot adhuc compagibus  
altum

365 Ædificat caput. Andromachen a fronte videbis :

Post minor est, aliam credas. Cedo, si breve parvi

Sortita est lateris spatium, breviorque videtur

Virgine Pygmæa, nullis adjuta cothurnis.

*in varios annulos pectat ; adhibetur in consilium ancilla quædam senior, quæ olim ad componendos acu crinatis capillos adhibita, et vacationem hujus laboriosi muneris adepta, lanificium exercet. Hæc sententiam de capitis ornatu et comis prior dicet. Secundum illam aliæ ætate et experientia inferiores pronuntiabunt, perinde ac si veniret in dubium fama, aut vita ; tantum formæ ornatusque studium est ! En quàm multis capillarum quasi substructionibus, ornat oneratque caput : si a fronte illam inspicias, putabis Andromachen : si a tergo, brevior esse miraberis, aliam dives. Quid verò si staturam fuerit minorem nacta, si Pygmææ puellæ par sit, ac nullis utatur ad staturam augendam, cothurnis, quàm tibi ridicula videbitur ? Istæ porro corporis et capitis ordinandi curæ nullum domesticis curis relinquunt locum : virum, et detrimenta*

360. *Emerita acu.* Emeriti dicebantur milites, qui legitimum stipendiorum tempus confecerant : hinc metaphora dicitur ad significandos artifices quoslibet in arte aliqua diu, et cum laude versatos.

*Sententia prima, etc.* Quare prima dicet sententiam ? Quia diu tractavit artem istam, atque adeo ceteris est peritior.

365. *Andromachen.* Fuit

uxor Hectoris, procera mulier.

*A fronte.* Gall. *En face.*

366. *Credo.* Particula hæc interrogationi familiari servit. Quid deinde ? Age verò.

368. *Pygmæa.* Pygmæi, homines brevissimi, staturæ vix cubitalis, in Thracia, vel India fuisse perhibentur.

*Cothurnis.* Cothurnus est altior calceus quo utuntur actores tragœdiarum, *un patin, un brodequin.*

Nulla viri cura interea, nec mentio fiet  
 Damnorum; vivit tamquam vicina mariti. 370  
 Hoc solo propior, quod amicos conjugis odit  
 Et servos: gravis est rationibus. Ecce furentis  
 Bellonæ, matrisque Deum chorus intrat: et ingens  
 Antistes, cui rauca cohors, cui tympana cedunt  
 Plebeia, et Phrygiâ vestitur bucca tiarâ. 375  
 Grande sonat, metuique jubet Septembris, et Austri  
 Adventum, nisi se centum lustraverit ovis,  
 Et xerampelinas veteres donaverit ipsi;  
 Ut quidquid subiti, et magni discriminis instat,  
 In tunicas eat, et totum semel expiet annum. 380

*rei familiaris negligit: haud secus domi versatur, ac si mariti vicina esset, non conjux; eo duntaxat nomine illi propior, quod ejus amicos odio prosequitur et servos, quod ejus fortunas imminuit sumptibus intempestivis, et damnosa superstitione dilapidat. Ecce enim ingreditur illius domum turba sacerdotum Bellonæ et Cybeles, cui præest aliquis procerus antistes, Tiara redimitus, quem ceteri inferioris notæ sacrificuli reverentur et observant, et cui sua submittunt tympana. Ille vultu et voce ad terrorem composita, sinistrum aliquid eventurum mulieri denuntiat ineunte Septembri, et Australi vento flante, nisi se ovis centum expiaverit ad iram Superam avertendam, atque illi ipsi antistiti vestes xerampelini coloris largiatur, ut quidquid ipsa periculi toto anno pertimescendum habet, illud detonet ac recidat in vestes. Eadem mediâ hyeme conferet se*

372. *Rationibus.* Liber rationum, un livre de compte. In eo libro apparent immanes sumptus quos uxor facit.

373. *Bellonæ.* Martis erat soror, belli præses.

*Matris Deum.* Cybeles. Vide app. c. 2.

374. *Rauca cohors.* Sacerdotum Cybeles infima plebs, et multitudo, clamando et cursitando rauca.

375. *Phrygia Tiara.* Pilei sacri genus est, quo Persæ ac Phryges utebantur.

377. *Lustraverit.* Sat. II, nota 115.

*Ovis.* Oblatis et sacrificatis Bellonæ, aut Cybelæ: vel ipsi sacerdoti donatis: ova in lustrationibus, id est, piacularibus sacrificiis, adhibere mos erat.

378. *Xerampelinas vestes.* Gall. *Des robes couleur de feuille morte.*

380. *Expiet annum.* Placando superos donatis vestibus, ut mala omnia hoc anno eventura depellant.

Hybernum fractâ glacie descendet in amnem,  
 Ter matutino Tyberi mergetur, et ipsis  
 Vorticibus timidum caput abluet. Inde Superbi  
 Totum Regis agrum, nuda, ac tremebunda  
 cruentis.

- 385 Erepet genibus. Si candida jusserit Io,  
 Ibit ad Ægypti sinem, calidasque petitas  
 A Meroe portabit aquas, ut spargat in æde  
 Isidis, antiquo quæ proxima surgit ovili;

*ad Tyberim glacie constrictum, ac mane ter in eum se immerget, supersticioso metu perculsa: inde campum Martium, quem olim Tarquinius Superbus possidebat, nudis pedibus, et offendiculo cruentatis trepidans emetietur. Si jubeat Io, in extremam usque Ægyptum proficiscetur, et aquas ab insula Meroë, quæ torridæ Zonæ vicina est, sumptas Romam deportabit, quibus templum ejusdem Isidis propinquum ovilibus, respergat; credit enim id sibi ab Iside in somnis*

383. *Timidum caput.* Vel quia feminae sunt meticulosæ: vel quia superstitio ex inani et pravo Numinis metu proficisci solet.

*Superbi Regis.* Tarquinii Superbi. Ad eum campus ille et planities sub mœnibus Romæ posita pertinebat, quæ postea *campus Martius* dicta est, postquam Tarquinio Româ pulso, Marti consecrata fuit.

385. *Io.* Inachi, primi Argivorum, in Græcia, Regis filia, quam Jupiter mutasse in vaccam fertur. Eadem œstro ab Junone inmisso agitata, varias orbis regiones peragravit, ac tandem in Ægyptum venit, ubi reddita humanæ formæ, culta est pro Dea, et *Isis* nuncupata.

387. *Meroë.* Insula est Nili, omnium, quæ eo fluvio

ambiuntur, maxima.

*Æde Isidis.* Io, sive Isis, de qua proximè dictum, Romæ templum habuit prope campum Martium, cujus campi pars quædam dicebatur *ovile*, quia ibi greges Tarquinii olim pascebantur. Porro in sacris Isidis una e præcipuis cæremoniis hæc erat, ut aqua e Nilo petita, per ipsius templum spargeretur.

388. *Proxima surgit Ovili.* Prope eum locum ubi Romulus et pastores assueverant pecora pascere; ut Regiam dicit Romuli et Palatium. Quæ quidem ait vetus Scholiastes. Alii dicunt Tarquiniorum ovilia ibi fuisse; vel cum aliis intellige *Septa*, id est, loca in campo Martio tabulis circumcincta, ob similitudinem *Ovilia* dicta; in quibus

Credit enim ipsius dominæ se voce moneri.

En animam, et mentem, cum qua Dii nocte 390  
loquantur!

Ergo hic præcipuum, summumque meretur honorem,

Qui grege linigero circumdatus, et grege calvo,  
Plangentis populi currit derisor Anubis.

Cùm dedit ille locum, cophino fœnoque relicto,

*imperari. Dignum scilicet caput nocturno Deorum colloquio et familiaritate! Eam ob rem inter illos præstigiatores summo habetur in pretio, qui comitantibus aliis sacerdotibus Isidis, lined induitis veste, et raso vertice conspicuis, vagatur, ut olim Anubis Apim quærens, et lugentem populum tacitus deridens. Cùm ille mulieris domo*

bus Populus Romanus ad ferenda suffragia claudebatur.

390. *En animam.* Accipere hoc potest tanquam dictum de superstitione muliere: porro, animam vivimus, mente intelligimus.

392. *Linigero.* Sacerdotibus Isidis nefas erat alias gestare vestes, quàm lineas: iidem radebant caput, maxime cum Apim quærebant.

393. *Anubis.* Ægyptiorum Dii præcipuè Osiris Rex, ejusque uxor Isis: item Anubis, eorum vel filius, quem ut Deorum interpretem et superos inter inferosque nuntium colebant; vel potius stipulator et satelles, qui Isidem adjuvit in quærendis et colligendis mariti membris, a Tiphone fratre occisi. Ejus fidelitatem ut adumbrarent Ægyptii, caninum illi caput imposuerunt. Hinc *latrator Anubis*, a Virgilio appellatur VIII Æn. V. 698. Anubim hoc in

Libro Vates appellat *sacerdotem qui Apim quærit*, ut olim Anubis Osiridis disjectos artus quæsit: quique interpretis Deorum personam sustinet.

*Plangentis populi, etc.* Osiris, ut modò memoravi, Deus Ægyptiorum, Jovis filius ex Niobe Phoronei filia, ipsi Phoroneo successit in regno Argivorum: idem postea in Ægyptum venit, Ægyptios docuit varias artes, ac præsertim terræ, bobus adhibitis, arandæ rationem. Eam ob causam cultus est post mortem sub bovis forma, et *Apis*, sive *Serapis* dictus, quæ voce *vitulum* Ægyptii appellant. Habebant autem vitulum certis notis insignem, qui ubi obiisset, vel etiam post certos annos cretus a sacerdotibus fuisset, alius ab iisdem festinantibus tota Ægypto quærebatur grandi luctu.

394. *Cophino.* Corbe sen cistâ utebantur. Judei ad ser-

- 395 Arcanam Judæa tremens mendicat in aurem,  
 Interpres legum Solymarum, et magna Sacerdos  
 Arboris, ac summi fida internuntia Coeli.  
 Implet et illa manum, sed parcius, ære minuto.  
 Quali acumque voles, Judæi somnia vendunt.
- 400 Spondet amatorem tenerum, vel divitis orbi  
 Testamentum ingens, calidæ pulmone columbæ  
 Tractato, Armenius, vel Comagenus haruspex.  
 Pectora pullorum rimatur, et exta catelli,  
 Interdum et pueri: faciet quod deferat ipse.
- 405 Chaldæis sed major erit fiducia: quidquid

*digressus est, Judæi legum Solymæarum interpretes, et in Aricina sylva suis sacris operari, ac Superum arcana mortalibus renuntiare soliti, accedunt, relictis fœno suo et corbe. Tum clam, atque in aurem mulieris insusurrantes, stipis aliquid corrogant; neque nihil corradunt illi; sed multò minorem tamen quàm sacerdotes Isidis, quæstum faciunt, nec aliud quidquam præter paucos ex ære nummulos auferunt. Quæcumque optaveris somnia, hæc tibi tamquam vera vendent Judæi. Haruspex aliquis ex Armenia vel Comagena, postquam pulmonem columbæ recens maceratæ contractavit, pollicetur mulieri optatas nuptias, vel divitis cujuspian sine liberis demortui luculentam hereditatem. Scrutatur pullorum exta; et caniculi viscera, nonnumquam et infantis, quem non dubitabit eam ob rem occidere, ac scelus admittere, cujus alium insimulabit. At Chaldæis longè maximam feminæ adhibent fidem. Quod-*

vandam stipem sibi erogam: fœno et stramentis, ubi cubarent. Quasi nihil haberent aliud supellectilis domesticæ.

396. *Sacerdos arboris.* Judæi a Domitiano Româ pulsi receperant se in proximam sylvam Aricinam: ibi sua peragebant sacrificia, consulentibus responsa dabant, etc. Respicere videtur Juvenalis sacerdotes Dodonæi nemoris. Erat Dodona civitas Epiri: prope illam nemus et templum Jovis, oraculumque

vetustissimum: immo arbores ipsæ vocales consulentibus oracula edere jactabantur.

402. *Armenius.* Armenia est pars Asiæ, inter montes Taurum et Caucasum: item Comagena, inter Ciliciam et Mesopotamiam.

404. *Quod deferat ipse.* Potest hoc ita exponi: quod flagitium, si alius quispiam faceret, ipse tamquam immane scelus accusaret, ac judici denuntiaret.

405. *Chaldæis.* Populis A-



Dixerit astrologus, credent a fonte relatum  
 Ammonis; quoniam Delphis oracula cessant,  
 Et genus humanum damnat caligo futuri.  
 Præcipuus tamen est horum, qui sæpius exsul,  
 Cujus amicitia conducendæque tabellâ  
 Magnus civis obit, et formidatus Othoni.  
 Inde fides arti, sonuit si dextera ferro,  
 Lævaque si longo castrorum in carcere mansit.

*cumque pronuntiatum ab astrologo fuerit, ex ipso Jovis Ammonis oraculo haustum credent. Jam enim oracula Delphica conticescunt, et ignoratione futurorum mortales ob sua scelera plectuntur. Inter astrologos autem locum principem obtinet qui sæpius exsilio multatus fuit, qui flagitiosis suis prædictionibus obrepsit in Principis amicitiam, et pretiosâ vaticinatione perfecit ut egregius ille civis, quem Otho metuebat, interficeretur. Tunc maximo astrologo, ejusque arti creditur, si conjectus fuerit in vincula, si manus utraque ferreis manicis revincta; si diu versatus sit in castrensi carcere. Nullus Mathematicus felix in divinando et auspiciatus habebitur, nisi fuerit ab aliquo iudice condemnatus. Is demum numeris omnibus absolutus esse*

sia, qui Babyloniae regionem obtinuerunt, et astrologiae peritissimi habebantur.

407. *Ammonis.* Celebre fuit in Ægypto, Jovis Ammonis templum et oraculum.

*Delphis.* Delphi, urbs Græciæ prope Parnassum in Phocide: nunc vicus, *Delfo.* Ibi templum Apollinis longè celeberrimum fuit, et oraculum, quod Christo nato contigit.

410. *Cujus, etc.* Otho inter Imperatores Romanos octavus fuit. Neroni cum esset invisus, ab eo in exsiliu mandatus est. Mœrentem ac suis rebus desperantem erexit Ptolemæus quidam, astrologus, affirmans fore ut Neroni

esset superstes, ac rerum etiam potiretur. Quod reipsâ contigit. cum magnus civis, nempe Sergius Galba, qui Neronem exceperat, ab Othone interfectus est.

*Conducendæque tabellâ.* Tabella est Charta, in qua scripserat Ptolemæus, quid Othoni esset eventurum. Quæ conducenda, id est, magno pretio emenda erat ab Othone, siquidem Imperium ipsi portendebat.

413. *Castorum carcere.* Solebant isti Astrologi ducibus promittere victoriam: ac si fallerent, conjiciebantur in castrensem carcerem, ubi luebant poenas incitiæ suæ ac temeritatis.

- Nemo mathematicus genium indemnatus habebit :  
 415 Sed qui penè perit, cui vix in Cyclada mitti  
 Contigit, et parvâ tandem caruisse Seripho.  
 Consulit ictericæ lento de funere matris,  
 Ante tamen de te, Tanaquil tua ; quando sororem  
 Efferat. et patruos ; an sit victurus adulter  
 420 Post ipsam. Quid enim majus dare numina  
 possunt ?

Hæc tamen ignorat quid sidus triste minetur  
 Saturni ; quo læta Venus se proferat astro ;

*censebitur, qui vix capitis pœnam evolarit ; cui pro magno fuerit beneficio concessum, ut in aliquam Cycladum insulam exsul amandaretur, aut e Seripho, in quam fuerat relegatus, aliquando redire sineretur. Uxor tua, futuri cognoscendi non minus cupida, quàm prisca illa Tanaquil, astrologum interrogans de morte suæ matris morbo regio laborantis ac diutius quàm vellet vivacis ; de tua tamen morte priùs ex eodem percontatur an brevi sit evenitura ; tum de sorore sciscitatur, ac patruis, quandonam rogo sint imponendi : num adulterum sit habitura superstitem ; hæc enim summa votorum, hoc tamquam maximum beneficium a Superis postulat. Tamen ista mulier astrologiæ est imperita, nec tenet quid infaustum portendat inauspicata Saturni stella, cui astro juncta Venus oriatur felix.*

415. *Cyclada.* Cyclades vocantur insulæ minores, fermè quinquaginta, in mari AEgeo, in orbem sitæ : *κυκλός*, orbis, *circulus*.

416. *Seripho.* Seriphus quæ est una Cycladum, angusta et sterilis est. Huc famosi exsules deportabantur.

417. *Ictericæ.* Icterus, *ἰκτερός*, Græca vox, morbum significans, qui a Gallis vocatur *la jaunisse*.

418. *Tanaquil.* Uxor Tarquinii Prisci, Regis Romanorum quinti : mulier proba et pudica, nonnihil tamen,

ut apparet, astrologiæ dedita, quippe quæ viro suo Regnum augurata est.

419. *Efferat.* Efferre, verbum fnebre est : ad rogam domo cadaver exportare.

422. *Saturni.* Saturnus, unus planetarum a terra distat longissimè : frigidum sidus et maleficum.

*Venus.* Inter planetas locum obtinet sextum, et circa solem volvitur cum Mercurio. Si cum Luna jungatur, salutare sidus est pueris nascentibus, ut ait Cicero, Lib. I, de Divinatione.

Qui mensis damno, quæ dentur tempora lucro.

Illius occursum etiam vitare memento,

In cujus manibus ceu pingua succina tritas

Cernis ephemeridas; quæ nullum consulit, et jam

Consulitur; quæ castra viro, patriamque petente

Non ibit pariter, numeris revocata Thrasylli.

Ad primum lapidem vectari cum placet, hora

Sumitur ex libro: si prurit frictus ocelli

Angulus, inspectâ genesi, collyria poscit.

Ægra licet jaceat, capiendo nulla videtur

Aptior hora cibo, nisi quam dederit Petosiris.

*et bene ominata: quinam inter menses damnosi et tristes, quinam ad rem bene gerendam idonei sint. Quanto illam igitur magis fugere, nec tantum illius colloquium, sed ipsum etiam occursum vitare debes, quæ artem hanc aliquo pacto callet? quæ semper habet in manibus diaria et perscriptas siderum rationes computationesque, usu diuturno æquæ tritas ac politas atque succina: quæ nullum jam ipsa consulit mathematicum, sed quam alii, ut istius artis peritam, consulunt: quæ virum profiscientem in castra vel in patriam, non sequetur, affirmans prohiberi se mathematicis Thrasylli computationibus: immo, etsi brevissimum sit iter suscipiendum, putâ si usque ad mille ab urbe passus gestari libeat, hora itineri apta constituitur ex aliqua ephemeride: si oculus fricando pruritatus, prurigne tentatur, non admovet collyria nisi ante horoscopum suum in tabula astronomica ritè descriptum consuluerit. Laborat morbo? non sumet cibum, nisi certâ horâ, quam Petosiris*

423. *Qui mensis.* Certos dies mensesque faustos et bene ominatos, alios infelices et malè ominatos esse censebant. Lege Virgil. I. Georg. v. 276.

425. *Succina.* Succinum sive electrum, de l'ambre.

428. *Numeris.* Observationes siderum maximè constant certis computationibus.

*Thrasylli.* Mathematici celeberrimi, et Tiberio carissimi.

429. *Lapidem primum.* Romani solebant singula passuum millia seu miliaria, singulis lapidibus notare, quos in viis publicis collocabant: initio ducto ab urbe, in cujus foro extabat ingens columna aurata, in qua notatæ visebantur omnes viæ, quæque miliarium aureum vocabatur.

431. *Genesi.* Hora natali.

433. *Petosiris.* Insignis astrologus, de quo meminit

425

430

Si mediocris erit, spatium lustrabit utrumque

435 Metarum, etsortes ducet; frontemque, manumque  
Præbebit vati crebrum poppysma roganti.

Divitibus responsa dabit Phryx augur, et Indus

Conductus, dabit, astrorum mundique peritus:

Atque aliquis senior, qui publica fulgura condit.

440 Plebeiuni in Circo positum est, et in aggere fatum.

Quæ nullis longum ostendit cervicibus aurum,

*edixerit. Sin erit mulier mediocris conditionis, circum adibit, et metas hinc inde pererrabit; ibique oblatas ab aliquo hariole et circulatoris sortes educet e cista: frontem inspiciendam ac manum dabit vati, dextram ejus pertractandam et examinandam non sine blanditiis et arte veteratoria postulanti. Locupletes feminæ consulent augurem aliquem Phrygem, aut Indum, magno pretio comparatum, et in sideribus pernoscendis exercitatum, aut aliquem demum senem ex illis sacerdotibus qui adhibentur ad publica fulmina procuranda, et humo condenda. Plebs ab illis vatibus sua fata discit qui versantur in Circo et in aggere Tarquinii; et feminæ ignobiles, quæ nullos aureos torques e collo suspensos gestant, ante ligneas illas quæ sunt*

Plin. Lib. VII, cujus e libris et placitis cibum illa mulier sumit.

434. *Spatium metarum.* In extremo Circo erant metæ lapideæ quas circumibant currus septies. Prope illas metas hinc et inde consistebant harioles et præstigiatores: quos vulgus consulebat. Potest exponi spatium *utrumque metarum* de spatio toto quo a carceribus ibatur ad metas.

437. *Phryx.* Est Phrygia, pars Asiæ minoris.

*Augur.* Qui ex avium cantu futura prædicit.

439. *Publica fulgura.* Aliquam calamitatem publicam significantia.

*Condit.* Cum fulmen ceciderat aliquem in locum, ibi

victimæ immolabantur, vulgò bidentes, a quibus idem ille locus *bidehtal* vocabatur: tum parietinâ spatium illud claudebatur, ac nefas erat eo pedem inferre. Denique res ictæ fulmine et ambustæ, in unum colligebantur, ac tacitâ quâdam prece humo defodiebantur. Sic fulmina dicebantur condi: Lucanus: *Dispersos fulminis ignes colligit, et terræ tacito cum murmure condit.*

440. *In Circo.* Satira III, nota 208.

*Aggere.* Satira V, nota 153.

441. *Nullis cervicibus ostendit.* Pro, nullo modo ostendit in cervice: nullâ parte colli gestat.

Consulit ante Phalas, delphinorumque columnas:  
 An saga vendenti nubat, caupone relicto.  
 Hæ tamen et partûs subeunt discrimen, et omnes 445  
 Nutricis tolerant, fortunâ urgente, labores.  
 Sed jacet aurato vix ulla puerpera lecto:  
 Tantum artes hujus, tantum medicamina possunt,  
 Quæ steriles facit, atque homines in ventre  
     necandos  
 Conducit. Gaude infelix, atque ipse bibendum 450  
 Porrige quidquid erit: nam si distendere vellet,  
 Et vexare uterum pueris salientibus, esses  
 AEthiopis fortasse pater: mox decolor heres  
 Impleret tabulas, numquam tibi mane videndus.

*in circo turres, et columnas marmoreas ibidem collocatas, Delphinis in summo impositis ornatas, interrogant aliquem ex illis proletariis fatorum interpretibus, num potius nubant viro sagorum venditori, quam Cauponi. Hæ tamen partûs labores ac pericula perferunt, et molestias nutriendorum infantium suscipiunt inopîâ coactæ: at nobilem feminam et divitem, quæ fœtus vivos in lucem edat, vix ullam jacentem in lecto, ubi revera pepererit, invenies. Adeo præsentia sunt veneficarum pharmaca, quæ aut sterilitatem feminis conciliant, aut eorum liberos in alvo materna interficiendos pacâ mercede suscipiunt. Tu verò, infelix marite, actum præclarè tecum puta, et quaecumque sit poculum, quod abortum inferet, porrige uxori tuæ: si enim impleri alvum fœtu maturo pateretur, uterumque ferre vellet, pareret tibi fortasse AEthiopem: et d. formis insans, quam mane obvium habere, tamquam omen si-*

442. Consulit. Nempe astrologum, et ab eo quærit, utri e duobus quibusdam viris nubat.

*Ante Phalas.* Phalæ, sive ut quidam scribunt, falæ, sunt turres lignæ, tabulata quædam et pugnata, in Circo posita, unde spectabantur ludi.

443. Saga. Sagum est vestis militaris.

444. Discrimen. Feminae

parientes magnum vitæ periculum persæpe adeunt.

451. Pueris salientibus. Commovent se pueri nonnumquam in matrum utero, non sine ipsarum gravi molestia.

453. Mane videndus. Erat hæc veterum superstitio, ut quælibet res fœda, mane visa, mali esset ominis, et propterea diem totam in-



- Transeo suppositos, et gaudia, vota que sæpe  
 455 Ad spurcos decepta lacus, atque inde petitos  
 Pontifices Salios, Scaurorum nomina falso  
 Corpore laturos. Stat Fortuna improba noctu  
 Arridens nudis infantibus; hos fovet omnes;  
 Involvitque sinu: domibus tunc porrigit altis;  
 460 Secretumque sibi mimum parat: hos amat, his se  
 Ingerit, utque suos ridens producit alumnos.  
 Hic magicos affert cantus, hic Thessala vendit  
 Philtra, quibus valeant mentem vexare mariti,  
 Et soleâ pulsare nates. Quod desipis, inde est;

*nistrum, nolles, tibi scribendus heres in testamento foret. Sileo partus suppositus, non vero quem sæpe mulieres pro legitimo filio, quem ipsarum viri natum sibi et optabant et gaudebant, spurium foetum e lacu Velabrensi accipiant, spemque maritorum et vota turpiter deludant: ex hoc lacu sæpe assumuntur infantes noti, qui, cum adoleverint, in Pontificum Saliorum collegium adoptentur, et Scaurorum nomina falso gerant. Adest per noctem Fortuna cæca, projectis infantibus blandiens, eos complectitur gremio, nobilium in domos introducit, adornatque comediam, unde sibi risum ipsa quærat: illis dona sua largitur affatim, et in orbis terræ theatrum, ut suos filios, producit, joculari sic ac ludere gestiens. Porro ex illis, quos femine consulunt, præstigiatoribus, alius incantationes, alius etiam amatoria vendit pocula, quibus possint viros de statu mentis ac sanitate dejicere, et eos per indignissimam contumeliam sandalio verberare. Hæc est illa tuæ*

faustam inauspicatamque censerent.

455. *Spurcos lacus.* Erat in urbe lacus Velabrensis, ita dictus à *Velabro*, urbis regione: cœnosus, ob viarum sordes eo derivari solitas: ibi meretrices, deponebant et adjiciebant spurios partus.

*Decepta.* Desumpta ab uxoribus decipientibus maritos simulato partu.

456. *Salios.* Erant Salii sacerdotes Martis, a *saliendo* sic appellati; quia certis anni temporibus saltationem quandam obibant Romæ in honorem Martis.

*Scaurorum.* Sat. II, nota 19.

457. *Improba.* Pervicax, ridicula, jocosa.

462. *Thessala.* In Thessalia, Græciæ regione, crebri erant venefici, necnon herbae venenatae.

Inde animi caligo, et magna obliuio rerum, 465  
 Quas modò gessisti: tamen hoc tolerabile, si non  
 Et furere incipias, ut auunculus ille Neronis,  
 Cui totam tremuli frontem Cæsonia pulli  
 Infudit. Quæ non faciet, quod Principis uxor?  
 Ardebant cuncta, et fractâ compage ruebant; 470  
 Non aliter, quàm si fecisset Juno maritum  
 Insanum. Minus ergo nocens erit Agrippinæ  
 Boletus: si quidem unius præcordia pressit  
 Ille senis. tremulumque caput descendere jussit  
 In cælum, et longam manantia labra salivam. 475

*insaniæ causa, infelix marite, hinc illæ tenebræ offusæ sunt tuæ menti, ita ut ea quæ modò fecisti, obliuiscaris. Quamquam hoc ferendum, si non et furore corripiaris; ut Caligula, cuius in poculum Cæsonia uxor infudit totam illam, quæ in fronte pulli equini recens nati conspicitur, carunculam. Quæ mulier privatæ mediocrisque fortune, facere dubitabit, quod facit Augusta? Respublica quasi communi incendio deflagrabit, et solutis fractisque veluti compagibus præceps in exitum ruebat orbis, imperante Caligula, non secus ac si Juno Iovem ad insaniam adegisset. Minus igitur Agrippina pestifero suo boleto peccavit, quàm hæc sua venefica potione Cæsonia. Boletus enim ille senem unum capite tremulo, et spumante rictu deformem extinxit, et cælo consecrauit: at isto poculo*

467. *Auunculus Neronis* versus, rempublicam dirè vexavit.  
*Caligula*, Romanorum Imperator quartus, cujus soror Agrippina, fuit Neronis mater.

468. *Frontem pulli*. In equorum recens natorum fronte exstat caruncula, quod Hippomanes vocant. Hæc valere dicitur ad amorem conciliandum. Illam totam infudit poculo Cæsonia, Caligulæ uxor, ut ejus amorem in seipsam accenderet, verum hausta ejusmodi potione, Caligula in furorem

versus, rempublicam dirè vexavit.  
*Tremuli*. Adhuc vacillantibus valentis, recens ex alvo materna fusi.  
 471. *Non aliter, etc.* Jove enim, qui omnia gubernat, insaniente, cetera pessum ire necesse foret.  
 473. *Boletus*. Satira V, nota 147.  
 474. *Senis*. Eadem Sat. V, nota Claudius.  
 475. *In cælum descendere*, Cæsares post obitum conse-

Hæc poscit ferrum atque ignes, hæc potio torquet;  
Hæc lacerat mistos Equitum cum sanguine Patres.  
Tanti partus equæ, tanti una venefica constat.

Oderunt natos de pellice, nemo repugnet,

480 Nemo vetet: jam jam privignum occidere fas est.

Vos ego, pupilli, moneo, quibus amplior est res,  
Custodite animas, et nulli credite mensæ:

Livida materno fervent adipata veneno.

Mordeat antè aliquis, quicquid porrexerit illa

485 Quæ peperit: timidus prægustet pocula pappas.

Fingimus hæc, altum Satirâ sumente cothurnum

Scilicet; et finem egressi, legemque priorum,

Grande Sophocleo carmen bacchamur hiatu

*terribimo versus in furem Caligula flammæ ac tela, quibus in homines sæviret, postulabat; Senatui et Equitibus ordinem tristissimam carnificinam laniabat. En pretium, quo unum Hippomanes emitur, una venefica conducitur! oderint filios per me licet, quos ex aliqua pellice maritus ipsarum suscepit, hoc illis concedatur: prope jam iisdem impune licet virorum filios, ex alia legitima uxore susceptos interficere: at suis ipsarum filiis parcant. Ego vero vos esse monitos volo, pupilli, quibus opes solito majores obtigerunt, ut vitæ vestræ consulatis, neque oblatis promiscuè dapes attingatis. Illa, quæ cernis pallido colore suffusa fercula, pingua in speciem et probè condita, venenum a vestris matribus immixtum tegunt. Auctor igitur vobis sum, ut cibos, quoscumque mater vobis obtulerit, aliquis antè degustet, ac senex sapiens et amicus pateras non sine timore primoribus labris delibet. Erunt fortasse qui putent, monstra hæc scelerum a nobis fingi, nosque tragico more, instar Sophoclis alicujus, declama-*

crabantur; et inter Divos referebantur insigui pompâ. Ceteri mortales in inferos aut Elysium descendebant: Cæsares in cœlum.

*Manantia. Stillantia.*

481. *Pupilli.* Sic vocantur pueri minores ann. 14, qui sunt in tutoris potestate.

485. *Pappas.* Vox antiqua,

*patrem seu natu grandiore virum et veneratione dignum, sonans; altor, tutorque pueri.*

486. *Cothurnum.* Suprà nota *Cothurnis*, v. 368.

488. *Sophocleo.* Sophocles Atheniensis, poëta tragicus.

*Bacchamur.* Bacchari, est furere: ferri eo impetu quo

Montibus ignotum Rutulis, coeloque Latino.  
 Nos utinam vani ! sed clamat Pontia, Feci, 490  
 Confiteor, puerisque meis aconita paravi,  
 Quæ deprensa patent ; facinus tamen ipsa peregi.  
 Tune duos unâ sævissima vipera coenâ ?  
 Tune duos ? Septem, si septem fortè fuissent.  
 Credamus Tragicis, quidquid de Colchide torva 495  
 Dicitur, et Progne. Nil contrâ conor : et illæ  
 Grandia monstra suis audebant temporibus ; sed  
 Non propter nummos. Minor admiratio summis  
 Debetur monstris, quoties facit ira nocentem  
 Hunc sexum ; et rabie jecur incendente, feruntur 500  
 Præcipites : ut saxa jugis abrupta, quibus mons

*re, ac nullâ ratione habitâ terminorum, intra quos Satirici veteres consistebant, flagitia Romanis ignota, nec in Latio umquam visa magno ore et cothurnato stylo describere. Utinam verò ista fingeremus ! sed ecce Pontia palam et apertè se hæc fecisse prædicat. A me, inquit, venenum liberis meis propinatum ; deprehensum est erimen, constat, neque ipsa illud dubito confiteri. Duos tu filios crudelis vipera unâ cœnâ sustulisti ! Tu duos, inquam ? immo septem, si septem ex me nati essent. Jam nihil est tam incredibile, a Tragicis vatibus, de Medea, de Progne cantatum, cui fidem ego abrogem. Equidem non diffiteor ab ejusmodi feminis in theatrum sæpe productis, ævo suo edita fuisse monstrorum simillima scelera ; nihilominus ed adductæ non sunt lucri et nummorum causâ : minus habent admirationis immania facinora, quoties ab ira percitis mulieribus admittuntur : furore incensa mulier præceps rapitur saxi ritu, quod a monte sensim divulgum, et diu pendu-*

Bacchantes et Mænades solent.

489. *Rutulis.* Rutuli populus Italiae veteris.

490. *Pontia.* Romana quædam mulier, tunc nota. Vectii Bolani uxor, geminam prolem veneno sustulit convicta.

491. *Aconita.* Sat. I. n. 143.

493. *Colchide.* Sic vocatur Medea, quia oriunda erat e

Colchide, minoris Asiae regione : et AEetæ Regis Colchorum filia.

496. *Progne.* Pandionis Athenarum regis filia, quæ ut vindicaret illatam Philomelæ sorori suæ a Tereo, marito suo, Rege Thraciæ, injuriam, susceptum e Tereo filium Ityn eidem epulandum apposuit.

Subtrahitur, clivoque latus pendente recedit.  
 Illam ego non tulerim, quæ computat, et scelus  
 ingens

Sana facit. Spectant subeuntē fata mariti

- 505 Alcestim, et similis si permutatio detur,  
 Morte viri cupiant animam servare catellæ.  
 Occurrent multæ tibi Belides, atque Eriphylæ,  
 Mane Clytemnestram nullus non vicus habebit.  
 Hoc tantum refert, quod Tyndaris illa bipennem  
 510 Insulsam, et fatuam dextrâ lævâque tenebat:  
 At nunc res agitur tenui pulmone rubetæ;

*lum, denique abrumpitur et proruit. Illam longè nocentio-  
 rem puto, quæ rationes perficiendi sceleris subducit secum,  
 et prudens sciensque, scelere se obstringit. Alcestim quæ  
 mortem obire loco mariti non dubitavit, placidè consi-  
 derant, ac si qua se offerat occasio similis permutationis,  
 mori virum suum, quam caniculam aliquam, malint. Ubi-  
 vis Belidas complures et Eriphylas reperies. Cras, si lu-  
 bet, percurrere vicatim urbem primâ luce, nullus erit vicus  
 in quo aliqua Clytemnestra non sit. Hoc unum est inter  
 illam nostrasque discrimen, quod illa Tyndari filia, bi-  
 pennem in manus ad maritum enecandum sumpserit, pa-  
 rum subtiliter et acutè; Romanæ uxores negotium confi-*

504. Sana. Suū compos.

*Spectant.* Nempe cū hæc  
 tragoedia in theatro exhibetur.  
 Ab Euripide olim edita est.

505. *Alcestim.* Fuit Al-  
 cestis uxor Admeti Thessaliæ  
 Regis; qui cū gravi labora-  
 ret morbo, et oraculo respon-  
 sum esset ipsum extinctum  
 iri, nisi aliquis pro eo mor-  
 tem sponte obiret; Alcestis  
 mariti vitam suâ morte redi-  
 mere non recusavit.

507. *Belides.* Danaï filias  
 50, quæ viros post nuptiales  
 epulas interfecerunt. Sola Hy-  
 permnestra Lynceo viro suo  
 pepercit. Belides vocantur a  
 Belo Danaï patre.

*Eriphylæ.* Amphiarai vates  
 Argius cū se in bello  
 Thebano, quod ejus affinis  
 Adrastus movebat, perituum  
 cognovisset, tamdiu latuit  
 dum ab uxore sua Eriphyla,  
 sorore Adraſti, detegeretur,  
 quæ aureo monili corrupta,  
 virum indicavit.

508. *Clytemnestram.* Uxo-  
 rem Agamemnonis, quæ,  
 suadente Ægystho adultero,  
 virum e bello Trojano rever-  
 sum interfecit.

509. *Tyndaris.* Clytem-  
 nestra, Tyndari filia.

511. *Rubetæ.* Satira I,  
 nota 56.



Sed tamen et ferro, si prægustaret Atrides  
Pontica ter victi cautus medicamina Regis.

*ciant unico rubetæ pulmone: paratæ nihilominus rem agere ferro, si earum conjux Regem Ponti ter a nobis victum imitatus, antidotis contra veneni vim improvisam prudenter uteretur.*

512. *Atrides.* Agamemnon, Atrei filius. Sic appellat virum Romanæ mulieris, ab ea videlicet perimendum quemadmodum Clytemnestra suum Agamemnonem interemit.

513. *Pontica medicamina.* Antidota, quæ Rex Ponti Mithridates sumere consueverat.

*Ter victi.* Primum victus est a Sylla, deinde a Lucullo, demum a Pompeio.

## SATIRA VII.

### ARGUMENTUM ET SYNOPSIS.

*Litteras Romæ neglectas dolet, eruditosque in contemptu et egestate conserescere, Poëtas primum, deinde Historicos, tum Causidicos, postea Rhetores, ipsos denique Grammaticos, quorum omnium singillatim conditionem miserrimam describit.*

*Et spes, et ratio studiorum in Cæsare tantum. Solus enim tristes hac tempestate Camœnas respexit, cum jam celebres, notique poëtæ*

*Viri litteris dediti nullam habent spem utilitatis aliquis e suis laboribus capiendæ, nullam, cur incumbant in studia, rationem, nisi in Imperatoris benevolentia et liberalitate sitam. Unus ille Musas, hac ætate contemptas miseratus, earum inopiam ac solitudinem subleçavit, cum jam clarissimi poëtæ meditarentur dare operam, certa mer-*

1. *Cæsare.* Domitiano, non autem Trajano, ut censeat Britannicus.

Balneolum Gabiis, Romæ conducere furnos  
 Tentarent; nec foedum alii, nec turpe putarent  
 Præcones fieri; cum, desertis Aganippes  
 Vallibus, esuriens migraret in atria Clio.  
 Nam si Pieriâ quadrans tibi nullus in arca  
 Ostendatur, ames nomen, victumque Machææ,  
 19 Et vendas potiùs, commissa quod auctio vendit  
 Stantibus, œnophorum, tripodes, armaria, cistas,

*cede pactâ, calefaciendis Romæ furnis, aut artem balneatorium Gabiis exercere: immo nequaquam indignum putarent, si fierent præcones: cum ipsa Clio, fame premente, amœnas, quibus fons Aganippe cingitur, valles relinquere, et in divitum domos urbanas recipere se cogeretur. Et verò si ex improbo, quem in litteris collocas labore ne turuncius quidem tibi redit in crumenam; quid dubites nomen inter præcones, ut Machæra, profiteri, et eodem atque ille modo quæstum facere? Præstat sanè circumstanti populo ea divendere, quæ auctione constituta vendi solent, vinaria vasa, tripodes, capsas, armaria, libros, tragæ-*

4. *Gabiis.* Gabii, urbi-  
 eula Italiæ, in via Præ-  
 nestina.

*Furnos.* Ut alienum co-  
 querent panem, eoque modo  
 quæstum facerent.

6. *Præcones.* Eorum erat  
 munus rerum pretia in auc-  
 tionibus indicare; reos in  
 iudicio citare, edicta ma-  
 gistratum publicè pronun-  
 tiare, populum summovere,  
 etc.

*Aganippes.* Aganippe, fons  
 in Bœotia, Musis sacer.

7. *Clio.* Musarum una pro  
 poetis e eruditis quibuslibet  
 accipitur, qui relictis ob-  
 egestatem Parnasso et fontibus  
 Apollini sacris, in atria  
 nobilium commigrant, ut illis  
 famulentur, ut atrium custo-

diant, ut sportulam accipiant.  
 Vid. Sat. I.

8. *Pieria.* Pierus, mons  
 est Thessaliæ, in quo Musas  
 natus voluit. Est item Pieria  
 ejusdem Græciæ regio.

*Quadrans.* Est quarta pars  
 assis: tres unciae.

10. *Auctio.* Est publica  
 venditio certarum rerum, quæ  
 illi addicuntur, qui earum  
 pretium unus omnium maxi-  
 mè auxerit, obtuleritque.

11. *Œnophorum.* Vas vi-  
 narium.

*Tripodes.* Mensas tribus  
 fultas pedibus, vel ænea  
 quædam aut ferrea instru-  
 menta, quibus impositi le-  
 betes calefiant.

*Armaria.* Scrinia, loculos,  
 des armoires.

*Halcyonem*

Halcyonen Bacchi, Thebas et Terea Fausti:

Hoc satius, quàm si dicas sub iudice, vidi,

Quod non vidisti. Faciant Equites Asiani

Quamquam, et Cappadoces faciant, Equitesque 15  
Bithyni,

Altera quos nudo traducit Gallia talo.

Nemo tamen studiis indignum ferre laborem

Cogetur posthac, nectit quicumque canoris

Eloquium vocale modis, laurumque momordit.

*diam quæ Halcyone inscribitur, a Baccho scriptam, vel Tereum, a Fausto compositam: præstat, inquam, hac arte vitam tolerare, quàm facere quæstum dicendo falsum testimonium, et affirmando rem a te visam esse, quæ visa non sit: quamvis hoc illis Equitibus, qui ex Asia, Cappadocia, Bithynia, et Gallo-Græcia nudis pedibus Romam commigrant, usitatum et solenne sit. Ceterum neminem in posterum ex iis qui ad poësim animum applicant, egestas coget ad artes sordidas et ipsis indignas descendere. Macti*

12. *Halcyonen.* Proditum fabulis est Halcyonen fuisse uxorem Ceycis Regis Thracinæ: qui cum naufragio periisset, cadaver ejectum in littus uxor adspiciens, in mare se dejecit; ambo in aviculas conversi, quæ medio in mari congerunt. Ovid. XI Metam.

*Thebas.* Thebæ, urbs Græciæ, in Bœotia. Ejus Rex olim fuit Laius, quem filius Oedipus imprudens interemit; idem Jocastam matrem suam ignarus duxit. Quod ubi rescivit, ipse sibi eruit oculos: ex eo nati Ethocles et Polynices mutuis se vulneribus peremerunt. Materia fabularum dives.

*Terea.* Tereus Thraciæ Rex, maritus Prognès.

14. *Equites.* Servi venales, ex Asia deportati, qui ma-

lis artibus opes et equestrem locum censumque obtinebant.

15. *Cappadoces, etc.* Cappadocia, pars Asiæ minoris: Item Bithynia, et Gallo-Græcia, e quibus regionibus mancipia vulgò Romam advecta.

16. *Altera Gallia.* Galatia vocatur, seu Gallo-Græcia, Provincia est minoris Asiæ, inter Cappadociam et Bithyniam.

*Nudo talo.* Sine calceis, ob egestatem.

*Traducit.* Transportat, transvehit. Traducere, est etiam, ad ignominiam circumducere.

19. *Laurum momordit.* Qui lauri folia dentibus tereret, eum putabant affari poëtico spiritu.

- 20 Hoc agite, o juvenes: circumspicit, et stimulat vos,  
 Materiamque sibi Ducis indulgentia quærit.  
 Si qua aliunde putas rerum exspectanda tuarum  
 Præsidia, atque ideo croceæ membrana tabellæ  
 Impletur; lignorum aliquid posce ocyus, et quæ  
 25 Componis, dona Veneris, Telesine, marito:  
 Aut clude, et positos tineâ pertunde libellos.  
 Frange miser calamos, vigilataque prælia dele,  
 Qui facis in parvâ sublimia carmina cellâ,  
 Ut dignus venias hederis, et imagine macrâ.

*animis, eruditi adolescentes; en Princeps munificentissimus considerat singulos, et acuit ad præclarum laborem, nihilque habet optatius quàm ut aliquos reperiat idoneos in quibus remunerandis suam liberalitatem promat. Si quid opis ac mercedis ab alio exspectas, Telesine, et est spe ad scribendum inductus, versibus libros complex, falleris, auctorque tibi sum, ut ignem quàmprimùm excites, et carmina, librosque tuos Vulcano dones, vel certè in scrinio clausos abditosque, tineis absumendos dedas. Potes jam, scriptor infelix, qui angusto in museo præclara condidis carmina, ut coronam sterilem ex hedera merearis, aut macilentam imaginem, potes inquam, calamos frangere, et bellorum egregias descriptiones tot vigiliis elaboratas*

21. *Ducis.* Domitiani.

23. *Croceæ, etc.* Carmina elaborata et emendata perscribebant in membranis, quarum pars interior, candida et polita; pars exterior, abrasis pilis croceo colore, aut purpureo, etc. pingebatur.

*Tabellæ.* Membranas interdum involvebant circa tectum baculum, aliquando dividebant in folia, et tabellis cedrinis, pro tegmine, muniebant.

25. *Marito Veneris.* Vulcano. Igni.

*Telesine.* Amicum poetam alloquitur.

26. *Clude.* Vox antiqua, pro elaude.

*Pertunde.* Perfora, perforari patere. Tineæ, et blattæ vermiculi sunt, librorum pestes.

29. *Hederis.* Hederis poetæ coronabantur, quia sunt in tutela Bacchi, cui sacra hedera. Tum eadem semper viret, gloriamque immortalem sic adumbrat ac famam, quam poetica cultoribus suis parit. Denique fumos vini discutere dicitur: vinosi autem poetæ.

*Imaginem.* Imagines et statuæ poetarum bonorum po-

Spes nulla ulterior: didicit jam dives avarus 30  
 Tantùm admirari, tantùm laudare disertos,  
 Ut pueri Junonis avem. Sed defluit ætas  
 Et pelagi patiens, et cassidis, atque ligonis.  
 Tædia tunc subeunt animos, tunc seque, suamque  
 Terpsichoren odit facunda, et nuda senectus. 35  
 Accipe nunc artes, ne quid tibi conferat iste  
 Quem colis, et Musarum, et Apollinis æde relictâ.  
 Ipse facit versus, atque uni cedit Homero  
 Propter mille annos. At si dulcedine famæ  
 Succensus recites, Maculonus commodat ædes; 40  
 Ac longè ferrata domus servire jubetur,

*delere. Nihil est omnino quod præter hederas et imaginem speres, nullus quem ex eruditis laboribus consequare, fructus. Nostri divites, in opibus congerendis retinendisque toti; viros eloquentes ac peritos admiratione suâ duntaxat ornare, laudibusque norunt, sicut pueri pavonem solent. Interim conteritur in scribendo vitæ pars, melior, abit juvenis quæ navigando, militando, agris colendis, utiliter exerceri potuisset, senectus obrepit, ac demum poëta præstantissimus inopiâ et mærore confectus, se ac suas Musas diris devovet. Sed operæ pretium est animadvertere quibus artibus utatur ille dives patronus, quem relictis Musis Phæboque, tamquam numen omni Apolline præsentius, adoras, ne quid largiri tibi cogatur. Ipse carmina quoque producit, nec poëtam ullum se præstantiorem putat, nisi fortè Homerum, cui palmam idcirco tantùm defert ac priorem locum, quod mille annis vetustior sit. Jam, si famam in vulgus captans tua carmina publicè recitare ames, Maculonus quidem tibi suam commodare domum non gravabi-*

nebantur in templo Apollinis Palatini, aut bibliotheca illi adjuncta.

*Macra.* Sterili: vel, quæ te exhibeat macrum et palentem: quales ferè sunt qui diu student.

35. *Terpsichoren.* Una est e Mnis.

38. *Ipse versus facit.* Quos tibi nempe muneris loco et

pecuniæ offerat. Vel, ut ostendat se tuis versibus non egere.

*Homero.* Homerus poëtarum Græcorum princeps.

39. *Propter, etc.* Non quod Homerus fuerit ingeniosior; sed quia tantùm est antiquior.

41. *Servire.* Operam tibi navare declamanti.



In qua sollicitas imitatur janua portas.

Scit dare libertos extrema in parte sedentes  
Ordinis, et magnas comitum disponere voces.

- 45 Nemo dabit regum, quanti subsellia constant,  
Et quæ conducto pendent anabathra tigillo,  
Quæque reportandis posita est orchestra cathedris.  
Nostamen hoc agimus, tenuique in pulvere sulcos  
Ducimus, et littus sterili versamus aratro.

- 50 Nam si discedas, laqueo tenet ambitiosi

*tur, amplam, ingentem, ferreis munitam claustris, qualia visuntur in urbibus, quæ vicinum hostem metuunt: idem jubebit quosdam e suis libertis et affectis, qui voce valeant, sedere in remotiori aulae, ubi recitas, parte, postremisque cathedrarum ordinibus, et ibi plaudere, teque dicentem faustis clamoribus et admurmurationibus prosequi: at illorum divitum nullus pecuniae tantum tibi largietur, quantum impendisti sive ad conducendas auditorum cathedras, et gradus, qui suspensi sunt e trabibus, quibus impositum est pulpitum seu suggestum, ex quo ipse stans declamas, sive ad includendum septis ligneis spatium, in quod, tamquam in orchestram aliquam, inferuntur honoratiora subsellia foras deinde exportanda. Studere tamen ac scribere pergimus; miseri, aramus infœcundum littus et pulverulentam ac sterilem humum colimus. Neque artem, quantumvis ingratham et inutilem, possumus deponere, adeo nos velut irretitos insana gloria*

42. *Portas.* Majus ostium quale in urbibus est, porta nuncupatur; minus, quale in domibus, *janua*.

43. *Libertos.* Libertus, servus est manumissus, siye donatus libertate.

45. *Regum.* Sic patronos suos vocabant clientes.

46. *Anabathra.* Gradus, vel scae, per quas ad suggestum ascendebat poëta, vel orator declamaturus.

*Tigillo.* Suggestus ille, altiore positus erat loco, et subjectis tignis fultus.

47. *Orchestra.* Locus erat

propinquior theatro, ubi honoratiores sedebant; vulgò dicimus *le. parquet*. Ad eundem modum in aula, ubi vates recitabat, spatium illud quod erat suggesto vicinius, *orchestram* vocat, ubi sedilia essent ornatiora, non tamen stabilia, et perpetua ut in theatro, sed ad tempus posita, quæ foris adportata, post declamationem reportarentur.

48. *In pulvere, etc.* Proverbum est, arare pulverem, littus, pro, *inanem operam* sumere.

Consuetudo mali; tenet insanabile multos.

Scribendi cacoëthes, et ægro in corde senescit.

Sed vatem egregium, cui non sit publica vena,

Qui nihil expositum soleat deducere, nec qui

Communi feriat carmen triviale monetâ;

55

Hunc, qualem nequeo monstrare, et sentio tantum,

Anxietate carens animus facit, omnis acerbi

Impatiens, cupidus sylvarum, aptusque bibendis

Fontibus Aonidum. Neque enim cantare sub antro

Pierio, thyrsusve potest contingere sana

60

*cupiditas tenet; adeo vetus atque innatum hæret in medullis malum, hæc prava scribendi libido plurimus vexat, nec eos, vel in ultima senectute, tamquam morbus insanabilis, deserit. Ceterum ad formandum excellentem poetam, cui sit mens diviniore, qui nihil vulgare scribat, qui versus non populari ac trita signatos notæ producat; qualem intueor neminem, sed cogitatione tantum infirmo, ad ejusmodi Poëtam efficiendum, inquam, opus est animo curis vacuo, nullâ sollicitudine districto; qui duri nihil ac molesti patiatur; qui per amœna spatiari amet nemora, et liquidis Musarum fontibus proluere labra tutò possit. Pauper, quantumvis sapiens et animo bene sanus,*

53. *Venæ.* Metaphora ducitur a fontibus, qui longo tractu et quasi venâ sub terris fluunt, unde scaturiunt erumpuntque. Publica igitur ingenii vena, est vulgare ingenium.

54. *Expositum.* Obvium et promptum omnibus: facile, in medio positum.

*Deducere.* Propriè dicitur *lana deduci*, cum e colo trahitur: metaphoricè vox eadem tribuitur carmini. Virgil. *Deductum dicere carmen.* Ecloga VI, versu 5. Horat. Epist. 1, Lib. II, *Tenui deducta poemata filo.*

55. *Feriat, etc.* Sententia

est: Qui non scribat versus plebeio et vulgari stylo, instar monetæ, quæ ubique signatur eadem et communi, neque admodum excellenti, notâ.

59. *Aonidum.* Musarum, quæ in Aonia, Græciæ regione, colebantur.

60. *Pierio.* Suprà, nota 8.

*Thyrsus, etc.* Erat Thyrsus, brevis hasta quædam, involuta pampinis, quam Bacchantes gestabant. Thyrsus contingere, est Bacchi comitem et clientem esse; entheo furorè, quem Bacchus afflat, corripì. Favere Bacchus poëtis fingebatur. Lege

Paupertas, atque æris inops, quo nocte, dieque  
 Corpus eget. Satur est, cum dicit Horatius, ohe!  
 Quis locus ingenio, nisi cum se carmine solo  
 Vexant, et dominis Cirrhæ, Nysæque feruntur  
 65 Pectora nostra, duas non admittentia curas?  
 Magnæ mentis opus, nec de lodice paranda  
 Attonitæ, currus et equos, faciesque Deorum  
 Adspicere, et qualis Rutulum confundat Erynnis.  
 Nam si Virgilio puer, et tolerabile desit

*si nummis egoat, quibus res ad alendum corpus, vitam-  
 que sustentandam necessariæ comparantur, suaves in Mu-  
 sarum antris cantus edere, vel tractare thyrsus nequit.  
 Horatius cum suum illud ohe lætus recinit, potu ciboque  
 loculenter est pastus. Ecquæ datur ostendendi facultas in-  
 genii et copia, nisi cum de unis carminibus fingendis sol-  
 liciti sumus? nisi cum se totos Phæbo et Baccho man-  
 cipant, et ab illis sacro perciti furore rapiuntur animi  
 nostri, duabus ac dissimilibus curis impares? Oportet so-  
 lutam esse nec in res varias divisam, aut de emenda te-  
 gete ac stragula veste anxiam poëtæ mentem, qui Deorum  
 currus, equos, vultus, intueri ac describere cum dignitate  
 valeat: qui Furiam occursantem Turno, et illius consi-  
 lia viresque pingat. Si Virgilius servulo, si paulò com-*

Horatii Epistolam 19, Lib. I.  
 Prisco, etc.

*Sana paupertas.* Vel sobria  
 et frugalis ob egestatem:  
 vel, poëtici furoris expers.

62. *Ohe.* Vocula hæc *satie-  
 tatem* et hilaritatem quam-  
 dam sonat. Fortasse respicit  
 vates Horatii Oden, Lib. II,  
 quæ ultimæ proxima est. Ubi  
 hæc legere est: *Ohe recenti  
 mens trepidat metu, etc.*

64. *Dominis Cyrrhæ, etc.*  
 Cyrrha, urbs Græciæ vetus  
 fuit, prope Parnassum. Phæ-  
 bo sacra, qui propterea *Cyr-  
 rhæus* appellatur; item, unus  
 e duobus Parnassi bicipitis  
 verticibus.

*Nysæque.* Nisa, urbs Ara-

biæ, Baccho sacra. Alia co-  
 gnominis erat in India, ab  
 eodem Baccho exstructa. Ei-  
 dem sacer fuit alter Parnassi  
 vertex, *Nysa* pariter appella-  
 tus.

65. *Duas curas.* Unam fa-  
 ciendi carminis, alteram do-  
 mesticæ rei procurandæ.

66. *Lodice.* Lodix, vestis  
 quâ lectus operitur. Pro qua-  
 libet suppellectili ponitur.

68. *Rutulum.* Turnum Re-  
 gem Rutulorum, quem a Jo-  
 ve immissa Furia perterret,  
 Lib. XII AEneid. vers.\*865,  
 quem Alecto a Junone exci-  
 tata, incendit ad bellum,  
 Libro VII, vers. 456.

*Erynnys.* Furia.

Hospitium, caderent omnes a crinibus hydri; 70  
 Surda nihil gemeret grave buccina. Poscimus ut sit  
 Non minor antiquo Rubrenus Lappa cothurno,  
 Cujus et alveolos, et lænam pignerat Atreus.  
 Non habet infelix Numitor, quod mittat amico,  
 Quintillæ quod donet, habet: nec defuit illi 75  
 Unde emeret multa pascendum carne leonem

*modiore domicilio caruisset; nequaquam adeo graphicè intortos crinibus Furie Alectus angues implicuisset: numquam illa tam terribili voce feralem tubam, quàm in Maronis adhuc videmur audire versibus, implevisset. Volumus enimverò ut Rubrenus Lappa non deteriores tragœdias componat, quàm veteres poëtæ Tragicæ, qui tamen tantâ premittitur egestate, ut dum tragœdiam scriberet, quàm Atreum nuncupavit, coactus fuerit suas lances vestesque opponere pignori. Poterat illum quidem Numitor, ejus amicus, ab inopia vindicare; sed nimirum homini libidinoso et avaro quod amico largiatur, nihil suppetit; suppetit quod Quintillæ impertiat. Quid quod pecuniæ satis habuit ut Leonem emeret cicurem, multo nutriendum cibo sumptuque;*

70. *Hydri.* Comatam serpentibus Alecto Virgilius describit, Lib. VII, v. 447.

71. *Buccina.* Eadem Alecto eodem, Lib. VII AEn. v. 513, Bello canit signum cornuque recurvo Tartaream intendit vocem.

72. *Rubrenus.* Poëta tragicus, eruditus ille quidem et ingeniosus, at pauper.

*Cothurno.* Calceus est altior quo utuntur actores tragœdiarum.

*Alveolos.* Sat. V, v. 88.

*Lænam.* Vestem villosam et crassam.

*Pignerat.* Pignerare, est dare pignus, seu aliquid pignori dare.

*Atreus.* Atreus hic significat tragœdiam de Atreo conscriptam. Qui Atreus, quæ

tragœdia, in causa est, cur Rubrenus Lappa pigneret suas lances, ut nempe vitam toleret, donec Atreum absolverit. Potest in eum quoque sensum hic versus accipi, ut Atreus dicatur esse scelerator improbus, qui cum Rubrenum videat solvendo non esse, aufert ab eo pignora et ejus vestes abripit, *le fait exécuter*; nam pignero sæpe sumitur pro pigneror, *prendre en gage*.

74. *Non habet infelix Numitor.* Ironice. Infelix sanè is qui divitias in luxum ac voluptates effundit, parcus autem in clientes, amicos, et honestos viros.

75. *Qui utillæ.* Scorto, lupæ.

Jam domitum. Constat leviori bellua sumptu  
Nimirum; et capiunt plus intestina poëtae.

Contentus famâ jaceat Lucanus in hortis,

- 80 Marmoreis; at Sarrano, tenuique Saleio,  
Gloria quantalibet, quid erit, si gloria tantum est?  
Curritur ad vocem jucundam, et carmen amicae  
Thebaïdos, lætam fecit cum Statius urbem,  
Promisitque diem: tantâ dulcedine captos

- 85 Afficit ille animos, tantaque libidine vulgi  
Auditur: sed cum fregit subsellia versu,  
Esurit, intactam Paridi nisi vendat Agaven.  
Ille et militiæ multis largitur honorem,  
Semestri vatum digitos circumligat auro.

*minori videlicet pretio alitur immanis fera, plusque cibi stomachus poëtae, quam Leonis, capit. Lucanus sanè contentus ed, quam adeptus est, gloria, otio indulgeat in amena, et statu marmoreis insignibus ornata villa; verum Sarrano, et inopi Saleio quid afferet emolumentum gloria, quantacumque demum illa sit, si præter gloriam nihil aliud ipsis præmii tribuitur? Ingens fit undique populi concursus ad audiendum Statium, et incredibili voluptate omnes afficiuntur quoties promissit se carmina suæ Thebaïdos certâ die recitaturum, adeo civium aures animosque suavissimi versus delinunt. Sed postquam ipsa propemodum scamna declamando rupit, fame conficitur, nisi tragœdiam Agaven Paridi prius vendat, quam in lucem edita sit. Hic ille est Paris qui primos exercituum Magistratus plurimis impertit, qui poëtas ferendi per sex*

79. *Lucanus.* Cordubensis poëta, Senecæ philosophi ex fratre nepos, historiam civilis belli, Cæsarem inter et Pompeium, versibus conscripsit, Nerone imperante.

83. *Thebaïdos.* Thebaïs Poëma de rebus ad Thebas gestis, compositum a Statio. Vide sup. nota *Thebas*, v. 12.

86. *Fregit subsellia.* Sat. I, nota 11.

87. *Agaven.* Agave Cad-

mi filia, in furorem versa, Pentheum filium, Regem Thebanorum, dilaniavit.

*Paridi.* Paris, pantomimus et histrio, gratissimus primùm Domitiano, et urbi toti: postea ob libidines et flagitia morte multatus est.

89. *Semestri auro.* Anulus aureus insigne fuit Tribunatus militaris, qui ad sex menses durabat; itemque ordinis Equestris. Porro annu-



Quod non dant procures, dabit Histrio. Tu Ca- 90  
merinos,

Et Bareas, tu nobilium magna atria curas?

Præfectos Pelopea facit, Philomela Tribunos.

Haud tamen invidas vati, quem pulpita pascunt.

Quis tibi Mœcenas? Quis nunc erit aut Proculeius,

Aut Fabius? Quis Cotta iterum? Quis Lentulus 95  
alter?

Tunc par ingenio pretium, tunc utile multis

Pallere, et vinum toto nescire Decembri.

*menses aurei annuli jure donat, eos ad equestrem ordinem, ad militarem Tribunatum evehit. Factum bene, quod repertus histrio sit, qui quod poëtis non donant civitatis principes, iisdem pro sua liberalitate et munificentia largiatur. Omitte deinceps, o Poëta, obsequiis vestris et carminibus demereri Camerinos, et Bareas: potentium superbas domos ne præterea frequentate: nihil ed vid proficitur. Pelopea tragœdia Paridi oblata Præfecturas opimarum provinciarum parit; Philomela Tribunatus militares promeretur. Neque tamen est cur succenseamus vatribus, qui e suis carminibus victum sibi et opes quæerunt, siquidem nulli jam sunt Mæcenates, nulli Proculeii, aut Fabii, qui eas ultro pascant. Ubi Cottæ, ubi Lentuli, ubi aurea illa secula sunt, cum pro ingenii modo, merces eruditis laboribus tribuebatur? Cum libris impallescere, vino et conviviis per integrum Decembrem abstinere, ma-*

los hybernis mensibus graviores gestabant; æstivis autem leviores. Sat. I, nota 27 et seq.

90. *Camerinos, Bareas.* Pro nobilibus Romanis quibuslibet illi duo ponuntur.

92. *Pelopea.* Thyestæ filia, ex qua natus Ægisthus, qui Atreum et Agamemnonem interfecit.

*Philomela.* Prognés soror. Sat. VI, nota 496.

93. *Pulpita.* Propriè loca sunt editiora in theatro. Hic ponitur ea vox pro *suggestu*

ex quo poëta suos versus recitabat: vel pro *ipso theatro*, in quo exhibendas tragœdias a se compositas vendit actoribus poëta inops.

94. *Mæcenas.* Romanus Eques, Augusto gratosus, eruditorum patronus.

*Proculeius.* Eques Romanus, cujus liberalitas celebratur ab Horat. Od. 2, Lib. II.

95. *Fabius, Cotta.* Romani divites, iisdemque liberales.

97. *Pallere.* Libri, in quos incumbunt viri litterati, pal-

- Vester porro labor fecundior, historiarum  
 Scriptores: petit hic plus temporis, atque olei plus;  
 100 Namque oblita modi millesima pagina surgit  
 Omnibus, et crescit multâ damnosa papyro.  
 Sic ingens rerum numerus jubet, atque operum lex.  
 Quæ tamen inde seges? terræ quis fructus apertæ?  
 Quis dabit historico, quantum daret acta legenti?  
 105 Sed genus ignavum, quod tecto gaudet et umbrâ.  
 Dic igitur, quid causidicis civilia præsent  
 Officia, et magno comites in fasce libelli?  
 Ipsi magna sonant; sed tunc cùm creditor audit

*gni res emolumenti ac utilitatis erat? At vos, historici, majorem ex arte vestra fructum fortasse percipitis. Illa certè plus otii laborisque postulat: vestri enim libri supra modum omnem ac mensuram excrescunt, et mille interdum paginas implent, ac vestro quidem damno, qui tantam papyri copiam frustra impendatis. Sed fieri aliter scilicet nequit ob rerum narrandarum multitudinem, eaque lex historice vel sanctissima est, ut omnia minutatim et erucleatè perscribantur. Age verò, quod laboris tanti præmium? quam affert messem excultus et aratus tanto sudore ager? Quis tantumdem historico mercedis donabit, quantum præconi aut scribæ edita et alia id genus acta recitanti daret? Atenim, inquit, historici sunt genus hominum otiosum ac deses: domi se in umbra continent. Esto sanè, sed causidicis, hominibus utique laboriosis, cedo quid afferant utilitatis causæ quas agunt in foro, et litium tractatio molestissima? Quid eos juvat deferre secum et habere semper in comitatu collectos in fascem libellos, et prægrandem charitarum sarcinam? Vides quantâ contentione vociferentur, præsertim si causam agant creditoris, qui a de-*

lorem ipsis et maciem afferre solent.

*Toto decembri. Hoc mense Saturnalia celebrabantur, quibus diebus genio et crapulæ indulgere fas pulchrumque erat. Quocirca jure laudantur eruditi, qui tunc temporis abstinerent vino; et quantum alii temporis ludo et genio tribuebant, tantum ipsi litteris impenderent.*

99. Olei plus. Litteris operam noctu dabant ut plurimum et ad lucernam elaborabant si quid accuratius scriptum.

104. Acta. Gall. Registres.

106. Civilia officia. Intelligit operam civibus litigantibus navatam.

107. Comites libelli. Sine quibus nunquam domo prodire causidici solent.

Præcipuè, vel, si tetigit latus acrior illo,  
 Qui venit ad dubium grandi cum codice nomen. 110  
 Tunc immensa cavi spirant mendacia folles,  
 Conspuiturque sinus. Veram deprendere messem  
 Si libet, hinc centum patrimonia causicorum,  
 Parte aliâ solum russati pone Lacertæ.  
 Consedere duces; surgis tu pallidus Ajax 115  
 Dicturus dubiâ pro libertate, bubulco  
 Judice. Rumpe miser tensum jecur, ut tibi lasso  
 Figantur virides, scalarum gloria, palmæ.

*bitore nummos reposcat, quique præsens in judicio adsit; vel si stimulos illis etiam aciores subdat, ac vehementius urgeat alius quispiam creditor debitum non ita certum repetens, et codicem acceptæ expensæque pecuniæ proferens. Tunc pulmones ac fauces tamquam cavos folles inflant, et labantem dubiamque causam fulcire mendaciis dum laborant, spumâ et spulis gremium suum, tantus est dicendi ardor, implent. Age quid præmii nihilominus consequuntur? Ut hoc intelligas, congere in alteram veluti lancem centum causicorum fortunas et annuos proventus; in alteram unius militis Lacertæ patrimonium; prægravabit ac præponderabit. Prodis in forum, patrone infelix, sedent iudices, surgis ad dicendum anxius ac de causæ eventu trepidans, instar Ajacis illius in Græcorum ducum consessu peroraturi: præest quæstioni Bubulcus: defendis causam hominis, de quo, servus sit an liber, dubitatur, et quæritur. Pugnas pro vindicanda illius libertate. Urge, enecate declamando, id mercedis capturus videlicet, ut postquam pulmonem vociferando ruperis, virides palmarum rami, tamquam victoriæ de adversario reportatæ monumentum, appendantur foribus tuæ domus, et iis ornentur extremi gradus scalarum, per quas in cubiculum tuum adscen-*

109. *Tetigit latus.* Urget, excitat ad dicendum, latus fodicando.

110. *Nomen.* Sic appellatur debitum, quia debitoris sui nomen scribebant in codice creditores aut argentarii.

114. *Russati.* Veste russâ, seu russatâ, id est, coccineâ, sive rubrâ, induti.

115. *Consedere duces.* Est hoc initium, Libri XIII Metam. quo loco recitat Ovidius eloquentissimam hinc Ajacis, inde Ulyssis, de Achilles armis certantium, orationem.

116. *Bubulco.* Nomen iudicis est. Fortasse fictum ad ejus inscitiam indicandam.

118. *Scalarum gloriam.* Ap-

Quod vocis pretium? Siccus petasunculus, et vas  
 120 Pelamidum, aut veteres, Afrorum epimenida,  
 bulbi;

Aut vinum Tiberi devectum, quinque lagenæ,  
 Si quater egisti. Si contingit aureus unus,  
 Inde cadunt partes, ex foedere Pragmaticorum.  
 AEmilio dabitur, quantum petet; et melius nos  
 125 Egimus. Hujus enim stat currus aheneus, alti  
 Quadrijuges in vestibulis, atque ipse feroci  
 Bellatore sedens curvatum hastile minatur

*dis. Quid præterea lucri e causa tantæ vocis contentione perorata facis? Nempe mittitur ad te exigua perna, testa pisciculorum plena, aut Epimenida vetusta et rancida, qui bulbi frequentes ex Africa deportantur in Italiam, aut vini secundo flumine Romam advecti lagenæ quinque, si quater perorasti. Quod si felici quodam fato accadat ut aureus unicus tibi donetur, ne is quidem integer ad te perveniet, sed ex eo detrahenda pars erit, quam des pragmaticis, qui te adjuverunt, quemadmodum cum illis pastus es. Quidquid præmii postulabit AEmilius, dives ille ac nobilis patronus, impetrabit, quamvis nos majori fide ac eloquentiâ causam dixerimus. Quid ita porro? quia in prima ejus ædium parte visitur ingens ex ære currus, ab quatuor equis sublimibus tractus: ipse in equestri statua spectatur armatus hasta, quasi ictum in hostem dirigens et altero oculo clauso, ut fit, collineans. At dum AEmilium tentant imitari cauidici tenues, et famam diviti-*

*positio: qui rami sunt gloria et decus tuorum graduum.*

119. *Siccus petasunculus. Gall. Un jambon desséché.*

120. *Vas pelamidum. Gall. Un plat de poissons bourbeux.*

*Veteres bulbi. Gall. de méchants ognons d'Afrique.*

121. *Tiberi devectum. Ab Etruria scilicet deductum, aut Veis, ubi vina longè deteriora, quàm vina Latii et Campaniæ; vel transmarina, quæ adverso Tiberi*

*Romam devehuntur.*

122. *Aureus. Valebat centum sestertios, hoc est decem libras nostrates, seu nummos, ut vocamus, Francicos.*

123. *Ex foedere. Ex pacto cum ipsis inito.*

*Pragmaticorum. Sic appellabantur qui cauidicis et oratoribus, leges, juris formulas, et alia litium instrumenta subministrabant.*

126. *Quadrijuges. Quatuor equi iugo juncti.*

Eminus, et statuâ meditatur prœlia lusca.  
 Sic Pedito conturbat, Matho deficit, exitus hic est  
 Tongilli, magno cum rhinocerote lavari 130  
 Qui solet, et vexat lutulentâ balnea turbâ,  
 Perque forum juvenes longo premit assere Medos  
 Empturus pueros, argentum, murrhina, villas:  
 Spondet enim tyrio silataria purpura filo.  
 Et tamen hoc ipsis est utile: purpura vendit 135  
 Causidicum, vendunt amethystina: convenit illis

*rum ac nobilitatis captant, eo fit, ut fortunas omnes dilapident. Sic Pedito decoquit: Matho ad egestatem redigitur: ad eundem modum bonis Tongillus evertitur qui vase facto e cornu rhinocerotis utitur in balneis, ubi honoris et pompæ causâ stipari se jubet a multis comitibus et assiduis luto sordidis, ceterisque unâ lavantibus molestus est: qui per medium forum ingenti lectica gestatur, perinde quasi vellet illic emere mancipia, vasa argentea vel murrhina, et villas. Illum enim satis esse locupletem, ut hæc emere possit acolvere, vestis purpurea persuadet. Porro licet rem familiarem ostentatores isti disperdant, hoc tamen haud sine aliquo emolumento faciunt. Vestes enim purpurei coloris, et Amethystini sunt in causa, cur cau-*

128. *Lusca.* Obliquè posita, ita ut unus tantum oculus videatur: vel clauso, sicut explanavi, oculo, instar luscorum, quod facit ut qui ad signum dirigunt sagittam aut telum.

129. *Conturbat.* Subaudi rationes, fortunas: fait banqueroute.

130. *Rhinocerote.* Rhinoceros, ferum animal, unum in ipso naso cornu habet. Eo cornu divites utebantur in balneis ad fundendum oleum, cum pauperibus hanc navaret operam guttus e bubulo cornu.

132. *Assere.* Lectica ex asseribus facta, et a servis

Medis gestata: vel baculis, et sudibus, quibus lectica sustinetur, ac deportatur.

*Medos.* Media, pars Asiæ, prope Persidem.

133. *Murrhina.* Satira VI, nota 107.

134. *Spondet.* Promittere videtur: ipsi Tongillo vestis pretiosa pro sponsore est: lui sert de caution, de répondant.

*Silataria,* peregrina, transmarina; vel juxta alios, lata, ampla.

135. *Vendit.* Facit ut vendatur, ut conducatur majori pretio, ut eligatur præ ceteris.

136. *Amethystina.* Subaudi, vestimenta. Amethystus



Et strepitu, et facie majoris vivere census.

Sed finem impensæ non servat prodiga Roma.

Ut redeant veteres, Ciceroni nemo ducentos

140 Nunc dederit nummos, nisi fulserit annulus ingens.

Respicit hoc primum, qui litigat, an tibi servi

Octo, decem comites, post te an sit sella, togati

Ante pedes. Ideo conductâ Paulus agebat

Sardoniche, atque ideo pluris, quàm Cossus  
agebat,

145 Quàm Basilus. *Rara in tenui facundia panno.*

Quando licet Basilo flentem producere matrem?

Quis bene dicentem Basilum ferat? Accipiat te

*sidicus pluris conducatur a clientibus, cur doctior et majori auctoritate præditus existimetur: eam ob rem expedit patronis ostentationem et pompam quamdam in vestibus, in servis, in reliquo apparatu præ se ferre, ac majores, quàm revera possideant, opes simulare: in quo si modum tenerent, tolerabile malum esset; verùm, ut est Romanorum indoles, qui nullam in sumptibus moderationem adhibent, eos funditus perire ac fortunis everti necesse est. Quamvis prisci oratores reviviscerent, nemo Ciceroni ducentos nummos pro agenda causa daret, nisi micare in ejus digito anulum prægrandem videret. Litigator qui patronum quærit, primum omnium illud inspicit, num tibi servi saltem octo sint, asseclæ decem; num te subsequatur lectica, num præcedant ante ambulones togâ induti. Quod, cum probe intelligeret Paulus, gerebat quoties verba faceret, conductum anulum præstanti sardoniche insignem, et idcirco longè majus ab suis clientibus stipendium accipiebat, quàm Basilus. Sic est: raro pauper eloquens existimatur. Quandonam Basilo majores illæ causæ committuntur, in quibus mater producitur in medium, deprecans pro vita filii, et perfusa lacrymis, ad movendam judicium miserationem? Immo quis illum etsi commodè perorantem, æquis auribus audire potest? Age ergo, infelix ora-*

*gemma est violacei coloris.*

139. *Ducentos nummos.* Sertios videlicet, qui efficiunt libras Turonicas viginti.

143. *Ante pedes.* Servi quidam honestiores, qui ho-

minem honoris causâ præcedant.

*Paulus.* Aliquis causidicus egenior.

144. *Sardoniche.* Satira VI, nota 249.

Gallia, vel potius nutricula causicorum  
 Africa, si placuit mercedem imponere linguae.  
 Declamare doces, o ferrea pectora, Vecti, 150  
 Cum perimit saevos classis numerosa tyrannos.  
 Nam quaecumque sedens modò legerat, hæc  
 eadem stans

Proferet, atque eadem cantabit versibus isdem.

Occidit miseros, crambe repetita magistros.

Quis color, et quod sit causæ genus, atque ubi 155  
 summa

Quæstio, quæ veniant diversa parte sagittæ,

*tor, si lucri quidpiam facere dicendo paras, Italiam relinque, concede in Galliam vel in Africam, ubi causicidi in pretio adhuc et honore sunt. O Vecti, pueros domi artem declamandi et causas agendi doces: cum plena discipulorum schola tractat fictum aliquod argumentum, verbi gratia, de tyrannis interficiendis. Næ pectus illi esse ferreum oportet, qui tanto labori par esse possit. Quidquid enim discipulis suis modò sedens perlegit, hoc idem recitat in pedes erectus, et totidem verbis recinit. Hæc illa nimirum earundem rerum et scriptionum repetitio miseros præceptores, ut Brassica sæpius apposita convivas, tædio et molestia enecat. Nemo est qui nolit doceri quibus rationibus quælibet probari causa possit, quibus ornamentis illustrari, quo in genere dicendi versetur illa; ubi rei summa, et quæstionis vertatur cardo: quænam ab adversariis*

150. O ferrea pectora, rhetoribus appellatur probabilis ratio, ad suadendum, excusandum, etc. idonea.

154. Crambe repetita. Sensus est. Quemadmodum nihil reperitur molestius, et ad ciendam nauseam aptius, quàm crambe, seu brassica recalsacta, et bis terve mensæ apposita: sic v. g. magistri dum eadem discipulis suis

toties repetita inculcant, tædio et molestia prope interficiuntur.

155. Color. Interdum sic a

iisdem rhetoribus statuitur, deliberativum, judiciale, exornativum.

Causæ genus. Triplex ab iisdem rhetoribus statuitur, deliberativum, judiciale, exornativum.

Summa quæstio. Exempli causa, si Milonem defendas, huc omnia tibi sunt referenda, ut probes illum insidias Clodio non struxisse. Hoc enim si constet, vicisti. Statum quæstionis rhetores vocant,

Scire velint omnes, mercedem solvere nemo.

Mercedem appellas? quid enim scio? Culpa  
docentis

Scilicet arguitur, quod læva in parte mamillæ

160 Nil salit Arcadico juveni, cujus mihi sextâ

Quaque die miserum dirus caput Annibal implet.

Quidquid id est, de quo deliberat, an petat urbem

A Cannis; an post nimbos et fulmina cautus

*objiciantur, et tamquam tela intorqueantur: at mercedem qui velit solvere quotumquemque reperias? Mercedem postulas? atqui didici ex te nihil. Nimirum accusatur magister, quod discipulus hebes, et arcadicâ pecude tardior sit: cum ille tamen singulis diebus Veneris aures mihi obtundat dum recitat scriptionem, cujus argumentum est Annibal deliberans an Romam continuò post Cannensem pugnam se conferat; an exercitum attonitum fulminibus, et imbre vexatum, a Roma longius in circumpositas urbes abducatur. Ego verò tecum paciscar, et quidquid poposceris actutum dabo, hac lege ut vel ipsius adolescentis pater eadem mer-*

158. *Culpa, etc.* Responsio est magistri: scilicet hæc est mea, qui te docui, culpa, quòd hebes, tardusque sis: cum tamen laborem nullum prætermiserim, ut aliquid scires: cum stylum tuum assiduis scriptionibus diligenter exercuerim, etc.

159. *Læva in parte.* In sinistra pectoris parte cor humanum situm est. Cor autem sæpe accipitur pro ingenio, prudentia, etc.

160. *Nil salit, etc.* Cor perpetuo cietur motu. Homo tardus, et stupidus vulgò excors, seu vecors, id est, sine corde, esse dicitur.

*Arcadico.* In Arcadia, (Græciæ regio est in Peloponneso) maximi gignuntur asini.

161. *Annibal.* Satira VI, nota 121.

163. *A Cannis.* Satira II, nota. *Cannis.* Post Cannensem pugnam Maharbal Equitum Præfectus urgebat Annibalem, ut rectâ Romam accitò peteret, promittens illi cœnam in Capitolio post diem quintum. Cunctatus Annibal occasionem et Romam, quæ in manibus, si victoriâ uti scisset, erat, amisit.

*An post nimbos, etc.* Cum ad obsidendam Romam pergeret Annibal, staretque jam ad tertium lapidem, repentino imbre ac procellis semel ac iterum repulsus, abcessit, et ab Aniène ad Thuriam fluvium castra retulit, Liv. Lib. XXVI.

Circumagat madidas a tempestate cohortes.  
 Quantumvis stipulare, et protinus accipe quod do, 165  
 Ut toties illum pater audiat : ast alii sex  
 Et. plures uno conclamant ore sophistæ,  
 Et veras agitant lites, raptore relicto :  
 Fusa venena silent, malus ingratusque maritus,  
 Et quæ jam veteres sanant mortaria cæcos. 170  
 Ergo sibi dabit ipse rudem, si nostra movebunt

*cede toties illum declamantem audiat, quæ ego ipsam toties audire cogor. Neque verò putes ejusmodi querelas ab uno aliquo Rhetoricæ professore jactari : alii sex atque adeo multo plures idem clamitant, et relicta docendæ hac arte molestissimâ, conferunt se se ad agendas veras in foro causas : valere jubent ficta dicendi argumenta de Jasone vellus aureum rapiente, de veneno dato, de ingrato erga uxorem viro, quæ se ab illo malè tractatam queratur ; de medicamentis in mortario contusis, quibus resti-*

164. *Circumagat.* Non statim et recto itinere ducat Roman : sed circuitu facto, ut spatium det militibus imbrem et metum excutiendi.

165. *Stipulare.* Stipulari est verbum juris : significat pacisci, postulare ut aliquid promittatur interposita solenni formulâ juris.

166. *Pater audiat.* Si pueri ipsius pater molestiam ejus audiendi toties, ferre non posset ; quanto id mihi molestius accidere debet præceptorî ?

167. *Sophistæ.* Sic vocabantur primùm qui rhetoricæ et philosophicæ præcepta tradebant : postea nomen hoc philosophis tributum est, qui insidiosâ oratione, et fallacibus conclusiunculis uterentur, ad quæstum, vel ostentationem.

168. *Raptore.* Vel Jasone, qui Medeam ; vel Paride, qui Helenam rapuit.

169. *Fusa venena.* Medea Creïsam veneno sustulit, quam videbat præferri sibi ab Jasone, ingrato marito.

*Silent.* Non sumuntur pro scriptionis argumento.

*Malus maritus.* Jason Medeam, Æneas Didonem, descens : Theseus Ariadnen.

170. *Mortaria.* Medea certis pharmacis in mortario tritis promiserat Pelicæ filiabus, effecturam se ut earum pater senex et cæcus juventutem visumque reciperet. Filicæ malè credulæ patrem membratim dissectum impiè crudeliterque peremerunt.

171. *Rudem.* Satira VI, nota 80. Metaphora ducitur a gladiatoribus, qui acceptâ rude, missionem et vacatio-

- Consilia, et vitæ diversum iter ingreditur;  
 Ad pugnam qui rhetorica descendit ab umbra,  
 Summula ne pereat, quâ vilis tessera vœnit  
 175 Frumenti: quippe hæc merces lautissima. Tenta  
 Chrysogonus quanti doceat, vel Pollio quanti  
 Lautorum pueros, artem scindens Theodori.  
 Balnea sexcentis, et pluris porticus, in qua  
 Gestetur dominus, quoties pluit; anne serenum  
 180 Exspectet, spargatque luto jumenta recenti?  
 Hic potius; namque hic mundæ nitet ungula mulæ.

*tui visus cæcis jam senibus possit. Ego verò, si cui animus est umbratilem hanc Rhetoricæ disciplinam scholasque deserere, atque in campum fori, pulveremque descendere, vehementer illum hortor, ut ipse sibi vacationem a docendi munere det, et aliam vitæ viam institutumque amplexus, forum sequatur, ex quo id saltem præmii feret, ne careat exigua illâ pecuniæ summa quâ vendi potest tessera frumenti: hanc enim amplissimam videlicet mercedem miseri consequuntur. Expende quàm exiguo pretio Chrysogonus Rhetoricam doceat civium nobiliorum filios, et Pollio qui Theodori præcepta in minutas quasdam particulas, ut facilius tradantur, dividit. Interim civis locuples balnea exstruere sexcentis nummis non dubitat; porticum etiam pluribus, in qua gestetur ipse cum imber decedit. Longum est enim, exspectare dum sudum sit cælum: et verò piget equos per lutulentam viam agere; longè id commodius in porticu fit, ubi mularum pedes luto non inquinantur. Ju-*

nem ab arte laboriosa et periculosa consequabantur.

172. *Diversum iter.* Vitæ institutum diversum a munere docendi.

173. *Rhetorica umbra.* Sic vocat fictas et umbratiles, quæ traduntur in scholis, exercendi styli causâ, scriptiones et argumenta dicendi.

174. *Tessera.* Exigua tabella, particula oblonga plumbi aut ligni, certo notata signo, quam qui ad horrea publica

deferret, frumentum ex illis auferbat.

*Vœnit.* Si quis accipere frumentum nollit, suam vendere tesseram cuilibet poterat.

176. *Chrysogonus. Pollio.* Rhetores.

177. *Theodori.* Rhetoricæ professoris, qui oriundus Gadaris, civitate Syriæ, venit Rhodum, ibique tum docuit, cum in eadem insula versaretur Tiberius.



Parte aliâ longis Numidarum fulta columnis  
Surgat, et algentem rapiat cœnatio solem.

Quanticumque domus, veniet qui fercula doctè

Componit, veniet qui pulmentaria condit. 185

Hos inter sumptus sestertia Quintiliano,

Ut multùm, duo sufficient: res nulla minoris

Constabit patri, quàm filius. Unde igitur tot

Quintilianus habet saltus? Exempla novorum

Fatorum transi: felix, et pulcher, et acer, 190

Felix, et sapiens, et nobilis, et generosus;

Appositam nigræ lunam subtextit alutæ:

*bat alia in parte ædificari triclinium soli minus calido expositum, et altis ex Africano marmore columnis innixum. Quantumlibet sumptis factum fuerit in ipsam domum, quæretur præterea et magno conducetur peritus mensæ structor, qui opsonia ex arte disponat; præparabitur coquus, qui eadem scitè condiat. In his tot tantisque sumptibus duo ad summum sestertia Quintiliano dabuntur, ita nihil minori pretio patri quàm filii educatio constabit. Quoniam igitur pacto fit, inquires, ut Quintilianus tot luculenta prædia possideat? Omitte illum mihi, noli ex eo ceteros rhetores æstimare. Est enim exemplum novi et inusitati cujusdam fati ac felicitatis. Quicumque scilicet est felici fato natus, idem formosus, strenuus, sapiens, fortis, nobilis; idem Senator, et assutâ calceis lunulâ spectan-*

182. Numidarum. Numidia, pars Africæ.

183. Cœnatio. Locus, ubi cœnatur.

*Algentem solem.* Nempe matutinum et orientem æstate. Obverti fenestras ad ium ad ortum et septentrionem Columella jubet.

185. Pulmentaria. Opsonia, quæ olim e pulte constabant: sive etiam condimenta et fercula exquisitiora, sauces, ragôlts.

186. Sestertia duo. Libræ sunt ducentæ.

189. Quintilianus. Orator

insignis, floruit Domitiani tempore, et rhetoricam annos 10 docuit, cujus præcepta longè accuratius, quàm ipse Cicero libris duodecim complexus est.

*Saltus.* Ea vox significat non tantum nemora, sed campos villæ additos: latifundia.

192. Lunam. Senatores a Romulo primùm conscripti fuere centum. Eorum posteriori præcipuo erant in honore, gestabantque in extremo calceo figuram eburneam lunulæ crescentis simillimam.

- Felix, orator quoque maximus, et jaculator ;  
 Et si perfrixit, cantat bene. Distat enim, quæ  
 195 Sidera te excipiant modò primos incipientem  
 Edere vagitus, et adhuc a matre rubentem.  
*Si fortuna volet, fies de rhetore Consul,*  
*Si volet hæc eadem, fies de Consule rhetor.*  
 Ventidius quid enim? Quid Tullius? Anne aliud  
 quam  
 200 Sidus, et occulti miranda potentia fati?  
 Servis regna dabunt, captivis fata triumphos.  
 Felix ille tamen corvo quoque rarior albo.

*duc. Orator præstantissimus et dialecticus est; ac licet fauces obstructas frigore habeat, bellè canere censebitur. Plurimum quippe refert quæ sidera te nascentem et e materna recens profusum albo respexerint. Si fortunæ videbitur, evades rhetor e Consule, Consul e rhetore. Quid enim nos docent exempla Ventidii, et Servii Tullii, nisi vim arcanam et admirabilem siderum ac fati esse, quæ servos in solium, captivos in triumphantium currus evehat? Ceterum ille felix quem descripsimus, est idem rarissimus et albo*

litteræ C, quæ nota est centenarii numeri, nimirum ut indicarent se a centum primis illis Senatoribus esse ortos. Porro testatur Ausonius delata Quintiliano fuisse ornamenta consularia, honestamenta futura nominis, non insignia potestatis.

*Alutæ.* Calceo aluta tecto, quæ est agnina pellis: cæ nigro colore infectâ calcei Senatorum erant intecti, de la basane.

193. *Jaculator.* Accipi propriè potest pro eo qui scienter jaculum intorquet: vel, per metaphoram, pro dialectico, sophista, etc. qui rationes, ut sagittas, peritè dirigit.

194. *Perfrixit.* Perfrigescere, s'enrhumer; grædo

enim oritur sæpius e nimio frigore, præsertim post calorem collecto.

197. *De Rhetore Consul.* Intelligendum hoc de honorario, quem dixi, Quintiliani Consulatu. Ipse Cicero de Rhetore Consul est verè factus.

199. *Ventidius.* Ventidius Bassus, primùm captivus, dein mulio, postea Tribunus plebis, Prætor, Consul, Pontifex Maximus creatus, denique a M. Antonio contra Particos missus anno Romæ conditæ 718, de illis triumphavit.

*Tullius.* Servius Tullus, sive ut alii scribunt, *Tullius*, ex ancilla natus, Rex Romanorum sextus fuit.

Poenituit multos vanæ, sterilisque cathedræ;  
 Sicut Thrasy Machi probat exitus, atque Secundi:  
 Carinatis: et hunc inopem vidistis Athenæ, 205  
 Nil præter gelidas ausæ conferre cicutas.  
 Dii majorum Umbris tenuem, et sine pondere  
 terram,  
 Spirantesque crocos, et in urna perpetuum ver,  
 Qui præceptorem sancti voluere parentis  
 Esse loco. Metuens virgæ jam grandis Achilles, 210  
 Cantabat patriis in montibus: et cui non tunc

*corvo rarior. Paucis contigit fortunatum Quintiliani factum; multi gravissimum docendi laborem a se nullo emolumento susceptum fuisse doluerunt: idque satis ostendit luctuosa mors Thrasy Machi: nec non Secundi Carinatis, quem ad extremam redactum inopiam Athenæ vidistis, nihil ei præter cicutas largiri, ob Cæsaris metum, ausæ. At vos, o Superi, facite ut majorum nostrorum Manibus levis terra sit, humum circa illorum tumulos croco floribusque bene olentem esse jubetote, urnas eorumdem rosis lilisque cumulate, qui tam sapienter sanxerunt ut præceptores non minus sanctè, quàm suos parentes pueri cohererent. Achilles, quamvis ætate jam provectior, tamen in Pelio, Thessaliæ, patriæ suæ, monte, discebat canere fi-*

204. *Thrasy Machi.* Carthaginiensis rhetoris, quem egestate oppressum narrant sibi laqueo fregisse fauces: aut certè artem desivisse.

205. *Carinatis.* Secundus Carinas Rhetoricam aliquandiu Romæ professus est, pulsus in exsilium a Caligula, venit Athenas, ubi cum præ Imperatoris metu nemo illi ausderet opem ferre, necem ipse sibi veneno conscivit.

206. *Cicutas.* Respicit Socratis necem, qui jussus est mori, epoto cicutæ, herbæ frigidiissimæ, letali succo.

207. *Sine pondere terram.* Mortuis bene precabantur

hanc solentem formulâ: *sit tibi terra levis.*

208. *Spirantes.* Halantes, bene olentes.

*Crocos.* Crocus, sive Crocum, *du safran*, herba odorata.

*In urna.* Colligebant ossa combustorum cadaverum, et in urnas abdebant, quas coronabant floribus.

209. *Qui præceptorem, etc.* Hanc in sententiam rectè Aristoteles: *Præceptoribus, inquit, plura, quàm parentibus debemus, enim ab his vivendi, ab illis bene vivendi rationem accipiamus.*

Eliceret risum citharœdi cauda magistri?

Sed Rufum, atque alios cædit sua quæque  
juventus,

Rufum, qui toties Ciceronem Allobroga dixit.

215 Quis gremio Enceladi, doctique Palæmonis affert,  
Quantum grammaticus meruit labor? Et tamen ex  
hoc

Quodcumque est (minus est autem quàm rhetoris  
æra)

Discipuli custos præmordet Acoenitus ipse;

Et qui dispensat, frangit sibi. Cede Palæmon,

220 Et patere inde aliquid decrescere; non aliter quàm  
Institor hibernæ tegetis, niveique cadurci,  
Dummodo non pereat; mediæ quod noctis ab hora

*dibus, et Chironem extimescebat: quis a risu tamen temperare potuisset, Centaurum cum illa sua cauda equina vident? Nunc Rufum et ceteros puerorum doctores discipuli sui impunè rident ac pulsant; Rufum, inquam, egregium illum rhetorem, qui Tullium Allobrogem et barbarum appellare non dubitavit. Quis tantum Encelado et Palæmon, celeberrimis grammaticis, largitur, quantum ipsorum improbus meretur labor? Ex hac tamen mercedula quantulacumque est, quæ certè minor est quàm stipendium rhetoribus tribui solitum, aliquid prærodit avellitque avarus pueri moderator: ipse etiam dispensator et œconomus, qui pecuniam præceptori dat in manus, aliquid ex illa præcidit reservatque sibi. Cede jure tuo, infelix Palæmon, ac mercedem tuam sic imminui æquo animo fer, instar mercatorum, qui de pretio lodicis aut stragulæ vestis, quod primo aditu indicarunt, nonnihil remittunt, ac minuunt: modò totum illud non amittas quod meritis es,*

212. *Citharœdi magistri.* Traditus est Achilles a patre Peleo in disciplinam Chironis Centauri. Erant autem Centauri partim homines partim equi, ut blaterant fabulæ.

217. *Æra.* Pecunia rhetoribus data.

221. *Institor.* Mercator:

sic dictus ab instando, prope-  
rando, commeando.

*Cadurci.* Cadurcum hic significat certam vestem stragulam; quæ texeretur in urbe Galliæ, quam Cadurcum vocamus; Cahors, aut quæ fieret e lino Cadurcensi.

Sedisti, quâ nemo faber, quâ nemo sedebat,  
 Qui docet obliquo lanam deducere ferro:  
 Dummodo non pereat totidem olfecisse lucernas, 225  
 Quot stabant pueri, cum totus decolor esset  
 Flaccus, et hæreret nigro fuligo Maroni.  
 Rara tamen merces, quæ cognitione Tribuni  
 Non egeat. Sed vos sævas imponite leges,  
 Ut præceptorum verborum regula constet; 230  
 Ut legat historias, auctores noverit omnes,  
 Tamquam unguis digitosque suos, ut fortè  
 rogatus,  
 Dum petit, aut thermas, aut Phœbi balnea, dicat  
 Nutricem Anchisæ, nomen patriamque novercæ  
 Anchemoli; dicat quot Acestes vixerit annos, 235

*cum a media nocte surrexisti, ac in museo sedisti, etiam ante, quàm vilissimi opifices, et fabri, aut qui lanam ferro pectine carminant, suis in officinis opus facerent: modò, inquam, non pereat quæ jure tibi debetur merces, pro eo quem hausisti naribus, fumo et nidore tot lucernularum, quot aderant in schola tua pueri, quorum libri, Horatius et Virgilius, ipsa fuliginè infecti nigrum colorem induerant. Quamvis autem grammaticorum merces tam angusta sit, rarò tamen accidit, eam ut obtineant sine aliqua lite et ærarii Tribuni Edicto. Ite nunc, ite, ingrati parentes, ac de magistris tam mali meriti, pergitte illis durissimas leges imponere, ut verborum omnium regulas calleant, ut perlegant omnes historias, ut scriptores cognitos et perspectos ad unguem habeant, ut si quis illos, dum in balnea thermasve se conferunt, interroget quæ fuerit Anchisæ nutrix; quod nomen, quæ patria novercæ Anchemoli, respondeant sine ulla hæsitazione: ut dicant quamdiu Acestes vitam produxerit, quot vini cados Æneæ*

225. *Lucernas.* Pueri mane summo ventitabant in scholam, cum suis quisque lucernulis.

228. *Cognitione.* Ea vox in jure vulgò significat, examinis litis, quæstiones, et alia id genus quæ præcedunt sententiam judicis.

*Tribuni.* Ærarius vocabatur Tribunus ille, qui de causis levioribus, v. g. de stipendio magistrorum cognoscebat.

233. *Thermas.* Thermæ, balnea calida, des étuves.

*Phœbi.* Nomen balneatoris.

235. *Anchemoli.* Sive, ut



Quot Siculus Phrygibus vini donaverit urnas.  
 Exigite ut mores teneros cœu pollice ducat,  
 Ut si quis cerâ vultum facit: exigite ut sit.  
 Et pater ipsius coetus, ne turpia ludant.

240 Hæc, inquit, cures, et cùm se verterit annus,  
 Accipe, victori populus quod postulat, aurum.

*discedenti e Sicilia dedit. Exigite præterea ut teneros adolescentum mores sic informant, quasi si quis vasculum ex argilla, vel effigiem e molli cera fingeret: ut pueros paternâ caritate complectantur; ut observent, ne quid inter ludendum contra modestiam et pudorem peccent. Fac ista diligenter procures, ait magistro parens pueri, anno exacto tibi dabitur pecuniæ summa, qualem populus colligit, et victori gladiatori donandam, ab iis qui ludis gladiatoris intersunt, postulat.*

quibusdam placet, *Arche-mori*. Fuit ille filius Rhæti Marrubiorum Regis in Italia, qui, teste Servio, Casperiam novercam temeravit, Virg. Lib. X, v. 388.

*Acestes*. Siciliae Rex a quo Aeneas exceptus, et multis

generosi vini cadis donatus, Virg. AEn. I, v. 200.

237. *Pollice*. Argilla, cera, digitis fingitur, et in opus ducitur.

240. *Se verterit*. Annus in seipsum veluti revertitur, cùm desiit.

## S A T I R A V I I I .

### ARGUMENTUM ET SYNOPSIS.

*Vitia nobilium insectatur.*

**S**TEMMATA quid faciunt? quid prodest,  
Pontice, longo  
Sanguine censi, pictosque ostendere vultus  
Majorum, et stantes in curribus AEmilianos,  
Et Curios jam dimidios, nasumque minorem  
Corvini, et Galbam auriculis nasoque carentem? 5  
Quis fructus generis tabulâ jactare capaci

**Q**uid emolumenti aut veræ solidæque laudis habet,  
Pontice, præclarus ordo nobilium avorum in antiqui  
generis serie descriptus? Quid juvat longam vetustæ fa-  
milicæ propaginem, in Censorum libros referre? ostentare  
majorum depictas imagines: invectos quadrigis AEmilia-  
nos; Curios dimidiâ jam parte propter vetustatem exesos,  
Corvinum naso diminutum, Galbam non tantum naso, sed  
auribus etiam truncatum? Quænam e nobili genere utilitas  
et gloria capi potest, si quis in ingenti et ampla tabula

1. *Stemmata.* Stemma est  
propriè corona, præsertim  
e floribus; vulgò sumitur pro  
gentilibus insignibus, pro  
arbore, ut aiunt, prosapiæ  
et consanguinitatis, un arbre  
généalogique.

*Pontice,* vel amicus Juve-  
nalis est: vel nobilis arrogans,  
claritate generis inflatus.

2. *Censi.* AEstimari, lau-  
dari, a Censoribus notari.

3. *AEmilianos.* Duo Sci-  
piones memorantur; alter  
*Africanus major* dictus, alter

*Africanus minor*; qui etiam  
Scipio AEmilianus vocatur,  
quia genitus Paulo AEmilio  
Macedonum domitore, ad-  
optatus deinde fuit a filio ma-  
joris Africani. Idem Cartha-  
ginem delevit, Numantiam  
cepit; unde etiam Numanti-  
nus est appellatus, Lege Od.  
7, Lib. IV Horat. pag. 248.

4. *Curios.* Sat. II, not. 3.

5. *Corvini.* Sat. I, not. 93.

*Galbam.* Septimum inter  
Cæsares.

- Fumosos Equitum cum Dictatore magistros ,  
 Si coram Lepidis malè vivitur ? Effigies quò  
 Tot bellatorum , si luditur alea pernox ,  
 10 Ante Numantinos ? si dormire incipis ortu  
 Luciferi , quò signa Duces , et castra movebant ?  
 Cur Allobrogicis , et magnâ gaudeat arâ

*commonstret venditetque Dictatores , et adjunctos illis magistros Equitum , fumo et vetustate obsoletos , idemque ante Lepidorum imagines vitam infamem et flagitiosam vivat ? Quid afferunt tibi decoris et ornamentì tot heroum bellicâ virtute pulchrisque laboribus insignium descripti vultus , si Numantinis veluti spectantibus et exprobrantibus , totam noctem in alea traducis ? si lectum petis oriente Lucifero , quo tempore Duces sublatis signis relinquebant castra ; et hostem invadebant ? Cur majores suos , quibus cognomen Allobrogicum meritò datum est ; jactet Fabius , in ea domo natus , quò originem ducit ab Hercule ? Cur*

7. *Dictatore.* Dictator, Magistratus apud Romanos extraordinarius et ferme semestris difficillimis reipub. temporibus creabatur , ac summum in republica jus belli pacisque obtinebat ; nomen ex eo sumpsit quod a Consule diceretur , *hoc est* , crearetur. Statim atque dictus erat , aliquem Magistrum Equitum nominabat , *id est* , primum exercitus Ducem , qui tamen sine arbitrio nutuque Dictatoris gerere nihil poterat.

*Fumosos.* Fuligine obsitos , ob vetustatem , et fumo propter ignem qui vulgò accendebatur in atriis , ubi prostabant illæ imagines.

8. *Lepidis.* Sat. VI , nota 195.

10. *Numantinos.* Suprà , nota 3.

11. *Luciferi.* Inter septem planetas numeratur Venus. Circa solem vertitur , cum-

que illum præcedit , *Lucifer* appellatur , et omnium stellarum postrema cerni desinit ; cum subsequitur solem , *Hesper* , seu *Vesper* dicitur , et noctem quasi inducit.

12. *Allobrogicis.* Q. Fabius Maximus , reportatâ de Allobrogibus et Arvernibus , ad Isaram fluvium , insigni victoria ; cæsis hostium millibus centum et viginti , anno U. C. 633 , cognomen Allobrogici , sibi suisque posteris peperit ; ejus filius a paterna virtute degener , vitam in luxu et voluptatibus exegit ; hunc vates objurgat.

*Magnâ arâ.* Romæ , ad Circum Flaminium , visebatur ingens ara , Herculi sacra , ipsi olim ab Evandro dedicata , et ara maxima nuncupata. Hujus procuratio genti Fabiorum qui se oriundos ab Hercule dicebant , concessa.

Natus in Herculeo Fabius Lare? si cupidus, si  
 Vanus; et Euganeâ quantumvis mollior agnâ,  
 Squallentes traducit avos: emporque veneni  
 Frangendâ miseram funestat imagine gentem?  
 Tota licet veteres exornent undique ceræ  
 Atria, *Nobilitas sola est, atque unica virtus.*  
 Paulus, vel Cossus, vel Drusus moribus esto:  
 Hos ante effigies majorum pone tuorum: 20  
 Præcedant ipsas illi, te Consule, virgas.  
 Prima mihi debes animi bona. Sanctus haberi,

*celebrem aram eidem Deo consecratam, ejusque sacra sua  
 familiæ hereditaria esse gloriatur, si turpissimis cupi-  
 ditatibus deditus, si ambitiosus, si ove Patavina mollior,  
 si veneficus, priscas avorum suorum effigies dedecorat,  
 inseritque illis funestam imaginem suam, dignam profecto,  
 quæ ad obliterandam scelerati hominis memoriam, tollatur  
 ex illo numero, et non sine dedecore infelicis familiæ;  
 confringatur? Quamvis atria vetustis e cera imaginibus  
 tota resplendant, in sola tamen virtute posita nobilitas est.  
 Paulus sanè, Cossus vel Drusus esto, sed moribus; neque  
 vacuum duntaxat illorum nomen, sed virtutes representa.  
 Has avorum tuorum imaginibus præpone: ac si Consula-  
 tum geris, fac ut eadem illæ sint illustriora tuæ dignitatis  
 ornamenta, quàm fasces duodecim, qui ante Consules  
 gestari solent; si dici nobilis et haberi a me cupis, animi  
 decora præclarasque dotes in te primum exhibe. Si ea quæ  
 dicis, quæ facis, hanc tibi jure laudem arrogant, ut vir*

14. *Euganeæ.* Euganeî Ita-  
 liam incoluerunt prope Alti-  
 num et Patavinum. Ibi ovium  
 lævæ molliissimæ.

15. *Squallentes.* Avos vel  
 imagines vetustate ac fumo  
 sordidas: vel, homines in-  
 comptos, et cultum corporis  
 negligentes.

*Traducit.* Sat. VII, nota  
*Traducit.*

16. *Funestat.* Ea domus in  
 qua quispiam esset mortuus  
 contaminata censebatur. Hinc  
 sumpta metaphora.

17. *Veteres ceræ.* Antiquæ  
 majorum imagines, e cera  
 factæ.

21. *Præcedant.* Fac ut prius  
 te celebrent homines propter  
 tuas virtutes, quàm propter  
 dignitatis tuæ, v. g. Consula-  
 tûs insignia.

*Virgas.* Fasces qui a licto-  
 ribus duodecim, quocumque  
 pergeret, ante Consulem de-  
 ferrebantur. Satir. V, nota  
 110.

22. *Prima, etc.* Nobilem  
 animus facit, inquit Seneca,

Justitiæque tenax factis dictisque mereris?

- 25 Agnosco procerem. Salve, Getulice, seu tu  
Silanus, quocumque alio de sanguine rarus  
Civis, et egregius patriæ contingis ovanti.  
Exclamare libet populus quod clamat, Osiri  
Invento. Quis enim generosum dixerit hunc, qui  
Indignus genere, et præclaro nomine tantum  
Insignis? Nanum cujusdam Atlanta vocamus:  
30 Aethiopem cygnum: parvam, extortamque puel-  
lam,

Europen. Canibus pigris, scabieque vetusta  
Lævibus, et siccae lambentibus ora lucernæ,  
Nomen erit pardus, tigris, leo; si quid adhuc est

*optimus, et æqui servantissimus meritò dicaris, nobilem te agnosco, saluto libentissimè appelloque Getulicum, aut Silanum, aut quocumque demum honorifico nomine appellari malueris. Quacumque tandem e stirpe sis procreatus, habet patria tua, quòd te ad felicitatem publicam editum præstanti virtute civem et rarum hisce temporibus, gratuletur; neque temperare mihi possum, quin erumpam in voces lætitiæ plenas, ut Ægyptii solent cùm Osiridem suum invenerunt. Et verò quis hunc nobilem appellaverit, qui cùm se indignum genere suo præbeat, nihil quo gloriatur præter illustre nomen, habet? Accidit aliquando, cùmolari volumus, ut pigmæum Atlantem appellemus: nigrum instar Aethiopsis, vocemus Cygnum; ut puella exiguo et distorto corpore deformis, Europe dicatur. Vetuli canes, depiles, scabiosi, siccas lambere lucernas soliti, vocentur pardi, leones, tigres, et si quod ferocius animal*

*Epist. 44, non atrium plenum funuosis imaginibus, etc.*

24. *Getulice.* Cognomen-  
tum hoc fuit Cossi.

25. *Silanus.* Vir strenuus,  
Scipionis Legatus, Pœnos in  
Africa domuit, etc.

30. *Atlanta.* Atlas Mauri-  
taniæ Rex, Astrologiæ peri-  
tus, ut observaret sidera, in  
eclatorem adscendere locum  
solebat. Eam ob rem mutatus

in montem, et cœlum hume-  
ris sustinere dictus.

31. *Aethiopem.* Sat. II,  
v. 12.

32. *Europen.* Filiam Age-  
noris, Regis Tyri.

33. *Lævibus.* Glabris. Pili  
excidunt canibus vetulis.

34. *Pardus.* Odorem sua-  
vissimum efflare dicitur: quo  
illectas feras et propius acce-  
dentes, interficit.



Quod fremat in terris violentius. Ergo cavebis, 35  
Et metues, ne tu sic Creticus, aut Camerinus.

His ego quem monui? Tecum est mihi sermo,  
Rubelli

Plance, tumes alto Drusorum sanguine; tamquam  
Feceris ipse aliquid, propter quod nobilis esses;  
Ut te conciperet, quæ sanguine fulget Iuli, 40  
Non quæ ventoso conducta sub aggere textit.  
Vos humiles, inquis, vulgi pars ultima nostri,  
Quorum nemo queat patriam monstrare parentis.  
Ast ego Cecropides. Vivas, et originis hujus  
Gaudia longa feras: tamen imâ plebe Quiritem 45

*est. Cave ne tu ad hunc modum Creticus, aut Camerinus appelleris. Quem verò hæc petit oratio? quem insector? te, Rubelli Plance, cui magnos nimirum spiritus facit illa nobilitas, quàm e Drusorum stirpe ductis; perinde quasi hanc tuis egregiis facinoribus consequutus fores, meruisseque habere matrem e Julia gente, ab Iulo Ascanii filio propagatâ, potiùs, quàm vilem e plebe mulierculam, quæ operam suam alienis telis in aggere Tarquinii texendis locare solet. Vos (ita de nobis enim loqueris) viles animæ, ignobile vulgus estis; quorum parentes ita sunt obscuri, ut quo editi sint loco dicere vix quisquam possit; ego non minus antiquâ et clarâ nobilitate sum, quàm veteres illi Athenienses, qui se a Cecrope oriundos prædicabant. At tu macte istâ nobilitate, hac prosapia beatus et pulcher esto: nihilominus in infima illa, quam despicis, plebe reperias cives non vulgari præditos eloquentiâ,*

36. Sic. Nempe per jocum. Cave, ne ut scabiosus canis, vocatur leo, etc. ita tu voceris Creticus, etc.

Creticus. Sat. II, nota 42.

Camerinus. Sat. VII, nota 90.

37. Rubelli Plance. Illi, teste Cornelio Tacito, nobilitas per matrem ex Julia familia, etc.

41. Sub aggere. Aggerem Tarquinii intellige (de quo

vide notam 153, Sat. V, ubi viles et plebeie femine telam texebant.) Sunt qui legant sub aëre; id est sub dîo.

44. Cecropides. Primus Atheniensium Rex Cecrops. Ab eo Athenienses dicti sunt Cecropidæ; suæ originis vetustatem ac nobilitatem eo nomine significantes.

45. Quiritem. Civem Romanum.

Facundum invenies, solet hic defendere causas

Nobilis indocti: veniet de plebe togatâ.

Qui juris nodos, et legum ænigmata solvat.

Hic petit Euphraten juvenis, domitique Batavi

50 Custodes aquilas, armis industrius: at tu

Nil nisi Cecropides, truncoque simillimus Hermæ:

Nulla quippe alio vincis discrimine, quam quod

Illi marmoreum caput est, tua vivit imago.

Dic mihi, Teucrorum proles, animalia muta

*qui nobilium indoctorum jura tueantur: ex illa vulgi face prædeunt jurisperiti, qui leges ad solvendum difficilimas explicent; qui jus ambiguum et obscurum illustrent. Inde strenui juvenes leguntur qui armis victricibus in ultimi orientis oras penetrant; qui domitos nuper in occidente Batavos contineant, ne rebellent. Tu nihil interim aliud egregium, præter nobilis viri et Cecropidæ nomen habes, illis Mercurii statuis meritò comparandus, in quibus exstat solum caput, reliquum verò corpus rude, ac trunco stipitique simillimum est: hoc unum discrimen inter te atque illas statuas intercedit, quod tu statua viva, spiransque truncus es, illæ exangues et marmoreæ sunt. Age, o Tro-*

47. *Plebe togatâ.* Togis populus Romanus plurimum utebatur.

48. *Ænigmata.* Ænigma, Græca vox, sermonem obscurum significat.

49. *Euphraten.* Sat. I, nota 89.

*Batavi.* Hollandiam, quæ nunc dicitur, incolebant Batavi, Germaniæ inferioris populi, a Domitiano tunc subacti. Eos custodiebant, et ne quid molirentur ad excutendum Romanorum jugum, impediabant præsidia et turmæ his locis relictæ, quæ per aquilas significabantur; erant enim aquilæ, vexilla romani exercitus, nempe, hastæ acuto ferro in ima parte præ-

fixæ, ut facilius in terra defigi possent, quarum in summo exstabat aurea vel argentea effigies aquilæ. Nempe quia hæc avis erat omnis felicissimi, et Jovi (cujus in potestate ac numine bellorum sors) gratissima censebatur.

51. *Hermæ.* Statuæ dimidiatæ Mercurii Athenis plurimæ visebantur: illarum caput humerosque marmoreos basis lignea vel lapidea, instar trunci rudis ac impoliti, sustinebat: itaque cum in iis nec brachia nec pedes exstarent, rectè hominem ignavum et inutilem adumbrabant.

54. *Teucrorum proles.* Qui

Quis generosa putet, nisi fortia? Nempe volucrem 55  
 Sic laudamus equum, facili cui plurima palma  
 Fervet, et exultat rauco victoria Circo.  
 Nobilis hic, quocumque venit de gramine, cujus  
 Clara fuga ante alios, et primus in æquore pulvis.  
 Sed venale pecus Corythæ, posteritas et 60  
 Hirpini, si rara iugo victoria sedit.  
 Nil ibi majorum respectus, gratia nulla  
 Umbrarum: dominos pretiis mutare jubentur  
 Exiguus, tritoque trahunt epirhedia collo  
 Segnipedes, dignique molam versare Nepotis. 65

*jugena, ex animalibus quænam arbitramur esse nobilia, nisi quæ præstant robore? scilicet hunc in pretio habemus equum, qui plurimas in Circo victorias tulit, cui currenti vincentique faustis clamoribus applausit læta spectantium multitudo. Nobilem hunc itaque censemus, quocumque natus et pastus in agro sit, qui celeritate pedum alios antevertens, primus omnium pulverulentum ungula sonante campum quatit. Contra verò posteri et nepotes equæ illius nobilissimæ Corythæ, item Hirpini equi laudatissimi, cum gregariis equis venduntur, si rarè victoriam retulerint. Nemo respicit illorum majores, nemo illis ob nobiles parentum Umbras et Manes favet: vili pretio venditi ad novos heros transire coguntur, ignavæ pecudes, et attrita cervice operam trahendis plaustris, aut versandâ Nepotis molâ, navant. Si vis igitur ut te laudemus, o Rubelli,*

te a Teucris ducere originem gloriaris. Nobilem Romanum e Cæsarum familia, sic vocat, quia Cæsar Augustus a Trojanis et AENEÂ originem ducebat, quæ causa Virgilio fuit AENEIDOS faciendæ. Teucer Phrygiæ Rex, Dardano, socero suo, successit in regnum, et Dardaniam urbem condidit, quæ deinde dicta etiam Troja, hinc Trojanis dicuntur promiscuè Teucricæ et Dardanidæ.

56. *Facili, etc.* Ordo verborum est, cui plurima vic-

toria fervet palmâ facili, etc.

60. *Sed venale, etc.* Ordo verborum est. *Sed posteritas Corythæ et Hirpini, est pecus venale.*

*Corythæ.* Equa fuit nobilis et celebrata versibus poetarum, ut equus Hirpinus.

61. *Jugo.* Quadrigas agitabant in Circo, quarum jugum auriga instans equis insidebat.

65. *Nepotis.* Mulionis tunc notæ.

Ergo ut miremur te, non tua, primum aliquid da;  
 Quod possim titulis incidere præter honores,  
 Quod illis damus, et dedimus, quibus omnia debes.  
 Hæc satis ad juvenem, quem nobis fama superbunt  
 70 Tradit, et inflatum, plenumque Nerone pro-  
 pinquo.

Rarus enim fermè sensus communis in illa  
 Fortuna. Sed te censori laude tuorum,  
 Pontice, noluerim sic, ut nihil ipse futuræ  
 Laudis agas. *Miserum est aliorum incumbere famæ,*  
 75 *Ne collapsa ruant subductis tecta columnis.*  
*Stratus humi palmes viduas desiderat ulmos.*  
 Esto bonus miles, tutor bonus, arbiter idem  
 Integer: ambiguae si quando citabere testis,

*non majorum tuorum nobilitatem et egregia facinora, quæ extra te sunt; sed aliquid nobis præbe, quod verè tuum possim dicere, et insculpere saxi ac monumentis titulos tuos et honorificas appellationes præferentibus; cedo, inquam, aliquid aliud præter illos honores, quos concessimus, atque adeo libenter etiamnum concedimus tuis majoribus, quibus acceptum refert quidquid gloriæ et nobilitatis obtines. Sed hæc modò sufficiant ad juvenem monendum, quem narrant efferre se insolentiis et gloriæ Neronis propinquitatem. Nec mirum: quippe illi, quos in isto gradu felix fortuna collocavit, communi ferè sensu carent. Te verò, Pontice, majorum tuorum laudibus duntaxat magnum esse nolim, adeo ut nihil per te ipse geras, quod laudent posteri. Miser est qui alienam nititur et viget famam, hand secus ac ædificia suppositis columnis innixa, quas ubi subduxeris, ruere molem totam necesse est; aut instar palmitum, qui nisi ad ulmos applicentur, jacent. Strenuum te militem præbe, tutorem æquum, arbitrum in componendis litibus incorruptum: si fortè contingat ut in dubia incertaque causâ, testimonium dicere*

72. Censeri. Suprà, nota 2.

foecundæ quodammodo sic fiunt.

76. Palmes. Vitis, ut pote imbecilla, solet adungi et quasi maritali ulmis, quæ viduæ ac steriles cum sint,

77. Arbitr. Arbitrum inter ac judicem hoc interest, quod judex ex lege et jure; arbiter, ex æquo et bono, lites amicè componit.

Incertæque rei, Phalaris licet imperet ut sis  
 Falsus, et admoto dictet perjurâ tauro; 30  
 Summum crede nefas animam præferre pudori,  
 Et propter vitam vivendi perdere causas.  
 Dignus morte perit, coenat licet ostrea centum  
 Gaurana, et Cosmi toto mergatur ahenò.  
 Expectata diu tandem provincia cùm te 85  
 Rectorem accipiet, pone iræ fræna modumque,  
 Pone et avaritiæ; miserere inopum sociorum.  
 Ossa vides Regum vacuis exsucta medullis.  
 Respice quid moneant leges, quid curia mandet;  
 Præmia quanta bonos maneat, quam fulmine 90  
 justo

Et Capito et Numitor ruerint, damanante Senatu,

*cogaris, tametsi Phalaris ad falsum testimonium ferendum te impellat, candentisque tauri supplicium interminetur, ni falsum jures, piaculum immane esse puta, ut fugias necem, admittere quippiam pudendum et viro probo indignum, utque vitam retineas, facere jacturam virtutis et honestatis, propter quam colendam concessa nobis est vita. Qui ob sua flagitia mortem est commeritus, jam periisse censendus est; imò perinde se habet, ac si jam esset mortuus, quamvis ostreis in Lucrino captis mari vescatur, et unguentis Cosmi totus perfundatur ac diffluat. Cùm in provinciam tot votis expetitam perveneris, eamque susceperis administrandam, iræ frænos et avaritiæ sedulò injice, sociorum inopiam et calamitates respice: ecquid Reges ab avaris provinciarum Præfectis spoliatos, ac tamquam ossa exsuctis ipsis medullis sicca, opibus exutos intueris? Considera quid præcipiant leges, quid Senatus jubeat, quibus præmiis afficiantur probi, quàm atroci justæque sententiâ, ceu fulmine perculsi Capito Numitorque fue-*

79. Phalaris. Tyrannus in Sicilia.

84. Gaurana. Gaurus mons Campaniæ Italiciæ prope lacum Lucrinum, ubi optima ostrea.

Cosmi. Cosinus celebris erat unguentarius.

87. Sociorum. Populorum

qui in societatem et amicitiam populi Romani sunt accepti.

88. Ossa, etc. Reges ad medullas usque exsuctos et comesos, ut vulgò loquimur.

91. Capito, Numitor. Ambo repetundarum damnati, ob spoliata Ciliciam.



Piratæ, Cilicum. Sed quid damnatio confert,  
 Cùm Pansa eripiat quidquid tibi Natta reliquit?  
 Præconem, Chærippe, tuis circumspice pannis,  
 95 Jamque tace. Furor est post omnia perdere naulum.  
 Non idem gemitus olim, nec vulnus erat par  
 Damnorum, sociis florentibus, et modò victis.  
 Plena domus tunc omnis, et ingens stabat acervus  
 Nummorum, Spartana chlamys, Conchylia Coa,  
 100 Et cùm Parrhasii tabulis, signisque Myronis

*rint, et a Senatu condemnati: piratarum Cilicum piratæ, ac latronum latrones. Quamquam quid miseros provinciales juvat, quòd aliquis provinciæ Præfectus fuerit condemnatus; si quod ipsis reliquum Natta fecit; Pansa furetur et adimat? Si me audis, Chærippe, quæres tibi præconem, qui auctione constitutâ vestes tuas et supellectilem vendat: mox ubi pecuniam ex iis redactam in tuta collocaveris, silebis, neque Præfectum accusaturus Romam te conferes, nullo tanti laboris et itineris operæ pretio. Insignis dementiæ esset, cùm reliqua perdidideris, etiam longæ navigationis impensas velle amittere. Olim cùm socii nostri florentes ac lauti erant, cùm recens a nobis Imperio adjuncti, minori damno ac dolore spoliabantur. Tunc etiam abundabant eorum domus nummis, vestibus Laconicis, Coâ purpurâ, spirantibus tabulis pictis, et statuâ ex ebore a summis artificibus Myrone, Phidia, Po-*

92. *Cilicum.* Cilices, in Asia minori, oram ejus Australem obtinebant. Antequam a Pompeio coercerentur, piraticâ infames fuerunt.

93. *Pansa, Natta.* Posterior provinciæ Præfectus: *Natta*, ejus antecessor. Ficta fortasse nomina.

94. *Chærippe.* Nomen socii alicujus fortasse fictum.

*Pannis tuis.* Ne illos tibi Præfectus provinciæ quispiam eripiat.

95. *Naulum.* Pretium navigationis.

96. *Par.* Tunc enim opu-

lenti adimebantur superflua, nunc egentibus eripiuntur necessaria.

99. *Spartana.* In Laconia, parte Australi Græciæ (ubi Lacedæmon, seu Sparta) est Tænarus promontorium, in eoque tractu capiuntur optimi murices, pisciculi, quorum e sanguine fit purpura.

*Conchylia.* Sat. III, nota 80.

*Coa.* Cos, insula maris Aegæi; Cariæ adjacens, Apellis patria; ibi texebantur tenuissimæ vestes e bombyce.

100. *Parrhasii.* Pictoris Ephesini.

Phidiacum vivebat ebur, necnon Polycleti  
 Multus ubique labor; raræ sine Mentore mensæ,  
 Inde Dolabella est, atque hinc Antonius, inde  
 Sacrilegus Verres. Referebant navibus altis  
 Occulta spolia, et plures de pace triumphos. 105  
 Nunc sociis juga pauca boum, et grex parvus  
 equarum,

Et pater armenti capto eripietur agello:  
 Ipsi deinde Lares, si quod spectabile signum,  
 Si quis in ædícula Deus unicus. Hæc etenim sunt  
 Pro summis: nam sunt hæc maxima. Despicias tu 110  
 Forsitan imbelles Rhodios, unctanique Corinthum:  
 Despicias meritò. Quid resinata juventus,

*lyceto elaboratis: Renidebant omnia præclaris illis operibus, vix ullam vidisses mensam sine poculis a Mentore cælatis. Ille videlicet sociorum opes occasionem dederunt furtis et sacrilegiis quæ Dolabella, Verres, Antonius admiserunt. Deportabant Romam e provinciis naves onustas congestis clam miserorum exuviis, deque spoliatis in pace sociis plures ac utiliores triumphos, quam de iisdem bello victis, domitiisque referebant. At illis nunc aliud nihil auferri potest, nisi agellus, pauca boum paria, armentum equarum, et equus taurusve ad sobolem gregis sufficiens dum delectus; Dii domestici, aliqua statua paulò elegantior, et si quod est unicum in sacello numen. Quamvis enim illa signa rudia sint et obsoleta, nihilominus apud illos maximo in pretio et honore habentur. Contemnis tu quidem, et impunè deprædaris Rhodios viribus destitutos, aut deditos voluptatibus Corinthios; et verò*

101. *Phidiacum.* Phidias sculptor nobilis, et statuarius; itemque Polycletus.

103. *Dolabella.* Asiam diripuit, quam pro Consule regabat.

*Antonius.* Caius Antonius, cum Achaïam depopulatus esset, Senatu motus est.

104. *Verres.* Siciliæ Prætor, orationibus Tullianis

non minus quàm suis sceleribus insignis.

108. *Lares.* Sat. VI, nota 3.

111. *Rhodios.* Sat. VI, nota 219. *Illinc Rhodos.*

*Corinthum.* Urbem Græciæ amplissimam, in Isthmi, quo Peloponnèsus cum reliqua Græcia committitur, faucibus sitam: *Coranto.*

112. *Resinata.* Resina, est picis quoddam genus: ea

- Cruraque totius facient tibi lævia gentis?  
 Morrida vitanda est Hispania, Gallicus axis,  
 115 Illyricumque latus: parce et messoribus illis,  
 Qui saturant urbem, Circo scenæque vacantem.  
 Quanta autem inde feres tam diræ præmia culpæ,  
 Cum tenues nuper Marius discinxerit Afros?  
 Curandum in primis, ne magna injuria fiat  
 120 Fortibus et miseris: tollas licet omne quod  
 usquam est  
 Auri atque argenti; scutum gladiumque relinques,  
 Et jacula, et galeam. Spoliatis arma supersunt.  
 Quodd modò proposui non est sententia: verum

*quid est ab illis populis mollibus, et in polienda curandaque cuticula unice occupatis metuendum? Sed cave la-  
 cessas Hispanos, Gallos, aut Illyrios: omitte messor  
 illos, qui Romam ludis scenicis intentam pascunt. Nam  
 præter quam quod nihil iis spoliandis faceres lucri, eum  
 a Mario nuperrimè spoliati et exhausti sint, plurimum  
 etiam adires periculi. Non sunt facilè injuriâ graviore af-  
 ficiendi viri fortes, iidemque calamitosi: etsi enim cetera  
 illis abstuleris, scutum nihilominus, ense, sagittas, et  
 cassidem non auferes. Exuti omnibus fortunis reperient  
 arma tamen quibus pœnas a suis prædonibus repetant. Quæ  
 loquor nolite sic accipere, ut si essent sententiæ ad dicendi*

utebantur ad pilos corporis  
 vellendos, et cutem lævi-  
 gandam.

114. *Axis.* In sphæra, axis  
 est linea per centrum ducta  
 a polo ad polum: pro tota  
 sphæra tum cælesti, tum ter-  
 restri, aut ejus aliquâ parte,  
 accipitur.

115. *Illyricum.* Illyris, sive  
 Illyrium, et Illyricum, est  
 Europæ regio ampla, ad dex-  
 trum Adriatici maris littus.

*Messoribus.* Afros intelli-  
 git qui frumentum Romæ  
 alendæ suppeditabant.

116. *Circo.* Sat. III, nota

280; et Sat. VI, v. 440.

118. *Marius.* Sat. I, nota  
 37 et 39.

*Discinxerit.* Discingere,  
 est zonam tollere, cingulum  
 solvere; ac per metaphoram,  
 spoliare, crumenam eripere:  
 ferebant quippe Romani mar-  
 supia in zonis.

123. *Non est sententia.* Ef-  
 fata quædam et propositio-  
 nes ad pompam potius quàm  
 ad veritatem comparatæ con-  
 scriptæque. Alii referunt hanc  
 vocem ad id quod modò di-  
 xit de Afris, et spoliatis so-  
 ciis, futurum nempe ut arma

Credite me vobis folium recitare Sibyllæ.

Si tibi sancta cohors conitum; si nemo tribunal 125

Vendit Acersecomes; si nullum in conjuge crimen:

Nec per conventus, nec cuncta per oppida curvis

Unguibus ire parat numinos raptura Celæno:

Tunc licet a Pico numeres genus: altaque si te

Nomina delectant, omnem Titanida pugnam 130

Inter majores, ipsumque Promethea ponas:

*pompam compositæ: tam certa sunt, quàm ipsa Sibyllarum oracula. Si cum provinciam gubernas, omnes tui administri et domestici probi ac sceleris expertes sunt: si nullus adolescens tibi carus Edictorum tuorum flagitiosam exercet domi tuæ nundinationem, et iniquas a te sententias ipse pecuniâ correptus non extorquet, si pura criminis, nec avara tibi est conjux, quæ per conventus ac civitates discurrat, pecuniam aduncis manibus instar Harpyiæ corrasura: tunc per me licebit originem tui generis ab ipso Pico repetere, ac si arrident tibi præclaræ quædam, et a primis repetitæ seculis appellationes, concedam ut omnes Titanas qui contra Jovem pugnaverunt, ipsumque Prometheum in majorum tuorum reponas numero,*

convertant in Romanos, hoc non est commentum aut mendax opinio, sed certissimum vaticinium: Romanum illi jugum excutient, si pergant eos opprimere provinciarum Præfecti.

124. *Folium.* In foliis arborum sua responsa perscribebat Sibylla Cumana. In ejus libris contineri fatum Imperii Romani credebatur.

*Sibyllæ.* Sat. III, nota 3.

125. *Tribunal.* Sumitur hic pro sententia quæ fertur a iudice in tribunali sedente.

126. *Acersecomes.* Intonsus, bene capillatus, et elegantè comptus.

127. *Conventus.* Sic appellabantur oppida quædam ce-

lebriora provinciæ alicujus, quo statis diebus populus e vicinis locis conveniebat, litium dirimendarum causâ, nundinarum, etc.

128. *Celæno.* Una est ex harpyiis de quibus plura, vide apud Virgilium III Æneid. versu 212.

129. *Pico.* Primus Aborigenum in Italia Rex, fuit Saturni filius, Fauni pater. Virg. VII Æn. v. 48.

130. *Titanida pugnam.* Titan Saturni et Opis frater major natu fuit: Coeli et Væstæ filius. Vide appendicem, c. 1.

131. *Promethea.* Sat. IV, nota 130.

- De quocumque voles proavum tibi sumito libro.  
 Quod si præcipitem rapit ambitus, atque libido  
 Si frangis virgas sociorum in sanguine, si te  
 135 Delectant hebetes lasso lictore secures:  
 Incipit ipsorum contra te stare parentum  
 Nobilitas; claramque facem præferre pudendis.  
*Omne animi vitium tantò conspectius in se*  
*Crimen habet, quantò major, qui peccat, habetur.*  
 140 Quo mihi te solitum falsas signare tabellas  
 In templis, quæ fecit avus; statuamque parentis  
 Ante triumphalem? Quod, si nocturnus adulter  
 Tempora Santonico velas adoperta cucullo?  
 Præter majorum cineres, atque ossa volucris  
 145 Carpento rapitur pinguis Damasippus; et ipse,  
 Ipse rotam stringit multo sufflamine Consul.

*et ex quacumque fabula vel historia litteris mandata proavum tibi deligas. Si verò libidine atque ambitu vecors in omne scelus proruis; si fasces in sociorum vulneribus et cruore frangi jubes, si tacitâ lætitiâ perfunderis, cum defatigati sunt cædendo lictores; cum secures crebris ictibus hebetatæ; tunc incipit probro tibi esse ac dedecori avita nobilitas, et quasi admota propius face, tua flagitia illustrare: eò quippe clarius apparet quodlibet scelus atque exstat, quo clarior is a quo admittitur, et illustrior est. Quid te mihi nobilibus ortum avis prædicas, te, inquam, qui testamenta falsa obsignare solitus es, in iis ipsis templis quæ avi tui condiderunt et ante statuam tui patris triumphalem? Te, qui, ut sædissimis voluptatibus indulgeas, intempestâ nocte prodis, et vili cucullo caput, ne quis te agnoscat, obvolvis? En obesus ille Damasippus currum agitat in via, quam majorum suorum tumuli et monumenta prætexunt; nec dubitat, licet sit Consul, non*

141. *In templis.* In iis obsignabant testamenta, et alia instrumenta, ut loci sanctitas metum ac religionem injiceret obsignantibus.

143. *Santonico.* Apud Santones, Galliæ populos, la Saintonge, conficiebantur vilia quædam capitis tegmina,

quos cucullos vocabant, et quibus infima plebs multum utebatur.

145. *Damasippus.* Fictum nobilis cujusdani nomen, aurigæ munus obire amantis.

146. *Sufflamine.* Sufflamen vocatur quodlibet retinaculum, rotæ radiis insertum,



Nocte quidem ; sed luna videt ; sed sidera testes  
 Intendunt oculos. Finitum tempus honoris  
 Cùm fuerit, clarâ Damasippus luce flagellum  
 Sumet , et occursum nusquam trepidabit amici 150  
 Jam senis, ac virga prior innuet , atque maniplos  
 Solvet, et infundet jumentis hordea lassis.  
 Interea dum lanatas , torvumque juvenum  
 More Numæ cædit Jovis ante altaria, jurat  
 Hipponam , et facies olida ad præsepia pictas. 155  
 Sed cùm pervigiles placet instaurare popinas,  
 Obvius assiduo Syrophœnix udus amomo  
 Currit, Idumææ Syrophœnix incola portæ ,  
 Hospitis affectu dominum , regemque salutat ,

*erubescit, inquam, rotas sufflaminare. Noctu quidem hæc fiunt, fateor, sed luna cernit, sed testes totidem oculati, quot astra, sunt. Abierit Consulatu Damasippus, meridianâ luce sumet in manus flagellum, nec amico jam seni occurrere fugiet: immo flagello stridente obvium salutabit; ipse fœni fasciculos solvens equis defatigatis atque hordeum apponet: dumque, pietatem Numæ simulans, oves, aut vitulum Jovi ante aras immolabit, Hipponam solam, Agasonum Deam præsidem, et alia quæ jumentis favent, ideoque in stabulis picta cernuntur, numina jurabit. Jam, cùm idem Damasippus, omisso currum agitando studio, repetit popinam, ubi totas perpotando noctes ducit, et tibi advolat occurritque unguentarius quispiam Syrophœnix, cujus officina Idumææ portæ vicina est: ille Damasippum regem, dominumque compellans, honorificam illi*

impediensque ne rota circumagatur, atque adeo currûs celeritatem et impetum retardans.

151. *Jam senis.* Cujus gravitate admoneri, et levitatem suam ineptiasque deberet abjicere.

154. *Numæ.* Sat. III., nota 12.

155. *Hipponam.* Deam mulionum et aurigarum.

157. *Syrophœnix.* Fictum nomen unguentarii. E Syria

et Phœnicia, regionibus Asiæ, exquisita mittebantur aromata.

*Udus.* Unguenta ferè pingua sunt, ob oleum admixtum.

*Assiduo amomo.* Assiduâ tractatione amomi, unguenti humidi, quod conficiebant ex amomo, arbusculâ suavissimum odorem spirante. Hæc in Arabia ferè nascitur.

159. *Idumææ portæ.* Una inter portas Romanæ urbis.

- 160 Et cum venali Cyanē succinctā lagenā.  
 Defensor culpæ dicet mihi: Fecimus et nos  
 Hæc juvenes. Esto; desisti nempe, nec ultra  
 Fovisti errorem. Breve sit quod turpiter audes:  
 Quædam cum prima resecuntur crimina barba.  
 165 Indulge veniam pueris. Damasippus ad illos  
 Thermarum calices, inscriptaque lintea vadit,  
 Maturus bello Armeniæ, Syriæque tuendis  
 Amnibus, et Rheno, atque Istro: præstare  
 Neronem

Securum valet hæc ætas. Mitte Ostia, Cæsar,

*salutem dicit, quo more solent hospites, dum comiter et urbanè prætereuntes invitant: adest etiam Cyane, ad ministrandum expedita, amphoram generosi vini gestans. Audio quid ab aliquo dici ad excusandum Damasippum possit: nempe idem a se aliàs juvene factitatum esse: sit ita sanè; at istas nugæ valere jussisti denique, nec ultra juveniles annos ineptire perrexisti. Detur brevi stultitiæ venia: sint flagitia quædam adolescentiæ, quæ cum prima pariter barba deponantur. Pueris aliquid peccare fas sit: verùm Damasippus eã jam ætate proventus, quã bellum gerere posset in Armenia, et contra hostium incursiones Syriam, Germaniam, immo ipsum Neronem defendere, non erubescit perpotare in thermis, et vilissimas popinas consecrari, quarum foribus appensa lintea indicant quid in eis*

160. *Cyane.* Cauponis uxor: nalia sint et quò pretio.

166. *Thermarum.* Sat. VII, nota 233. *Balnearum* suprema

pars propriè vocabatur *Thermæ*: ibi enim vel ad ignem, vel ad solem sudabatur: pars media calidas, quibus corpora lavarentur, aquas continebat; ima, frigidas; primum quippe sudabant; deinde corpus lavabant aqua; denique illud oleo perungebant.

*Inscripta lintea.* Pro foribus cauponarum appendi solent tabellæ, vel telæ, in quibus inscribuntur quæ ibi ve-

167. *Armeniæ.* Sat. VI, nota 402.

*Syriæ amnibus.* Oronti, Euphrati. Sat. III, nota *Orontes*. In fluviis plurimum est momenti ad oppugnandam propugnandamve regionem.

168. *Rheno.* Rhenus, *le Rhin*, ingens fluvius, a Meridie ad Septentrionem fluens, inter Galliam et Germaniam.

*Istro.* Ister, sive Danubius, maximum Germaniæ flumen, *le Danube*.

169. *Hæc ætas.* Nempe provector.

*Ostia.* Ad ostium Tiberis

Mitte; sed in magna Legatum quære popina. 170  
 Invenies aliquo cum percussore jacentem  
 Permistum nautis, aut furibus, aut fugitivis;  
 Inter carnifices, et fabros sandapilarum,  
 Et resupinati cessantia tympana Galli.  
 AEqua ibi libertas, communia pocula, lectus 175  
 Non alius cuiquam, nec mensa remotior ulli.  
 Quid facias talem sortitus, Pontice, servum?  
 Nempe in Lucanos, aut Tusca ergastula mittas.  
 At vos, Trojugenæ, vobis ignoscitis, et quæ  
 Turpia cerdoni, Volesos, Brutosque decebunt. 180

*væneat. Quæris Legatum. Cæsar, qui bellum tuo nomine auspiciisque gerat, omitte urbem Ostiensem, noli eum ibi quærere; sed in aliqua Romæ caupona insigni, ubi hominem reperies mensæ accumbentem cum aliquo sicario in promiscua nautarum, servorum nequam, et latronum turba, cum carnificibus, ac sandapilarum fabris, cum Cybeles sacerdotibus in dorsum abjecto tympano temerè jacentibus ac sternentibus. Ibi omnes pariquidlibet faciendi libertate gaudent, iisdem utuntur scyphis, eodem in lecto accumbunt, neque est ulla mensa seorsum alicui, honoris ergo, posita. Quid servo faceres, Pontice, si talem nactus esses? Opinor eum amandares in Lucaniæ agros, vel Tuscæ, ut ibi vinctus compedibus, terram exerceret. At vos, o Romani nobiles, qui originem vestram a priscis illis Trojanis ductam ambitiosè venditatis, ea in vobis toleranda, immo laude censetis digna, quæ in mancipio jure plectanda ducetis, perinde quasi honestè fieri a Brutis Volesisque pos-*

condita olim urbs fuit cum portu. Porro in urbe Ostiensi vulgò morabantur Legati et Duces, quia inde navim cum exercitu conscendebant, bellum, quò jussisset Imperator, deportaturi.

170. *Legatum.* Is dicebatur in bello, qui præerat copiis, nomine Imperatoris, aut primarii alicujus Ducis, Lieutenant.

173. *Sandapilarum.* San-

dapila, plebeium et vile fere-  
 trum est.

174. *Galli.* Vidè append. cap. 2.

178. *Lucanos.* Lucania, pars est Italiæ extremæ, ad Meridiem, prope Calabriam.

*Tusca.* Tuscia, la Toscane, pars Italiæ mediæ, supra Romanum agrum.

*Ergastula.* Sat. VI, nota 102.

180. *Cerdoni.* Cordo, un-

Quid, si numquam adeo foedis, adeoque pudentis

Utimur exemplis, ut non pejora supersint?  
Consumptis opibus vocem, Damasippe, locasti  
Sipario, clamosum ageres ut phasma Catulli.

185 Laureolum velox etiam bene Lentulus egit,  
Judice me, dignus verâ cruce. Nec tamen ipsi  
Ignoscas populo: populi frons durior hujus,

*sent, quæ non sine probro a sutoribus veteramentariis admittuntur. Quid autem dicas aut quibus verbis deplorandos miserrimorum temporum mores inquinatissimos arbitreris, si præter illa, quæ hactenus commemoravi; tam tetra, tam indigna, restant alia nihilominus longè turpiora? Damasippus, re familiari per luxum et comessationes dilapidatâ, operam histrionibus et actoribus fabularum navat, certâ mercede constitutâ, ut in Catulli comedia, cui Phasma nomen est, partes agat. Video quid obijci mihi possit, nempe ipsum Lentulum egisse quoque personam Laureoli cum dignitate. Ille verò meâ sententiâ dignus fuit, qui veram in crucem ageretur. Neque tamen ipse quoque populus accusandus non est, qui adeo pudorem omnem exiit, ut ejusmodi spectaculis adesse, ac viros*

*savetier. Quilibet vilis opifex.*

*Volesos.* Illorum antiquissima familia fuit, e Sabinis oriunda.

*Brutos.* Brutus, primus Romæ Consul, ac libertatis vindex.

183. *Locasti.* Ut quæstum ex arte scenica faceres.

184. *Sipario.* Siparium, est velum sive aulæum, quo tegitur scena, quodque apud Romanos tamdiu depressum humi et complicatum jacebat, donec peracta esset fabula, vel donec scenæ ipsius apparatus, et ornatus theatri mutaretur: tunc enim erigebatur ab humo et tollebatur,

ut scenam tegeret, *la toile, le rideau.*

*Phasma.* Græca vox, *φάσμα*, spectrum.

185. *Laureolum.* Tragœdiæ sive comœdiæ nomen fuisse testis est Gellius, in qua Laureolus servus in crucem actus ob scelera, spectabatur.

*Velox.* Qui servi agilitatem et versutias strenuè representaret.

*Lentulus.* Nobilis Romanus, cujus majores bene multi Consulatum gessere. Gens illorum Cornelia.

186. *Verâ cruce.* Non ficta, in quam tolli finge batur in scena.

Qui sedet, et spectat triscurria patriciorum;  
 Planipedes audit Fabios, ridere postest qui  
 Mamercorum alapas: quanti sua funera vendant, 190  
 Quid refert? Vendunt nullo cogente Nerone,  
 Nec dubitant Celsi Prætoris vendere ludis.  
 Finge tamen gladios inde, atque hinc pulpita pone:  
 Quid satius? Mortem sic quisquam exhorruit, ut sit  
 Zelotypus Thymeles, stupidi collega Corynthis? 195

*nobilissimos scurrarum vilissimorum inepta dicta factaque imitantes, non dubitat intueri; Fabios indutos socco, et in theatro recitantes audire, Mamercos colaphis mulctatos, cum risu et plausu cernere sustinet: huc adde quod nobiles iidem descendunt in arenam, et vitam suam pretio addicunt. Magno, fateor, at quantumcumque illud pretium sit, nihilominus ad excusandum dedecus parum refert, siquidem sponte suâ, non, ut olim, coacti a Nerone gladiatoria ista certamina suscipiunt, idque palam, et in iis ludis quos Jubentius Celsus Prætor edit. Fac tamen ex una parte proponi tibi gladiatorum enses, ex altera histrionum theatra: utram artem potiore, utram alteri præferendam putas? Quis tanto mortis et arene metu afficitur, et ad eam evitandam agere malit in comœdia personam actoris qui ridicula zelotypia Thymeles laborare se fingat, et socium*

188. *Triscurria.* Facta valde scurrilia.

*Patriciorum.* Sat. I, nota

22.

189. *Planipedes.* Factum vocabulum ex *planus* et *pes*: significatque *servos*, aut *actores infimæ notæ*, qui planis sive nudis pedibus, sine cothurnis aut soccis, in theatro fabulas exhibebant.

*Fabios.* Sat II, nota *Paulos*, etc. Sat VI, nota 196, et *suprà*, nota 13.

190. *Mamercorum.* Pro nobilissimis quibuslibet ponuntur.

*Alapas.* *Servos*, quorum personam sustinebant. *Mamerci* in comœdiis, vapula-

re inflictâ in genas palmâ, moris est.

191. *Nerone.* Nero multos nobiles depugnare in arena jussit. *Sueton. Neron. cap. 12.*

192. *Celsi Prætoris.* *Jubentium* Celsum Præturam gessisse sub Trajano docet *Plinius, Epist. 5, Lib. VI.*

193. *Pulpita.* Loca in theatro editiora.

195. *Zelotypus, etc.* In comœdia quadam tunc per vagata, inducebatur actor zelotypia laborans, ut fit in ejusmodi comicis fabulis.

*Thymeles.* *Thymeles*, vel uxor, vel amica fuit Latini histrionis.

*Collega.* Dicuntur *Collegæ*



Res haud mira tamen, citharædo Principe, minus  
Nobilis. Hæc ultrà, quid erit nisi ludus? et illic  
Dedecus urbis habes: nec mirmillonis in armis,  
Nec clypeo Gracchum pugnantem, aut falce su-  
pinâ;

200 (Damnat enim tales habitus, et damnat et odit,)   
Nec galeâ frontem abscondit: movet ecce triden-  
tem,

Postquam vibratâ pendentia retia dextrâ  
Nequicquam effudit, nudum ad spectacula vultum  
Erigit, et totâ fugit agnoscendus arenâ.

205 Cedamus tunicæ, de faucibus aurea cum se

*ac rivalem habere vecordem illum Corynthem? Quamquam quid mirum nobiles histrioniam exercuisse, cum ipse Imperator citharædus foret? Quænam deinceps Romæ flore-  
bunt artes, nisi ludicræ et infames? Quid quod ars ipsa gladiatoria non sine insigni dedecore tractatur ab iisdem nobilibus Romanis. Prodit in arenam Gracchus non iis tectus armis, quibus mirmillones utuntur, videlicet parmâ, recurvo ense, galeâ; displicet enim ipsi apparatus iste et armatura: solo instructus est tridente ac reticulo, quod ubi frustra protendit explicuitque, ut adversarium comprehenderet, detecto vultu fugam arripit, et ore subrecto, ut facile agnoscî a spectatoribus possit, caveam omnem perambulat. Demus locum fugienti nobili, revereamur ipsius tunicam, et funiculum aureum, longo volumine pendentem*

qui eundem gerunt Magistratum, idem obeunt munus; sic vocat ironicè nobilem, qui actorem zelotypum representans, socium in eadem comœdia, vel in zelotypia, Corynthem haberet, ineptum histrionem.

196. *Citharædo principe.* Hæc in Neronem cadunt, qui Citharædos coluit impensè, ac ipse cantare in theatro non erubuit. Suet. cap. 10.

198. *Mirmillonis.* Vide Sat. II, not. 101.

199. *Gracchum pugnan-*

*tem.* Sic Juvenalis de Graccho loquitur Sat. II, v. 101. *Vicit et hoc monstrum tunicati fuscina Gracchi, lustravitque fugâ mediam gladiator arenam.* Vide quæ annotavimus ad hæc verba.

*Supina.* Vel incurva, vel ad plagam infligendam erecta.

203. *Spectacula.* Spectatores. Vel ipsa tabulata et mæniana, unde spectabat populus.

205. *Cedamus.* Gladiatores exercitati et victores ignoscere cogebantur ignavis et imperitis nobilibus; quos sæ-

Porrigat, et longo jactetur spira galero.  
 Ergo ignominiam graviolem pertulit omni  
 Vulnere, cum Graccho jussus pugnare secutor.  
 Libera si dentur populo suffragia, quis tam  
 Perditus, ut dubitet Senecam præferre Neroni; 210  
 Cujus supplicio non debuit una parari  
 Simia, nec serpens unus, nec culeus unus?

*e galero : evadat sanè incolumis, non sine dolore atque ignominia mirmillonis, qui coactus cum Graccho pugnare, videt illum sibi eripi, malletque gravissimam quamlibet plagam, quàm hoc dedecus, accepisse. Si detur hæc populo facultas, ut possit, quid sentiat, quos probet, libere aperire, an erit quisquam adeo scelestus, ut Senecam sine ulla dubitatione non anteponat Neroni, qui se tot parricidiis inquinavit, ut ad eum meritis mactandum pœnis unica simia, anguis unicus et culeus non sufficerent! Sanè Orestes, itidem, ut Nero, matrem interemit : sed dispar facinus*

pe servabat populus, vetans ne ab adversariis interficerentur.

*Tunicæ.* Tunica vestis erat interior, carens manicis, cui toga imponebatur.

206. *Spira.* Funiculus auro textus, et in spiram, id est, in orbem, convolutus, agitante vento.

*Galero.* Retiarius gerebat in capite pileolum desinentem in acuminem; ex quo hinc inde tæniæ pendebant, quæ sub mento colligatæ colubebant galerum, ne capite excideret, ventoque jactatæ fluitabant.

207. *Ignominiam.* Turpe est victum adversarium dimittere : cum ignavo pugnare, etc.

208. *Secutor.* Mirmillo, qui retiarius, jacto frustra reti, fugientem insequabatur. Suprà Sat. II, not. 101.

210. *Senecam.* Neronis præceptorem, virum optimum, cujus exstant scripta pleraque, homine Christiano non indigna.

211. *Cujus supplicio, etc.* Tot parricidiis inquinatus Nero non unum supplicium merebatur, sed multiplex.

212. *Simia.* Parricidæ apud Romanos hoc afficiebantur supplicio, ut in saccum e corio factum insuerentur cum simia, gallo gallinaceo, vipera et cane : tum in mare aut vicinum flumen, dejicerentur. Non unum parricidium Nero admisit. Agrippinam matrem, Octaviam et Antoniam sorores, nempe filias Claudii Cæsaris, a quo adoptatus erat : uxores duas Octaviam et Poppæam, Britannicum fratrem, etc. interfecit.

Par Agamemnonidæ crimen, sed causa facit rem  
Dissimilem: quippe ille Deis auctoribus, ultor

215 Patris erat cæsi media inter pocula: sed nec

Electræ jugulo se polluit, aut Spartani

Sanguine conjugii: nullis aconita propinquis

Miscuit: in scena numquam cantavit Orestes;

Troïca non scripsit. Quid enim Virginius armis

220 Debuit ulcisci magis, aut cum Vindice Galba?

Quid Nero tam sævâ, crudâque tyrannide fecit?

Hæc opera, atque hæ sunt generosi Principis artes,

*tamen est ob disparem causam. Orestes quippe patrem in convivio a Clytemnestra interfectum ulciscébatur, superis impellentibus et approbantibus: at nec sororis suæ Electræ, aut uxoris cæde manum commaculavit: non affines veneno sustulit, numquam in theatro cecinit, carmina de Trojæ excidio non composuit. Quid enim justius Virginium, Vindicem et Galbam excitare debuit ad pœnas de Nerone sumendas, quàm illa hominis vecordia, qui histrio, poëta, Citharædus esse non erubesceret? Quæris quodnam præclarum facinus ediderit Nero, toto illo tempore, quo imperium obtinuit, vel potiùs, quo diram tyrannidem exercuit? Cantavit in scena, saltavit, versus fecit: hæc sunt illustria maximi Principis facinora, hæc sunt illius artes;*

213. *Agamemnonidæ. Orestis* qui filius Agamemnonis et Clytemnestræ. Lege Sat. III.

215. *Media inter pocula.* Alii occisum Agamemnona in convivio, alii in balneo, aliter alii referunt.

216 *Electræ. Sororis suæ. Spartani conjugii.* Herminione, Menelai Regis Spartæ-filia, conjux Orestis fuit.

217. *Propinquis.* Nero Aulum Plaucium, Ruffinum, Crispinum, etc. propinquos occidit.

218. *Cantavit.* Suet. c. 20, 21.

219. *Troïca.* Nero, ut nar-

rat Eutropius, cum vellet Trojæ captæ et incensæ imaginem aliquam cernere, urbis Romæ maximam partem incendi jussit: ipse suavi spectaculo captus tragicam induit vestem, et versus de Trojæ excidio a se compositos cecinit.

*Virginius.* Virginius Rufus, Germanici exercitus Ductor, Julius Vindex, Galliæ Proprætor, Sergius Sulpitius Galba, Hispaniæ Præfectus, a Nerone desciverunt, eumque solio deturbarunt, illud in primis questi, quòd totius scenticis artibus deditus nihil dignum Principe cogitaret.

Gaudentis foedo peregrina ad pulpita saltu  
 Prostitui, Graejæque apium mernisse coronâ.  
 Majorum effigies habeant insignia vocis :  
 Ante pedes Domiti longum tu pone Thyestæ  
 Syrma, vel Antigones seu personam Menalippes ;  
 Et de marmoreo citharam suspende Colosso.

225

*cui nihil optatius erat, quàm in theatris exterarum gentium saltare indignum in morem, coronam ex apio in Græcorum certaminibus promereri, et Imperatoris Romani majestatem ludibrio turpiter exponere. Age, Nero, avorum tuorum imagines exorna illis præmiis, quæ ob canoram vocem es consequutus : ante Domitii simulacrum depone vestem theatralem, aut larvam, quâ indutus partes Thyestæ, Antigones vel Menalippes egisti : ex illa Augusti statud ingenti marmoreâ suspendi citharam jube. Quis illustriori*

223. *Pulpita.* Suprà, not. 193.

224. *Prostitui.* Se spectandum et ridendum in theatro proponere.

*Apium.* Quatuor certamina publica erant apud Græcos celeberrima. *Olympica* in honorem Jovis instituta : in iis donabantur victores coronâ ex oleastro : *Pythia*, in honorem Apollinis ; corona dabatur victoribus ex lauro : *Isthmia*, in honorem Palæmonis seu Melicertæ ; corona ex pinu erat confecta : *Nemæa*, in honorem Herculis qui leonem in Nemæa sylva interfecerat ; vel Archemori, filii Lycurgi : victores coronabantur apio, *de l'ache*, herbâ quâdam. In istis certaminibus Nero præmium sæpè retulit. Immo e Græcia quondam rediens, eodem in vectus est Romam curru, quo Augustus olim triumphaverat, e coronas a se relatas gestans.

225. *Insignia vocis.* Monimenta victorie ob cantum re-

latæ. Solebant hostium spolia, et rerum bene gestarum præmia deponere ad statuas avorum.

226. *Domiti.* Pater Neronis, itemque ejus avus vocabatur *Domitius Nero*.

*Thyestæ.* Thyestes filius Pelopis, nepos Tantali, frater Atrei : cujus uxorem cum temerasset, Atreus interfectos Thyestæ filios patri epulandos apposuit ; hinc natæ complures tragædiæ.

227. *Syrma.* Sic vocatur vestis ad pedes longè promissa et ampla, quâ utebantur actores fabularum.

*Antigones.* OEdipi filiæ, quæ patri suo excæcato ducem se præbuit.

*Menalippes.* Fuit Antiopes Amazonum Reginæ, soror, ab Hercule, in bello quodcum Amazonibus gessit, capta. Celebre tunc argumentum tragædiarum.

228. *Colosso.* Colossus vocatur statua quælibet major.



Quis, Catilina, tuis natalibus, atque Cethegi  
 230 Inveniet quicquam sublimius? Arma tamen vos  
 Nocturna, et flammæ domibus, templisque pa-  
 rastis,

Ut Braccatorum pueri, Senonumque minores;  
 Ausi quod liceat tunicâ punire molestâ.

Sed vigilat consul, vexillaque vestra coërcet.

235 Hic novus Arpinas ignobilis, et modò Romæ  
 Municipalis Eques galeatum ponit ubique

*loco natus fuit quàm Catilina, quàm Cethegus? Illi tamen sumptis in patriam armis, civium ædes ac Deorum templâ nocturnis facibus incendere, Gallorum exemplo, tentaverunt. Dignum certè facinus, quod tunicâ molestâ gravissimisque suppliciis meritò plecteretur. At vigilantissimus Consul nefarias cõitiones vestras et arma impia reprimit. Hic ille homo novus et nullâ majorum nobilitate spectatus, oriundus Arpino et in Equestrem ordinem, ex illo ignobili*

Hoc in versu intelligitur Augusti statua, cui Nero jussit appendi citharam ad se a iudicibus inter cantantes constitutis, ut victori, allatam.

232. *Braccatorum.* Galli Narbonensis provinciæ ad mare Mediterraneum positi, vocati sunt olim *Braccati*, seu *Gallia Braccata*, a *Braccis*, seu *femoralibus*, quibus tunc utebantur. *Pueri Braccatorum*, locutio est Græca, pro *Braccati Galli*.

*Senonum.* Senones in Gallia, circa Rhodanum et Ararim: illi Braccatis Gallis juncti, cum Italiam invasisent, Romanos ad fluvium Alliam ingenti clade affecerunt; ipsam urbem victores ingressi, eam incenderunt. Capitolium ne caperent, obstitit Camillus, qui pulsos Româ subinde funditus delevit.

*Minores.* Posterius, nepotes.

233. *Tunicâ molestâ.* Vestis

erat e charta, cannabe, stuppa, illinebatur bitumine, resinâ, pice; tum circumdabatur iis qui grave quidpiam et maxime incendia moliti fuerant: quâ demum incensâ vivi comburebantur. Vid. Sat. I, not. *Tæda lucebis.*

234. *Sed vigilat, etc.* Opponit ignobilem Consulem, improbis nobilibus: vos patriam perdere voluistis; ille servavit.

*Vexillaque.* Vexilla erant cohortes divisæ in Centurias et harum singulis sua erant vexilla. Vegetius, lib. 2.

235. *Novus.* Homines novos *Romani appellabant*, qui nulla majorum dignitate insignes, suam sibi nobilitatem debebant.

*Arpinas.* Arpinum oppidum Italiæ fuit, in Volscis: patria Tullii.

237. *Municipalis.* Municipia dicebantur Italiæ civitates Præsidium



Præsidium attonitis, et in omni gente laborat.  
 Tantum igitur muros intra toga contulit illi  
 Nominis et tituli, quantum non Leucade, quantum  
 Thessaliæ campis Octavius abstulit udo 240  
 Cædibus assiduis gladio : sed Roma parentem;  
 Roma patrem patriæ Ciceronem libera dixit.  
 Arpinas alius Volscorum in monte solebat  
 Poscere mercedes alieno lassus aratro : 245  
 Nodosam post hæc frangebatur vertice vitem,  
 Si lentus pigrâ muniret castra dolabrâ

*municipio non ita pridem evectus, præsidia militum collocat in omni urbis parte, contra vestros impetus, timorem incutit sceleratis, confirmat probos, auxiliumque ad tuendam patriam ex omnibus populis accersit. Quomobrem tantum in urbe ac pace gloriam est consequutus, quantum adeptus Augustus non est in pugnis ad Actium aut Philippos commissis, et Romano sanguine tam liberaliter effuso. Roma in libertatem vindicata per Tullium, ipsi præclarum patris patriæ nomen arrogavit. Alter civis egregius, ex eodem ortus Arpino, alienum agrum arare mercede conductus in Volscorum montibus consueverat, ac duro in labore primam ætatem transigere: mox amplexus militiam extruendo castrorum vallo cum gregariis militibus et fabris operam navans, vapulabat a Centurione, impactâ capiti e sarmento virgâ, si operi segnius incumberet. Idem ille tamen*

tes, quarum incolæ suis legibus utebantur, et eadem quæ Romani cives munia, id est, Magistratus eosdem et honores capere poterant Romæ.

239. *Leucade.* Leucas, nunc *Sancta Maura*, insula est ad oram occidentalem Epiri, prope Actium promontorium, ubi navali prælio Antonium et Cleopatram Augustus vicit.

240. *Thessaliæ, etc.* In campis Philippicis, prope Philippas urbem Thessaliæ,

ubi Octavius Brutum et Cassium profligavit.

243. *Libera.* Catilinarie conjurationis metu periculoque liberata.

243. *Alius.* Marius : de quo plura vide, Sat. X, n. 264.

*Volscorum.* Volsci, populus antiquæ Italiæ.

244. *Mercedes.* Stipendium et pretium pro agro arato.

245. *Vertice.* In suo vertice. Adeo graviter Marius cædebatur, ut vitis seu virga Centurionis e sarmento, pro more, confecta, rumperetur in humeris et capite Marii.

Hic tamen et Cimbros, et summa pericula rerum  
 Excipit, et solus trepidantem protegit urbem:  
 Atque idèd postquam ad Cimbros, stragemque  
 volabant,

- 250 Qui nunquam attigerant majora cadavera, corvi;  
 Nobilis ornatur lauro collega secundâ.  
 Plebeia Deciorum animæ, plebeia fuerunt

*unus ingruentibus Cimbris objecit se se, ac Romanam rem in summum timorem periculumque adductam sustentavit. Eam ob rem postquam Cimbrorum cæde et sanguine satii sunt corvi, nunquam alias tantis tamque proceris cadaveribus pasti; Q. Catulus Marii collega, licet nobilis, secundas in triumpho ac victoriæ gloria partes tulit. Plebeii fuere Decii pater et filius, atque infimo loco nati; ni-*

247. *Cimbros.* Germaniæ populum qui effusus in Italian anno U. C. 652, cum Teutonibus et Ambronibus, eam oppressurus videbatur. Creatus est quartum Consul Marius, adjuncto ipsi collega Q. Lutatius Catulo: in Gallias profectus eodem anno Teutonas debellavit ad Aquas Sextias: verum quia Cimbris in Italia par Catulus non erat, ad hunc anno insequente advolat, Cimbros ad Vercellas debellat, cædit ex illis centum quadraginta millia, sexaginta millia capit etc. cumque ipsi soli triumphus esset oblatas, voluit ejus participem esse Catulum, licet Mario laus primaria victoriæ tribueretur. *Actum erat,* inquit Florus, Lib. III, cap. 3, nisi Marius illi seculo contigisset.

250. *Majora cadavera.* Germanorum procerâ moles celebratur apud Historicos ejus ævi.

251. *Nobilis ornatur lauro collega secundâ.* Q. Lutatius Catulus ipse nobilis Marii Collega secundo tantum loco triumphat, Marius verò licet novus homo primas tulit. Nam et præcipuam rei gestæ gloriam Mario attributam, referunt Livius et Plutarchus: adeo ut primores civitatis qui prius ut novo homini tantos honores inviderant, conservatam ab eo Rempublicam faterentur et prædicarent.

252. *Deciorum.* Anno U. C. 414, bellum grave Romanos inter et Latinos exarsit. Consulatum gerebant Titus Manlius Torquatus, et Publius Decius Mus. Ille filium quod injussus vicisset, securi percussit: hic in somnis admonitus eam partem bello superiorem fore, cujus Dux se Diis Manibus deberet obiretque mortem pro patria, incitato in hostes equo fortiter occubuit, et victoriam Romanis peperit. Sub

Nomina : pro totis legionibus hi tamen, et pro  
Omnibus auxiliis, atque omni pube Latinâ  
Sufficiunt Dis infernis, terræque parenti. 255  
Pluris enim Decii, quam qui servantur ab illis.  
Ancillâ natus trabeam, et diadema Quirini,  
Et fascēs meruit Regum ultimus ille bonorum.  
Prodita laxabant portarum claustra tyrannis  
Exsulis juvenes ipsius Consulis, et quos 260

*hilominus illi duo suffecerunt ad placandam Tellurem et Deos inferorum iratos Romano exercitui, auxiliaribus ejus copiis et omni Latino populo. Isti quippe duo pluris erant æstimandi, quam Romani ceteri, qui ab imminente exitio illorum pietate ac fortitudine sunt liberati. Qui nostros inter Reges probos justosque extremo loco regnum obtinuit, ille quamvis ancillâ genitus foret, ad hanc tamen summam potestatem est evectus, et regie dignitatis insignibus, quæ Romulus suis successoribus habenda transmiserat, trabeâ, fascibus, coronâ, meruit ornari. Tarquinius patri ac filio Româ pulsus, et in exsilium ejectis, ejusdem Romæ portas aperire, ac patriam prodere statuerant ipsius Bruti, primi omnium Consulis, adolescentes filii, quos profectò decuisset egregium aliquid potius moliri, pro asserenda liber-*

255. *Dis infernis; terræque.* Ideo se devovebant ut his veluti piacularibus hostiis placati Dii inferi, ceteris parcerent; nec alios raperet ad se terra, quæ mortuos sinu veluti suo complectitur, ac devorat.

257. *Ancilla natus.* Servius Tullius Romanorum Rex sextus, quem excepit Tarquinius Superbus, ignobilis et obscuro loco natus, matre serva.

*Trabeam.* Vestem regiam, albis plâgulis ornata, tribum instar, assutis purpuræ. Eadem Consules Romani utebantur. Augurum trabea hoc habebat peculiare, quod trabes illæ seu frusta insuta, essent coccinea.

*Quirini.* Sat. III, not. 60, et not. *Quirine.*

258. *Rerum ultimus, etc.* Post Servium quidem Tullium regnavit Tarquinius Superbus, at inter bonos Reges haud quaquam numerandus.

260. *Exsulis.* Tarquinio Superbo, ejusque assecclis, qui Româ pulsi ad Porsennam Regem Etruscorum per fugerunt.

*Juvenes.* Titus et Tiberius.

Magnum aliquid dubiâ pro libertate deceret,  
Quod miraretur cum Coclite Mutius, et quæ  
Imperii fines Tiberinum virgo nâvit.

Occulta ad patres produxit crimina servus

265 Matronis lugendus : at illos verbera jastis

Afficiunt poenis, et legum prima securis.

Malo pater tibi sit Thersites, dummodo tu sis

tate publica nondum satis bene constituta, et egregii facinoris quidpiam edere, quod mirari atque adeo imitari possent Mutius Scævola, Horatius Cocles et Clælia, quæ in Tiberim fluvium, tunc Imperii Romani limitem, se immittere non dubitavit. Conjuratorem sceleratam et arcana filiorum Bruti consilia Senatoribus aperuit servus cujus obitum matronæ Romanæ publico locu prosequi ob servatam patriam meritò debuerunt : interim nobiles illi patriæ proditores meritò mactati pœnâ, cæduntur virgis et securi feriuntur : quod supplicium ceterarum legum deinde conditarum initium et occasio extitit. Satiùs esset genitum esse te Thersitâ, modò esses Achilli par, et arma inducere ac

262. *Coclite.* Horatius miles Romanus, ob amissum in pugna oculum *Cocles* dictus, Porsennæ aciem a Sublicii pontis ingressu tamdiu prohibuit, donec pons a tergo abrumperetur. Ipse postmodum in Tiberim se projiciens, ad suos enavit.

*Mutius.* Caius Mutius Cordus, propter ambustam sinistram, *Scævola* nuncupatus. Ille in Porsennæ Romam obsidentis castra penetravit, ibi pro Rege, quem petebat, aulicum sive satellitem interfecit : mox dextram, erroris quasi ream, ardenti, qui ibi fortè aderat, foculo, seu arule iniecit. Porsenna Romanam fortitudinem demiratus, acceptis obsidibus recessit, obsidionemquæ solvit.

Et quæ, etc. Clælia quædam, virgo Romana, data

Porsennæ fuerat inter obsides. Elusis custodibus equum arripuit, trajectoque Tiberi se Romam incolumis recepit.

264. *Servus.* Vindicium fuisse dictum narrat Livius, Lib. II, c. 5.

265. *Lugendus matronis.* Vel dignus cujus fides etiam post mortem laudaretur, eo quod fuisset auctor liberandæ patriæ, ut explicui; vel, dignus cujus calamitas lugeretur, quippe quem Brutus, [ita enim scribit vetus scholiastes] ut conservatorem patriæ munimisit; at tamquam delatorem dominorum cruci affixit : quod factum matronæ planxerunt.

*Illos.* Bruti filios ceterosque conjuratos. Virgil. VI Æneid. v. 317.

266. *Securis legum prima.*



Æacidæ similis, Vulcaniaque arma capessas;  
 Quàm te Thersitæ similem producat Achilles.  
 Et tamen ut longè repetas, longèque revolvās  
 Nomen, ab infami gentem deducis asylo. 270  
 Majorum primus quisquis fuit ille tuorum,  
 Aut pastor fuit, aut illud quod dicere nolo.

*tractare posses ab ipso Vulcano fabricata, quàm te Achille natum, et Thersite similem esse: quavis tamen, o nobilis Romane, quisquis es, generis tui originem longissimè repetas, et ad ipsa Romæ incunabula recurras, oriundum te esse constabit ab illa perditorum hominum sæce, qui Romam, tamquam ad asylum perfugiumque facinorosis a Romulo apertum, se receperunt. Quicunque principem obtinet locum in longa illa tuorum majorum serie, a te pastor extitit, aut aliquid pejus, quod præ pudore ac verecundia reticeo.*

Ante leges conditas Romani securim ad plectendos fontes adhibebant. Securis, sive iusta, quæ per securim infligitur pœna, dici potest prima omnium lex, id est, potentissima et efficacissima, quia metus pœne plus valet ad homines in officio continendos, quàm lex ulla.

267. *Thersites.* Græcus quidam fuit insigni deformitate et ignaviâ, quem Homerus describit, Lib. II; Iliad.

268. *Æacidæ.* Achilles Æaci nepos fuit. Æacus Jovis filius et Pelei pater. In Ægina insula, e regione Atticæ sita, regnavit ac justitiæ laude præstitit, ob quam dicitur a Poëtis *judex inferorum* unicum Minos ac Rhadamantho constitutus esse.

*Vulcania.* Vulcanus a Thetide rogatus, arma Achilli fabricavit.

269. *Achilles.* Sat. I, nota 148.

271. *Gentes.* Scæpe vox illa sumitur pro domo, quæ in varias familias dividitur: sic gens Æmilia complectebatur familias Mamercorum, Scaurorum, Lepidorum, etc. Vide Sat. V, nota 127.

*Asylo.* Romulus, cum Romam à se conditam frequentare civibus vellet, edixit ut quisquis in eam se reciperet, tutus ab inimicis et pœnæ ob scelera committæ expers, ac securus esset.

273. *Pastor fuit.* Collegit enim primò pastores Romulus et ipse pastor; atque adolescens inter pastores latrocinatus, Eutropio teste, initio Libri primi.

*Illud quod dicere nolo.* Præ pudore et verecundia: nihil enim sicarius, parricida, latro, raptor, spurius, sacrilegus, etc. nam ex ejusmodi hominum colluvie conflatus est initio Populus Romanus. Jam ex Eutropio Romulum



latronem diximus, fratri-  
dam omnes referunt; spu-  
rium satis indicant tum alii,  
cum Dionys. Halycarn. Lib.  
II, ubi ait Remum quidem ac  
Romulum per matrem ab AE-

nea ortos; at de patre eorum  
nihil esse certi. Adde incestuo-  
sam eorum matrem Iliam; et  
raptos Sabinarum virginum  
Romanos.

## S A T I R A IX.

### ARGUMENTUM ET SYNOPSIS.

*Nævolum quemdam inducit de patroni sui ava-  
ritia, et flagitiis conquerentem.*

SCIRE velim quare toties mihi, Nævole, tristis,  
Occurras fronte obductâ, ceu Marsya victus?  
Non erat hac facie miserabilior Crepereius  
Pollio, qui triplicem usuram prestare paratus  
5 Circuit, et fatuos non invenit. Unde repente  
Tot rugæ? Certè modico contentus agebas  
Vernam Equitem, conviva jocò mordentè facetus,

**D**ico, amabo, mi Nævole, quid causæ est cur toties  
mæstum te videam, et dejectâ contractâque fronte, ins-  
tar Marsyæ ab Apolline superati? Non est horridior vul-  
tus Pollionis Crepereii; cum aliquem anxie quæritans a  
quo mutuam accipere pecuniam possit, promittensque se  
redditurum usuram triplo majorem solitâ, neminem reperit  
adeo stultum, ut mutuos ipsi dare nummos velit. Quid sibi  
tot rugæ volunt? Utique hæcenus parvò contentus vicisti,

2. *Marsya.* Pastor Phrygius  
qui cum Apollinem provocare  
in certamen de canendi glo-  
ria non dubitasset, victus ab  
illo, et vivus pelle spoliatus  
est.

4. *Triplicem usuram.* Usu-  
ra est pretium quoddam et  
merces pecuniæ mutuo datæ.

5. *Fatuos non invenit.* No-  
runt enim omnes eum nihil  
persoluturum; nihil redditu-  
rum.

*Undè repente tot rugæ?*  
Undè repentina tibi, Nævole,  
hæc tristitia?

7. *Vernam equitem.* Servi  
duplicis sunt generis; alii di-

Et salibus vehemens intra pomœria natis.  
 Omnia nunc contra: vultus gravis, horrida sicca  
 Sylva comæ; nullus totâ nitor in cute; qualem 10  
 Præstabat calidi circumlita fascia visci;  
 Sed fruticante pilo neglecta, et squalida crura.  
 Quid macies ægri veteris, quem tempore longo  
 Torret quarta dies, olimque domestica febris?  
 Deprendas animi tormenta latentis in ægro 15  
 Corpore, deprandas et gaudia: sumit utrumque  
 Inde habitum facies. Igitur flexisse videris  
 Propositum, et vitæ contrarius ire priori.

*ut Eques Romæ natus: intereras convivis, hilaritate multa, et falsam dicacitatem honestâ urbanitate, qualem usurpant cives, amœnissimè condiebas. At nunc nihil horum, immo in contrariam partem versa omnia: tetrica frons, impexa cæsaries; cutis non lævis et nitida, qualem efficiebas admotis fasciis calido visco illitis, sed crura pilis sylvescentibus hirsuta et aspera. Unde ista tua macies, qualem cernere est in ægrotis quartanâ febris, et molestâ hospite, diu conflictatis? In mœsto vultu et languido corpore prodit se animus æger atque apparet: ut sanus et valens, in ore læto vegetoque corpore conspicitur. Diversis ille mœroris aut lætitiæ in vultu color, ab animi diversâ constitutione proficiscitur. Itaque videris mutasse institutum vivendi, et aliud priori oppositum iniisse. Nuper enim,*

cuntur propriè servi, qui aut bello capti, aut ære comparati servitutem serviunt; alii vernæ, qui ex serva matre nascuntur domi: erant illi ob dicacitatem et vafritiem vulgò insignes. Equites vernas hic vocat Equites Romæ natos ex Equitibus, non ex Asia advectos, ut jocatur Satira VII, nota 14, vel filios alijus Equitis ex ancilla susceptos.

8. *Pomœria.* Pomœrium vocatur illud spatium vacuum, quod est pone urbis mœnia,

quasi post mœnium, item illud spatium, quod inter muros et ipsas domos interjacet. Sales igitur intra pomœria nati, sunt urbani et minimè agrestes joci.

9. *Siccæ.* Non perfusæ unguentis.

11. *Fascia visci.* Pannos calido visco illinebant; et admovebant pelli, quam nudare pilis vellent.

15. *Deprehendas animi,* etc. Istâ tuæ corporis ægritudo nascitur ex animi quodam dolore.

Nuper enim ( ut repeto ) fanum Isidis , et Gany-  
medem

- 20 Pacis , et advectæ secreta palatia Matris ,  
Notior Aufidio Chio , celebrare solebas.  
Utile et hoc multis vitæ genus , at mihi nullum  
Inde operæ pretium , pingues aliquando lacernas ,  
Munimenta togæ , duri crassique coloris ,  
25 Et malè percussas textoris pectine Galli .  
Accipimus , tenue argentum , venæque secundæ.  
Quod tamen ulterius monstrum , quàm mollis  
avarus ?

*si bene commemini , frequentius quàm Aufidius ille Chius ,  
conspiciebaris in Isidis templo , in æde Pacis , ubi statua  
Ganymedis visitur ; in Cybeles , cujus signum e Græcia  
Romam est advectum delubro , ubi arcana mysteria per-  
aguntur . Sic est , ut dicis ; et quin ex hoc vitæ instituto ,  
quod hactenus sequutus sum , magnæ capiantur a plurimis  
utilitates non diffiteor : mihi nullum fructum affert , nisi  
fortè quodd interdum viles lacernas crassi fili , coloris fuscæ ,  
et a Gallico textore male confectas , quibus togam utcum-  
que tueor atque conservo , patronus ingratus , tamquam  
ingens munus , mihi donat , itemque pauculos nummos deter-  
rioris argenti . Quid hac hominis impuri et ingrati avaritiâ  
turpius , quid monstri similis est ? Hæc largitus , inquit ,*

19. *Ut repeto.* Quantam  
memini , repetens animo.

*Isidis.* Sat. V , nota 351 ,  
et nota 385.

*Ganymedem.* Sat. V , v. 59.

20. *Matris.* Simulacrum  
Cybeles è Phrygia Romam  
deportatum olim fuerat : Ejus-  
dem templum visebatur in  
Palatio , qui unus e septem  
Romanis collibus. Sat. II ,  
nota 81.

21. *Aufidio.* Nebulone tunc  
famoso.

23. *Lucernas.* Lucerna  
vestis erat crassior , contra  
frigus et pluviam comparata.

Pingues appellat , id est , tri-  
tas usu , rudes.

25. *Pectine.* Pecten , lignum  
est oblongum instar pectinis ,  
quo textores utuntur ad in-  
serendum subtemen stamini ;  
utque compactior densiorque  
tela sit , sæpius eo pectine  
percutiunt subtemen , illud-  
que stipant et stamini arctius  
implicant , quod contra fit in  
panno laxiore , ac negligenter  
texto.

26. *Venæ secundæ.* Metalla  
quasi per sulcos et venas di-  
gesta , in fodinis reperiun-  
tur : prima vena ditior est ac  
notæ melioris.

Hæc tribui, deinde illa dedi, mox plura tulisti.  
 Computat, atque cavet: ponatur calculus; adsint  
 Cum tabula pueri; numera sestertia quinque 30  
 Omnibus in rebus; numerentur deinde labores:  
 En cui tu viridem umbellam, cui succina mittas  
 Grandia, natalis quoties redit, aut madidum ver  
 Incipit; et stratâ positus, longâque cathedrâ,  
 Munera foemineis tractat secreta Calendis. 35  
 Dic, passer, cui tot montes, tot prædia servas  
 Appula, tot milvos intra tua pascua lassos?  
 Te Trifolinus ager foecundis vitibus implet,

*tibi sum, deinde illa donavi, addidi alia complura: sic numerum et rationes donorum suorum subeludit, ac ne decipiatur cavet. Date calculos, exclamat, prodeant servi cum rationum libris. In me verò moræ nihil erit quominus omnia quæ a te accepi, singillatim numerentur; quod si fiat, redibunt cuncta denique ad summam quinque sestertiorum. Quid? si ego vicissim numerare velim labores quos tuâ causâ suscepi? En patronum, o Juvenalis, quem hactenus colui. Hunc cecine adeo ingratum et sordidum hominem, dignum putes, cui mittatur umbella, et ingentia succina, quoties recurrente certâ per annum die natalem suum celebrabit? Aut cum ineunte vere collocatus in eleganti sella, sumet in manus et recognoscet munera quæ seposuit, sibi missa Martiis Calendis, quas foeminae sacras imprimis habent. Dic agedum, homo effœminate, cuinam reservas tot montes, tot in Apulia fundos, saltus tam latè patentes, ut iis obeundis ipsi milvi defatigentur? Vites feracissimas in agro Trifolino possides, itemque in Miseno monte, qui*

30. Cum tabula. Abaco, ubi computet.

32. Umbellam. Gall. un parasol.

Succina. Sat. VI, not. 425.

33. Madidum ver. Intelligit Calendas Martias, quo tempore incipit ver, et frequentiores sunt pluviae. Tunc munera mulieribus mittebantur ab amicis, sicut Saturnalibus Decembri mense, mittebantur viris.

34. Stratâ positus longaque cathedrâ. Cervicalibus et tapetibus instratâ, ad excipiendum inde donatores et dona ex instituta consuetudine.

36. Passer. Passeres aviculæ sunt pigræ, inutiles, et fallaces.

37. Appula. Apulia regio Italiae, la Pouille, altera Daunia vocatur, altera Peucetia. Sat. IV, nota 27.

38. Trifolinus ager. Hic



Suspectumque jugum Cumis, et Gaurus inanis.

40 Nam quis plura linit victuro dolia musto?

Quantum erat exhausti obsequium donare clientis  
Jugeribus paucis? Meliusne hic rusticus infans

Cum matre, et casulis, et cum lusore catello

Cymbala pulsantis legatum fiet amici?

45 Improbis es, cum poscis, ais: sed pensio clamat,

Posce; sed appellat puer unicus, ut Polyphemi  
Lata acies, per quam solers evasit Ulysses.

Alter emendus erit; namque hic non sufficit, ambo  
Pascendi. Quid agam brumâ spirantē? quid, oro?

*Cumis infra positus imminet, necnon in Gauro, qui post vindemiam a te factam, vacuus et inanis manet. Ecquis plures cados implet recenti vino, ad multas abhinc ætates servando? Quam nullo tuo incommodo poteras donare miserum clientem tuum, et ejus obsequia munerari aliquid tot agrorum tuorum particulâ? Num putas facturum te justius; si villam hanc integram, cum rusticanis pueris eorum matre et crepundiis, testamento legaveris amico cuidam tuo, Cybeles sacerdoti? Nimis molestè ac pertinaciter postulas, inquis. Sed cogit me necessitas solvendi annui pro conductâ domopretii: cogit servulus ac minister, quem unicum habeo, ut Polyphemus ille, oculum unum, quo effosso Ulysses incolumis effugit. Facere non possum quin alterum puerum emam, unus quippe satis mihi non est: uterque alendus erit: Quid faciam cum hyems ingruet? Quid suades, inquam? Quid respondebo mancipiis meis, humeros nudos*

ager prope Neapolim, hodie Monte di S. Martino est præcipuæ fertilitatis: sic dictus ab herba trifolio, *du trefle*, quæ plurima in eo nascitur.

39. *Suspectum jugum.* Suspicimus quæ supra nos sunt; despiciamus, quæ infra. Misenum Promontorium Cumis proximum et imminens, intelligit.

*Cumis.* Sat. III, nota 2.

*Gaurus.* Mons Campaniæ Italiæ, prope Putcolos, Baias, et Avernum lacum.

40. *Linit dolia.* Claudebant dolia pice et subere.

44. *Cymbala pulsantis.* Cybeles sacrificuli tympana pulsabant.

46. *Pensio.* Pretium est locationis domus, agri, etc.

47. *Per quam, etc.* Effossi Polyphemi oculo patuit Ulyssis exitus ex ejus antro. Polyphemus minimè perisset si duos habuisset oculos: ita Dominus tutior est qui duos habet servos.



Quid dicam scapulis servorum, mense Decembri, 51  
 Et pedibus? Durate, atque exspectate cicadas?  
 Scis certè quibus ista modis, quàm sæpe, rogarim :  
 Et quæ pollicitus fueris mihi. Justa doloris,  
 Nævole, causa tui. Contra tamen iste quid affert?  
 Negligit, atque alium bipedem sibi quærit asellum. 55  
 Hæc soli commissa tibi celare memento,  
 Et tacitus nostras intra te fige querelas.  
 Nam res mortifera est inimicus pumice lævis:  
 Qui modò secretum commiserat, ardet, et odit;  
 Tamquam prodiderim quicquid scio: sumere 60  
 ferrum,  
 Fuste aperire caput, candelam apponere valvis  
 Non dubitat. Nec contemnes, aut despicias, quòd  
 His opibus numquam cara est annona veneni.

*ac pedes Decembri mense ostendentibus? An rogabo ut  
 perferre frigus pergant, donec æstatem rediisse testentur  
 cicadæ? Nosti profecto quàm enixè, quàm crebro hæc a  
 te flagitaverim; et quid mihi vicissim promiseris. Jure ac  
 merito de tam avaro patrono quereris, o Nævole. Age  
 porro, quid istis querelis respondet? Eas verò illè nihil  
 curat: ac, si pergam acrius instare, adsciscet, me pulso  
 alium clientem æquè bardum ac stupidum, atque ego sum.  
 At tu, o Juvenalis, vide, quæso, nè meas ejusmodi, quas  
 tibi soli aperio, querelas, cuiquam prodas: illas imò in  
 pectore tacitus serva. Capitales enim et pestiferas gerunt  
 inimicitias isti molles, et effæminati patroni. Quid mihi paulò  
 antè arcana sua credere non dubitaverat, idem, oborta  
 levi suspitione, æstudbit, odio in me inflammabitur; quasi  
 secretum mihi ab ipso commissum evulgaverim, stringet in  
 me ferrum improbus, caput baculo comminuet, ignem fo-  
 ribus meæ domûs apponet. Neque verò nihil credas periculi  
 ab avaro imminere: cùm opibus affluat, suppetet illi faciliè  
 unde venenum paret, necemque mihi moliatur. Memineris*

51. Cicadas. Æstate can-  
 titant.

58. Pumice lævis. Pumex  
 lapis est siccus et multis lo-  
 cis pertusus, quo utebantur  
 ad pilos cuti eximendos.

62. Despicias. Tamquam  
 avarus ille numquam sumptum  
 esset facturûs; ad invisum  
 clientem interficiendum exi-  
 guo sumptu venenum parabit.

Ergo occulta teges, ut curia Martis Athenis.

- 65 O Corydón, Corydon, secretum divitis ullum  
Esse putas? Servi ut taceant, jumenta loquentur,  
Et canis, et postes, et marmora. Claude fenestras,  
Vela tegant rimas, junge ostia, tollito lumen  
E medio; clament omnes, prope nemo recumbat:  
70 Quod tamen ad cantum galli facit ille secundi,  
Proximus ante diem caupo sciet: audiet et quæ  
Finxerunt pariter librarius, archimagiri,  
Carptores. Quod enim dubitant componere  
crimen

In dominos, quoties rumoribus ulciscuntur

- 75 Baltea? Nec deerit qui te per compita quærat

igitur hæc nostra non minori celare fide, quam Areopagitæ sua senatusconsulta. Næ tu homo rusticè simplex, ac bonus es! Nævole, qui credas arcani aliquid in divitum domibus esse posse. Quamvis mancipia sileant, jumenta vocem mittent, et canes et parietes muti loquentur. Fenestras occlude, rimas omnes oppositis velis obtura, valvas obsera, lumen remove, obstrepant sexcenti homines clamoribus inconditis; arbitris locus vacet; nihilominus quidquid improbus intempesta nocte, antequam gallus iterum occinat, facit hoc vicinus, priusquam illuxerit, Caupo resciet: idem audiet narrari apud se quidquid finxerint librarius, primarii coqui, et præfecti struendæ mensæ. Quam enim de suis heris fabulam, quam cantilenam comminisci atque consuere non audent servi, quos de illis rumores disseminare dubitant, cum loris balteorum cæsi dolorem suum et verbera ulcisci meditantur? Erit etiam qui te per compita urbis quærat, et audire ista invitum cogat, multoque vino

64. Curia Martis. Senatus Atheniensis habebatur in colle ac templo Marti sacro. Eam ob causam Areopagus vocabatur. Ἀρεῖος, Ἀρεῖος, Mars; ὄρος, collis, cli-vus. Ibi noctu et silentio causæ expendebantur, ac ferebantur scripto ab Areopagitis sententiæ.

71. Caupo. In cauponis gar-ruli, et congerrones multi.

72. Librarius. Gall. l'é-conome.

Archimagiri. Primarii co-qui.

73. Carptores. Qui cibos carpunt, dissecant, Ecuyers tranchants.

75. Baltea. Plagas inflictas loris, quibus appensi lateri-enses gestantur, et quibus heri sæpe pro scuticis ute-bantur ad cædendos seruos.

Nolentem, et miseram vinosus inebriet aurem.  
 Illos ergo roges quicquid paulò antè petebas  
 A nobis, taceant illi; sed prodere malunt  
 Arcanum, quàm subrepti potare falerni,  
 Pro populo faciens quantum Laufella bihebat. 80  
 Vivendum rectè cùm propter plurima, tunc his  
 Præcipuè causis, ut linguas mancipiorum  
 Contemnas: nam lingua mali pars pessima servi.  
 Deterior tamen hic, qui liber non erit illis,  
 Quorum animas et farre suo custodit, et ære. 85  
 Idcirco ut possim linguam contemnere servi,  
 Utile consilium modò, sed commune dedisti:  
 Nunc mihi quid suades post damnum temporis,  
 et spes  
 Deceptas? Festinat enim decurrere velox

*prolutus, improba loquacitate aures tibi obtundat. Ab his igitur postula, quod modò me rogabat, nempe silentium; impetra ut de sordibus et avaritia dominorum suorum taceant. Numquam id exorabit. Proferre arcanum malunt, quàm furtivi vini vel generosissimi tantùm potare, quantum sorbere Laufella consueverat, cùm sacra pro populi salute faceret. Sanè cùm plurimis de causis providendum nobis est, ut sanctè ac piè vitam instituamus, tum præsertim, ut ne sermones mancipiorum nostrorum linguasque timeamus. In malo quippe servo nihil est lingua. pejus. Gravius tamen, quàm servi qui Dominorum detegunt flagitia, peccant ipsi Domini, cùm turpiter et flagitiosè vivunt, et se reddunt illis obnoxios, ac penè servos illorum, quibz et suo nutriunt pane, et pecunià munerantur. Rectè me admones ac tradis, quo pacto passim servorum linguas spernere: verùm id omnibus commune ac utile est. Quid mihi, quæso, propriè faciendum nunc censes? Magnam optimi temporis jacturam feci: inanes irritasque spes meas*

76. *Inebriet.* Narratione flagitiorum putidà, ipsè vinum olens, impleat.

80. *Faciens.* Facere, operari, sæpè accipitur pro sacrificare, immolare.

87. *Commune.* Ad omnes

æquè spectans dedisſi consilium: nunc verò mihi da peculiare.

89. *Velox flosculus.* Brevis adolescentia, floris instar marcescens, nec diu vicens.

90 *Flosculus angustæ, miseræque brevissima vitæ  
Portio; dum bibimus, dum sarta, unguenta,  
choreas*

*Poscimus, obrepat non intellecta senectus.*

*O parvi, nostrique Lares, quos thure minuto,  
Aut farre, et tenui soleo exornare coronâ,*

95 *Quando ego figam aliquid, quo sit mihi tuta  
senectus*

*A tegete, et baculo? Viginti millia fœnus*

*Pignoribus positis, argenti vascula puri;*

*Sed quæ Fabricius Censor notet, et duo fortes*

*De grege Mœsorum, qui me cervice locatâ*

*excidisse video; effluit enim sensim vita, et floris instar  
multis ærumnis attrita marcescit dum potamus, dum sertis  
coronati, delibuti unguentis, voluptatibus operam damus,  
lento gradu senectus nec inopinatos invadit. O mei Lares,  
o tenuis familiæ custodes Dei, quos parco thure ac mola  
falsa veneror, quibus exiguas ad ornatum imponere coronas  
soleo, quandonam habebo certam pecuniæ summam, quâ  
fretus effugiam mendicitatem in senectute, ut ne obsitus  
centonibus, nixus baculo, stipem corrogare cogar? Quando  
e nummis mutuò datis recipiam usuræ nomine viginti ses-  
sertiorum millia, acceptis autè certis pignoribus, ut fœnus  
mihi elabi aut perire nequeat. Quandonam penes me domi  
erit nonnihil supellectilis argenteæ, ob quam a Fabricio  
Censore notari et reprehendi jure possim? Duo item va-  
lentes et robusti, quales e Mœsia huc veniunt servi, qui  
me certâ mercede pactâ, subjecto collo gestent sedentem in*

93. *Lares.* Sat. VI, not. 3,  
et Sat. VIII, nota 13.

96. *Tegete.* Teges vilis est  
*culcita* sive *storea*, quæ men-  
dicis pro lecto esse solet: ut  
*baculus* pro supellectile. *Une  
vieille natte.*

*Viginti millia.* Subaudi  
*sestertiorum.*

97. *Pignoribus.* Sat. VII,  
nota *Pignerat.*

98. *Fabricius.* C. Fabricius  
Censuram severissimè exer-  
cuit, Corneliumque Ruffinum

duplici Consulatu et Dictatura  
inclutum Senatu movit, quòd  
argentea vasa decem pondo  
servaret domi. Val. Max. Lib.  
II, cap. 9.

99. *Mœsorum.* Mœsia regio  
Europæ prope Thraciam, un-  
de multi venales robustissimi  
petebantur.

*Locata.* Locare est operam  
suam alicui navare ad sumen-  
dum aliquid laboris, certâ  
mercede constitutâ.

Securum jubeant clamoso insistere Circo? 100.  
 Sit mihi præterea curvus cælator, et alter  
 Qui multas faciès fingat citò: sufficient hæc,  
 Quando ego pauper ero: votum miserabile?  
 nec spes

His saltem: nam cùm pro me fortuna rogatur, 105  
 Affigit ceras illà de nave petitas,  
 Quæ Siculos cantus effugit remige surdo.

*lectica, et per medium Circum populo vociferante differtum, tutò deportent: ad hæc opifex, qui cælare et signare argentea vasa; nec non alter qui statuas et imagines ex argilla vel cera fingere naviter ac strenuè norit? Hæc mihi tamdiu satis erunt ad vitam beatè transigendam, quamdiu in hac paupertate cogar manere: nihil præter pauca ista opto infelix, etsi me tam angusti et exigui voti pudeat. Immo nec illa ipsa tam levìa, tam tenuia sperare ausim: cùm enim rogatur fortuna ut mihi faveat, videtur sibi aures opplere cerâ, ut olim Ulysses opplevit remigibus suis, quos ed ratione surdòs, ne Sirenum cantus exaudirent, reddidit.*

100. *Securum.* Sine periculo ac metu, ne a turba optare, his contentus esse comprimari, quippe in lectica possim!

*Circo.* Sat. III, nota 208. 105. *Affigit ceras, etc.*  
 101. *Cælator.* Qui vasa signis ornat, solent autem illi Ulysses, cùm præter Sirenum artifices, curvato corpore in insulas veheretur, sociorum suorum et remigum aures obstruxit cerâ, ne illarum opus incumbere. cantus insidiosos audirent,

103. *Votum miserabile.* ipse ad navis malum alligari Quasi diceret: Mene usque se jussit. Odyss. Lib. XII.



## SATIRA X.

### ARGUMENTUM ET SYNOPSIS.

*V*aria hominum desideria expendit, quàm inania pleraque sint ac perniciosa, docet, cum a Superis deprecantur divitias, honores, potentiam, eloquentiam, gloriam, senectutem et pulchritudinem. Quœnam sint justa et legitima vota, subjicit.

**O**MNIBUS in terris, quæ sunt à Gadibus usque Aurotam, et Gangem, pauci dignoscere possunt Vera bona, atque illis multum diversa, remotâ Erroris nebulâ. Quid enim ratione timemus, 5 Aut cupimus? Quid tam dextro pede concipies, ut te Conatus non poeniteat, votique peracti? Evertère domos totas optantibus ipsis

**Q**uam latè patet orbis terrarum ab Occidente et Gadibus usque ad Orientem, paucos reperire est, qui rectè atque omni errore semoto judicare valeant, quæ sint bona, quæ mala bonis opposita. Quibus enim in rebus optandis, aut metuendis, rationem sequitur ducem? Quis tam consideratè, tam auspiciatè molitur quidpiam, et suscipit, ut eum consilii et rei ad exitum perductæ non pigeat? Ipsi Superi nimium hominibus indulgentes, dedere causas, cur

1. Gadibus. Gades, Cadix, insula est in ultima Hispania prope angustum fretum inter Africam et Europam interjectum, quod ab ea Gaditanum vocatur. Hispania autem, ut in hemisphærio nostro ponitur, maximè vergit ad occidentem.

2. Gangem. Fluvium præcipuum Indiæ. India autem,

si eam ab Italia spectes, orientem versùs porrigitur.

4. Quid enim ratione, etc. Omnes ferè ducuntur opinione, judicio vulgi, suâ libidine.

5. Dextro pede. Felici conatu, omine bono.

Concipis. Verbum votis conveniens; dicunt enim Latini eleganter, vota concipere.

Dī faciles. Nocitura togā , nocitura petuntur  
 Militiā. Torrens dicendi copia multis ,  
 Et sua mortifera est facundia : viribus ille 10  
 Confisus periit , admirandisque lacertis.  
 Sed plures nimīa congesta pecuniā curā  
 Strangulat , et cuncta exsuperans patrimonīa  
 census ,  
 Quantō delphinis balæna Britannica major.  
 Temporibus diris igitur , jussuque Neronis , 15  
 Longinum , et magnos Senecæ prædivitis hortos

*integræ familiæ excinderentur. Optamus tum in pace ,  
 tum in bello quæ nobis exitium perniciemque consciscunt.  
 Plurimi ob eloquentiam perire , nonnulli , quoddam robori suo  
 brachiisque nuntium confiderent. Sed multo plures perdit ,  
 et in causa est cur jugulentur , opum congerendarum in-  
 sana sitis , et divitiæ tantò ceteris ampliores , quantò ba-  
 læna delphinis major est. Ea causa nimirum fuit cur tem-  
 poribus ob Imperatorum sævitiam funestis , milites , jubente  
 Nerone , in Laterani , et Longini splendidas ædes , in  
 villam Senecæ regali sumptu extructam , immissi fuerint*

8. *Dī faciles.* Sic Neptunus  
 Thesei domum evertit , dum  
 illi favet , ultionem de filio  
 Hippolyto , qui falso crimine  
 accusabatur , sumere prope-  
 rant.

*Toga.* Vestis civium , est ,  
 ut sagum militum. Itaque hoc  
 pro bello usurpatur ; illa pro  
 pace.

9. *Torrens.* Profluens , tor-  
 rentis more.

10. *Ille.* Milo Crotoniates ,  
 cujus tantum robur fuisse præ-  
 dicatur , ut pugno taurum mac-  
 taret. Is cum annosam quer-  
 cum diffindere conaretur ,  
 coeuntibus duabus trunci , a  
 summo jam divisi , partibus  
 interceptus , cum expedire se  
 non valeret , hæsit conclusis  
 ipso truncis brachiis , et a fe-  
 ris est laniatus.

13. *Strangulat.* In causa est  
 cur strangulentur , ac jugu-  
 lentur divites , sive a furibus ,  
 sive Tyrannis bonis eorum  
 inhiantibus.

*Census.* Res familiaris , an-  
 nuus proventus prædiorum.

14. *Delphinis.* Hos valde  
 amantes hominum ac Musicæ  
 passim celebrant.

*Britannica.* In Oceano  
 Anglico balænae majores ca-  
 piuntur.

16. *Longinum.* Cassius Lon-  
 ginus a Nerone neci datus est ,  
 per eam causam , quod C.  
 Cassii , unius , e Julii Cæsaris  
 percussoribus , imaginem ser-  
 vasset domi : revera quod es-  
 set eximiè locuples. Suet. Ne-  
 ron. cap. 37.

*Senecæ.* Sat. V , not. 109 ;  
 Sat. VIII , nota 210. Seneca

- Clausit; et egregias Lateranorum obsidet ædes  
 Tota cohors. *Rarus venit in cœnacula miles.*  
 Pauca licet portas argenti vascula puri,  
 20 Nocte iter ingressus, gladium, contumque timebis,  
 Et motæ ad lunam trepidabis arundinis umbram.  
 Cantabit vacuus coram latrone viator.  
 Prima ferè vota, et cunctis notissima templis,  
 Divitiæ ut crescant, ut opes; ut maxima toto  
 25 Nostra sit arca foro. Sed nulla aconita bibuntur  
 Fictilibus. Tunc illa time, cum pocula sumes  
 Gemmata, et lato Setinum ardebit in auro.  
 Jamne igitur laudas, quod de sapientibus alter

*qui eas obsiderent, ac Dominos ad mortem adigerent, Rarò in angusta tuguria cohortes armatæ mittuntur. Quamvis feras pauca ex argento non cœlato vasa; si per noctem viæ te committas, latronem nihilominus gladio contoque armatum formidabis, et ad umbram arundinis vento agitatæ expallesces. Viator nudus in latronis, conspectu canet. Id homines ferè omnes miserè cupiunt, id a Superis palàm, cum adeunt templa, postulant, ut augeantur opibus, ut eorum arca maxima sit inter illas quæ servantur in templis foro vicinis. Sed in poculis ex argilla fictis nihil est a veneno periculi. Tunc illud meritò reformida, quando aureus scyphus gemmis ornatus, et generoso plenus vino tibi porrigetur. Cum hæc ita se habeant, nonne jam meritò laudandos esse intelligis ambos illos philosophos, quo-*

Neronis, discipuli pessimi, præceptor longè optimus ab eo mori jussus, incidit sibi venas, et exhausto sanguine periit.

17. *Lateranorum.* Plautius Lateranus jussu Neronis, ejus opibus inhiantis, cæsus est. Tacit. XV Annal.

19. *Puri.* Non elaborati, infecti, atque adeo vilioris pretii.

20. *Contum.* Sudes ferro præfixa sic appellatur, quæ ferè nautis est in usu.

*Ut opes.* Latius patet et vox quam divitiæ: significat enim ferè potentiam et amplitudinem, a robore, divitiis, amicis, etc. petitam.

25. *Aconita.* Sat. I; nota 143.

27. *Setinum.* Vinum natum prope Setiam, *Sezza*, urbem Italiæ Campaniæ, Sat. V; nota 34.

*Ardebit.* Instar ignis lucebit. Ardere vinum dicitur, ob innatum calorem.

Ridebat, quoties a linine moverat unum  
 Protuleratque pedem : flebat contrarius alter ? 30  
 Sed facilis rigidi cuivis censura cachinni.  
 Mirandum est unde ille oculis suffecerit humor.  
 Perpetuo risu pulmonem agitare solebat  
 Democritus , quanquam non esset urbibus illis  
 Prætextæ , et trabecæ , fasces , lectica , tribunal. 35  
 Quid si vidisset Prætorem in curribus altis  
 Exstantem , et Medio sublimem in pulvere Circi ,  
 In tunica Jovis , et pictæ sarrana ferentem

*rum alter quoties prodiret in publicum risu ; alter contrâ , fletu , et lacrymis hominum dementiam et ineptias prosequeretur ? Videtur tamen esse facilius mores hominum ridendo coarguere , quàm flendo , mirumque apparet quo pacto tam uberes lacrymas in promptu Heraclitus semper haberit. Effundebatur in risum perpetuo Democritus , licet in iis , quibus degebat , oppidis non spectarentur prætextæ , trabecæ , fasces , tribunalia , lecticæ. Quid si ludis et spectaculis nostris interfuisset , in quibus Prætor sublimi curru , pulverulentum per Circum invehitur , tunicâ e Capitolio sumptâ indutus , picturatam acu Phrygiâ purpuream*

29. *Alter ridebat.* Democritus. Vide infra , nota 34.

30. *Flebat contrarius alter.* Heraclius Ephesius , hominum miseria ubique cernens.

31. *Censura.* Reprehensio.

34. *Democritus.* Philosophus Græcus , Abderitanus , qui negotia hominum ceu nugæ pueriles risu excipiebat.

35. *Prætexta.* Vestis quædam limbo purpureo ornata , quâ Magistratus utebantur , item ludorum editores , etc.

*Trabecæ.* Sat. VII , nota

257. *Trabeam.*

*Fasces.* Sat. V , nota 110.

36. *Prætorem.* Sat. I , nota

61 , et Sat. III , nota 116.

Describit his versibus Præto-

rem ludis Circensibus præsidentem habitu triumphali , ac vana triumphantium insignia deridet. Ea Prætoribus cum ludos ederent , concedebantur.

37. *Circi.* Sat. III , nota 208.

38. *Tunica Jovis.* Tunica vestis erat interior , quæ subuculæ imponebatur. Triumphantem certam tunicam palminis opere Phrygio intextis ornata , quæ idcirco *palmeta* vocabatur , sumebant e Jovis Capitolini templo.

*Pictæ.* Gall. brodé.

*Sarrana.* Tyria. Tyrus , opidum Phœniciæ , ubi eximia purpura , vocabatur olim *Sarra*.



- Ex humeris aulæa togæ, magnæque coronæ  
 40 Tantum orbem, quanto cervix non sufficit ulla?  
 Quippe tenet sudans hanc publicus, et sibi Consul  
 Ne placeat, curru servus portatur eodem.  
 Da nunc et volucrem, sceptroque surgit eburno;  
 Illinc cornicines, hinc præcedentia longi  
 45 Agminis officia, et niveos ad frena Quirites,  
 Defossa in loculis quos sportula fecit amicos.  
 Tunc quoque materiam risûs invenit ad omnes

*togam, instar aulæi amplam, gestans, et imminensem vertici habens coronam tantæ molis, ut illi ferendæ vix ullum caput esse par queat? Et verò publicus minister ægrè illam sustinet, ac ne insolescat Consul editor ludorum, illis triumphantium insignibus ornatus, in eodem curru servus gestatur. His adde scipionem eburneum, cujus apici aquila insidet; adde ex una parte tubicines, ex altera longum agmen clientium et amicorum, qui honoris et officii causâ triumphantem antecedunt, itemque civium, qui albis induti vestibus equos triumphalem currum trahentes circumstant, quosque spes obtinendæ sportulæ ac nummorum in triumphantis crumena latentium, accivit: ea, inquam, omnia quamvis Democritus in patria sua non videret, tamen quidquid ipsi occurrebat, ridendi ansam inde captabat,*

39. *Togæ.* Ea vestis extrema, imponebatur tunicæ, instar pallii.

41. *Tenet.* A tergo triumphantis stans sustentat coronam.

*Publicus.* Erant Romanis publici quidam servi, obeundis publicis mysteriis præpositi.

*Consul.* Eundem nunc vocat Consulem, quem paulò antè Prætorem nominavit: ut enim Asconius Pedianus docet, Consul vocabatur olim Prætor. Adde quod Consules interdum ludos edebant.

42. *Curru eodem.* Ne triumphantes efferrentur insolentiâ gloriæ, seque supra hominum

sortem erectos putarent, jubebant Romani eodem in curru servum sedere, qui eos conceptis verbis admoneret, inclamaretque identidem, hominem esse te memento.

43. *Volucrum.* Scipio eburneus a triumphante gestabatur, cujus vertici aquilæ effigies insidebat, Romani Imperii insigne.

45. *Quirites.* Satira III, nota 60.

46. *Loculis.* Sat. I, nota 74.

*Sportula.* Sat. I, nota 80.

47. *Tunc.* Cum scilicet majori, quam nunc, frugalitate ac temperantiâ viveretur.



Occursus hominum, cujus prudentia monstrat  
 Summos posse viros, et magna exempla daturus,  
 Verveum in patria, crassoque sub aëre nasci. 50  
 Ridebat curas, necnon et gaudia vulgi;  
 Interdum et lacrymas, cum fortunæ ipse minaci  
 Mandaret laqueum, mediumque ostenderet  
 unguem.

Ergo supervacua hæc, aut perniciosa petuntur,  
 Propter quæ fas est genua incerare Deorum. 55  
 Quosdam præcipitat subjecta potentia magnæ  
 Invidiæ, mergit longa, atque insignis honorum

*homo prudentissimus, qui documento est præstantissimos viros, et magnarum virtutum exempla prodituros, posse in barbara et inculta regione; ubi aër pinguis hebesque sit, nasci. Excipiebat risu mortalium curas et lætitiâ; ali-quando etiam fletum ac mœrorem; cum ipse interim mi-nas Fortunæ despiciens, ipsam ire malam in crucem ju-beret, mediumque digitum contumeliæ causâ protenderet. Igitur, inania sunt, vel exitialia, quæ concipiuntur a mortalibus, vota, quorum ut compotes fiant, licere sibi arbi-trantur cereas candelas ante simulacra Superûm, in templis accendere. Sunt quibus est exitio nimia potentia, magnæ videlicet invidiæ obnoxia. Perdit ipsos longa honorum series*

50. *Verveum, etc.* Oves in primis stupidæ sunt ac ve-cordes; itaque id nominis tribuitur hominibus stolidis et tardis.

*Crasso aëre.* Aër subtilior, ingeniis favet, crassior, contra. Natus est Democritus Abderæ, quod oppidum in Thracia est, cœloque utitur gravi et insalubri.

53. *Mandaret laqueum.* Mitteret ad furcâ; ei pati-bulum et crucem minitaretur.

*Medium ostenderet unguem.* Solebant medium digitum ce-teris contractis protendere, si quempiam afficere contume-liâ vellent: quâpropter eum

*infamem Persius vocat.*

55. *Genua.* Porro præcipuè dixit, quia sunt misericor-diæ quasi consecrata, ut au-res memoriæ, frons pudori, etc.

*Incerare.* Vel tabellas cerâ obductas in quibus sua per-scribebant vota, suspendere ad imas deorum statuas in templis; vel cereas candelas ibidem affigere. Immo viden-tur cerâ et oleo simulacra illevisse: quasi ad mollien-dos mitigandosque superos. Prudentius in Symmachum: *Saxa illita ceris viderat, un-guentoque Lares humescere nigros.*

- Pagina; descendunt statuæ, restemque sequuntur.  
 Ipsas deinde rotas bigarum impacta securis  
 60 Cædit et immeritis franguntur crura caballis.  
 Jam stridunt ignes, jam follibus atque caminis  
 Ardet adoratum populo caput, et crepat ingens  
 Sejanus: deinde ex facie toto orbe secunda  
 Fiunt urceoli, pelves, sartago, patellæ.  
 65 Pone domi lauros, duc in capitolia magnum  
 Cretatumque bovem; Sejanus ducitur unco

*ac titulorum: deturbantur e sua basi statuæ, funibus de-  
 jiciuntur; ac per humum raptantur, curruum triumphalium  
 rotæ comminuuntur securibus, et immerentibus equis crura  
 suffringuntur. Audin' ut ignis crepitet? ut in fornacem  
 conjectum aureum illud Sejani caput, quod supplex modò  
 plebecula venerabatur, follibus flammam acuentibus lique-  
 fiat? Ut ingens ipsa Sejani statua deflagret? Ut e vultu,  
 quem ab Imperatorio secundum orbis adorabat, urceoli  
 conflentur, pelves, sartagines, patellæ? Laureis domum  
 tuam sertis orna, bovem magnum candidumque in Capi-  
 tolinam ædem duci jube, Sejanus unco impacto raptatur,*

58. *Pagina.* Honores in fastis tabulisque publicis descripti: vel ærea pagina, quæ ante imagines virorum insignium collocabatur; unde intelligeretur, quos gessissent Magistratus, quid fortiter domi ac militiæ fecissent, etc.

59. *Bigarum.* Biga, currus est, quem equi duo trahunt; triga, quem tres: quadriga, quem quatuor.

61. *Stridunt ignes.* Ad fundendas æneas imagines.

62. *Ardet adoratum populo caput.* Simulacrum hominis igni traditur, quod antè venerationi erat.

63. *Sejanus.* Aelius Sejanus a Tiberio maximis auctus honoribus, adeo ut ipsi par Imperatori esse videretur; cum secundam fortunam mo-

deratè non ferret, cæsus jussu Tiberii, et omni genere ignominiae affectus est.

64. *Sartago.* Gall. *une poêle.*

65. *Pone, etc.* Voces unius alicujus e populo sunt, Sejanus insultantis, in principis gratiam. En, inquit, vicinum alloquens, lætitiæ præ te fer, captus est Sejanus, etc.

66. *Cretatum.* Candidum. Creta, humus alba. Candidæ victimæ superis immolabantur, præsertim in re læta prosperaque.

*Ducitur, etc.* Trahitur in Gemonias scalas, quo in loco fontes in crucem agebantur, aut alio supplicio inactabantur.

Spectandus : gaudent omnes. Quæ labra! quis illi  
Vultus erat! Numquam, si quid mihi credis, amavi  
Hunc hominem : sed quæo cecidit sub crimine?  
quisnam

Delator? quibus indiciis? quo teste probavit? 70.  
Nil horum; verbosa et grandis epistola venit  
A Capreis. Bene habet, nil plus interrogo. Sed  
quid

Turba Remi? Sequitur fortunam, ut semper, et odit  
Damnatos. Idem populus, si Nurtia Tusco  
Favisset, si oppressa foret secunda senectus 75  
Principis; hac ipsâ Sejanum diceret horâ  
Augustum. Jam pridem, ex quo suffragia nulli

*et per urbem ad ludibrium spectaculumque traducitur:  
triumphant omnes gaudio! Quàm fœda hominis facies!  
quàm distorta labra! Equidem id affirmare tibi verè pos-  
sum numquam Sejanum a me amatum fuisse: sed, age,  
quodnam illi crimen objectum fuit? quis accusavit? quis  
index, quis testis? Nihil istorum dicitur, tantum missa  
est a Capreis ingens, et multis perscripta verbis epistola.  
Satis est, nihil præterea quæro. Quid interim populus?  
Fortunæ, ut semper, servit scilicet, ac miseros damnatos-  
que a Principe condemnat. Idem ille tamèn, si Dea  
præses Etruriæ, consilia Sejani sui adjuvisset, si senex  
Imperator, nihil sibi timens, repentinâ conjuratione sublat-  
us fuisset e medio, hoc ipso temporis puncto Sejanum  
Imperatorem appellare neutiquam dubitasset. Jampridem  
populus omni reipublicæ administrandæ cursû liberatus est,  
ex quo tempore scilicet Magistratum eligendorum facultas*

60. Delator. Occultus ac-  
cusator.

72. Capreis. Capreæ, Ca-  
pri, insula est exigua in Tyr-  
rheno littore, non procul  
Româ, in quam se Tiberius,  
ut otio et voluptati liberius  
indulgeret, receperat. Inte-  
rim cum Romæ Sejanus admi-  
nistraret omnia, seque jam  
pro Imperatore gereret, mi-  
sit ad Senatum Tiberius litte-  
ras, quibus illum in carcerem

conjici, quosdam ejus am-  
icos plecti jubebat. Iis lectis  
omnes in eum conclama-  
runt, statimque raptus ad ne-  
cem est.

73. Turba Remi. Populus  
Romanus, a Remo et Ro-  
mulo propagatus.

74. Nurtia. Dea quædam,  
apud Volsinium Bolsena,  
Tusciæ urbem, Sejani pa-  
triam, culta.

77. Suffragia vendimus.

- Vendimus, effugit curas: nam qui dabat olim  
Imperium, fascēs, legiones, omnia, nunc se  
80 Continet, atque duas tantum res anxius optat,  
Panem, et Circenses. Perituros audio multos:  
Nil dubium: magna est fornacula: pallidulus mi-  
Brutidius meus ad Martis fuit obuius aram.  
Quam timeo victus ne poenas exigit Ajax,  
85 Ut malè defensus! Curramus præcipientes, et

*illi crepta fuit, ac sua suffragia candidatis non vendit: qui antea summos in republica Magistratus, Consulatum, belli Præfecturam, omne potestatis genus, cuiusque libuisset, mandabat, is nunc feriatur et vacat, deque rebus duntaxat duabus sollicitus est, pane ac Circensibus ludis. Fama est plurimos interfectum iri; quid censes? Omnino res sic se habet: exarsit ingens incendium, quo multi absumentur. Mihi modò Brutidius occurrit prope Martis fanum pallidus ac metu percussus. Quam vereor, ne Tiberius, instar Ajacis, promiscuè in omnes desæviat, segniter se a Romanis defensum, contra Sejani conatus nefarios dictitans! Properemus hinc statim, et hostem Tiberii, dum adhuc in ripa Tiberis insepultus jacet, proteramus: sed iam tamen, ut nostri nos servi adspiciant, ne quis ipso-*

Florente republicâ populus eligebat Magistratus in comitiis, et magnam ferè pecuniæ vim, ac munera capiebat a candidatis, quibus sua suffragia tribuebat, vel potiùs vendebat.

79. *Imperium.* Propriè dicebatur potestas summa Ducis, in exercitu, qui vulgò appellabatur *Imperator*, cum insignem aliquam de hoste victoriam retulisset.

*Fascēs.* Sat. V, nota 110; VIII, v. 258. Anteibant Consulem lictores duodecim cum fascibus: Prætorem, sex.

81. *Circenses.* Ludos in Circo edi solitos. Satir. III, nota 208.

*Perituros.* Sejani affines, amicos, etc.

82. *Pallidulus.* Metuens ne velut Sejani amicus a Tiberio proscribatur.

83. *Brutidius.* Rhetor et Historicus.

*Martis aram.* Martis ultoris templum in foro ab Agrippa exstructum, post Actiacam pugnam.

84. *Ajax.* Telamonis filius, cum Achillis mortui arma peteret, victus Ulyssis eadem arma postulantis, facundiâ, in furorem versus est, et in mutas pecudes tamquam in Ulyssem ac Menelaum, sævire cœpit.

Dum

Dum jacet in ripa, calcemus Cæsaris hostem.  
 Sed videant servi, ne quis neget, et pavidum in ius  
 Cervice adstrictâ dominum trahat. Hi sermones  
 Tunc de Sejano; secreta hæc murmura vulgi.  
 Visne salutare sicut Sejanus? habere  
 Tantumdem, atque illi sellas donare curules?  
 Illum exercitibus præponere? tutor haberi  
 Principis augustâ Caprearum in rupe sedentis  
 Cum grege Chaldæo? Vis certè pila, cohortes,  
 Egregios Equites, et castra domestica: quidni  
 Hæc cupias? Et qui nolunt occidere quemquam,  
 Posse volunt. Sed quæ præclara et prospera tanti,

90.

95

*rum Sejanum a nobis calcatum esse neget, ac dominum accuset apud Imperatorem aut pavitantem, injecto cervici laqueo, ad iudices ire compellat. Ea tunc de Sejano, clam, palam, dicebantur. Jam te consulo, rogoque num honorificis illis nominibus appellari velis, quibus Sejanus salutabatur? tantas opes possidere, quantas ille habebat? aliis dare ius ferendæ curulis sellæ? aliis exercituum Præfecturas largiri, gerere quasi tutelam Imperatoris, in Capreis, obscura et scopulosa insula, delitescens, atque astrologorum turba stipati? Equidem non dubito, quin gauderes admodum Præfectura cohortis, Prætorianæ, et delectorum equitum, quales in urbanis castris ad nutum semper expeditos habebat Sejanus: et verò quid causæ esset quin honorem hunc ambires? Quis non libenter potestatem cujuslibet interficiendi habeat, quamvis eâdem uti nolit? Sed quenam tandem vitæ conditio quamlibet felix, optari*

91. *Sellas curules.* Nonnulli Magistratus præcipui, ius habebant ferendæ in curru suo sellulæ eburnæ, in eaque, dum haberetur Senatus considendi.

92. *Tutor.* Qui res et fortunas impuberum administrat, propriè tutor dicitur.

94. *Chaldæo.* Satir. VI, nota 405.

*Pila.* Pilum, hasta brevior, seu spiculum, Romanis militibus usitatum.

95. *Egregios.* Ex omni exercitu, e reliquo militum grege, selectos.

*Castra domestica.* Milites Prætoriani dicebantur qui ad Imperatoris custodiam excubabant, atque in castris ad urbem positis, stabant. Illis tunc Sejanus præerat, eaque ratione Tiberium ac Romam habebat in potestate.

97. *Tanti.* Tanti sunt facienda, si eâ conditione obtinentur, ut res prospera ad-

K



Ut rebus lætis par sit mensura malorum?

Hujus qui trahitur prætextam sumere mavis:

100 An Fidenarum! Gabiorumque esse potestas,

Et de mensura jus dicere? vasa minora

Frangere pannosus vacuis ædilis Ulubris?

Ergo quid optandum foret, ignorasse fateris

Sejanum. Nam qui nimios optabat honores,

105 Et nimias poscebat opes, numerosa parabat

Excelsæ turris tabulata, unde altior esset.

Casus, et impulsæ præceps immane ruinæ.

Quid Crassos, quid Pompeios evertit? et illum

*et acquiri meretur, eâ lege, ut bonis mala exsequantur, et quantum ex ea capias commodi ac voluptatis, tantum incommodi ac doloris haurias? Age, num Sejanus, qui unco trahitur ad Gemonias, induere prætextam mallet, quam Magistratum gerere in oppidulo quopiam deserto, putâ Fidenis, Gabiis, quam ædilis esse Ulubris, ibique detrita veste indutus lites de mensuris mercatorum, et ponderibus coortas dijudicare, ac pœcula minoris, quam lex jubet inolis, comminuere? Concedis igitur Sejanum nescivisse quid desiderari a mortalibus ad veram felicitatem consequendam, oporteret. Qui enim immensas opes in altum extruebat, qui cupiditate honoris insanâ principem in civitate locum ambiebat, is turrim ædificare altissimam videbatur, unde gravius caderet, impulsusque rueret in subjectum ac profundum præcipitium clade majori et fragore. Quid exitio Crassis, quid Pompeiis fuit? quid perniciem illi*

versis, quasi pari mensurâ temperentur.

99. *Prætextam.* Suprà nota 35.

100. *Fidenarum.* Hæc Latii urbs ab Ascanio AEnææ filio condita, quod rebellasset eversa est à M. AEnilio. Hodie vocatur Castel Giubileo.

*Gabiorumque.* Hæc civitas Latii jacet in rudibus, ubi hodie Campo Gabio, ut nonnullis placet. Sat. III, nota Gabiis.

*Potestas.* Magistratus. Nomen est officii.

102. *Ædilis.* Sat. III, nota 147.

*Ulubris.* Ulubræ, oppidum Latii desertum, prope Velitras, ubi educatus Augustus Cæsar, nihil præterea insigne habuit.

106. *Tabulata.* Gall. étages.

108. *Crassos.* Patrem et filium a Parthis cæsos. Marcus Licinius Crassus, Cn. Pompeius et C. J. Cæsar ita rempublicam occupaverant, ut soli omnia gubernarent. Syria Crasso adjudicata est, et in-

Ad sua qui domitos deduxit flagra Quirites?  
 Summus nempe locus nullâ non arte petitus, 110  
 Magnaque Numinibus vota exaudita malignis.  
 Ad generum Cereris sine cæde et vulnere pauci  
 Descendunt Reges, et siccâ morte tyranni.  
 Eloquium ac famam Demosthenis, aut Ciceronis  
 Incipit optare, et totis Quinquatribus optat, 115  
 Quisquis adhuc uno partam colit asse Minervam,

*attulit, a quo populus Romanus redactus in servitutem ac veluti loris cæsus et instar mancipii habitus est? Nimirum dominatus omni contentione quæsitus, et exaudite a Superis faventibus, vel iratis potius, atque cupiditatem hominum ulciscens, ambitiosæ preces. Quotus quisque Regum ac tyrannorum est, qui morte incruentâ defungatur, et placidus Plutonis regna visât? Puerulus, qui exiguâ mercede magistro persolutâ, primis bonarum artium rudimentis imbuatur, qui ludum litterarium petit, uno servulo, cistellam, in qua ejus libri sunt, ferente, comitatus, jam tum expetit eloquentiam famamque Demosthenis, aut Tullii, nec alia totis Quinquatribus vota concipit. Sed Demostheni*

ferendi quibus vellet belli patam indicat. Virgis cæde-  
 potestas data. Ipse Parthorum bantur servi; eamque po-  
 opibus inhians, iis indixit nam imponere civibus nefas  
 bellum; sed eorundem insi- erat.

derè perit ad Carrhas urbem 112. *Generum Cereris.* Plu-  
 Mesopotamiæ. tonem, virum Proserpinæ,  
 filiæ Cereris.

*Pompeios.* Pompeium Ma- 114. *Demosthenis.* Græco-  
 gnum, ejusque filios. Ma- rum oratorum Principis.

gnus victus a Cæsare in Phar- 115. *Quinquatribus.* Quin-  
 salicis Campis fugit in Ægypt- quatria, sive Quinquatrus,  
 tum, ubi jussu Ptolemæi est erant Minervæ festa, per dies  
 interfectus. Ejus filii Cneius quinque celebrari solita,  
 Pompeius, et Sextus Pom- nempe a decimo quarto Ka-  
 peius, renovato in Hispania lendas Apriles, ad nonum.  
 bello profligati sunt ad Mun- Tunc scholæ vacabant, feria-  
 dâm, Bæticæ urbem, etc. bantur pueri, sua Minervæ

*Et illum, etc.* C. Julium offerrebant munuscula, et præ-  
 Cæsarem, tribus et viginti ceptoribus minerval pensita-  
 vulneribus in Senatu confos- bant.

sum. 116. *Uno asse, etc.* Non-  
 109. *Flagra.* Sic tyranni- nulli hoc de statua exigua  
 dem a C. Julio Cæsare usur- Minervæ intelligunt, quam

Quem sequitur custos angustæ vernula capsæ.

Eloquio, sed uterque perit orator, utrumque

Largus, et exundans leto dedit ingenii fons.

120 Ingenio manus est, et cervix cæsa; nec umquam  
Sanguine caudidici maduerunt rostra pusilli.

*O fortunatam natam, me Consule, Romam!*

Antonî gladios potuit contemnere, si sic

Omnia dixisset. Ridenda poemata malo,

125 Quàm te conspicuæ divina Philippica famæ,

*pariter ac Tullio et funesta et exitialis eloquentia fuit, utrumque ingenii felix ubertas et copia perdidit. Ingenium præstans exstitit in causa cur Ciceroni demortuo caput abscissum et dextera manus fuerit; nec rostra umquam patroni mediocris cruore sunt imbuta. O fortunatam natam me Consule Romam. Si nihil dixisset Cicero, vel scripsisset elegantius hoc suo versu, nihil habuisset profectò quod Antonii crudelitatem et arma formidaret. Mihi verò magis placeant inepta ejusmodi carmina, quam Philippica ejusdem*

puer emptam asse, id est, Antiates gesto, captæ fuerant. minimo pretio, domi colat. Atque hæc quidem *Rostra*

120 *Manus, etc.* M. Tullius Cicero, proscriptus a Triumviris anno Romæ 710, fugiebat in Græciam ad Brutum. A percussoribus Popilio Tribuno et Herennio Centurione deprehensus in sylva, lecticam quâ vehebatur a servis poni jussit, cervicemque impio ferro secandam protendit, natus annos 64. Antonius in extinctum adhuc furens, caput ejus et dextram in Rostris, quo e suggestu tam sæpè Tullius in eum peroraverat, figi jussit.

122. *O fortunatam, etc.* Dicitur hic versiculus a Cicerone compositus, gratulante sibi ob extinctam Catilinæ conjurationem, tamquam alteri urbis et reipublicæ parienti.

125. *Philippica.* Quas habuit orationes in Antonium Cicero, Philippicas appellavit, quia similes erant iis, quas Demosthenes olim habuerat in Philippum, publicæ libertatis eversorem, et quas Philippicas nominaverat.

121. *Rostra.* Gall. *La tribune aux harangues; les Rostrès.* Ejus loci pars infima ornata erat rostris, (*éperons d'airain*) seu proris navium quæ in prælio navali contra

Volueris a prima quæ proxima. Sævus et illum  
Exitus eripuit, quem mirabantur Athenæ  
Torrentem, et pleni moderantem frena theatri.  
Dis ille adversis genitus, fatoque sinistro,  
Quem pater ardentis massæ fuliginè lippus  
A carbone, et forcipibus gladiosque parante  
Incude, et luteo Vulcano ad Rhetora misit.  
Bellorum exuviæ, truncis affixa trophæis  
Lorica, et fractâ de casside buccula pendens,

130

*Tullii secunda, quæ tantum ipsi gloriæ comparavit. Nec  
minùs crudeli extinctus est leto ille, quem instar torrentis  
perorantem, et populi magno numero ad eum audiendum  
concurrentis animos velut injectis frenis, quod vellet, du-  
centem, unde vellet abducentem, Athenæ suspiciebant. De-  
mosthenem profectò iratis natum esse Superis, infensisque  
fatis oportuit, quem parens lippus, ob candentis ferri  
massas, quas tractare consueverat, jussit, relictâ officinâ,  
fornace, forcipibus et incude, in qua gladii fabricaban-  
tur, ad Rhetoricæ professorem in ludum litterarium ire.  
Ita vulgò persuasum habemus, spolia hostibus erepta,  
excitatum e mutilata quercu trophæum, ex eoque suspensum  
thoracem ferreum, et bucculam de rupta galea pendentem,*

126. Sævus, etc. Alexan-  
dro mortuo Antipater Græ-  
ciæ præfuit: is cum sicarios  
misisset, qui Demosthenem  
in Calauria insula, ubi asy-  
lum Neptuno sacrum erat,  
comprehenderent; rogavit  
illos Demosthenes ut parum-  
per exspectarent, dum quid-  
piam ad amicos scriberet,  
mox calanum admovit ori,  
haustoque, quod in eum  
usum asservabat veneno, sibi  
necem conscivit. Plutarch.

128. Torrentem. Torrentis  
instar exundantem eloquen-  
tiam.

130. Pater, etc. Litteris  
proditum est Demosthenis pa-  
trem fuisse fabrum ferrarium,

gladiorum et cultellorum opi-  
ficem.

132. Luteo Vulcano, de  
sa boutique enfumée.

Rhetora. Isæum, dicendi  
tunc magistrum.

133. Trophæis. Trophæum,  
seu tropæum, erat victoriæ  
monumentum, in eo positum  
loco, ubi hostes acie com-  
missa primùm essent in sa-  
gam versi, a Græco verbo  
τρέπω, τετρέπω verto; hoc  
igitur in loco ingens quer-  
cus statuebatur a victoribus,  
decisis ramis, et spoliis hos-  
tium, galeâ, thorace, cly-  
peo, etc. induebatur. Virgil.  
initio Lib. XI.

134. Lorica. Hæc pridem e



- 135 Et curtum temone jugum, victæque triremis  
 Aplustre, et summo tristis captivus in arcu,  
 Humanis majora bonis creduntur: ad hæc se  
 Romanus, Grajusque ac barbarus Induperator  
 Erexit: causas discriminis, atque laboris  
 140 Inde habuit: tantò major famæ sitis est, quàm  
 Virtutis. Quis enim virtutem amplectitur ipsam,  
 Præmia si tollas? Patriam tamen obruit olim  
 Gloria paucorum, et laudis titulique cupido  
 Hæsuri saxis cinerum custodibus; ad quæ  
 145 Discutienda valent sterilis mala robora fictis:  
 Quandoquidem data sunt ipsis quoque fata sepul-  
 cris.

*jugum a temone suo avulsum, dereptum e victæ navis prora ornamentum; erectos in triumphantium honorem fornices, in eorumque suprema parte positas e saxo effigies captivorum; hæc, inquam, omnia summum in humanis bonis obtinere locum, iisque mortales ad ipsos Deos evehi, arbitramur. Hæc illa sunt, quæ ut consequerentur Græci pariter ac Romani Duces, nihil inausum, inexpertumque reliquerunt; eam ob rem tot se periculis, tot laboribus objecerunt, quos nemo virtutis assequendæ causâ suscipiat; adea constat homines gloriæ quàm virtutis avidiores esse! Quem enim reperias, qui virtutem, sublata spe mercedis ac præmiis consecetur? Hanc tamen bellicam laudem dum pauci quidam ambiunt præposterè, florentissima imperia suamque patriam everterunt, nempe ut celebraretur ipsorum nomen, ut titulos adipiscerentur sepulcris suis inscribendos, in quibus cineres urnis conditi servantur; et quibus disjiciendis caprificus sufficit: nam in ipsa quoque sepulcra*

loris, nunc e ferro, nomen tamen retinuit.

*Buccula.* Pars galeæ quæ buccam, sive os hominis galeati tegit.

*Triremis.* Navis instructæ triplici ordine remorum: victoriæ navalis monumenta.

136. *Aplustre.* Sunt Aplustria navium ornamenta, quæ a navibus captis deripie-

bant victores, ac tamquam victoriæ monumenta, servabant domi, foribus appendebant, etc.

138. *Induperator.* Vox vetus: Imperator.

145. *Sterilis fictis.* Arbor est quædam, parietibus innascens: emovensque paulatim lapides, un figuier sauvage.



Expende Annibalem : quot libras in duce summo  
Invenies? Hic est, quem non capit Africa, Mauro  
Perfusa Oceano, Niloque admota repenti;  
Rursus ad Æthiopum populos, aliosque Ele- 150  
phantos :

Additur imperiis Hispania : Pyrenæum  
Transilit. Opposuit natura Alpemque, nivemque :

*mors et fata jus habent. Age, cineres Annibalis pondera : quot libras reliquæ tanti Ducis pendunt? Hic ille est cui angusta fuit tota quàm latè patet ab Mauritanicæ littoribus ad Nilum usque, Africa : præter Æthiopiam geminam, ubi paulo diversi ab Indicis elephanti visuntur, redigitur in ejus ditionem Hispania : Pyrenæos montes superat. Objicit illi natura Alpes nivibus coopertas et invias :*

147. *Annibalem.* Sat. VI, nota 121, et Sat. VII, versu 161.

148. *Mauro Oceano.* Mauritania, ultima regio Africæ, versùs occidentem porrigitur.

149. *Niloque.* Nilus procul in orientem ac meridiem extenditur.

150. *Æthiopum.* Æthiopia, pars ejusdem Africæ, eis et ultra æquatorem patet: continet Abyssinorum regnum, Nubiam, etc., Sat. II, nota 12, *Æthiopem.*

*Alios Elephantos.* Diver- sos ab iis quos alit Mauritania, vel ab iis, qui nascuntur in India, quos Elephantos Afri et alii venerantur ac pavent. Plin. Lib. VIII, c. 9.

151. *Additur imperiis Hispania.* Regnis jam possèssis, v. g. Mauritanicæ, Æthiopiciæ etc. Revera non Africà contentus Annibal in Europam transit: ac primò Hispaniam armis domat: hinc in Gallias,

post in Italiam victor pergit.

*Hispania.* Cùm bellum in Italiam transportare vellet Annibal, Hispaniam primum ingressus, Saguntum urbem populi Romani sociam expugnavit, evertitque anno U. C. 534; mox per Galliam et Alpes viam sibi fecit labore incredibili, montes igne acetoque infuso perfringens: evasit denique in plana et aperta, ubi Romanos ad Ticinum, ad Trebiam, ad Trasymenum lacum, ad Cannas, profligat. Capuà dein potitus ad tertium ab urbe lapidem castra super Anienem fluvium posuit; cùmque per triduum in exercitus Romani conspectu fuisset, ne pugnam committeret, oborta tempestas intercessit. Tit. Liv. Lib. XXI.

*Pyrenæum.* Mons Pyrenæus separat Hispaniam a Gallia, meridiem versùs, ut Alpes Italiam ab eadem dividunt, ortum versùs.

- Diducit scopulos, et montem rumpit aceto.  
 Jam tenet Italiam; tamen ultra pergere tendit.  
 155 Actum, inquit, nihil est, ni Poeno milite portas  
 Frangimus, et mediâ vexillum pono Suburrâ.  
 Oqualis facies, et quali digna tabellâ,  
 Cùm Gætula Ducem portaret bellua luscum!  
 Exitus ergo quis est? O gloria! Vincitur idem.  
 160 Nempe, et in exsilium præceps fugit, atque ibi  
 magnus,

*rupes aceto dividit, montibusque diruptis Italiam occupat. Non hîc tamen sistit: Parum, inquit, promovimus, nisi Romæ frangimus portas et Punica vexilla in medio foro victores defigimus. O faciem spectandam! o dignum qui pingeretur, Annibalis coclitis, insidentis elephanto, vul-tum? Quod demum evadet vir tantus, quod recident tot con-silia, tot prælia, tot victoriæ? O humanæ gloriæ vanitatem! Idem ille qui Romæ jam imminebat, vincitur, fugit, pel-litur in exsilium, et ad regias fores magnus cliens assi-*

153. *Aceto.* Annibal invias Alpium rupes, excitato e vicinis arboribus igne, infuso-que saxis ardentibus aceto, putrefecit, disjecitque. Tit. Livius, Lib. XXI.

155. *Pæno.* Carthaginienses Poeni dicti sunt quasi Phœni. Ducebant enim a Phœnicibus originem. Virg. Lib. I AEn. v. 345.

156. *Suburra.* Sat. III, nota Suburræ.

158. *Gætula bellua.* Elephas Gætulus.

*Luscum.* Cùm penetrasset in Italiam Annibal, vigiliis et nocturno humore, palus-trique circa fluvium Arnun, qui stagnantibus aquis Etru-riam inundaverat, cœlo caput gravante, oculo altero captus est. Liv. Lib. XXII.

159. *Vincitur, etc.* Scipio,

ut hærentem in Italiæ visce-ribus Annibalem abstraheret, in Africam transportat exer-citum anno U. C. 549, victis Hannone, Syphace, Asdru-bale, ipsum Annibalem, qui ex Italia redierat in patriam, fundit fugatque, ac secundum bellum Punicum componit.

160. *In exsilium, etc.* An-nibal a Scipione victus, cùm suadere pacem civibus suis non posset, fugit clam ad Antiochum Syriæ Regem, inde ad Prusiam Regem Bi-thyniæ, in minori Asia: sed cùm ne ibi quidem tutus con-sisteret, Romanis eum a Pru-sia repetentibus, immo ejus domum obsidentibus, haus-to, quod habebat semper in promptu, veneno expiravit, natus annos 70.

Mirandusque cliens sedet ad prætoriam Regis,  
 Donec Bithyno libeat vigilare tyranno.  
 Finem animæ, quæ res humanas miscuit olim,  
 Non gladii, non saxa dabunt, non tela; sed ille  
 Cannarum vindex, ac tanti sanguinis ultor 165  
 Annulus. I, demens, et sævas curre per Alpes,  
 Ut pueris placeas, et declamatio fias.  
 Unus Pellæo juveni non sufficit orbis:  
 AEstuat infelix angusto limite mundi,  
 Ut Gyaræ clausus scopulis, parvæque Seripho. 170  
 Cum tamen a figulis munitam intraverit urbem,

*det, exspectans dum Bithyniæ regulus expergisci et admittere salutantem velit. Inquietam ac ferocem Annibalis animam, quæ terrarum orbem perturbavit, non exstinguunt enses, non scopuli, non tela; sed ipsius annulus, qui pœnas Romani sanguinis ad Cannas profusi ab eo repetet. I nunc, mortalium dementissime, Alpes transili, caput sexcentis periculis objice, ut laudem scilicet apud pueros in ludo litterario merearis, ac declamationibus argumentum illustre suppedites. Alexander orbe uno contentus non est; illi mundus hic videtur angustior, in eoque velut arctis constrictus spatiis, aut Gyra vel Seripho inclusus, angitur et miserè sudat. Ubi tamen Babylonem fueris in-*

161. *Cliens.* Sat. I, nota *Clientes*, et Sat. III, v. 115. Clientibus erat solenne ad salutem dicendam patronis, mane præstolari in atrio, donec evigilarent.

*Prætoriam.* Sat. I, nota 61.

162. *Bithyno.* Est Bithynia pars Asiæ minoris, in ea Prusias regnabat, cum ad ipsum Annibal fugit.

164. *Non gladii, etc.* Non honesta et forti morte occumbet, verbi gratia in acie, etc. sed intra parietes, ignotus, despectus, etc.

165. *Cannarum vindex.* Ultor cladis apud Cannas Apuliæ oppidum Romanis illatæ, ac

tot annulorum Romanis equitibus detractorum. Vide Sat. II, nota *Cannis*.

167. *Declamatio.* Oratio, vel Poëma, ficto argumento, ad exercendam eloquentiam, vocem, stylum.

168. *Pellæo juveni.* Pella, urbs Macedoniæ, patria Alexandri Magni. Cum Alexander audivisset ab Anaxarcho philosopho infinitos esse mundos, ingemuisse fertur, et in has voces erupisse: Miserum me, qui nondum unius domini sum!

170. *Gyara.* Sat. I, n. 59.

*Seripho.* Sat. VI, nota 416.

171. *A figulis munitam.*

Sarcophago contentus erit. *Mors sola fatetur, Quantula sint hominum corpuscula.* Creditur olim Velificatus Athos, et quidquid Græcia mendax

175 Audet in historia: cùm stratum classibus isdem, .  
Suppositumque rotis solidum mare: credimus altos

Defecisse amnes, epotaque flumina Medo  
Prandente, et madidis cantat quæ Sostratus alis.

*gressus, feretrum illi sufficiet. Sola mors, quàm exile quidpiam et minutum sit homo, docet. Credimus montem Athon olim a Xerxe perfossum et circumnavigatum fuisse: credimus alia id genus multa, quæ Græci, mendaciorum artifices egregii, litteris prodere non dubitant: cùm v. g. perhibent opertum æquor iisdem Xerxis classibus, quibus Athon circumnavigaverat, et curribus pervium exstitisse; fluvios integros exhaustos et exsiccatos uno Persici exercitus prandio, aliaque plurima ejusdemmodi, quæ Sostratus, cùm*

Babylonis muri e cocto latere constabant.

172. *Sarcophago.* Gall. *un cercueil.*

174. *Athos.* Mons Macedoniæ altissimus, in AEgeum mare procurrans, quem Xerxes, compendium viæ quærens, jussit abscindi a continente, fossâ et canali ducto inter Athon et continentem, passuum mille et quingentorum, per quod extemporale fretum naves suas transmissit.

175. *Cùm stratum classibus.* Xerxes Persarum Rex Græcum nomen delere cogitans, exercitum scripsit, in quo hominum tricies centena millia, navium centena millia numerabantur. Europam et Asiam junxit, fabricato e navibus super Hellespontum perpetuo ponte. Victus navali prælio, Hellespontum repetiit, ubi cùm disiectum solutumque pontem

hæveme ac tempestatibus offensus, jussit trecenta verbera infligi pelago, compedes injici, colaphosque incuti. Denique piscatoriâ scaphâ trajecit in Asiam.

176. *Suppositum rotis.* Nempe curruum, quibus supellectilem bellicam et tormenta devehebat, super pontem.

177. *Medo.* Medi, Asiæ populus, Persis vicinus.

178. *Sostratus.* Poëta, qui hanc Persarum cladem carmine prosequutus erat.

*Alis madidis.* Poëtæ cygni vulgò appellantur et alites Phæbi: madere vino iidem amant. Olent enim dulces vina Camænæ, ut canit Flaccus Ep. 19, Lib. I. Potest exponi *alis*, axillis, *madidis* verò, sudantibus; ibi enim sudor ut plurimum existit, labore collectus.



Ille tamen qualis rediit, Salamine relictâ,  
 In Corum, atque Eurum solitus sævire flagellis 180  
 Barbarus, AEolio numquam hoc in carcere passos,  
 Ipsum compedibus; qui vinxerat Ennosigæum?  
 Mitius id sanè, quod non et stigmatè dignum  
 Credidit. Huic quisquam vellet servire Deorum?  
 Sed qualis rediit? Nempe unâ nave, cruentis 185  
 Fluctibus, ac tardâ per densa cadavera prorâ;  
 Has toties optata exegit gloria poenas.  
 Da spatium vitæ, multos da, Juppiter, annos:  
 Hoc recto vultu, solum hoc et pallidus optas.  
 Sed quàm continuis et quantis longa senectus 190

*se largiter vino proluit, cantare amat. Idem ille nihilominus Xerxes qualis tandem in suam Persidem est reversus? Quantum ab illo mutatus, qui ventos verberibus cædi jusserrat, numquam profecto in AEoliis carceribus est mulctatos poenâ, qui vincula ipsi Neptuno injecerat? clementer sanè factum, quod eundem etiam candente ferro ad ignominiam inuri non imperaverit. Ecquis Deorum homini tam barbaro, tam impio navare operam ac favere vellet. Sed qualis tandem in Persidem remeavit? Nimirum unicâ navi per fluctus suorum militum sanguine cruentatos, et per cadaverum temere fluitantium acervos agrè viam expediens. Ita suos illos amatores Gloria tot expetita votis ulciscitur. O Jupiter, annue mihi longioris vitæ moras, annosque complures imperti: hoc erecto vultu, hoc unice ac sollicitè desideras. Verum quàm gravibus, quàm sibi sine ulla intermissione succedentibus incommodis senectus longior laborat! intûere faciem suâ formâ et venustate spoliata, ab*

179. *Salamine.* Insula prope Atticam, ubi a Themistocle et paucis Græcis victus Xerxes. Dicitur Salamis, Salamin et Salamina.

180. *Corum.* Unum e primoribus ventis, ab occidente flantem.

*Eurum.* Eurus unus e primoribus ventis; ab oriente spirat.

181. *AEolio.* AEolus, ventorum Rex.

182. *Ennosigæum.* Græca vox, ἐννοσίγαιος, terram quatens: Neptuni epithetum ab ἐνώ, concutio, et γαῖα: terra. Mare suis fluctibus terram concutit.

183. *Stigmatè.* Facinorosis hominibus inuruntur sæpe ad ignominiam, candenti ferro in fronte aut humeris notæ quædam, quas Græci vocant. *στίγματα*, a verbo, *στυγνίζω*, pingo.



Plena malis! deformem, et tetrū ante omnia  
vultum,

Dissimilemque suū, deformem pro cute pellem,  
Pendientesque genas, et tales adspice rugas,  
Quales. umbriferos ubi pandit Tabraca saltus,

195 In vetula scalpit jam mater simia bucca.

Plurima sunt juvenum discrimina: pulchrior ille  
Hoc, atque ille alio; multū hic robustior illo,  
Una senum facies; cum voce trementia labra,  
Et jam læve caput, madidique infantia nasi.

200 Frangendus misero gingivā panis inermi:

Usque adeo gravis uxori, natisque, sibique,  
Ut captatori moveat fastidia Cosso.

Non eadem vini, atque cibi, torpente palato,  
Gaudia. Quid refert sedeat quā parte theatri,

205 Qui vix cornicines exaudiat, atque tubarum  
Concentus? Clamare opus est, ut sentiat auris,  
Quem dicat venisse puer, quot nuntiet horas.

Prætereā minimus gelido jam corpore sanguis

*ea facie quæ olim erat, heu! longè diversam: pellem, vel corium potius aridum, pro molli et candida cute: genas pendulas, et sulcatas rugis, quales scabit vetula simia in Tabracæ nemoribus. Juvenes alii aliā dote inter se sunt dissimiles; hic illo formosior: ille fortior et valentior est: senum omnium idem est vultus, eadem deformitas, eadem totius corporis incommoda: vox cum labris tremit: caput pilis exutum; nasus, more infantium, ab humore perpetuo defluente madens. Comminuendus in minuta frusta panis, quem ipse nequit frangere ob gingivas dentibus destitutas: molestus conjugī, liberis, sibi; adeo ut ipsi Cosso, qui ejus hereditatem captat, nauseam tædiumque pariat. Non eandem e vino dapibusque voluptatem, senio videlicet palatum hebetante, percipit. Quid interest ubi sedeat in theatro, cujus aures cornuum ac tubarum clangore vix feriantur? Clamorem attollere servus debet, eum admonens quis ipsum conveniat domi, quā hora sit. Exiguus est sanguis in gelido corpusculo, isque frigidus,*

191. *Tabraca.* Urbs Africæ, cincta sylvis, simiorum plenis.

195. *Bucca.* Oris est rictus.

202. *Captatori.* Qui senum hereditati inhians, gratiam eorum aucupatur: ac licet

omnia pati assueverit, hunc

Febre calet solâ : circumsilit agmine facto  
 Morborum omne genus , quorum si nomina quæ- 210  
 ras ,

Promptius expediam , quot amaverit Hippia mœ-  
 chos :

Quot Themison ægros autumnno occiderit uno ,  
 Quot Basilus socios , quot circumscripserit Hirrus.  
 Percurram citius quot villas possideat nunc ,  
 Quo tondente gravis juveni mihi barba sonabat. 215  
 Ille humero , hic lumbis , hic coxâ debilis : ambos  
 Perdidit ille oculos , et luscis invidet : hujus  
 Pallida labra cibum capiunt digitis alienis.  
 Ipse ad conspectum cœnæ diducere rictum  
 Suetus , hiat tantum , seu pullus hirundinis , ad quem 220  
 Ore volat pleno mater jejuna. Sed omni  
 Membrorum damno major dementia : quæ nec  
 Nomina servorum , nec vultum agnoscit amici ,  
 Cum quo præteritâ cœnavit nocte ; nec illos

*nisi febre accendatur. Circumvolat morborum omnis generis  
 cohors numerosa , quos nominare si velim , citius dixerim  
 quot adulteros amaverit Hippia , quot ægroti a medico  
 Themisone fuerint uno Autumnno interfecti , quot socios  
 Basilus , quot Hirrus per malas artes spoliaverit : facilius  
 villas enumeravero , quarum nunc dominus est , qui tonsor  
 mihi olim juveni barbam desecuit. Alius senex humeris  
 laborat , alius lumbis , alius femore : hic oculo utroque  
 captus est , et fortunatos luscis putat ; ille aliendâ operâ  
 indiget , ut pallentibus labiis cibum sumat : cùmque ap-  
 ponuntur fercula , hincit duntaxat ore aperto , instar hi-  
 rundinini pulli , quem mater pascit , ipsa esuriens , et cui  
 escam in os ingerit. Sed istis , qui corpus vexant , morbis  
 longè gravior morbus infirmæ ac parum sanæ mentis est ,  
 quo fit ut neque servorum nomina meminerit , neque amici  
 vultum agnoscat , cum quò pridie cœnavit , neque liberos ex-*

tamen putidum et recoctum fallere : in arctum compellere.  
 senem ferre nequit. 215. Quo tondente , etc.

212. Themison. Medicus De ejusmodi tonsore meminit.  
 tunc nobilis. Sat. I , nota 22. Provocet.

213. Circumscripserit. Cir- 216. Coxâ. Pars superior  
 cumscribere est , circumvenire , femoris est.

- 225 Quos genuit, quos eduxit: Nam codice stervo  
 Heredes vetat esse suos: bona tota feruntur  
 Ad Phialen, tantum artificis valet halitus oris.  
 Ut vigeant sensus animi, ducenda tamen sunt  
 Funera natorum; rogos adspiciendus amatæ  
 230 Conjugis, et fratris, plenæque sororibus urnæ.  
 Hæc data poena diu viventibus; ut renovatâ  
 Semper clade domûs multis in luctibus, inque  
 233 Perpetuo mœrore, et nigrâ veste senescant.  
 Rex Pylus (magno si quidquam credis Homero)  
 235 Exemplum vitæ fuit a cornice secundæ.  
 Felix nimirum, qui tot per secula mortem  
 Distulit, atque suos jam dextrâ computat annos,  
 Quique novum toties mustum bibit: oro parumper  
 Attendas, quantum de legibus ipse queratur

*se educatos, et quibus hereditatem ipse suam crudeli testamento eripit, dum omnes fortunas donat Phialæ, quam heredem ex asse scribit; usque adeo potuit impura et vasa mulier hominem ore callido inescare! Sed fac tamen senem adhuc bonæ mentis esse compotem, nihilominus lugeat filiorum mortem oportebit, eosque ad rogam effera: dilectæ uxoris bustum ac fratris intuebitur: et urnas sororum cineribus refertas. Nempe id supplicii longævus manet, ut iteratis et continuatis in familia funeribus, assiduo in mœrore ac nigro amictu miseram senectutem exigant. Nestor, si Homero habemus fidem, unus post homines natos ad cornicum longævam ætatem proximè accessit: et actum scilicet præclarè cum illo putas, qui tamdiu vitam prorogaverit, jamque dexterâ utatur manu ad numerandam ætatem, ac toties vinum recens horumque potet. Verum,*

225. *Codice.* Libro, tabulis lris vivere perhibentur.  
 testamenti.  
 228. *Ut, etc.* Significat hinc, *quamvis.*  
 234. *Rex Pylus.* Pylus, Laconia, in Græcia, urbs. Ibi regnavit Nestor, Græcorum sapientissimus. Tres hominum ætates vixisse fertur.  
 235. *Secunda a cornice.* Longissimæ vitæ, post vitam cornicum, quæ multis secu-
237. *Dextrâ computat.* Vesteres digitis certo modo complicatis utebantur ad numerandum: et quidem adhibebant manum sinistram ad numeros infra centum designandos; dexteram, ad eos qui supra centum excurrerent. Nestor igitur centum annos expleverat, qui dextrâ uteretur ad eos numerandos.

Fatorum, et nimio de stamine; cūm videt acris 240  
 Antilochi barbam ardentem: nam quærit ab omni,  
 Quisquis adest, socio, cur hæc in tempora duret,  
 Quod facinus dignum tam longo admiserit ævo.  
 Hæc eadem Peleus, raptum cūm lūget Achillem:  
 Atque alius, cui fas Ithacum lugere natantem. 245  
 Incolumi Trojâ Priamus venisset ad umbras  
 Assaraci magnis solennibus, Hectore funus  
 Portante, ac reliquis fratrum cervicibus, inter  
 Iliadum lacrymas, ut primos edere planctus  
 Cassandra inciperet, scissaque Polyxena pallâ; 250

*amabo, expende quàm graviter ipse de fatorum in se inclementia expostulet, ut vitam accuset longiorem, cūm Antilochi filii jam grandioris et barbati cadaver impositum rogo cremari cernit. Cur, inquit, amicos adstantes adspiciens, in hoc usque tempus vivo? Quid sceleris admisi propter quod hæc mihi vitæ tam diuturnæ pœna sit irrogata? Eadem Peleus queritur, cūm Achillem filium acerbâ morte sibi ereptum deplorat: necnon Laërtes, cui senectus longa vitam idcirco videtur concessisse, ut Ulysssem variis Pelagi erroribus jactatum diutiùs lugeret. Si Priamus obiisset floreante adhuc Trojâ, quo tempore Paris in Græciam profecturus, et Helenam audaci rapturus scelere, classen adornabat; profectò elatus fuisset magno apparatu, et ad Assaraci Manes placidè descendisset, Hectore cum fratribus impositum humeris cadaver gestantibus, Trojanis matronis luctu lacrymisque funus prosequentibus, Cassandra planctum*

240. *Stamine.* Accipitur hoc in loco pro lana, quam e colu trahunt Parcæ, et cum ea vitam hominum ducunt, ut fingunt Poëtæ.

241. *Antilochi.* Antilochus Nestoris filius, a Memnone occisus fuit in Trojano bello.

*Peleus.* AEaci filius, Thetidis maritus.

*Achillem.* Sat. I, nota 148, et Sat. III, nota 265.

245. *Ithacum.* Ulysssem, ita dictum a patria Ithaca,

insula maris Ionii, contra Epirum.

247. *Assaraci.* Tros, Rex Trojanorum, Erichonio genitus, filios habuit Ium, Assaracum, et Ganymedem. Ab Ilo procreati sunt Laomedon et Priamus, ac proinde avus Priami Assaracus.

249. *Iliadum.* Troja dicta fuit Ilium ab Ilo Trois filio: Iliades, Trojanæ matronæ.

250. *Cassandra, Polyxena.* Priami filia, sorores Hectors. Virg. Lib. II AEneid.



Si foret extinctus diverso tempore, quo jam  
Coeperat audaces Paris ædificare carinas.

Longa dies igitur quid contulit? Omnia vidit  
Eversa, et flammis Asiam ferroque cadentem.

255 Tunc miles tremulus positâ tulit arma tiarâ,  
Et ruit ante aram summi Jovis, ut vetulus bos,  
Qui domini cultris tenue et miserabile collum  
Præbet, ab ingrato jam fastiditus aratro.

Exitus ille utcumque hominis: sed torva canino

260 Latravit rictu, quæ post hunc vixerat, uxor.  
Festino ad nostros, et Regem transeo Ponti,  
Et Cræsum, quem vox justi facunda Solonis

*inchoante, Polyxena discissis vestibus eundem incendente. Quid igitur Priamum vita longior juit? nisi ut patriam cerneret eversam, Asiamque Græcorum ferro flammisque vastatam? Tunc ipse jam senio tremens, deposito diademate, arma induit, atque ante Jovis aram confossus cecidit instar annosi bovis, qui ab aratro propter senectutem remotus, immolatur ab ingrato agricola, et exangue collum cultro subjicit. At illa mors, licet miserabilis, tamen ejusmodi est quam hominis natura non respuat; verum ejus uxor, quæ post illum est mortua, indignam homine mortem obiit, in belluam conversa, et canum more latrans. Omitto ut citius ad Romanorum exempla veniam, Mithridatem; omitto Cræsum, quem Solon sapienter admo-*

*Palla. Vestis est muliebris* haud invitam.

*amplior et honestior: scindebant vestes in luctu.*

251. *Diverso tempore.* Alio tempore, atque illo, quo perii: si extinctus fuisset illo tempore, quo Paris in Græciam est profectus.

252. *Paris.* Priami filius, frater Hectoris, abunde notus: ejus sororem Hesionem Hercules bello captam Telamoni Duci Græco dederat. Id ægrè ferens Priamus misit Paridem, qui eam aut reciperet, aut aliam raperet. Ille rapuit Helenam, et quidem, ut nonnulli tradunt,

255. *Tunc, etc.* Virg. lege Lib. 2, v. 206, trucidatus est a Pyrrho Priamus, ante altare Jovis Hercei.

260. *Uxor.* Hecuba, quæ luctu extabescens, cum Græcos probris et dieteriis incesseret, ac perpetuò veluti allatraret, in canem mutata fertur.

261. *Regem Ponti.* Pontus regio est minoris Asiæ. Mithridates annos octo et sexaginta confecit. De illius morte dictum Sat. VI, nota 513.

262. *Cræsum.* Regem Lydiæ, in Asia minori: qui cum



Respicere ad longæ jussit spatia ultima vitæ.  
 Exsilium, et carcer, Minturnarumque paludes,  
 Et mendicatus victâ Carthagine panis,  
 Hinc causas habuere. Quid illo cive tulisset  
 Natura in terris, quid Româ beatius unquam;  
 Si circumducto captivorum agnune, et omni  
 Bellorum pompâ, animam exhalasset opimam,

265

*nuit expectandum esse ultimum vitæ diem, ut aliquis beatè vixisse tutò pronunciaretur. Ceriè senectus in causa fuit cur Marius exsilio multatus, conjectus in carcerem, coactus delitescere in Minturnensi palude, ad extremum in ipsa quam vicerat, Carthagine, corrogare stipem ostiatim ac panem coactus sit. Quid illo fortunatius fuisset, si post captivorum turbam per vicos urbis traductam, post triumphum insigni pompâ peractum, ex illo curru descendens,*

sibi omnium esse mortalium felicissimus videretur, monitus est a Solone Græcorum legislatore sapientissimo neminem, qui adhuc viveret, hoc prædicare de se tutò ac verè posse: quod adeo agnovit ipse Croesus victus et captus a Cyro Persarum Rege, pyræque impositus: in qua cum Solonis nomen sæpe inclamaret; audiens Cyrus et rem totam edoctus, illum neci ac pyræ, ut aiunt, exemit. Anno mundi 3510, U. C. 210.

264. *Exsilium, etc.* C. Marius in Arpino municipio natus humili loco, ad summos honores togæ militiæque pervenit. Sex Consulatus, multas victorias, geminum triumphum adeptus est. Jugurtham in Africa, Cimbros in Galliis, Teutonas in Italia debellavit. Victus a Sylla urbe pellitur: exsul, egens errat per Italiam; in palude Minturnensi mento tenus immersus aliquandiu latet, agnitus in car-

cerem detruditur, et addicitur neci; sed immissum percussorem solâ oris majestate armatus, fugere trêpidum cogit: mox in Africam scapha effugit, ut mendicet ostiatim. Postea tamen collectis copiis redit in Italiam. Cinnæ se adjungit, capit Romam, inimicos trucidat; septimum extorquet Consulatum, et post dies decem ac septem obit senio, ærumnis, et crapulâ confectus. Anno U. C. 667.

*Minturnarum.* Est illa urbs in Latio.

268. *Captivorum.* Qui victi curram triumphantis sequebantur.

269. *Opimam.* Spolia quædam opima proprio vocabulo dicebantur apud Romanos, nempe quæ Dux Duci detrahebat: huc alludens vates respicit. Opimus *idem etiam est, ac fertilis, obesus, gloriosus, etc.*

- 270 Cùm de Teutonico vellet descendere curru?  
 Provida Pompeio dederat Campania febres  
 Optandas: sed multæ urbes, et publica vota  
 Vicerunt. Igitur fortuna ipsius, et urbis  
 Servatum victo caput abstulit. Hoc cruciatu  
 275 Lentulus, hâc poenâ caruit, ceciditque Cethegus  
 Integer, et jacuit Catilina cadavere toto.  
 Formam optat modico pueris, majore puellis  
 Murmure, cùm Veneris fanum videt anxia  
 mater,

*in quo de Teutonibus triumphaverat, animam velut ovan-  
 tem exspirasset? Expetenda fuerat illa Pompeio febris,  
 quæ tamquam calamitatum ipsi impendentium præscia,  
 eundem in Campania morantem invaserat. Perium vota  
 infelicia plurimarum urbium, et populi benevolentia, Su-  
 peros pro ejus incolumitate comprecantis, atque adeo fatum  
 Pompeio, et Romæ insensum, a Diis impetrarunt, ut eo  
 morbo levaretur, nempe ut a Cæsare debellatus, capite  
 minueretur, quo supplicio affectus non est Lentulus, non  
 Cethegus, non Catilina, qui nullâ corporis parte truncati,  
 perierunt. Mater, quoties templum Veneris intuetur, filios  
 anxie optat formosos, filias magis, nec modum in votis*

270. *Teutonico.* Cimbri et Teutones, populi Germaniæ inferioris, Romanas acies sæpius profligarunt. Teutonas adortus Marius prope Aquas sextias, urbem Galliæ, eorum trecenta fere millia aut cecidit, aut in servitutem abduxit. Cimbri in Italiam per Noricum, ex Alpibus, super clypeos suos inter nives devoluti, populationem ac vastitatem circumferebant, Catulo Consule frustra illis obistente. Marius eosdem ad Vercellas internecione dele- vit, ac tertius Urbis conditor est appellatus. Catulum tamen in Triumphi societatem adsci- vit. Vide Sat. VIII, n. 247,

251 et 252.

271. *Pompeio.* Suprà nota 108. *Pompeios.*

*Campania.* Pars Italiæ, ad Neapolim.

*Febres.* Ante bellum civile Pompeius Neapoli ægrotavit, ac vota pro ejus salute publicè suscepta sunt.

275. *Lentulus.* P. Lentulus conjurationis Catilinariæ particeps, unâ cum Cethego, a Cicerone comprehensus, in carcere strangulatus fuit.

*Cethegus.* Sat. II, nota *Cethegum.* Sat. VIII, v. 220.

276. *Catilina.* Sat. II, nota *Catilina.* Sat. VIII, v. 229.

Usque ad delicias votorum. Cur tamen, inquit,  
 Corripias? pulchrâ gaudet Latona Dianâ. 280  
 Sed vetat optari faciem Lucretia, qualem  
 Ipsa habuit: cuperet Rutilæ Virginia gibbum  
 Accipere, atque suam Rutilæ dare. Filius autem  
 Corporis egregii miseros, trepidosque parentes  
 Semper habet: *Rara est adeo concordia formæ*, 285  
*Atque pudicitiae!* Sanctos licet horrida mores.  
 Tradiderit domus, ac veteres imitata Sabinas:  
 Præterea castum ingenium, vultumque modestum  
 Sanguine ferventem tribuat natura benigna

*ullum tenet. Quid vitii votum isthuc habet, inquit illa? Nonne Latona magnam e Dianæ pulchritudine voluptatem et gloriam capit? Fateor, at Lucretia documento est, quam periculosa sit insignis ejusmodi pulchritudo: nec Virginia libenter oris sui dignitatem cum Rutilæ gibbo non mutaret. Filius liberali et honestâ facie præditus continuam parentibus sollicitudinem et metum offert. Quippe raro venustatem cum pudicitia junctam reperiatis. Quamvis puer optimis imbutus moribus, quamvis domesticâ disciplinâ, priscorum Sabinorum ritu, sobriè ac severè fuerit educatus: quamvis indolem castimonie amantem, modestam faciem ac pudico rubore suffusam acceperit a natura. Quod*

279. *Delicias votorum.* Vota exquisita, nimis delicata et lepida. Hæc Persius disertè explicat, Sat. II, v. 37. *Hunc (puerum) optent generum Rex et Regina: puellæ hunc raptant, quidquid calcaverit hic, rosa fiat, etc.*

280. *Lalôha.* Mater Dianæ et Apollinis.

281. *Lucretia.* Matrôna Romana, insignis pudicitie, quæ a Tarquinii Superbi Romanorum Regis ultimi filio per vim oppressa, seipsam interemit.

282. *Rutilæ.* Anus gibbosæ et retorridæ, quæ annos 97 vixisse perhibetur.

*Virginia.* Anno Romæ

303, creati fuerant ad condendas leges Decemviri. Præcipuâ vigeat inter illos auctoritate Appius Claudius, qui ad scelus, eadem, ut fit, abutens, adjecit oculos ad Virginiam, Virginii Centurionis filiam. Cùm filie pudicitiam graviter oppugnari potuisse, pater absens audivisset, Romam advolans, eam ultrò jugulavit, maluitque filiam nullam habere quàm turpem. Livius, Lib. III, c. 44.

287. *Sabinas.* Sabini, populus antiquus Italiæ, insigniter frugalis et parcus.

289. *Sanguine ferventem.* Verecundum; faciliè eru-

- 290 Larga manu. Quid enim puero conferre potest plus  
Custode, et curâ natura potentior omni?  
Sed casto quid forma nocet? quid profuit olim  
Hippolyto grave propositum? quid Bellerophonti?  
Erubuit nempe hæc, ceu fastidita, repulsâ.  
295 Nec Sthenobæa minus, quàm Cressa excanduit,  
et se

Concussere ambæ. Mulier sævissima tunc est,  
Cum stimulos odio pudor admovet. Elige quidnam  
Suadendum esse putas, cui nubere Cæsaris uxor

*enim ipsi beneficium præstantius largiri natura potest? quæ una profectò plus et custodibus omnibus et cautionibus ad servandam probitatem valet. Attamen, inquires, quid obest forma, si quis pudicitiam retinere omnino decreverit. Decreverat istud quidem Hippolytus; decreverat Bellerophon; quàm gravibus uterque nihilominus periculis et exitiis obiectus est! Phædra se repulsam ab Hippolyto videns, et contemptam, pudore simul et odio ad ultionem exarsit. Nec leviores quàm Phædra concepit iras Sthenobæa, Bellerophontis fastidium et probitatem non ferens: itaque ambæ ad castissimorum adolescentum perniciem totis animis incubuerunt. Nihil est muliere crudelius, cum ad odium pudor et infamiæ metus accessit. Age quid consilii capiendum esse putas Silio, cui nubere Augusta constituit? Ado-*

bescentem; quod est virtutis indicium.

293. *Hippolyto.* Hunc Phædra noverca deperibat: frustra tentatum accusavit ipsa apud ejus patrem Theseum, quasi ab eo fuisset de flagitio interpellata. Theseus a Neptuno petiit ut in filium curru vectum et spatiantem in littore Phocasimmitteret. Equi monstris marinis terriți excusserunt Hippolytum, et raptum per sylvas laniarunt.

*Bellerophonti.* Bellerophon, Glauci Regis Corynthiorum filius, Prætum Argivorum Regem invisebat: amavit adolescentem Sthenobæa

Præti uxor, sed castum experta, perdere statuit. Itaque insinulavit apud Prætum, qui malè credulus egit cum Sthenobææ patre, ut Bellerophon Chimæaræ lacerandus objiceretur.

295. *Cressa.* Cretensis nempe Phædra, filia Minois Cretensium Regis.

298. *Cui nubere, etc.* Exemplo Romano confirmat formosos magnis obnoxios periculis esse. Messalina, uxor Claudii, Romanorum Imperatoris quarti, amore cujusdam Silli juvenis, Consulis designati, adeo protervè ac petulanter exarsit, ut matri-



# SATIRA DECIMA.

237

300

305

310

Destinat. Optimus hic, et formosissimus idem  
Gentis patriciæ rapitur miser exstinguendus  
Messalinæ oculis: dudum sedet illa parato  
Flammeolo, Tyriusque palam genialis in hortis  
Sternitur, et ritu decies centena dabuntur  
Antiquo, veniet cum signatoribus auspex.  
Hæc tu secreta, et paucis commissa putabas?  
Non nisi legitimè vult nubere. Quid placeat, dic:  
Ni parère velis, pereundum est ante lucernas.  
Si scelus admittas, dabitur mora parvula, dum res  
Nota urbi et populo contingat Principis aures.  
Dedecus ille domus sciet ultimus. Interea tu

*lescens egregiè probus, formosus, nobilis et patricio loco  
natus abripitur, ut in conspectu Messalinæ juguletur, si  
ejus nuptias respuat. Expectat illum prociæ mulier nuptiali  
veste induta, paratur domi lectus, prædidi nuptiarum, genio  
sacer, pro dote centena sestertiorum, antiquo more, millia  
numerabuntur. Non deerunt auspices, atque signatores ta-  
bularum et contractis. Credebas matrimonium istud clam  
agitari, et paucis consciis testibusque adhibitis: atqui ser-  
vatis omnibus legibus et ritibus matrimonii, nubere Mes-  
salina decrevit. Tecum expende, Sili, quid eligas. Si mo-  
rem gerere abnuis, mortem tibi, antequam sol occidat,  
paratam scito: si tanto scelere te obstringis, non diu  
eodem lætabere, donec nimirum facinoris jam totâ civitate  
pervulgati fama Cæsaris aures allabatur: ille omnium  
postremus inustam domi suæ ignominiam resciet. Interea*

monium palam contrahere  
cum eo non dubitaverit.  
Claudius qui tunc Ostiam, sa-  
crificii causâ profectus erat,  
cum rem accepisset, homo  
miræ facilitatis, aut vecordiae  
potius, cum ignoscere illis  
cogitaret, admonente et ur-  
gente Narcisso liberto, utri-  
que necem afferri jussit.

300. *Patriciæ. Sat. I, no-  
ta 22.*

302. *Flammeolo. Sat. II,  
nota Flammea.*

*Genialis. Subaudi lectus;  
Genio sacer.*

303. *Decies centena. Sub-  
audi, sestertiorum millia.*

*Ritu antiquo.* Nonnulli hoc  
ironicè dictum accipiunt,  
tanta enim pecuniæ vis mo-  
ribus antiquis, et veterum  
parcimoniæ non congruit.

304. *Auspex.* Qui auspi-  
cia captat. Nefas enim erat  
quidpiam moliri, non captis  
prius auspiciis.

307. *Ante lucernas.* Ante  
vesperam, cum faces domi  
accenduntur.

310. *Ultimus.* Monitus a  
liberto suo Narcisso.



Obsequere imperio, si tanti est vita dierum  
 Paucorum : quicquid levius, meliusque putaris,  
 Præbenda est gladio pulchra hæc, et candida  
 cervix.

- Nil ergo optabunt homines ? Si consilium vis,  
 315 Permittes ipsis expendere numinibus, quid  
 Conveniat nobis, rebusque sit utile nostris ;  
 Nam pro jucundis aptissima quæque dabunt Di.  
 Carior est illis homo, quam sibi. Nos animorum  
 Impulsu, et cæcâ, magnâque cupidine ducti,  
 320 Conjugium petimus, partumque uxoris ; at illis  
 Notum, qui pueri, qualisque futura sit uxor.  
 Ut tamen et poscas aliquid, voveasque sacellis  
 Extâ, et candiduli divina tomacula porci,  
 Orandum est, ut sit mens sana in corpore sano.  
 325 Fortem posce animum, et mortis terrore ca-  
 rentem :

Qui spatium vitæ extremum inter munera ponat  
 Naturæ, qui ferre queat quoscumque labores,

*morem gere, Sili, si tanti æstimas brevem usuram lucis ac vitæ. Quidquid demum statuas tamquam rebus tuis utilius, obeunda mors erit, ac tuum illud caput venustum et elegans gladio demetendum. Hæc si se ita, uti diximus, habent, inquiet aliquis, nihil erit optandum hominibus. Si me audis, relinques Superis considerandum, quid tibi expediat. Pro iis enim rebus, quas voluptate ducti concupiscimus, utiles largientur, quippe quibus cariores quam nobis ipsi, simus. Nos cæco et præcipiti quodam animorum impetu et cupiditate impulsî matrimonium expetimus, et conjugis partum : at norunt Superi, qualis uxor, qualis filius futurus sit. Ne nihil tamen petas, ne nullas Cælitibus victimas immoles, petendum ab illis hoc unum, ut mente sanâ, sano corpore sis. Postula fortitudinem et robur animi, qui nullo mortis metu perturbetur, qui vitam longiorem in postremis naturæ muneribus numeret, qui*

321. Qui pueri. An boni,  
 an mali sint nascituri.

Tomacula. Farcimîna quædam ex intestinis porcorum.

323. Candiduli porci. Ait Varro in nuptiis et re uxoria, albos porcos sacrificari.

326. Spatium vitæ extremum. Potest hoc de morte exponi sic : qui mortem ponat inter naturæ munera.

Nesciat irasci, cupiat nihil, et potiores  
 Herculis ærumnas credat, sævosque labores  
 Et Venere, et coenis, et plumis Sardanapali. 330  
 Monstro, quod ipse tibi possis dare: semita certè  
 Tranquillæ per virtutem patet unica vitæ.  
*Nullum numen abest, si sit prudentia.* Nos te  
 Nos facimus, Fortuna, Deam, coeloque locamus.

*ferendis quibuscumque laboribus par, qui potens iracundia, cupiditatisque, sit; qui Herculis ærumnas laboresque, voluptatibus, epulis, et mollibus Sardanapali stratis anteponat. Doceo te felicitatem cujus-tu artifex tibi esse possis. Virtus traducendæ per summam tranquillitatem vitæ unica ratio est; modo adsit prudentia, facile Fortunâ carebimus, ejusque numen contemnemus, quæ inter Deos locum nisi vitio nostro non obtinet.*

329. *Herculis.* Vide App. liciisque perdit: cujus ea  
 c. XV. vox, Epicureo digna porco,

330. *Sardanapali.* Regis fertur: Ede, bibe, lude, cetera nihil sunt.

# SATIRA XI.

## ARGUMENTUM ET SYNOPSIS.

*Invitat Persicum amicum suum ad frugalem coenam, et occasione datâ, helluones insectatur.*

**A**TTICUS eximiè si coenat, lautus habetur :  
Si Rutilus, demens. Quid enim majore cachinno  
Excipitur vulgi, quàm pauper Apicius? Omnis  
Convictus, thermæ, stationes, omne theatrum  
5 De Rutilo : nam dum valida, ac juvenilia membra  
Sufficiunt galeæ, dumquæ ardenis sanguine fertur,  
Non cogente quidem, sed nec prohibente Tribuno,

**S**I Atticus epulatur opiparè, homo splendidus et magnificus existimatur : si Rutilus hoc idem facit, dementem illum prædicamus. Quid enim est quod vulgò magis rideamus, quàm, si quis egens, Apicii luxum imitari gestiat? In ore omnium Rutilus est, frequens de illo sermo in conviviis, in balneis, in theatro, in plateis : quippe qui post fortunas in ganeis dilapidatas, ad ludum gladiatorium, ut narrant, brevi est iturus, dum per ætatem ac robur adhuc arma tractare potest; ut ibi a magistro artis gladiatoriæ excipiat scripto concepta verba, et regulas, quibus tirones in ludicra pugna instituuntur; non coactus

1. *Atticus.* Dives quispiam, tunc notus.

3. *Apicius.* Famosus fuit apud Romanos helluo, Tiberio imperante.

4. *Thermæ.* Sat. VII, nota 223; VIII, nota 166.

*Stationes.* Hic gall. places publiques.

5. *Nam dum, etc.* Ideo in ore omnium est Rutilus quòd redactus ad egestatem cogatur gladiatoriam artem discere,

re, ex qua faciat quæstum aliquem : gladiatores enim conducebantur pretio, cum ederentur spectacula; cum pompa, exequiæ, etc. celebrarentur.

6. *Fertur.* Vel, properat in ludum gladiatorium, ibi scripturus præcepta istius artis; vel, dicitur, jactatur scripturus esse leges, etc.

7. *Tribuno.* Debuisset Tribunus plebis prohibere, ne

**Scripturus**

Scripturus leges, et regia verba lanistæ.  
 Multos porro vides, quos sæpe elusus ad ipsum  
 Creditor introitum solet expectare macelli; 10  
 Et quibus in solo vivendi causa palato est.  
 Egregius cœnat, meliusque miserrimus horum;  
 Et citò casurus jam perlucente ruinâ.  
 Interea gustus elementa per omnia quærunt,  
 Numquam animo pretiis obstantibus; interius si 15  
 Attendas, magis illa juvant, quæ pluris emuntur.  
 Ergo haud difficile est perituram arcessere sum-  
 miam,

quidem a Tribuno, non tamen ab eodem prohibitus. Multos videre est, quos sui creditores sæpe antea decepti, operiuntur in ipso macelli aditu: qui videntur eam unam ob causam vivere, ut edant ac bibant. Quod quis inter illos est perditior, et citius ad egestatem redigendus, eò lautius vescitur. Interim donec suppetunt nummi, gulæ irritamenta et ciborum delicias in aëre, mari, terra, consectantur, et ex omnibus elementis corrogant, neque ullius pretii magnitudine, et caritate ullius opsonii quod, illis ariserit, deterrentur ab emendo: quin, si rem diligentius expendas, ea fercula magis eos delectant, quæ majori pretio cœmuntur. Neque verò admodum laborant quemadmodum pecuniam malè perdendam comparent, quippe qui non dubitent eam a creditoribus mutuari dotis pignori pati- nis aureis argenteisque, ac reliquâ domesticâ suppellectili; concisis etiam frustatim et comminutis parentum suorum sta-

civis artem gladiatoriam tractaret, quæ mancipiorum vulgo erat.

8. *Regia verba.* Dictata et præcepta quibus regio more tirones lanista docet; stâ, ferri, declina, etc.

*Lanista.* Sic vocabantur qui familias gladiatorum instituebant, alebant, etc. Sat. III, nota 43. *Lanistæ.*

10. *Expectare.* Cum habeat pro certo se illic debitores gulæ deditos inventurum quos domi reperire, aut alloqui non potuerit.

12. *Egregius.* Magis egregie.

13. *Casurus.* Metaphora sumitur a pariete vitioso, qui tum intelligitur esse brevi ruinurus, cum rimas agit, per quas ipse paries perlucet: trans quas prospectus patet.

14. *Gustus.* Exquisiti saporis cibos.

17. *Ergo haud, etc.* Ut emant illa opsonia cariorea, nihil putant difficile, aut vetitum, ne ipsas quidem lances oppignerare, etc.



Lancibus oppositis, vel matris imagine fractâ,  
Et quadringentis nummis condire gulosum

20 Fictile : sic veniunt ad Miscellanea ludi.

Refert ergo quis hæc eadem paret: in Rutilo nam  
Luxuria est, in Ventidio laudabile nomen.

Sumit, et a censu famam trahit. Illum ego jure  
Despiciam, qui scit quantò sublimior Atlas

25 Omnibus in Lybia sit montibus; hic tamen idem.

Ignoret quantum ferrata distet ab arca

Sacculus. E Cælo descendit.

Figendum, et memori tractandum pectore, sive

tuis : neque cunctantur in unum aliquod opsonium fictili  
patinæ, quandoquidem aliæ pignori sunt datæ, imposi-  
tum, quadringenta sestertia impendere. Ita dissipatis brevi  
fortunis edeveniunt isti gulosi, ut histriones evadant,  
ac personam in Miscellaneis ludis agant. Interest igitur quis  
lautè ac splendide vescatur : id enim si Rutilus faciat,  
luxui et intemperantiæ deditus esse dicetur; si Ventidius,  
honestè ac laudabiliter agere prædicabitur; idemque vi-  
tium, quia fit a divite, nomen virtutis induet. Mihi verò  
ille parum sapere merito videbitur, qui novit quantò altior  
ceteris Africæ montibus sit Atlas, neque tamen sciat quan-  
tum sit discriminis inter ingentem arcam ferro munitam,  
et exiguum crumenam. Præclara illa vox et sententia,  
Nosce teipsum, e cælo ad nos demissa est : oportet illam  
altis mentibus reponere, illiusque meminisse, seu ducere

19. Quadringentis. Sat. I,  
nota 91.

20. Miscellanea. Duplex  
huic verbo subjecta vis est :  
prima, ut significet ludos in  
quibus ludicra varii generis  
ederentur spectacula, quos  
Suetonius in Caligula cap. 20,  
Miscellos vocat : altera, ut  
significet cibum quemdam gla-  
diatorum proprium, e variis  
dapibus mixtum. Quo sensu  
vocem illam si accipias, lo-  
cum hunc de ludo gladiatorio  
accipe, non de histrionico.

Ludi. Positum est pro lu-  
dii, sicut peculi pro peculii,

etc. Est autem Ludius, his-  
trio, ludio, qui artes ludi-  
cras exercet. Explicui Sat.  
VI, nota 49, ubi vox eadem  
pro gladiatore sumitur.

22. Ventidio. Sat. VII,  
nota 199.

24. Atlas. Sat. VIII, nota  
30. Mauritaniæ mons, in Afri-  
ca, cujus pars et Lybia.

γῶσι σεαυτὸν. Nosce te  
ipsum. Hanc sententiam tri-  
buit Plinius, Chiloni cuidam  
Lacedæmonio : Diogenes  
Laërtius, Thaleti Milesio :  
Cicero, Apollini.



Conjugium quæras, vel sacri in parte Senatus  
 Esse velis: nec enim lorica[m] poscit Achillis 30  
 Thersites, in qua se traducebat Ulysses.  
 Ancipitem seu tu magno discrimine causam  
 Protegere affectas, te consule: dic tibi quis sis,  
 Orator vehemens, an Curtius, an Matho. Buccæ  
 Noseenda est mensura tuæ, spectandaque rebus 35  
 In summis minimisque, etiam cum piscis emetur.  
 Nec mullum cupias, cum sit tibi gobio tantum  
 In loculis; quis enim te, deficiente crumenâ,  
 Et crescente gulâ, manet exitus? ære paterno,  
 Ac rebus mersis in ventrem fœnoris atque 40  
 Argenti gravis, et pecorum, agrorumque capa-  
 cem?

*uxorem cogites, sive in Senatum cooptari velis. Quippe Thersites Achillis demortui arma nequaquam expetivit, suæ sibi videlicet ignaviæ conscius, quibus ferendis ne ipse quidem Ulysses par, cum ea induit, ludibrio est habitus. Ad hunc modum tu, cum periculosam et dubiam defendere causam mediteris in foro, tuas vires expende, temetipse inspice, an eloquens peritusque sis patronus, an Curtio, et Mathoni similis. Oris tui, ingenii, facultatis, modulum attende, si quid majoris minorisve negotii suscipias, etiam cum piscem emes, ne mullum appetas, quando gobionis pretium duntaxat habebis in crumena. Quorsum enim, quæso, evades, cum exhaustis opibus, augebitur lautiorum dapum appetentia? Cum patrimonium et fortunas omnes conjeceris in tuum abdomen, quod instar voraginis usuras, vasa argentea, greges, fundos, absorbet, ac devorat? Ejusmodi helluones, post omnia bona consumpta,*

29. Sacri. Venerandi. Nihil sanctius justitiâ, cujus arbitri et custodes Senatus.

38. Achillis. Sat. I, nota 148. Post ejus mortem, magna contentio inter Ajacem præsertim et Ulyssem orta est, cum ejus arma, scilicet a Vulcano fabricata, uterque sibi deposceret. Reim fusè narrat Ovid. Lib. XIII Metam. Ulysses vicit.

31. Thersites. Sat. VIII, nota 267.

Traducebat. Sat. VII, nota 16. Traducit.

34. Curtius, Matho. Ignobiles eâ tempestate caudidici.

37. Mullum. Sat. IV, nota 14.

Gobio. Vilis pisciculus: un goujon.

41. Gravis. Non signati, pari, quod est adhuc in massa.

Talibus a dominis post cuncta novissimus exit

Annulus, et digito mendicat Pollio nudo.

Non præmaturi cineres; nec funus acerbum

45 Luxuriæ, sed morte magis metuenda senectus.

Hi plerumque gradus, conducta pecunia Romæ,

Et coram dominis consumitur. Inde ubi paulum

Nescio quid superest, et pallet fœnoris auctor,

Qui vertère solum, Baias, et ad Ostia currunt.

50 Cedere namque foro jam non tibi deterius, quàm

Esquilias a ferventi migrare Suburra.

*coguntur denique vendere suum annulum, eoque exsutus Pollio adigitur ad stipem corrogandam. Illis ganeonibus non tam præcox et intempestiva mors, quam senectus ipsa est peritimescenda. Porro ad extremam egestatem et miseriam istis serè gradibus deveniunt: primum nummos accipiunt mutuos, quos Romæ dilapidant, inspectantibus ipsis creditoribus: postquam illa pecunia toto ferè consumpta est, incipitque fœnerator metuere ne sortem perdat; tum isti nebulones Roman exsilio voluntario deserunt, demum ad Baïanum Ostiensemve portum fugiunt. Nam decoquere ac forum argentarium relinquere, nemini videtur nunc turpius, quàm ab una urbis regione ad alteram, a Suburra, ubi æstas et calor est gravior, in Esquilias frigidiores*

42. Exit. A digitis, e scrinio.

43. Annulus. Erat insigne Equitum Romanorum. Sat. I, nota 26.

Pollio. Nobilis belluo.

47. Dominis. Creditores, domini sunt pecuniæ mutuo datæ. Deinde imperium quoddam in debitores durissimum, ac dominatum vulgò exercent.

49. Baias. Sat. III, not. 4.

Ostia. Sat. VIII, nota 169.

Ostia. Fugiunt autem Ostia, vel Baias, ut se mari committant, et in longinquas regiones demigrent, ubi sint a creditoribus tuti. Porro vertere solum, pro, exsulare dicitur.

50. Cedere foro. Est id quod Galli dicunt, faire banqueroute. Latini, decoquere, vel conturbare. Circa forum tabernas habebant suas ac mensas argentarii, les Banquiers: qui pecuniam igitur dilapidaverant, illis nihil erat quod agerent in foro. Hinc decoctores foro cedere dicebantur.

51. Esquilias. Sat. III, nota 70.

Suburra. Sat. III, nota 5. Suburræ. Esquilinus mons unus erat e septem Romæ collibus: ac proinde aër ibi frigidior: qui calidior in Suburra, vico humiliore.

Ille dolor solus patriam fugientibus, illa  
 Moestitia est, caruisse anno Circensibus uno.  
 Sanguinis in facie non hæret gutta: morantur  
 Pauci ridiculum, et fugientem ex urbe pudorem. 55  
 Experiêre hodie numquid pulcherrima dicta,  
 Persice, non præstem vitâ, vel moribus; et re;  
 Sed laudem siliquas occultus ganeo; pultes  
 Coram aliis dictem puero, sed in aure placentas.  
 Nam cum sis conviva mihi promissus, habebis 60  
 Evandrum, venies Tirynthius, aut minor illo  
 Hospes, et ipse tamen contingens sanguine Cœlum;  
 Alter aquis, alter flammis ad sydera missus.

*demigrare: unum id exsules isti dolent, quod Circenses ludos, unius anni, quo absuturi sunt Româ, spatio, non spectabunt: ceterum, quod decoxerint, quod patriam deseruerint, nullo modo erubescunt. Quotus enim quisque tandem est, qui pudorem Româ jam exsulare compulsus, et ab omnibus irrisum, retinere curet? Intelliges hodiernâ die, o Persice, an præclaras istas frugalitatis leges observem reipsa; utrum in moribus meis ac vivendi ratione veluti repræsentem ea, quæ verbis et magnificâ oratione prædicavi: an olera, et viles cibos palam collaudem, interim dum clam vescor lautioribus: an cum invisunt me amici, clarâ voce jubeam a servo parari mihi in cœnam pultes: voce dein submissâ, eidem ut placentas apponat imperem. Cum enim promiseris te domi meæ cœnaturum, eisdem frugalitate a me accipieris quâ Evander accepit Herculem, aut Æneam minorem Hercule hospitem, Divos tamen cognatione attingentem; utrumque diversâ morte adscriptum Superis, hunc aquis demersum, illum flammis*

53. *Circensibus.* Satira III, nota 208.

58. *Siliquas.* Sant leguminum involucria. Hic pro ole-ribus ponuntur.

59. *Placentas.* Placenta, propriè, un gâteau: hoc in loco *cupedia* et *opsonia delicataria* significat.

61. *Evandrum.* Evander, Arcadium Rex, in Italiam venit, ubi Herculem dicitur ac-

cepisse, et postea Æneam: utrumque parè ac frugaliter, ut scribit Virgil. Lib. VIII, v. 180, etc.

*Tirynthius.* Hercules, ita dictus a Tirynthe, seu Tirynthia, agri Argivi oppido, in quo educatus.

62. *Contingens, etc.* Æneas Veneris filius.

63. *Aquis.* Fertur Æneas obiisse demersus in fontem,

Fercula nunc audi nullis ornata macellis.

- 65 De Tiburtino veniet pinguissimus agro  
Hœdulus, et toto grege mollior, inscius herbæ,  
Necdum ausus virgas humilis mordere salicti,  
Qui plus lactis habet, quàm sanguinis: et montani  
Asparagi, posito quos legit villica fuso.  
70 Grandia præterea, tortoque calentia fœno  
Ova adsunt ipsis cum matribus, et servatæ  
Parte anni, quales fuerant in vitibus, uvæ.  
Signinum Syriumque pyrum de corbibus isdem:

*absumptum. Accipe nunc quas tibi sim appositurus dapes, non illas quidem exquisitas, et arte multâ in macello præparatas. Hœdus præpinguis mensæ inferetur, et natus in agro Tiburtino; reliquis ejusdem armenti hœdulis tenerior, qui nondum herbam degustavit, nec momordit ramulos parvarum salicum, in quo major lactis copia, quam sanguinis est: apponuntur deinde asparagi quos in montibus, depositâ ad tempus colo, decerpit mea villica: non aberunt ova grandiora, et adhuc a nido calida, simulque gallinæ, quæ illa ediderunt: addam uvas, quæ licet ab aliquo tempore jam lectæ fuerint, ita diligenter tamen asservatæ sunt, ut videantur adhuc e suis palmitibus pendere. Educam ex eodem promiscuè canistro pyra nata in Signinæ arvis, et alia ex eorum genere quæ primum e Syria in Italiam ad-*

sen flumen Italiæ, Numicium.

*Flammis.* Hercules Iolen Euriti Regis OEchaliæ filiam prætulera uxori Dejaniræ: quæ id regre ferens misit Herculi vestem sanguine Nessi Centauri infectam, ignorans præsentissimum venenum esse: imò existimans eo remedio virum facile ab Ioles amore abductum iri. Vix ille vestem induerat, cum in furorem versus, pyram extruxit, in eamque insiliens, exustus est.

64. *Fercula.* Quæ tibi apponere statui.

*Nullis ornata macellis.* Non empta, vel e macello et foro petita.

65. *Tiburtino.* Sat. III, nota 177. *Tiburis.*

66. *Inscius herbæ.* Materno adhuc lacte victitans, nondum herbam delibavit.

67. *Salicti.* Salictum, est locus salicibus consirus.

69. *Asparagi.* Gall. *des asperges.*

70. *Torto fœno calentia.* Adhuc retinentia calorem nidi, e torto fœno confecti.

73. *Signinum.* Signia, nunc Segni dictum, in ditione Pontificia est.



AEmula Picenis, et odoris mala recentis,  
 Nec metuenda tibi, siccatum frigore postquam 75  
 Autumnum, et crudi posuere pericula succi.  
 Hæc olim nostri jam luxuriosa Senatus  
 Coena fuit. Curius parvo quæ legerat horto  
 Ipse focis brevibus ponebat oluscula, quæ nunc  
 Squalidus in magna fastidit compede fossor. 80  
 Sicci terga suis rarâ pendentia crate,  
 Moris erat quondam festis servare diebus,  
 Et natalitium cognatis ponere lardum,  
 Accedente novâ, si quam dabat hostia, carne.  
 Cognatorum aliquis titulo ter Consulis, atque 85  
 Castrorum imperiis, et Dictatoris honore  
 Functus, ad has epulas solito maturiùs ibat,

*vecta sunt: itemque poma cum Picenis certantia, quibus inest idem odor ac si essent recentia: et quæ nihil habent noxium, quia crudum et periculosum succum, quem autumno contraxerant, hyemis frigore coxerunt ac mitigarunt. Ita cœnabant nostri pridem Senatores, iis etiam temporibus quibus a priscorum Romanorum frugalitate defecere cœperant. Curius aliud nihil cœnabat, quàm legumina, quæ in horto suo ipse collegerat, et exili coxerat foco: quæ nunc adspernantur etiam servi, qui catenis vincti humum ruri fodiunt. Olim solebant majores nostri servare ad dies festos solennibus epulis celebrandos dorsum porcinum sublimè suspensum in crate lignea, ut exsiccaretur: et cum affines die suo natali ad convivium invitabant, apponebant ipsis nihil præter laridum, et aliquid recentis carnis, si quid ex immolata fortè hostia restaret. Ad ejusmodi cœnam, tamquam ad opimum convivium, unus aliquis e propinquis, licèt Consulatu ter functus, licèt maximis præfuisset exercitibus, et Dictaturam gessisset, properabat horam cœnæ solitam antevertens, et ligonem, quo monta-*

Syrium. Sat. VIII, nota 167. Syriæ annibus.

74. Picenis. Ager Picens est in Italiæ ora orientali. Sat. IV, nota 64. Picens.

78. Curius. Sat. II, nota 3.

86. Compede. Solebant Romanorum mancipia opus ruri

facere vincta compedibus, ne diffugerent.

86. Castrorum imperiis. Præfectura castrorum: militaribus honoribus.

Dictatoris. Sat. VIII, nota 7.



Erectum domito referens a monte ligonem.  
Cum tremerent autem Fabios, durumque Catonem,

- 90 Et Scauros, et Fabricios; rigidique severos.  
Censoris mores etiam collega timeret:  
Nemo inter curas, et seria duxit habendum,  
Qualis in Oceani fluctu testudo nataret,  
Clarum Trojugenis factura, ac nobile fulcrum:  
95 Sed nudo latere, et parvis frons ærea lectis  
Vile coronati caput ostendebat aselli,  
Ad quod lascivi ludebant ruris alumni.  
Tales ergo cibi, qualis domus, atque supellex.  
Tunc rudis, et Graias mirari nescius artes,

num atrovum prosciderat, humeris impositum gestans. Sanè istis temporibus, quibus quisque sibi metuebat, ne reprehenderetur et multaretur a Fabiis, Catonibus, Scauris, et Fabriciis; cum ipse Censor, a sui collegæ severitate ac censura tutus non esset; tunc, inquam, nemo, quasi rem seriam, et alicujus momenti, curavit, exquirere, quales et quantæ in Oceano caperentur testudines, e quarum conchis in laminas desectis ornarentur lectorum fulcra: erant inornatæ cubilium spondæ et nuda latera, ipsi lectuli angusti, et in eorum anteriori parte asini caput ex ære visebatur, floribus redimitum, circa quod infantes rustici prout colludebant. Huic igitur supellectili ac domui consentanea erant mensarum fercula. Tunc milites nostri parum in æstimandis Græcorum artificum eximiis operibus

89. *Fabios.* Sat. II, nota 196;  
*Poullis*, etc. VI, nota 196;  
VII, nota 95; VIII, nota 13.

*Catonem.* Sat. II, nota 24.

90. *Scauros.* Sat. II, n. 19.

*Fabricios.* Sat. II, n. 112.  
*Fabricius.*

91. *Censoris.* Sat. II, nota 38, et nota 90; XI, nota 98.

*Collega.* Narrat Valerius Maximus, Lib. II, c. 9, Claudium Neronem et Livium Salinatorem, Censura simul fungentes anno U. C. 549, non sibi magis invicem, quam ce-

teris civibus indulsisse. Idem refert de Fabricio et Decio Censoribus vetus Scholiastes.

94. *Trojugenis.* Romanis Proceribus, qui se jactant a Trojanis oriundos. Sat. I, v. 85.

96. *Aselli.* Asinorum crania valere credebant ad arceda frugum incommoda: itaque illa in agris domibusque aut ponebant vera, aut simulata fingeant e ligno, ferro, etc.

Urbibus eversis, prædarum in parte reperta, 100  
 Magnorum artificum frangebant pocula miles;  
 Ut phaleris gauderet equus, cæлатаque cassis  
 Romuleæ simulacra feræ mansuescere jussæ  
 Imperii fato, et geminos sub rupe Quirinos,  
 Ac nudam effigiem clypeo fulgentis, et hastâ, 105  
 Pendentisque Dei perituro ostenderet hosti.  
 Argenti quod erat, solis fulgebat in armis.  
 Ponebant igitur Tusco farrata catino  
 Omnia tunc; quibus invidetas, si lividulus sis.

*periti, et ejusmodi rerum contemptores, si quam diripissent urbem, cujus in spoliis elaborata reperissent ab egregiis opificibus vasa, eadem perfringere non dubitabant, ut ex iis bullas et alia id genus equorum ornamenta conficerent, ut suas galeas insignirent cælatâ effigie aliquâ, putâ lupæ, quæ deponens nativam feritatem, ita jubentibus imperii Romani fati, Romulum aluit: item geminorum fratrum Remi et Romuli, sub Quirinalis montis rupe jacentium: aut Martis, bellorum præsidis Dei, qui nudus cum hasta et clypeo quasi exstare cerneretur e galea hostique velut imminens, illi exitum intentare. Si quid illis argenti erat, hoc armis duntaxat ornandis adhibebant. Tales igitur ac tanti viri, quorum fortitudini, famæ ac felicitati jure meritò invidet quicumque aliquâ tangi potest invidia, mensæ apponebant confectâ e simplici farre cibaria in vasis fictilibus. In eorum etiam templis majestatem suam et præsentiam Superi evidentiùs declarabant:*

102. *Phaleris.* Phaleræ, rinus diceretur. Sat. III, nota 60, et nota 66. *Quirine;* VIII, v. 257.

106. *Pendentis.* In summa galea efficti, et in ictum quasi pendentis ac proni.

108. *Tusco.* In Tuscia, quæ pars est Italiæ mediæ ad occidentem, *la Toscane*, siebant egregia vasa fictilia, præsertim Arretin, *Arezzo*.

*Farrata.* Far, triticum, ex quo fiunt pultes, etc.

109. *Quibus invidetas.* Vel ferculis, vel hominibus.

110 Templorum quoque majestas præsentior, et vox  
Nocte ferè mediâ; mediamque audita per urbem,  
Littore ab Oceani Gallis venientibus, et Dîs  
Officium vatis peragentibus, his monuit nos.  
Hanc rebus Latîis curam præstare solebat

115 Fictilis, et nullo violatus Juppiter auro.

Illa domi natas, nostraque ex arbore mensas  
Tempora viderunt; hos lignum stabat in usus,  
Annosam si fortè nucem dejecerat Eurus.

At nunc divitibus cœnandi nulla voluptas,

120 Nil rhombus, nil dama sapit, putère videntur

Unguenta atque rosæ, latos nisi sustinet orbes

Grande ebur, et magno sublimis pardus hiatu,

*quod maxime intellectum est, cum Galli ab orbe occiduo  
irruerunt in Italiam: tunc enim auditæ voces fuerunt  
nocte intempestâ, mediâ in urbe Roma quibus adventare  
Galli nuntiabantur: Superis ipsis vatum erga Romanos  
munere fungentibus. Sic nos de imminente exitio admo-  
nebat, sic Romanam rem curabat Jupiter, cum ejus statuæ  
duntaxat ex argilla confectæ essent, necdum auro conflatæ,  
vel potius inquinatæ. Illis temporibus mensæ fiebant ex  
arboribus in Italia natis et quasi domesticis. Si fortè vetu-  
lam nucem ventus prostravisset, ejus truncum ad mensam  
fabricandam reservabant. At nunc Romani locupletes cibum  
capere cum voluptate non possunt, nullius saporis esse rhom-  
bos ac damas, odoris nullius unguenta suavissima, ipsas-  
que rosas, putant, nisi mensas ingentes fulciant pedes ebur-  
nei, pardorum hiantium figuram in summa parte referen-*

110. *Et vox, etc.* Auctor  
est Livius, Lib. V, cap. 32,  
Romanum quemdam vocem  
humanâ clariorem noctu au-  
divisse, quâ juberetur mone-  
re Magistratus de Gallorum  
in Italiam tunc irrumpentium  
adventu.

112. *Littore ab Oceani.*  
Gallia oceano, ad occiden-  
tem, clauditur, et septen-  
trionem; ejusdem pars austra-  
lis alluitur mari Mediterraneo.

114. *Latîis.* Pars Italicæ an-  
tiquæ, circa Tiberis ostia, ubi

nunc Romanus ager, Latium  
dicebatur, quia Saturnus per-  
sequente filio Jove, ibi la-  
tuerat.

118. *Eurus.* Ventus ab ortu  
spirans.

120. *Rhombus.* Sat. IV,  
nota 38. *Rhombi.*

*Dama.* Animal e cervino  
genere, velocitate præstans.

121. *Unguenta.* Gall. *des*  
*parfums; des essences.*

122. *Pardus.* Gall. *un léo-  
pard.*

Dentibus ex illis, quos mittit porta Syenes,  
 Et Mauri celerēs, et Mauro obscurior Indus,  
 Et quos deposuit Nabathæo bellua saltu,  
 Jam nimios, capitique graves. Hinc surgit orexis,  
 Hinc stomacho bilis: nam pes argenteus illis,  
 Annulus in digito quod ferreus. Ergo superbum  
 Convivam caveo, qui me sibi comparat, et res  
 Despiciat exiguas. Adeo nulla uncia nobis  
 Est eboris, nec tessellæ, nec calculus ex hac

125

130

*tes, et ex ebore candidissimo fabricati, quæle ex Elephantide insula, prope Syenen sita; e Mauritania, ex ipsa India aut sylvis Arabiæ deportatur. Ex eo nimirum quod ejusmodi pedibus nitatur mensa, nascitur appetentia ciborum, hinc vires adduntur stomacho ad cibos facilius digerendos. Itaque non minus turpe jam ducitur mensam habere domi pede sustentatam argenteo, quam annulum in manu ferreum gestare. Ego verò lautos ejusmodi et arrogantes convivas fugio, qui meam tenuitatem scilicet cum suis opibus ac deliciis comparantes, eam contemnunt. Nam apud me ne uncia quidem eboris est, non tesserae, non calculi eburnei sunt, immo ipsi cultrorum ca-*

123. *Dentibus, etc.* Ebur aliud nihil est, quam dens elephanti.

*Syenes.* Syene est urbs Aegypti, in limite Aethiopiæ, nunc Asna; prope illam urbem est insula elephantis abundans, quam idcirco *elephantinam*, vel *elephantidem* vocant: quæque hoc in loco dicitur porta Syenes, quia per illam insulam veluti portam transeunt, qui petunt Syenen, et Aegyptum reliquam, eburque Romam deferunt. Potest et Syene ipsa dici *porta*, per quam scilicet ejusmodi merces in Europam devehuntur.

124. *Mauri.* Populis Africæ: eorum tanta celeritas, ut feras cursu assequantur.

*Obscurior.* Magis fuscus.

*Indus.* Populus Asiæ, circa Gangem et Indum fluvios.

125. *Deposuit.* Dicuntur elephanti, cum ipsis ita crevere dentes, ut oneri sint, eos abjicere, illidendo arbori.

*Nabathæo.* Nabathæa est regio Arabiæ, ad ortum, elephantis referta.

126. *Orexis.* Sat. VI, nota 290.

127. *Bilis.* Bilis, humor est flavus et calidus, cibis in stomacho percoquendis maxime serviens.

*Pes argenteus, etc.* Adeo spernunt argentum præ ebore, ut mensæ pes argenteus tam vilis modo sit, quam ferreus annulus.

131. *Tessellæ.* Exiguæ tesserae, un de.



Materia, quin ipsa manubria cultellorum.

Ossea: non tamen his ulla unquam opsonia fiunt  
Rancidula; haud ideo pejor gallina secatur.

135 Sed nec structor erit, cui cedere debeat omnis

Pergula, discipulus Trypheri doctoris, apud quem  
Sumine cum magno lepus, atque aper, et py-  
gargus,

Et Scythicæ volucres, et Phœnicopterus ingens,

Et Gætulus oryx, hebeti lautissima ferro

140 Cæditur, et totâ sonat ulmea cœna Suburrâ.

*puli sunt ex osse. Neque tamen idcirco meæ dapes rancidæ ac deteriores fiunt, non pejorem habent saporem gallinæ, quia istis cultellis scinduntur. Sed neque aderit apud me servus qui mensam instruat, cibos scitè apponat ac secet, illis omnibus peritior, qui artem ferculorum secandorum docentur in schola Trypheri, in qua sumina, lepores, apri, pygargi, phasiani, phœnicopteri, Oryces, et alia lautæ cœnæ fercula, ex ulmeis virgis confecta, ligneis quoque et obtusis cultris secantur, non sine fragore, quo Suburra tota perstrepat. Structor meus, in hac arte valde tyro et rudis, non callet quemadmodum aptè et decenter*

*Calculus.* Calculi Iusorii.

*Gall. des dames, des échecs.*

Propriè calculus est lapillus tritus et politus: tales enim adhibebantur ad ludum, postea e buxo, chore, etc. confecti calculi fuerunt.

136. *Pergula.* Propriè, une galerie, une avance de boutique, etc. Ibi solebant magistri discipulos erudire: itaque pro ipsa schola sumitur.

*Trypheri.* Nomen, ut videtur fictum, doctoris coquinarii, qui artem ciborum peritè secandorum docebat. Utebatur autem ad id simulacris vimineis avium et ferarum, quæ ligneis item cultellis disciebantur in ejus schola.

137. *Sumine.* Sumen est

venter suillus, qui tunc inter delicatiores habebatur cibos.

*Pygargus.* Caprea quædam sylvestris, posteriores dorsi partes albas præferens, unde illi nomen πυγῆς clunis, ἀπὸ τοῦ ἁλβίου.

138. *Scythicæ volucres.* Phasis est fluvius Colchidis, prope Scythiam, Hunc advecti phasianiani, des faisans.

*Phœnicopterus.* Avis Afra, cujus alæ rubro colore vivido lucent.

139. *Oryx.* Capra quædam, frequens in Gætulia, parte Africæ.

140. *Suburra.* Vicus erat Romæ. Sat. III, nota 5. Suburræ.



Nec frustum capreae subducere, nec latus Afræ  
 Novit avis noster tirunculus, ac rudis omni  
 Tempore, et exiguae frustis inibutus ofellæ.  
 Plebeios calices, et paucis assibus emptos  
 Porriget incultus puer, atque a frigore tutus : 145  
 Non Phryx, aut Lycius, non a mangone petitus  
 Quisquam erit, et magno : cum posces, posce  
 latinè.

Idem habitus cunctis, tonsi, erectique capilli,  
 Atque hodie tantum propter convivia pexi.  
 Pastoris duri est hic filius, ille bubulci : 150  
 Suspirat longo non visam tempore matrem,  
 Et casulam, et notos tristis desiderat hoedos,  
 Ingenui vultus puer, ingenuique pudoris,  
 Quales esse decet, quos ardens purpura vestit.

*oporteat eximere partem aliquam capreae tostae, aut alam Gallinae Numidicae, quippe qui numquam ista didicerit, neque artis istius coquinarum tyrocinium aliud posuerit, quam in frustulis quibusdam carnis torrendis ac dividendis. Ministrabit nobis rusticanus puer et incomptus, dabitque cyathos villis pretii, quibus uti plebs solet ipse crassi tectus veste, quantum ad arcendum frigus sufficiat : nullum e Phrygia videbis petitem aut Lycia, vel emptum a mancipiorum venditore : si quid ab ipso, cum ministrabit, postulabis, fac loquaris latinè, neque enim scit, et nobilium servi, Graecè. Neque aliis meis mancipiis elegantius erit vestitus, omnibus eadem quippe vestis est : omnium comæ attonsoe sunt et rectae, sine cincinnis et ornatu : easque tantum hodie, propterea quod habeo te convivam, pectent. Hic pastore meo genitus est, ille bubulco, liberali puer vultu et pudorem spirante, quali convenit eos esse qui rogam praetextam et limbo purpureo insignitam gestant. Maeret quod a suo tugurio, a matre, ab hædis divulsus*

141. *Subducere.* Avellere a reliquo corpore.

143. *Ofellæ.* Offa, est frustum carnis, vulgo porcinae : interdum massa panis, farinae, etc.

146. *Phryx.* Phrygia, unde venales Romam deportabantur, est pars Asiae minoris

occasum versus et septentrionem. Lycia est infra, ad meridiem et occasum.

*Mangone.* Mango, mancipiorum venditor.

147. *Posce latinè.* Minister enim Italus linguam tantum vernaculam novit.

154. *Purpura.* Romani pue-

- 155 Hic tibi vina dabit diffusa in montibus illis.  
 A quibus ipse venit, quorum sub vertice lāsit:  
 Namque una, atque eadem vini patria, atque  
 ministri.  
 Forsitan expectes, ut Gaditana canoro  
 Incipiat garrire choro, plausuque probetur:  
 160 Non capit has nugas humilis domus: audiat ille  
 Testarum crepitus cum cantibus, ille fruatur  
 Vocibus obscœnis, omnique libidinis arte,  
 Qui Lacedæmonium pytismate lubricat orbem.

*sit, eosque revisere cupit. Hic vinum tibi miscebit, lectum in iis, ubi est educatus ipse, collibus, in quibus antea ipse puerulus ludebat, neque alia vini ac ministrantis illud, patria est. Noli porro expectare dum aliqua puella petulans e Gadibus advecta, in medio saltantium cœtu, voce fractâ et lasciva canat. Ejusmodi ludicra oblectamenta angustæ, qualis hæc nostra est, domui non conveniunt. Liceat sanè divitibus illis et lautis hominibus, qui superbum pavementum Lacedæmonii marmoris orbibus stratum, vino ad delicias in os identidem accepto, moxque rejecto, gaudent aspergere; liceat, inquam, illis crepitantes et collisas inter se testas, audire, necnon cantus obscœnos et spurcas voces, atque omnibus artibus ac modis libidinem pro-*

ri, vestem quamdam ornatam limbo purpureo gestabant usque ad annum 17. Istam vestem vocat Juvenalis *ardentem* ob colorem igneum. Sat. I, nota 64.

155. *Diffusa*. Fusa e cupis, in cados et amphoras.

158. *Gaditana*. Sat. X, nota 1.

161. *Testarum*. Significat ea vox in hoc loco *innula crepitacula*, e testis, sive in morem testarum facta. Gall. *des castagnètes*. Est autem testa, *tegmen piscium*, duritiem argillæ coctæ, quæ testa propriè dicitur, referens, *une coquille de poisson*: quarum

testarum figuram imitantur illa crepitacula.

163. *Lacedæmonium*. Lacedæmon, seu Sparta, urbs fuit Peloponnesi. Non procul ab hac urbe eruebatur egregiæ notæ marmor.

*Orbem*. Potest intelligi de pavimento frustis marmoreis in orbem descriptis strato. Potest explicari de abaco, mensa, pelvi marmorea, rotunda.

*Pytismate*. Græca vox est, *πύτισμα*, sputum, seu quodcumque expuitur, quale est vinum quod ab hominibus jam saturis, aut vomentibus os abludentibus, aut vinum ipsum probantibus et degustantibus,

Namque ibi fortunæ veniam damus; alea turpis,  
 Turpe et adulterium mediocribus: hæc eadem illi 165  
 Omnia cūm faciant, hilares nitidique vocantur.  
 Nostra dabunt alios hodie convivia ludos:  
 Conditor Iliados cantabitur, atque Maronis  
 Altisoni dubiam facientia carmina palmam.  
 Quid refert tales versus quā voce legantur? 170  
 Sed nunc dilatis averte negotia curis,  
 Et gratam requiem dona tibi, quando licebit  
 Per totam cessare diem: non fœnoris ulla  
 Mentio, nec primā si luce egressa, reverti  
 Nocte solet, tacito bilem tibi contrahat uxor. 175  
 Protinus ante meum, quidquid dolet, exsue limen.  
 Pone domum, et servos, et quidquid frangitur illis,  
 Aut perit; ingratos ante omnia pone sodales.  
 Interea Megalesiacæ spectacula mappæ

*ritare: ignoscitur illis scilicet cūm peccant, perinde quasi hanc ipsis potestatem nobilitas et divitiæ darent: vitio et dedecori vertitur alea, et adulterium homini mediocris fortunæ et conditionis: si dives eadem admittat flagitia, homo lautus elegansque censebitur. Longè alios tibi ludos convivium nostrum exhibebit; alias præbebit oblectationes. Homeri versus recinentur, et præclara Virgilii carmina, quæ meritò dubitationem asserunt, utri palma pœseos tribuenda sit. Quid interest quænam vox adhibeatur istis versibus recitandis, qui per se videlicet adeo canori præstantesque sunt? Age igitur negotia et curas in aliud tempus differ, et nonnihil quietis indulge tibi; si quidem a negotiis vacare et feriari per totam istam diem fas erit: omnem de usurarum lucro cogitationem ac sermonem valere jube, nec stomachum tibi moveat uxor tua, si primo egressa mane domum seriis redire solet. Quid multa? quidquid asserre tibi mœrorem potest, in limine mearum ædium depone, omnem de rebus domesticis, de famulis, et eorum in rebus servandis, ac fungendo munere incuris, præsertim verò de amicorum ingrato animo, sollicitudinem ac dolorem abjice. Dum nos epulis frugalibus operam ita rejicitur identidem: quod py-*  
*tissare Latini vocant.*

*Lubricat.* Marmor humidum, est admodum lubricum, et pellucidum.

168. *Iliados.* Ilias pœma est ab Homero scriptum de excidio Ilii, seu Trojæ.

179. *Megalesiacæ.* Cybele vocabatur ab Ethnicis Μηνά.

180 Idæum solenne colunt, similisque triumpho  
Prædo caballorum Prætor sedet: ac mihi pace  
Immensæ nimisæque licet si dicere plebis,  
Totam hodie Romam Circus capit, et fragor  
aurem

Percutit, eventum viridis quo colligo panni.

185 Nam si deficeret, moestam, attonitamque videres  
Hanc urbem, veluti Cannarum in pulvere victis

*dabimus, alii spectabunt ludos solenni pompa in honorem magnæ Deorum Matris celebrari, et per suspensam in Circo mappam denuntiari solitos. Prætor habitu cultuque triumphantium insignis, curru insidebit, equis undecumque per vim ablatis, quibus ad hæc spectacula edenda plurimis est opus. Tota hodie Roma, quod pace tam numerosi populi dixerim, in Circum confluit. Jam exaudire videor clamores inconditos, e quibus conjicio victorem discessisse aliquem e viridis panni factione, quæ si ab æmulis factionibus vinceretur, Romam cerneret mœrore confectam haud aliter atque olim, cum in Cannensi prælio duo Consules*

*Magna; hinc megalesiaca significat in honorem Cybeles.*

*Mappæ.* Suspensa publicè mappa signum erat ludos celebratum iri: quod inde est ortum. Nerone prandente cum plebs in Circo sedens ludos inchoari postulet, ille projecta per fenestram mappa, jussit eos peragi.

180. *Idæum.* Ludicrum, siue spectaculum, exhiberi solitum in honorem Idææ matris. Cybele vocabatur *Idæa*, quia præcipuè colebatur in Ida, monte Phrygiæ: unde Romam advectum ejusdem simulacrum fuit, ut memoratur Satira III, nota 123.

181. *Prædo, etc.* Solebat Prætor qui ludos edebat, undique equos colligere, immò per vim a dominis abducere.

De illius vestibibus lege Sat. X, nota 36.

183. *Circus.* Sat. III, nota 203.

184. *Viridis panni.* Aurigarum, qui equos in Circo agitabant, factiones erant quatuor præcipuæ, suis singulæ vestibibus certi coloris, quæ singulis anni tempestatibus quasi responderent, distinctæ. Prima *viridi* seu *præsino colore*, qui verni temporis proprius est, utebatur, eique plerique Romani, ac ipsi etiam Imperatores favebant: altera *rubro*, seu *rusato*; qui color æstati convenit: tertia, *albo*, qui autumnus: quarta *veneto*, sive *cæruleo*; qui hyemi.

186. *Cannarum.* Sat. II, nota *Cannis*.



Consulibus. Spectent juvenes, quos clamor, et  
audax

Sponsio, quos cultæ decet assedissee puellæ.

Nostra bibat vernum contracta cuticula solem,

Effugiatque togam: jam nunc in balnea salvâ

190

Fronte licet vadas, quamquam solida hora supersit

Ad sextam; facere hoc non possis quinque diebus

Continuis, quia sunt talis quoque tædia vitæ

Magna. Voluptates commendat rarior usus.

*profligati fuerunt. Istis, per me licet, spectaculis intersint  
adolescentes, quos delectat strepitus, quos juvat sponsio-  
nem cum obvio quolibet facere de variis ludorum eventibus,  
qui captant locum, ubi garriant ingeniosè cum mul-  
lierculis politionibus. Nos, utpote seniores, rugosam cutem  
solì verno et clementi exponamus, et urbis ac togatæ vitæ  
molestias devitemus. Potes balneum petere modò, quamvis  
hora sit post ortum solis duntaxat quinta, idque impunè,  
ac nullius reprehensionem metuens. Sanè horam balnei so-  
litam antevertere ac genio, ut a nobis hodie paulisper fiet,  
indulgere vix posses diebus quinque continuatis. Magnam  
quippe hæc vivendi ratio satietatem afferre solet. Voluptates  
ut sint gratæ, rariores esse debent.*

188. *Sponsio.* Gall. *une ga-  
geure, un pari.*

189. *Bibat, etc.* Moris apud  
Romanos erat, apicari et se-  
dere ad solem, præsertim  
vernum, quando ejus calor  
est clementior: interdum oleo  
cutem sic ungebant.

*Vernum.* Mense Aprili,  
quo celebrabantur Mega-  
lesia.

*Contracta.* Rugosa. Itaque  
hoc scripsit jam senior.

190. *Togam.* Toga est sym-  
bolum urbanæ vitæ et fori,  
Romani quippe cives inge-  
nui, togati erant in urbe. Sat.  
II, nota 45, et Sat. III, no-  
ta 115.

*Balnea.* Ante coenam bal-

neo, ut plurimum utebantur.  
Sat. I, nota *Balnea*, v. 128.

*Salvâ fronte.* Fronti quasi  
vulnus imponitur cum suffun-  
ditur rubore. Porro frons pu-  
doris et verecundiæ sedes.

191. *Licet.* Solebant lavare  
corpus in balneis post meri-  
diem horâ circiter tertiâ. Li-  
cebat festis diebus anteverte-  
re id tempus: quod ebriosi ac  
intemperantes aliis etiam die-  
bus facitabant.

192. *Sextam.* Ab orto sole  
nimirum, quæ nostra est duo-  
decima.

*Quinque diebus.* Per quos  
nimirum continuos agebantur  
Megalesia.



## S A T I R A XII.

### ARGUMENTUM ET SYNOPSIS.

*Describit naufragium Catulli amici sui. Hereditatum captatores insectatur.*

**N**ATALI, Corvine, die mihi dulcior hæc lux,  
Qua festus promissa Deis animalia cespes  
Exspectat, niveam Reginæ cædimus agnam.  
Par vellus dabitur pugnanti Gorgone Maura;  
5 Sed procul extensum petulans quatit hostia funem  
Tarpeio servata Jovi, frontemque coruscat:  
Quippe ferox vitulus templis maturus et aræ,  
Spargendusque mero, quem jam pudet ubera  
matris

**H**IC dies, o Corvine, natali meo die mihi jucundior  
est: hæc mihi verè festa lux, quam victimas immo-  
lando votivæ, colere ac celebrare decrevi. Agnâ candidâ  
Junoni sacrificaturus sum, itemque albâ, Palladi: vitulus  
Jovi destinatus, funem, quo alligatus est, succutit, et ca-  
put quassat: nempe jam lacte depulsus, satisque validus  
ut emergentibus primum cornibus arbores lacessat, ac per  
ætatem idoneus, ut aris admoveatur, ejusque caput vino  
aspergatur. Si divitiis affluerem, ac voluntati opes respon-

1. *Natali die.* Romani festum ac sacrum præcipuè ducebant natalem suum diem.

2. *Cespes.* Ara e cespite.

3. *Regina.* Junoni, Deorum Reginæ, de qua Virgil. *Æn.* 1. *Ast ego quæ divûm incedo Regina.*

4. *Par vellus.* Agna ejusdem velleris et coloris. Diis superis albæ immolabantur victimæ: nigræ Diis inferis.

*Pugnanti Gorgone.* Palladi

quæ pugnat armata clypeo, in quo effigies Gorgonis, seu Medusæ, vide Sat. III, nota 106.

*Maura.* Gorgones incolebant insulas Atlanticas in mari Africano. Atlas monsest Mauritaniam.

6. *Tarpeio.* Capitolino. Sat. VI, nota 41.

8. *Mero.* Vinum inter immolandi bovis cornua fundebant.

Ducere, qui vexat nascenti robora cornu.  
 Si res ampla domi, similisque affectibus esset, 10  
 Pinguior Hispullâ traheretur taurus, et ipsa  
 Mole piger, nec finitimâ nutritus in herba;  
 Læta sed ostendens Clitumni pascua sanguis  
 Iret, et a grandi cervix ferienda ministro,  
 Ob reditum trepidantis adhuc, horrendaque passi 15  
 Nuper, et incolumem sese mirantis amici.  
 Nam præter Pelagi casus, et fulguris ictum  
 Evasi, densæ coelum abscondere tenebræ  
 Nube unâ, subitusque antennas impulit ignis;  
 Cum se quisque illo percussum crederet, et mox 20  
 Attonitus nullum conferri posse putaret  
 Naufragium velis ardentibus. Omnia fiunt  
 Talia, tam graviter, si quando poetica surgit

*derent, adducerem ad aras taurum Hispulla magis obesum, quem tardiore adeptus ac vasta corporis moles faceret; neque ille in vicinis educatus foret pascuis, sed saginatus in opimis Clitumni ripis, generosi sanguinis magnam effunderet copiam, et robustiorem sacrificulum, a quo cederetur, postularet. Talis, inquam, a me victima immolaretur ad gratias Superis agendas de reverso feliciter amico, qui gravissimo periculo defunctus, ipsâ ejus recordatione adhuc perhorrescit, seque liberatum illo, et sospitem esse obstupescit. Ut enim sileam varia, quibus in ipsa navigatione conflictatus est, discrimina, et evitatum fulmen, aër totus tetrâ caligine, quasi perpetuâ nube tectus fuit; mox repentina flamma corripuit antennas; adeo ut jam putarent omnes perculsi metu se deflagrare, neque ullum periculum aut naufragium cum incensa navi comparandum existimarent. Alia tum permulta contingere, illis simillima quæ finguntur, et ad terrorem describuntur a poetis, cum tem-*

9. *Vexat, nascenti robora cornu.* Ex petulantia arbores impetit cornibus nunc primum erumpentibus.

11. *Hispulla.* Muliere obesa et præpingui, quam obiter carpit.

13. *Clitumni.* Clitumnus,

Italiæ fluvius, pascuis abundans, in quibus victimæ vulgo saginabantur.

18. *Evasi.* A verbo *evado*; evasus, evitatus.

19. *Antennas.* Ligna transversa, unde vela pendent.

- Tempestas. Genus ecce aliud discriminis; audi,  
 25 Et miserere iterum; quamquam sint cetera sortis  
 Ejusdem: pars dira quidem, sed cognita multis,  
 Et quam votivâ testantur fana tabellâ  
 Plurima (pictores quis nescit ab Iside pâsci?)  
 Accidit et nostro similis fortuna Catullo:  
 30 Cûm plenus fluctu medius foret alveus, et jam  
 Alternum puppis latus evertentibus undis  
 Arboris incertæ, nullam prudentia cani  
 Rectoris conferret opem; decidere jactu  
 Cœpit cum ventis, cupiens evadere: in æquor,  
 35 Fundite quæ mea sunt, dicebat; cuncta Catullus  
 Præcipitare volens etiam pulcherrima, vestem  
 Purpuream teneris quoque Mæcenatibus aptam,

*pestatem suis depingunt coloribus; et quæ verè Catullus expertus est. En aliud periculum, nec minori dignum commiseratione, licet omnia ferè sint ejusdem generis et gravitatis; sed commune tamen plerisque et pingi solitum in votivis tabellis quæ in sacris ædibus prostant. Quis enim ignorat quantum pictores lucri faciant pingendis tabulis quas naufragi suspendunt in Isidis templo? Eadem igitur Catulli nostri ac ceterorum naufragorum sors calamitasque fuit. Cûm ictam interioris navis quasi alvum implevissent aquæ, cûm ratem huc illuc temerè jactatam, fluctus modò in hanc, modò in illam partem inclinarent, ac propè subverterent; cûm nihil prodesset jam navitæ senis industria, Catullus ut se præsentissimo exitio liberaret, cum ventis quasi pacisci cœpit, eâ lege, ut bona in mare projiceret, vitam incolumem retineret. Nec mora, inclamans nautas, quid cessatis, inquit, mea omnia in æquor præcipitare? Jamque se ad supellectilem lautissimam in aquas proturbandam accingebat, putâ purpureas vestes, quas Mæcenas istarum deliciarum amantissimus non respuisset: itemque*

28. *Iside.* Isis, Ægyptiorum Dea, cujus templum Romæ, plurimis Donariis celebrari solitum, præsertim a peregrinis et naufragis, qui sui naufragii imaginem ei suspendebant, quia ipsa variis, dum viveret, jactata fuerat erroribus. Sat. VI, nota 351, et

nota 387. *Æde Isidis.*

30. *Alveus.* Capacitas et fundus navis.

32. *Arboris.* Navigii ex arboribus confecti.

33. *Decidere.* Quasi dirimere litem a ventis et mari sibi illatam, aliquâ pactione.

37. *Mæcenatibus.* Erat Mæ-

Atque alias, quarum generosi graminis ipsum  
 Infecit natura pecus, sed et egregius fons  
 Viribus oculis, et Bæticus adjuvat aër. 40  
 Ille nec argentum dubitabat mittere, lances  
 Parthenio factas, urnæ cratera capacem,  
 Et dignum sitiente Pholo, vel conjuge Fusci.  
 Adde et bascaudas, et mille escaria, multum  
 Cælati, biberat quo callidus emptor Olynthi. 45  
 Sed quis nunc alius, quâ mundi parte, quis audet  
 Argento præferre caput, rebusque salutem?  
 Non propter vitam faciunt patrimonia quidam,

*alias textas. e lana Bætica, cui etiam ovibus inhærenti rutilum colorem indidit natura et indoles barbarum quibus oves Bæticæ poscuntur, necnon ipse fluvijs et aër illius regionis, vim uterque arcanam habens ad inficiendas istâ colore lanas. Similiter Catullus argentea vasa non cunctatus in mare dejicit: patinas a Parthenio fabricatas: cyathos urnæ vini capiendæ non impares, dignos in quibus Pholus vel uxor Fusci potaret: vasa Anglica, quas vocamus bascaudas, lances plurimas inferendis dapibus idoneas, pocula cæлата ex argento pervetusto, quibus Philippus Macedo, is qui tam callidè Olynthum urbem emit, fuerat olim usus. At nunc quotusquisque tandem est, qui vitam servare quàm opes, malit? Quem mihi præter Catullum dabis, qui rerum suarum jacturæ salutem suam et caput redimere non dubitet? Nonnulli rem domesticam*

cenas admodum delicatus et lautitiarum amans. Sat. I, nota 52.

38. *Atque alias, etc.* Ordo verborum est: atque alias vestes, quarum pecus, seu quarum lanam ex ovibus sumptam, infecit, id est, tinxit, nativo scilicet colore, natura et indoles graminis excellentis.

39. *Fons.* Vel peculiaris quidam fons istius regionis, vel ipsè fluvijs Bætis.

40. *Bæticus.* Bætica, est regio Hispaniæ, sic dicta a

fluvijs Bæti, quem vocant indigenæ Guadalquivir.

43. *Pholo.* Pholus e centauris unus, in primis ebriosus.

*Conjuge Fusci.* Quæ mulier ebriosa. Vide Satira IV, nota 110.

44. *Bascaudas.* Gall. *des cuvettes.*

45. *Olynthi.* Olynthus, Thraciæ urbs olim nobilissima, quam Philippus auro maluit expugnare quàm ferro. Exstant de illa Demosthenis Orationes.

48. *Non propter vitam,*



Sed vitio cæci propter patrimonia vivunt.

- 50 Jactatur rerum utilium pars maxima; sed nec  
 Damna levant: tunc adversis urgentibus, illuc  
 Decidit, ut malum ferro summitteret, ac se  
 Explicat angustum, discriminis ultima quando  
 Præsidia afferimus, navem factura minorem.

- 55 I nunc; et ventis animam committe; dolato  
 Confusus ligno, digitis a morte remotus  
 Quattuor, ac septem, si sit latissima tæda.  
 Mox cum reticulis, et pane, et ventre lagenæ,  
 Adspice sumendas in tempestate secures.

*augere student, non ut commodius vivant: sed vivunt idcirco duntaxat, ut rem majorem faciant: tanta est avaritia hominum ac cæcitas? Interim post abjectam in mare sarcinarum et opum partem optimam, sævire nihilominus tempestas pergit, nec isto damno periculum levius fit: igitur eo demum urgente necessitate, recidit, ut quod extremum restabat in tanto discrimine remedium, navim parte una minueret, ad reliquas partes servandas, et ferro malum reseccaret. Recisus malus ratem in summas redactam prius angustias, fecit ad vim tempestatis perferendam expeditiorem, et emergendi e tanto periculo spes affulsit. Miseros profecto, qui vitam pelago ventisque permittant, seque includant navi, in qua distant a morte digitis quatuor, aut septem ad summum, si fuerint latissimi asseres quibus illa compingitur. Perge sanè, quisquis es tam inconsultus, tam vitæ tuæ prodigus; sed memineris, quando panem et vinum inferes in ratem, pariter sumere secures quibus ingruente tempestate utaris ad malum diffringendum. Post-*

*etc. Multi avaritiâ adeo excæcantur, ut videantur ad hoc nati et vivere, ut opes colligant; cum e contrario non nisi ad vitam opes habendæ sint.*

50. *Jactatur rerum, etc.*  
 In mare jacitur a Catullo et Sociis.

52. *Decidit.* Quidam legunt *Recidit.* Quasi res eo cecidit.

53. *Se explicat, etc.* Se

*expedit ex angustias, quæ tunc sunt maximæ, quando veniendum ad novissima præsidia, et mutilanda navis est, ut servetur.*

58. *Reticulis.* Saccos intellege in morem retis factos.

59. *Adspice sumendas.* Id est, vide ut cum cibis etiam sumas secures ad excidendum, si opus est, malum. Alii legunt *Accipe.*



Sed postquam jacuit planum mare; tempora 60  
postquam

Prospera vectoris, fatumque valentius Euro,  
Et pelago; postquam Parcæ meliora benignâ  
Pensa manu ducunt hilares, et staminis albi  
Lanificæ; modicâ non multò fortior aurâ  
Ventus adest; inopi miserabilis arte cucurrit 65  
Vestibus extensis, et quod superaverat unum,  
Velo prora suo. Jam deficientibus Austris,  
Spes vitæ cum sole redit, tum gratus Iulo,  
Atque novercali sedes prælata Lavino,  
Conspicitur sublimis apex, cui candida nomen 68  
Scrofa dedit, lætis Phrygibus mirabile sumen, 70

*quam æquor, stratis placidè fluctibus, conquievit, postquam serena cœli facies illis qui vehebantur navi arrisit, et maris ac ventorum inclementiam vis amica fati superavit, Parcæ candidam et meliorem lanam e colu trahentibus, tunc ventus, in morem lenis auræ aspirare cœpit, ac pristinum navis cursum tenuit, arte miserabili adhibita, nimirum extensis nautarum vestibus, loco velorum, quæ fulmine absumpta, et diffracta fuerant tempestate, præter unum quod in prora supererat. Demum Austro quiescente, discussisque nubibus sol videri cœptus est, ac spes salutis revocata. Nec ita multò post apparuit Albanus mons, quem Iulus Lavinio, novercæ suæ oppido, prætulit, ut ibi Albam conderet, ita dictam ab alba porca, quam Trojani maxima cum voluptate invenerunt triginta porcellos inaudito*

63. *Staminis albi.* Parcæ in rebus secundis et lætis dicebantur albam lanam trahere, nigram, in adversis et perditis.

66. *Vestibus extensis.* Provelis, quæ igne cœlesti conflagrarant.

67. *Velo prora suo.* Quod quidem minimum et Dolon vocatur velum ad proram, ut maximum Arthemo; Epidromus autem quod est ad iuppim.

*Austris.* Ventis meridiona-

libus, qui sunt vehementiores et tempestatem cient.

68. *Iulo.* Iulus AENEÆ filius relicto Lavinio, sic dicto a Lavinia sua noverca et posteriori AENEÆ conjuge, Albam ædificavit in eo loco, ubi Troës invenerant albam porcam triginta foetus enixam. Virg. Lib. III, AENEID. versu 389, et Lib. VIII, v. 81.

71. *Lætis Phrygibus.* Iulo et sociis Trojanis gaudentibus ob inventam ex vaticinio suam.

Et numquam visis triginta clara mamillis.  
Tandem intrat positas inclusa per æquora moles,  
Tyrrenamque Pharon, porrectaque brachia  
rursus,

75 Quæ pelago occurrunt medio, longèque relin-  
quunt

Italiam. Non sic igitur mirabere portus,  
Quos natura dedit: sed truncâ puppe magister  
Interiora petit Baiânæ pervia cymbæ.

Tunc stâgnante sinu gaudent ibi vertice raso  
80 Garrula securi narrare pericula nautæ.  
Ite igitur pueri, linguis animisque faventes,

*hactenus portento enixam. Demum Catulli navis portum Ostiensem subit, munitum molibus ante paucos annos instauratis ac refectis, quæ in æquor longè procurrentes, tamquam brachia, illud amplectuntur et inclidunt. Hæc maris Tyrreni Pharus est, ac portus eis quos natura fecit, præstantior et mirabilior. Navarchus ratem mutilam provehit in interiorem portus partem, ubi mare inoffensum est, ac stagno simile, et ubi tutæ sunt etiam naviculæ, quales in lacu Lucrino visuntur prope Baias. Expositi nautæ caput detonsum ostentant, et quæ fugerunt pericula renarrant læti. Agite ergo famuli et facite ut silentio,*

*Sumen. Proprie venter sulcus, pro tota scrofa sumitur.*

74. *Tyrrenam.* Mare Tyrrenum sive Inferum alluit partem Italiæ occidentalem.

*Pharon.* Pharus fuit excelsa turris in Alexandrino portu, in qua ignes accensi, eum longè ostendebant. Similem in Ostiensi portu turrim educi Claudius Imperator jussit.

*Rursus.* Ideò dicit, quia Trajanus aggeres et moles portus Ostiensis, instauraverat ac refecerat.

78. *Baiânæ.* Sat. III, n. 4.

79. *Vertice raso.* Servi libertate donandi radebant ca-

put. Hoc ipsum nautæ faciabant oppressi tempestate, quasi qui liberationem et salutem a Diis expectarent, quibus crines suos tunc offerebant.

81. *Ite igitur pueri.* Inquit Juvenalis ad pueros, ite, parate necessaria ad rem divinam pro reditu Catulli faciendam.

*Linguis faventes.* Favete linguis, formula erat in sacris usurpari solita, quæ monebantur qui aderant, ut tacerent, ut bene ominata tantum verba dicerent.

Sertaque

Sertaque delubris, et farra imponite cultris,  
 Ac molles ornate focos, glebamque virentem.  
 Jam sequar; et sacro, quod præstat, rite peracto,  
 Inde domum repetam, graciles ubi parva coronas. 85  
 Accipiunt fragili simulacra nitentia cerâ.  
 Hic nostrum placabo Jovem, Laribusque paternis  
 Thura dabo, atque omnes violæ jactabo colores.  
 Cuncta nitent, longos erexit janua ramos,  
 Et matutinis operatur festa lucernis. 90  
 Nec suspecta tibi sint hæc, Corvine, Catullus,  
 Pro cuius reditu tot pono altaria, parvos  
 Tres habet heredes. Libet expectare quis ægram,  
 Et claudentem oculos gallinam impendat amico  
 Tam sterili: verum hæc nimia est impensa, coturnix 95  
 Nulla umquam pro patre cadet: sentire calorem  
 Si cœpit locuples Gallita, et Paccius orbi,

*attentisque mentibus sacrificio intersitis, templum floribus ornate, cultros molli salsa conspergite, aram e cespite construite, ignem adornate. Jam vos consequar, et facto legitime sacrificio, quæ pars est præcipua officii et pietatis, referam me domum, ubi coronas et floribus imponam cereis Deorum domesticorum statuâ. Hic meum Jovem, et alios quos domi colo, quos majores mei coluere, Superos, oblato thure conciliabo, et violas omnis coloris affatim spargam. Factum bene, omnia nitida et ornata sunt; frondentibus arborum ramis postes januæ vestiuntur, et lucernæ frequentes ibidem summo manè accensæ diei festæ lætitiâ redolent. Neque verò sinistram de me suspicionem aliquam tibi, Corvine, moveant isthæc officia pietatis. Catullo cuius reditu gratulor, cuius in gratiam tot aras domi et foris exstruo, sunt filii tres domi, et heredes. Cedo, quem reperias, qui, ut gratificetur ejusmodi amico, a quo nihil sperandum sit, quique liberos habeat, immolare gallinam velit morbidam et moribundam, immò coturnicem? At verò, si Gallita, si Paccius, qui opibus abun-*

82. Farra. Intelligitur mola salsa, hoc est, far, sal, et aqua; quibus ignem, victimam, cultros aspergebant.

95. Coturnix nulla. Nevis quidem avicula impendi-

tur cui sunt filii et heredes.

96. Pro patre. Pro cive, qui sit pater, qui liberos habeat.

97. Gallita, et Paccius. Opulenti, filiis carentes.

Legitimè fixis vestitur tota tabellis

Porticus : existunt qui promittant hecatomben ;

100 Quatenus hîc non sunt nec venales elephanti,

Nec Latio, aut usquam nostro sub sidere talis

Bellua concipitur, sed furvâ gente petita

Arboribus Rutulis, et Turni pascitur agro,

Cæsaris armentum : nulli servire paratum

105 Privato, si quidem Tyrio parère solebant

Annibali, et nostris Ducibus, Regique Molosso

Horum majores, et dorso ferre cohortes

Partem aliquam belli, et euntem in prælia turmam.

Nulla igitur mora per Novium, mora nulla per

Histrum

110 Pacuvium, quin illud ebur ducatur ad aras,

*dant, qui liberis carent, febricula tentantur, confestim videas templi porticum totam refertam tabellis in quibus captores descriperint vota sua pro illorum incolumitate ritè suscepta : non desunt qui sacrificium centum boum se facturos pollicentur, siquidem Romæ non venduntur elephanti, nec in Italia et nostris regionibus istæ belluæ nascuntur, sed ab Africæ aut Asiæ longinquis oris abductæ, in Latio nutriuntur ; quippe quæ Imperatoris tantum sumptibus ali possint : grex nobilior, quàm ut privatis hominibus mancipetur. Sanè istorum elephantorum majores non ad alios quàm bellorum usus a Ducibus nostris, itemque Annibale, et Pyrrho, solebant adhiberi, cum eorum tergo turres militibus plencè imponentur, ac medias in acies immitterentur. Sed elephanti Romæ si qui nunc essent, profectò non dubitarent Novius et Hister Pacuvius eosdem addu-*

98. Legitimè. Adhibitis certis cæremoniis.

99. Hecatomben. Sacrificium in quo centum boves eodem tempore mactantur, *ἑκατόν* centum, *Βοῦς* bos.

102. Furva. Fusca, nigra.

103. Rutulis. Rutuli veteris Italiæ populus : iis Turnus imperitabat.

105. Tyrio. Carthaginienses e Phœnicia et Tyro erant oriundi.

106. Annibali. Sat. VI, n. 121, et Sat. VII, v. 161.

Regi Molosso. Molossia, pars est Epiri in Græcia. Ibi regnavit Pyrrhus, qui suscepto contra Romanos bello, elephantis princeps in Italia usus fuit. Justinus, Lib. XVIII.

109. Nulla igitur mora, etc. Nihil ergo retardaret Novium et Pacuvium captatores, etc.

110. Illud ebur. Illi ele-



Et cadat ante lares Gallitæ victima sacra,  
 Tantis digna Deis, et captatoribus horum.  
 Alter enim, si concedas mactare, vovebit  
 De grege servorum magna, et pulcherrima quæque  
 Corpora, vel pueris, et frontibus ancillarum  
 Imponet vittas: et si qua est nubilis illi  
 Iphigenia domi, dabit hanc altaribus, etsi  
 Non speret tragicæ furtiva piacula cervæ.  
 Lando meum civem, nec comparo testamento

115

*cere ad altaria, et illos pro salute unius mulierculæ Gallitæ offerre Diis ipsius Penatibus, dignas certè tam caris Numinibus victimas, dignas eorum astutis cultoribus. Quin etiam erit ex iis captatoribus, qui, si detur hæc ipsi facultas, et venia, Superis promittat se mactaturum lectissimos e suis famulis, qui mancipia et ancillas vittis ac tæniolis, instar victimarum, adornatas aris admoveat: immo etiam suam ipsius filiam, si quam domi jam viro maturam habeat, etsi non speret cervam aliquam, id quod de Iphigenia narratur, et in tragædiis exhiberi solet, pro filia sua furtim suppositum iri. Ego verò Pacuvium esse virum egregium et sapientem judico: neque comparandam puto Græcorum classem totam, quam immolandæ filiæ servatam Agamemnon voluit, testamenti et hereditati, quàm Pacuvius suâ pariter filiâ sacrificandâ captat. Nam si ægrotus ille dives mortem evaserit, testamentum vetus a se factum*

phanti. Eorum dentes, ebur ipsum sunt.

112. *Deis.* Gallitæ Penatibus, ut exposui: vel ipsis Paccio et Gallitæ, qui, tamquam Dii quidam summi, coluntur a captatoribus.

113. *Alter.* Pacuvius scilicet, unus e duobus quos appellavit modò, captatoribus.

116. *Vittas.* Tæniâs quasdam, quibus ornabantur hostiarum capita.

117. *Iphigenia.* Filia fuit Agamemnonis. Cum Græcorum classis hæreret in Aulide, Græciæ portu, ventis ad-

versis ne solveret prohibita: consuluit oraculum Agamemnon. Responsum est, immisos a Diana fuisse ventos adversos, iratâ quòd sacram ipsi cervam Græci venantes peremissent: placari non posse Deam, nisi mactaretur Iphigenia: illam pater destinavit aræ, cùmque mactanda foret, Diana cervam ejus loco supposuit.

118. *Piacula.* Significat ea vox in hoc loco sacrificium, seu victimam quâ piatur crimen.



- 120 Mille rates ; nam si Libitinam evaserit æger,  
 Delebit tabulas inclusus carcere nassæ,  
 Post meritum sanè mirandum, atque omnia soli  
 Forsan Pacuvio breviter dabit : ille superbus  
 Incedet victis rivalibus. Ergo vides , quàm  
 125 Grande operæ pretium faciat jugulata Mycenis.  
 Vivat Pacuvius , quæso , vel Nestora totum !  
 Possideat , quantum rapuit Nero , montibus aurum  
 Exæquet ; nec amet quemquam , nec ametur ab  
 ullo.

*delebit , ut novum conficiat , quo Pacuvium , tamquam optimè de se meritum , fortè solum heredem scribet , inescatus illo videlicet sacrificio , et veluti piscis in nassam inductus. Pacuvius per unum aut alterum testamenti versiculum hereditate tantâ donatus plaudet sibi et gratulabitur , ac suos tenuulos , mœrentes victosque deridebit. Jamne intelligis quantum lucri fecerit ille captator : cum suam Iphigeniam pro divite orbo mactare non dubitavit ? At ego patior illum sanè opibus et vitâ frui , per tot annos , quot Nestor vixit : tantas habere divitias , quantas Nero prædatus est , ac montes , ut aiunt , aureos possidere ; sed eâ lege ut neminem habeat amicum , nemini sit amicus.*

120. *Mille rates.* Classis Græcorum mille navium erat.

*Libitinam.* Deam funerum præsidem. Pro morte sumitur.

125. *Mycenis.* Mycenis , Mycenidis : Iphigenia , filia Agamemnonis Regis Myce-

narum , in Peloponneso. Ibi Vates intelligit filiam captatoris , et in eadem allegoria pergit.

126. *Nestora.* Nestor Dux Græcorum , tres ætates hominum vixisse fertur.

## SATIRA XIII.

### ARGUMENTUM ET SYNOPSIS.

*AMICUM suum Calvinum, mœrentem quòd sibi non redderentur decem sestertia ab eo apud quem illa deposuerat, consolatur. Nonnulla subjicit de pœnis improborum et sceleratæ conscientie cruciatu.*

**E**XEMPLO quodcumque malo committitur, ipsi Displicet auctori. Prima est hæc ultio; quòd se Judice, nemo nocens absolvitur; improba quamvis Gratia fallacis Prætoris vicerit urnam.

Quid sentire putas omnes, Calvine, recenti De scelere et fidei violatæ crimine? Sed nec Tam tenuis census sibi contigit, ut mediocris Jacturæ te mergat onus: nec rara videmus

**O**MNE scelus hoc habet proprium ac peculiare ut illi, a quo admissum est, dolorem ac pudorem incutiat. Primum hoc supplicium ob sua flagitia dependunt scelerati, ut suo ipsorum judicio et conscientia condemnentur; licet iniqui judicis sententiâ et pravo favore sint absoluti. Illum autem, qui depositam apud se pecuniam, et suæ fidei à te, Calvine, concreditam per immanem perfidiam nuper abjuravit, nonne vides ab omnibus etiam condemnari, tamquam perjurum et impium? Neque verò est adeo tibi angusta res familiaris, ut levè ejus generis jacturâ, damna-

1. *Exemplo malo.* Id est, pravè, sceleratè, quæ vitiosè fiunt exemplum ferè, quod alii sequantur, præbent.

4. *Urnæ Prætoris.* Judicis sententiæ in tabellis scriptæ conjici solebant in urnam, aut capsulam, unde

illas educens Prætor et recognoscens, damnatum aliquem aut absolutum pronuntiabat. Prætor enim judiciis vulgò præerat.

7. *Census.* Sat. I, v. 47, et Sat. III, nota 125, et v. 145.

Quæ pateris ; casus multis hic cognitus , ac jam

10 Tritus , et e medio Fortunæ ductus acervo.

Ponamus nimios gemitus , flagrantior æquo

Non debet dolor esse viri , nec vulnere major.

Tu quamvis levium minimam , exiguanque maiorum

Particulam vix ferre potes , spumantibus ardens

15 Visceribus , sacrum tibi quod non reddat amicus

Depositum. Stupet hæc , qui jam post terga reliquit

Sexaginta annos Fonteio Consule natus ?

An nihil in melius tot rerum proficis usu ?

Magna quidem , sacris quæ dat præcepta libellis

20 Victrix Fortunæ sapientia. *Dicimus autem*

*Hos quoque felices , qui ferre incommoda vitæ ,*

*Nec jactare jugum vitæ didicere magistrâ.*

que sis ad egestatem redigendus , neque infrequens illud infortunium tuum est , sed multis evenire solitum , ac sumptum e medio veluti acervo calamitatum quibus vexare mortales quotidie Fortuna solet. Itaque noli plus æquo indulgere mœrori ; homo gravis et constans dejici dolore non debet , nec vehementius , quam res ipsa poscat affligari. Pudeat te , quodd exiguum ac leve malum tolerare nequeas , et furentis in morem exandescas , ob fraudem et perfidiam amici depositum tibi restituere negantis , quod sanctè custodiendum ab eo et reddendum erat. Miraris hoc scilicet , homo sexagenarius , et editus in lucem quo tempore Fonteius consulatum gerebat ! Nihilne tandem didicisti ac profecisti ad casus adversos levius ferendos , tam longâ experientia ? Magnam quidem vim habent philosophiæ præcepta quæ in sapientum libris exstant , ac docent quo pacto vivere Fortunam possimus ; nec minorem tamen ad beatè vivendum facultatem dat ipsa vitæ quotidianæ consuetudo et rerum usus , cum perferendo ærumnarum iugo nos assuefacit , et ad hanc patientiæ disciplinam erudit. Age , quem

17. Fonteio. Consulatum gessit anno U. C. 812, Neronis 5, a quo tempore annus sexagesimus incidit in annum Adriani tertium, U. C. 872.

20. Victrix fortunæ sapientia.

Democritus Fortunæ minaci mandat laqueum , mediumque ostendit unguem.

22. Jactare jugum. Metaphora ducitur a bobus , qui aratro subditi et oppressi jugum detractant excutiantque.

Quæ tam festa dies, ut cesset prodere furem,  
Perfidiam, fraudes, atque omni ex crimine  
lucrum

Quæsitum, et partos gladio, vel pyxide nummos? 25

*Rari quippe boni*: numero vix sunt totidem, quot  
Thebarum portæ, vel divitis ostia Nili.

Nona ætas agitur, pejoraque secula ferri  
Temporibus; quorum sceleri non invenit ipsa  
Nomen, et a nullo posuit Natura metallo. 30

Nos hominum, divumque fidem clamore ciemus,  
Quanto Fessidium laudat vocalis agentem  
Sportula. Dic senior bullâ dignissime, nescis

*dabis mihi diem tam sacrum, tam festum, quin aliquis  
in eo deprehendatur perfidus, fraudulentus, fur? omne  
criminum genus lucri causâ susceptum, et opes ferro aut  
veneno partæ. Exiguus nempe numerus proborum est. Vix  
tot sunt, quot urbis Thebæ portæ, vel Nili ostia.  
Seculum nostrum ferreo illo seculo deterius est, neque ullum  
habet metallum natura, quo nonæ hujus ætatis improbita-  
tem designet. Et nos tamen Superâ hominumque fidem im-  
ploramus clamore tanto, quantum edere solent Fessidii  
clientes, cum illi verba in foro facienti applaudunt. Igno-  
ras scilicet, o bone senex, et digne cui appendatur, ut  
pueris, e collo bulla, ignores, inquam, quas furtiva pe-*

25. *Pyxide*. Pyxis est theca  
e buxo, quod est lignum insi-  
gni durille, atque adeò ser-  
vandis venenis idoneum.

26. *Rari quippe boni*. Ju-  
venalis ad Sapientum nume-  
rum alludit. Hi septem fuere,  
sicut septem Nili ostia, et  
septem Thebarum portæ.

27. *Thebarum*. Thebæ civi-  
tas erat Bæotiæ in Græcia,  
septem portas habens.

*Divitis ostia Nili*. Nilus  
Ægypti fluvius septem ostiis  
in mare devolvitur: dives  
appellatur, quia commercio  
ditat Ægyptum, et felici  
etiam limo, quo, exundans

certis mensibus, fecundat  
arva.

28. *Nona ætas*. Latini qua-  
tuor mundi ætates numera-  
bant; auream, argenteam,  
æream et ferream. Græci octo  
ponebant, auream, argen-  
team, electream, æream, cu-  
pream, stanneam, plum-  
beam, ferream. Nonam ad-  
dit Juvenalis prioribus pejō-  
rem. Sunt qui legant, nunc  
ætas agitur.

32. *Fessidium*. Causidicum  
imperitum, qui pecuniâ clien-  
tes conducebat, ut sibi per-  
oranti plauderent.

33. *Sportula*. Sat. I, nota 80.

- Quas habeat veneres aliena pecunia? nescis  
 35 Quem tua simplicitas risum vulgo moveat, cum  
 Exigis a quoquam ne pejeret, et putet ullis  
 Esse aliquod numen templis. aræque rubenti?  
 Quondam hoc indigenæ vivebant more, prius-  
 quam  
 Stameret agrestem, posito diademate, falcem  
 40 Saturnus fugiens; tunc cum virguncula Juno,  
 Et privatus adhuc Idæis Jupiter antris.  
 Nulla super nubes convivia cœlicolarum,  
 Nec puer Iliacus, formosa nec Herculis uxor  
 Ad cyathos, et jam siccato nectare tergens  
 45 Brachia Vulcanus Liparæa nigra tabernâ.  
 Prandebat sibi quisque Deus, nec turba Deorum

*cunia illecebras habeat, et quo risu simplicitatem tuam homines prosequantur, cum a quoquam postulas ne falsum iusjurandum dicat, et inesse credat aliquam vim divinam templis et altaribus victimarum sanguine infectis. Hæc sanè probitas, hi mores erant usitati apud primos Italiæ incolas, antequam Saturnus regno pulsus falcem messoriam acciperet, cum puella Juno, cum Jupiter nondum rerum potitus privatam in aliqua montis Idæ spelunca, vitam degeret: cum nullas in cœlo epulas Superi celebrarent, necdum Ganimedes aut Hebe miscerent illis pocula, nec e furvis Liparæarum insularum antris progressus Vulcanus ad cœlestes illas epulas, nullo nectare hausto, labra humanitia brachiis abstergeret: unusquisque Deorum domi suc-*

*Bulla.* Erat bulla orbiculus vel corculum aureum. Sat. V, nota. 164.

37. *Esse aliquod numen.* Quasi dicat, imperiti duntaxat jam verentur Deos perjuriorum vindices.

38. *Indigenæ.* Sic vocantur, qui eam regionem in qua sunt nati, incolunt.

40. *Fugiens.* Jovem filium, a quo pulsus cœlo et solio est. Vide appendicem.

41. *Idæis.* Ida mons est Cretæ, ubi Jupiter educatus.

43. *Iliacus.* Trojanus filius Troï, Regis Ilii, seu Trojæ. *Herculis uxor.* Hebe Jovis ac Junonis filia. Juventutis præses Dea, nupta Herculi.

44. *Nectare.* Nectar, Deorum potus erat: ambrosia, cibus.

*Vulcanus.* Deus, ignis præses, Jovis et Junonis filius. Vide app. c. IV.



Talis, ut est hodie, contentaque sidera paucis  
 Numinibus, miserum urgebant Atlanta minori  
 Pondere: nondum aliquis sortitus triste profundi  
 Imperium, aut Siculâ torvus cum conjuge Pluto: 50  
 Nec rota, nec Furiae, nec saxum, aut vulturis atri  
 Poena, sed infernis hilares sine Regibus umbræ.  
 Improbilas illo fuit admirabilis ævo.  
 Credebant hoc grande nefas, et morte piandum,  
 Si juvenis vetulo non assurrexerat, et si  
 Barbato cuicumque puer, licet ipse videret 55

*cænabat: non tam numerosum erat cœlicolarum, uti modò est, agmen, cœlumque a paucis habitatum Diis, leviori pondere Atlantem premebat: nondum ex illis unus regna inferorum gubernanda ductis sortibus acceperat, non trux Pluto cum Proserpina uxore umbras terrebat, neque ulla rotæ Ixionæ, furiarum Sisyphæ rupis, et diri vulturis mentio: sed læti, nullo Rege, Manes suo arbitratu cætatem agebant. Aureâ illâ cætate, portentû simile quidpiam erat, si quis nequam et flagitiosus foret: immane tunc scelus et capitali pœnâ plectendum censebatur, si adolescens venienti seni honorem, surgendo, non haberet; aut puer adolescenti, quàmvis esset ditior, et majorem domi suæ*

48. *Atlanta*, Sat. VIII, n. 30, et Sat. VI, nota 24.

50. *Sicula conjuge*. Proserpina, Cereris filia, quam rapuisse Pluto dicitur, in Aetna, monte Siciliæ.

51. *Rota*. Ixionis, qui cum temerare Junonem tentasset, a Jove detrusus est ad inferos, et affixus rotæ: quæ semper circumagitur.

*Furiae*. Alecto, Megæra, Tisiphone, Noctis et Acherontis filiae: quibus conscientiae stimuli significantur.

*Saxum*. Sisyphus, AEoli filius, cum Atticam latrociniiis infestam haberet, a Theseo interfectus est. Hunc Poëtæ

fabulantur eo supplicii genere plecti apud inferos, ut saxum iugens in montis verticem cogatur provolvere, quod cum ad summum cacumen extulit, repente deorsum relabitur. Virgil. VI AEneid. v. 616.

*Vulturis*. Tityus, terræ, ut Poëtæ narrant, filius, cum Latonam de stupro interpellasset, Jovis fulmine dejectus in tartarum, ibi per novem porrectus jugera, jecur semper renascens vulturi exedendum præbet. Eadem poëna Prometheum multatum fingunt, quod ignem e cœlo suffuratus esset.

Plura domi fraga, et majores glandis acervos.  
 Tam venerabile erat præcedere quatuor annis,  
 Primaque par adeo sacrae lanugo senectæ.

- 60 Nunc si depositum non inficietur amicus,  
 Si reddat veterem cum tota ærugine follem,  
 Prodigiousa fides, et Thuscis digna libellis,  
 Quæque coronatâ lustrari debeat agnâ.  
 Egregium sanctumque virum si cerno, bimembri  
 65 Hoc monstrum puero, vel mirandis sub aratro  
 Piscibus inventis, et foetæ comparo mulæ;  
 Sollicitus, tamquam lapides effuderit imber,  
 Atque examen apum longâ consederit uvâ

*copiam fragorum glandisque conspiceret. Tantam apud eos venerationem obtinebat ætas quatuor duntaxat annis pro-  
 vector: ita succescens primum barba eodem colebatur tunc honore, quo senectus apud nos afficitur. Nunc si deposi-  
 tam pecuniam amicus non deneget, crumenamque cum num-  
 mis ob vetustatem rubigine ac situ detritis restituat, por-  
 tentosa illa prædicatur esse fidelitas, et digna quæ cum  
 ceteris prodigiis in libros Hetruscorum haruspicum refera-  
 tur, immo quæ instar inauditi monstri certis sacrificiis  
 expiatur. Ego quidem, cum virum hac virtute et fide præ-  
 ditum intueor, videre videor infantem membris partim  
 ferinis constantem, aut pisces ab agricola in agro quem  
 arat inventos, aut mulam gravidam: nec minis rei novi-  
 tate perturbor, quàm si pluisset lapidibus, aut apum exa-  
 men, instar oblongi racemi conflatum, in templi cujus-  
 piam fastigio hæsisset; aut lacteum flumen magno impetu*

57. *Fraga.* Tunc glandes, et fructus alii, hominum ci-  
 bus et opes erant.

61. *Follem.* Saccum ple-  
 num, instar folliis intumescen-  
 tem.

62. *Thuscis.* Thuscia sive  
 Hetruria, *la Toscane*, est pars  
 Italiæ supra Romanum agrum  
 Auguriorum olim et haruspi-  
 cinæ peritissima.

*Digna libellis.* Vel, ut in  
 his scribatur ad posteritatis  
 memoriam, vel, ut ex co-

rum præscripto ac formulis  
 expiatur.

63. *Lustrari.* Expiari. Sat.  
 II, nota 115, Si quid accidis-  
 set portenti, solebant immo-  
 lare victimas, ut iram Deo-  
 rum, quam significare mons-  
 tra videbantur, averterent.  
 Coronas autem floreas victi-  
 mis imponere moris erat.

66. *Mulæ.* Steriles vulgò  
 mulæ sunt.

68. *Examen apum.* Portenti  
 loco habebatur si apes in tem-

Culmine delubri, tamquam in mare fluxerit amnis  
Gurgitibus miris, et lactis vortice torrens.

70

Intercepta decem quereris sestertia fraude

Sacrilegâ : quid si bis centum perdidit alter

Hoc arcana modo? majorem tertius illâ

Summam, quam patulæ vix ceperat angulus arcæ?

Tam facile et pronum est superos contemnere

75

testes,

Si mortalis idem nemo sciat. Adspice quantâ

Voce neget, quæ sit victi constantia vultus.

Per solis radios, Tarpeiaque fulmina jurat,

Et Martis frameam, et Cirrhæi spicula vatis :

Per calamos venatricis, pharetramque puellæ,

80

Perque tuum, pater AEgei Neptune, tridentem :

Addit et Herculeos arcus, hastamque Minervæ,

*in mare devolveretur. Ingemiscis quod per impiam fraudem, ablata fuerint tibi decem sestertia : quid igitur dicas, si cernas alium quempiam ducenta sestertia itidem amisisse, quæ similiter alterius fidei et custodiæ clam et sine testibus commiserat? Si videas alium plures etiam nummos perdidisse, qui vix in ingentis arcæ angulo poterant contineri? Adeo facile scelerati pro nihilo pendunt, quodd testes perfidiæ suæ et conscios habeant Deos, si nemo homo conscius testisque sit. En ille perjurus ac perfidus, quam firmo et erecto vultu, quam intentâ voce, depositum abnegat? Jurat per Solem, per Jovem fulminantem, per Martem ense, Apollinem jaculis instructum, Dianam sagittis armatam, Neptunum tridente, Herculem arcu, Minervam*

plum aut domum aliquam

convolassent, in pendentis

uvæ speciem inter se glome-

ratæ. Virgil. IV Georg. v.

557, VII Æn. 65.

71. Decem sestertia. Sunt

libræ Turonicæ 1000.

73. Arcana. Arcanæ fidei

credita, sine ullis testibus.

78. Tarpeia. Sat. VI, no-

ta 41.

79. Frameam. Ensem, vel

hastam.

Cirrhæi. Cyrrha oppidum

Phocidis, ad radicem montis

Parnassi, ubi Apollo præci-

pue colebatur.

81. AEgei. Mare AEgeum,

est pars maris Mediterranci,

inter Græciam et Asiam mi-

norem.

82. Herculeos arcus. Ha-

bebat Hercules sagittas Hy-

dræ cruore tinctas, eratque

in fatis, sine iis expugnari

Trojam non posse.

- Quidquid habent telorum armamentaria cœli.  
 Si verò et pater est : Comedam, inquit, flebile natū  
 85 Sinciput elixi, Pharioque madentis aceto.  
 Sunt qui in Fortunæ jam casibus omnia ponant,  
 Et nullo credant mundum rectore moveri,  
 Naturâ volvente vices, et lucis, et anni;  
 Atque ideo intrepidi quæcunque altaria tangunt.  
 90 Est alius metuens ne crimen poena sequatur :  
 Hic putat esse Deos, et pejerat; atque ita secum;  
 Decernat quodcumque volet de corpore nostro  
 Isis, et irato feriat mea lumina sistro,  
 Dummodo vel cæcus teneam, quos abnego,  
 nummos,  
 95 Et phthisis, et vomicæ putres, et dimidium crus  
 Sunt tanti. Pauper locupletem optare podagram  
 Nec dubitet Ladas, si non eget Anticyrâ, nec

*hastâ : demum per tela omnia quæ in cœli apothecis servantur, jurare non dubitat. Quod si liberos habet, si fallo, inquit, ita mihi Superos iratos imprecor, ut filii caput aceto incoctum cogar comedere. Neque verò mirum est illos impios tam fidenter pejerare, et aras sine ullo metu tangere : quippe cum ex illis sint qui omnia Fortunæ et casui tribuant, qui nullum, a quo regatur hic orbis, numen agnoscant : qui diei, noctis, et quatuor anni tempestatum, varias vices oriri a natura existimant; alii existere Deos quidem arbitrantur, ac proinde timent ne perjuri pœnas luant; pejerant nihilominus, et sic taciti cogitant : de me statuât Isis quodcumque volet, oculos meos irata sistro suo percutiat, dummodo pecuniâ, quam abjuro, fruâr, vel ipsis oculis captus. Morbis omnibus, phthisi, apostematibus, crure diffracto et mutilo, emuntur bene nummi, tanti valent. Si sapit Ladas ille, velocitate pedum*

85. Sinciput. Pars capitis anterior : occiput, posterior est.

Phario. Quid esset Pharus diximus Sat. VI, nota 50, et Sat. XII, n. 74. Pharon.

Aceto. Acetum Aegyptium laudabatur.

93. Isis. Sat. XII, nota 28.

Sistro. Sistrum, est instru-

mentum quoddam musicum, instar fistulæ, at tinnuli crepitaculi, quo Aegyptii maxime utebantur in sacris Isis.

95. Phthisis. Tabes lenta, qua corpus sensim exeditur.

Vomicæ. Sunt ulcera interiora, apostemata.

97. Ladas. Histrio quidam



Archigene. Quid enim velocis gloria plantæ  
 Præstat, et esuriens Pisææ ramus olivæ?  
 Ut sit magna, tamen certè lenta ira Deorum est. 100  
 Si curant igitur cunctos punire nocentes,  
 Quando ad me venient? sed et exorabile numen  
 Fortasse experiar, solet his ignoscere: multi  
 Committunt eadem diverso crimina fato.  
 Ille crucem sceleris pretium tulit, hic diadema. 105  
 Sic animum diræ trépídum formidine culpæ  
 Confirmant. Tunc te sacra ad delubra vocantem  
 Præcedit, trahere immo ultro, ac vexare paratus.

*inclutus, si elleboro et medico non indiget, profecto anteponet podagram, quæ ipsi opes allatura sit, pernicipitati suæ, cum qua est inops et fame conficitur. Quam enim utilitatem habet pedum illa velocitas et corona in certaminibus Olympicis data, si est cum fame ac paupertate conjuncta? Deinde, tametsi gravis Deorum ira sit, est eadem certè ad puniendum tarda. Quod si omnes improbos merito afficere supplicio decreverint, quandoam ad me in tanto numero, pervenient? Quid quod, fieri poterit, ut eos placabiles et propitios habeam: perjurus non raro ignoscunt: denique eandem admittunt scelera plerique, eventu perquam diverso: unus in crucem tollitur, alter in solium evehitur. His rationibus mentem conscientia sceleris anxiam perjurus erigit, ac discutit metum. Ita confirmatus, tibi ad templum, ubi jurare illum cogas, eunti præbuit sponitè, immo te huc pertrahere non cunctabitur et urgere: cum enim aliquis, malè sibi conscius, præ se fert auda-*

tunc notus, aut scurra, miræ pernicipitatis. De illorvide Martialem a nobis editum, pag. 141, Lib. II, Epig. 62.

*Anticyra.* Insula quædam Laconiciæ adjacens ubi nascitur præstans elleborum, quâ herba seu frutice, curantur insani ac furiosi. Egere elleboro, sive Anticyrâ, est *insanire*.

98. *Archigene.* Medico tunc nobili et perito ad venam in mediâ fronte scindendam?

quo deliri et furiosi sanantur.

*Quid enim velocis, etc.* Quid prodest agilitate pedum valere, ut nobilis ille cursor Ladas, si pariter ut ipse postea sis inops.

99. *Pisææ.* Pisa, urbs Græciæ fuit in Peloponneso. Non procul ab ea urbe celebrabantur quinto quoque anno certamina Olympica: in quibus ii, qui cursu vicerant, olivæ foliis coronabantur.



- Nam cum magna malæ super est audacia causæ,  
 110 Creditur a multis fiducia. Mimū agit ille,  
 Urbani qualem fugitivus scurra Catulli.  
 Tu miser exclamas, ut Stentora vincere possis,  
 Vel potius quantum Gradivus Homericus : audis  
 Juppiter hæc, nec labra moves, cum mittere  
 vocem  
 • 115 Debueras vel marmoreus, vel aeneus? aut cur  
 In carbone tuo chartā pia thura solutā  
 Ponimus, et sectum vituli jecur, albaque porci  
 Omenta? Ut video nullum discrimen habendum  
 est  
 Effigies inter vestras, statuamque Bathylli.  
 120 Accipe quæ contrā valeat solatia ferre,

*ciam insignem, putatur a multis esse propter innocentiam confidens ac securus. Ille perfidus ac sacrilegus instar histri-  
 nis personam fictam sustinet, qualem servus agit scurriliter in quadam Catulli poetæ comœdia : tu interim infelix  
 validius, quàm Stentor vel Mars apud Homerum, vociferaris, et in has erumpis querelas : O sancte Jupiter audis hunc sacrilegum pejerantem, nec vocem mittis! at loqui et exclamare certè, licet ex ære conflatus aut marmore, debueras : cur ergo ad aras tibi consecratas adolemus thura, cur vituli exta, intestina porci obesa immolamus, si hæc inulta pateris? Sic est, nihil vestræ Deorum statuæ à Bathylli statuis differunt. Ita tu quidem Superos incusas. Audi vicissim rationes quibus tuum solari dolorem, et querelas compescere conabor ego, qui neque*

111. *Fugitivus.* Sic vocabantur servi nequam.

*Catulli.* Comœdiam ille scripserat, in qua herus quidam fugitivum mancipium repetebat. Negabat servus impudens, se unquam ejus fuisse, et herum ad aras juraturus, sponte pertraherat. Sat. VIII, v. 184.

112. *Stentora.* Stentor Græcus, apud Homerum, miles, tantum valebat voce, quan-

tum alii quinquaginta.

113. *Gradivus.* Martem affirmat idem Homerus vulneratum a Diomede, tantum clamorem edidisse quantum ederent hominum decem millia. Iliad. V.

116. *Charta soluta.* Aperto papyraceo thuris involucro.

119. *Bathylli.* Citharœdum illum fuisse aiunt, et mimum, statuâ donatum a Polycrate Samiorum Rege.

Et qui nec Cynicos, nec Stoica dogmata legit  
 A Cynicis tunica distantia; non Epicurum  
 Suspexit exigui lætum plantaribus horti.  
 Curentur dubii medicis majoribus ægri,  
 Tu venam vel discipulo committe Philippi. 125  
 Si nullum in terris tam detestabile factum  
 Ostendis, taceo, nec pugnis cedere pectus  
 Te veto, nec planâ faciem contundere palmâ :  
 Quandoquidem, accepto claudenda est janua  
 damno,  
 Et majore domus gemitu, majore tumultu 130

- *Cynicorum scholas frequentavi, neque perlegi placita Stoicorum, quos tunica tantum formâ dispar et dissimilis distinguit à Cynicis; neque Epicurum admiror oleribus victitare solitum. Ægroti gravioribus implicati morbis adhibeant sanè medicos præstantiores: tu curari vel à Philippi discipulo rectè possis. Si nullum facinus vides cum illa tui amici perfidia comparandum, nihil causæ dico, quin dedas te penitus dolori, et pectus ac vultum utraque manu percutias ac dilanies; quin domum tuam occludas, ut sit*

121. *Cynicos.* Cynicus *κυνικός*, Græca vox idem significans ac *caninus*. Id nominis inditum fuit Philosophis quibusdam Græcis, qui canum instar, omnes allatrabant, impudenti mordacitate. Illorum princeps Antisthenes, Socratis discipulus.

*Stoica.* Sat. II, nota 40.

122. *A Cynicis, etc.* Ad Philosophiam Stoicorum a Cynicorum effatis discrepare tantum penes tunicam, et pallium, quia cum utrique summum bonum in virtute statuerent, et eadem fere in aliis sentirent. Cynici erant solo induti pallio, cum interula leviori duntaxat aut subligaculo: Stoici ad pallium tunicam addebant, quæ vestis

est interior et crassior, totum corpus obtegens.

*Epicurum.* Philosophum Græcum, a quo summum bonum in voluptate ponebatur, sive in doloris immunitate, ita ut corpus esset sanum, animus perturbatione omni careret. Oleribus victitasse, ac primus hortos Athenis intra urbem habuisse fertur.

124. *Curentur, etc.* Comparat homines graviori aliquo affectos damno cum ægrotis gravi morbo laborantibus, Calvinum cum aliis levius periclitantibus.

125. *Venam.* Incidendam, aperiendam.

*Philippi.* Medici fortasse non peritissimi, quo imperitiores fuisse ipsius discipulos credibile est.

Planguntur nummi, quam funera. Nemo dolorem  
Fingit in hoc casu, vestem diducere summam  
Contentus, vexare oculos humore coacto :  
Ploratur lacrymis amissa pecunia veris.

- 135 Sed si cuncta vides simili fora plena querelâ ;  
Si decies lectis diversa in partē tabellis,  
Vana supervacui dicunt chirographa ligni,  
Arguit ipsorum quos littera, geminaque princeps  
Sardonychum, oculis quæ custoditur eburnis ;  
140 Te nunc delicias extra communia censes  
Ponendum, quia tu gallinæ filius albæ,  
Nos viles pulli nati infelicibus ovis.

*in summo luctu et funeribus parentum ac propinquorum, quæ minus molestè graviterque toleramus quàm pecuniæ jacturam : hæc enim non stimulo mœrore defletur, non veste leviter scissa, non lacrymis per vim extortis, at ex animo deploratur. Igitur si reperire est in foro quolibet, homines de ejusmodi sceleribus et damnis conquerentes, si debitores quos sua ipsorum manus et scriptura, quos signum annulo et nobili gemmâ impressum convincit aliquam syngropham ab ipsis scriptam et obsignatam fuisse, nihilominus hoc pernegant, et adulterinum esse chirographum falsumque clamitant, licet illa syngropha decies recitata fuerit palam, variis in locis et coram diversis testibus, valde profecto delicatus est, si putas te ex hominum grege communi, et usitatis casibus eximendum, quasi gallinæ albæ, ut parœmia fert, esses filius, ceteri præ te uno viles et contemnendi forent pulli. Si graviores quibus alii*

137. *Supervacui.* Falsi, adulterini, inutilis ad fidem faciendam.

*Ligni.* Syngrophæ, cautionis. Scribebant in tabellis ligneis, cerâ obductis.

139. *Sardonychus.* Dicitur etiam Sardonyx et Sardonyche. Sat. VI, nota 249 ; Sat. VII, v. 144.

*Princeps gemma.* Quia ut plurimum iis erat annulis inserta, quos adhibebant ad

obsignanda instrumenta litium.

*Loculis.* Annulos, quibus ad obsignandas tabellas utebantur, servabant in thecis elegantioribus.

141. *Gallinæ, etc.* Adagiū illud jactatur in homines beatulos et delicatos.

*Albæ.* Color albus prosperis rebus : niger, adversis tribuitur.

Rem pateris modicam, et mediocri bile ferendam,  
 Si flectas oculos majora ad crimina : confer  
 Conductum latronem, incendia sulphure coepta, 145  
 Atque dolo, primos cum janua colligit ignes.  
 Confer et hos veteris qui tollunt grandia templi  
 Pocula adorandæ rubiginis, et populorum  
 Dona, vel antiquo positas a Rege coronas.  
 Hæc ibi si non sunt, minor exstat sacrilegus, qui 150  
 Radat inaurati femur Herculis, et faciem ipsam  
 Neptuni, qui bracteolam de Castore ducat :  
 An dubitet, solitus totum conflare Tonantem ?  
 Confer et artifices, mercatoremque veneni,  
 Et deducendum corio bovis in mare, cum quo 155  
 Clauditur adversis innoxia simia fati.  
 Hæc quota pars scelerum, quæ custos Gallicus urbis

*quotidie afficiuntur calamitates expendas, leve illud tuum profectò damnum esse intelliges. Compara, sodes, cum infortunio tuo, latrocinia quæ fiunt ab inductis pecunia prædonibus : incendia domorum, quando clam sulphur et alia id genus ignis irritamenta foribus admoventur ? Sacrilegia, cum impio furto surripiuntur vasa ob vetustatem sacro quodam honore digna, donaria populorum, coronæ ab aliquo Rege præco superis oblatæ, et in templis repositæ. Quod si præda tam dives in iis nulla existit, aureæ laminæ de statua Herculis, Neptuni, aut Castoris abraduntur a sacrilegis levioribus : nec mirum, quippe qui graviora nullo percussu metu flagitia suscipere soleant, ac totam Jovis ex auro statuam igni liquefacere. Compara cum eodem amico depositum tibi subducente, veneficos ; compara parricidas, quibus hæc irrogata legibus pœna est, ut inclusi sacco, simul cum infelicè simia, in æquor abjiciantur. Hæc tamen scelera quæ hactenus memoravimus minima pars eorum sunt, quæ quotidie ad Rutilium Gallicum urbis Præfectum, cuius*

151. *Herculis.* Satira III, nota 88.

152. *Castore.* Castor fuit Pollucis frater, Jovis et Lædæ filius. Ipse et frater alterius mori et vivere dicebantur.

155. *Et deducendum, etc.* Hoc erat statutum in parri-

das a Romanis supplicium, ut in mare abjicerentur insuti in euleum, sive saccum e corio confectum, cum gallo, cane, simia et serpente. Sat. VIII, nota 212.

156. *Adversis fati.* Quia mori jubetur cum nocente, licet sit innoxens.



- Usque a Lucifero, donet lux occidat, audit?  
 Humani generis mores tibi nosse volenti  
 160 Sufficit una domus; paucos consume dies, et  
 Dicere te miserum, postquam illinc veneris, aude.  
 Quis tumidum guttur miratur in Alpibus? aut quis  
 In Merœ crasso majorem infante mamillam?  
 Cærulea quis stupuit Germani lumina, flavam  
 165 Cæsariem, et madido torquentem cornua cirro?  
 Nempe quod hæc illis natura est omnibus una.  
 Ad subitas Thracum volucres, nubemque sonoram  
 Pygmæus parvis currit bellator in armis;  
 Mox impar hosti, raptusque per aëra curvis  
 170 Unguibus a sæva fertur grue. Si videas hoc  
 Gentibus in nostris risu quatiare; sed illic,  
 Quamquam eadem assiduè spectentur prælia,  
 ridet

*tantum diei spatio deferuntur. Si velis quam profligata hominum vita sit nosse, unam aliquam inspicere domum; quid in ea geratur per dies aliquot expende, tum per me licebit deplorare calamitatem tuam. Nemo Alpium incolas tumidis esse faucibus: nemo mulierum Aegyptiarum mammas obesius pueris crassiores miratur: nemo Germanorum oculos cæruleo colore tinctos, flavos eorumdem crines, unguento delibutos et crispas: quia nimirum hæc in iis regionibus usitata et communia sunt omnibus. Quando grues agmine infesto in Pygmæos incurrunt, illi pumillones aciem scilicet instruunt, et pusillis armis accinguntur: nec resistendo pares, a gruibus sublimè rapiuntur. Hoc si cerneret in Italia; risum profecto non teneret; apud Pygmæos verò, quamvis hoc idem vulgò fiat, nemini ea res tamen risum*

158. *Lucifero.* Sat. VIII, nota 11.

160. *Sufficit una domus.* Nempe Rutulii Gallici domus; in quam ad jus rei omnes conflunt.

162. *Alpibus.* Alpes montes altissimi; Gall. *les Alpes*. Ibi homines ferè strumosi, propter pruinas et cœli gravitatem.

163. *Merœ.* Nili est insula. Vide Sat. V, nota 387.

165. *Cornua.* Cincinnos, instar cornuum, recurvos.

167. *Thracum.* Thracia Europæ pars ad septentrionem, supra Macedoniam. Gruibus abundare fertur. Eam incolere olim pygmæi, teste Plinio Lib. IV, caput 11; sed a gruibus fugati sunt.



Nemo, ubi tota cohors pede non est altior uno.  
 Nullane perjuri capitis, fraudisque nefandæ  
 Poena erit? Abreptum crede hunc graviore catenâ 175  
 Protinus, et nostro (quid plus velit ira?) necari  
 Arbitrio. Manet illa tamen jactura, nec unquam  
 Depositum tibi sospes erit; sed corpore trunco  
 Invidiosa dabit minimus solatia sanguis.  
 At vindicta bonum vitâ jucundius ipsâ? 180  
 Nempe hoc indocti, quorum precordia nullis  
 Interdum, aut levibus videas flagrantia causis;  
 Quantulacumque adeo est occasio, sufficit iræ.  
 Chrysippus non dicet idem, nec mite Thaletis  
 Ingenium, dulcique senex vicinus Hymetto, 185  
 Qui partem acceptæ sæva inter vincla cicutæ,  
 Accusatori nollet dare. Plurima felix

*mover, ubi nullus in toto exercitu miles pedis unius mensuram excedit. Ergone, inquis, inultum crimen perfidus amicus feret? Finge illum statim in tetrum carcerem conjici, ac tuo arbitratu interfici, nihil enim, credo, amplius expetas: non idcirco tamen depositum tibi tuum restituitur, neque illato damno medicina sic fiet; leve duntaxat solatium et invidiæ plenum, ex ejus cruento et mutilato cadavere accipies. Atenim dulce est ulcisci, et vitâ ipsâ dulcius? Nimirum ita sentiunt homines imperiti ac barbari, qui nullâ aut levî de causa exardescunt, quorum bilis vel minimâ occasione in iracundiam et furorem exardescit. Non ea mens Chrysippi et oratio, non Thaletis hominis mitissimi; neque Socratis, qui accusatori suo particulam veneni, quo in carcere extinctus est, largiri nolisset. Est hoc philosophicæ scilicet beneficium, quæ unâ*

183. *Chrysippus.* Sat. II, nota 5, et Sat. VI, nota 75. *Acervi.*

*Thaletis.* Thales, unus e septem Græciæ Sapientibus.

185. *Senex, etc.* Socrates Athenis ortus, quæ civitas non abest procul Hymetto monte, mellis feraci. Hunc tanquam de superis parum piæ sentientem accusavit Any-

tus Atheniensis. Condemnato propinatum est venenum et cicuta, succo frigidissimo confectum.

187. *Accusatori nollet dare, etc.* Socrates proditiōis accusatus in vincula est conjectus cum accusatore: huic verò oblatus veneni partem petenti dare noluit ille. Socratis autem accusatores tres

Paulatim vitia, atque errores exiit omnes

Prima docens rectum sapientia: quippe minuti

190 Semper, et infirmi est animi, exiguique voluptas

Ultio. Continuo sic collige, quod vindicta

Nemo magis gaudet, quam foemina. Cur tamen  
hos tu

Evasisse putes quos diri conscia facti

Mens habet attonitos, et surdo verberare caedit,

195 Occultum quatiente animo tortore flagellum?

Pœna autem vehemens, ac multo sævior illis,

Quas et Cæditius gravis invenit, aut Rhadaman-  
thus,

Nocte dieque suum gestare in pectore testem.

Spartano cuidam respondit Pythia vates,

*vel maxime confert ad beatè vivendum, ut quæ sunt recta doceat homines, et ex illorum animis vitiorum sensim et errorum omnium fibras extirpet. Ac sanè quam imbecillum animum et pusillum arguat voluptas ultionis, vel ex eo facile intelliges quodd huiusmodi voluptate mulieres potissimum ducantur. Cave tamen putes flagitiosis impune esse domesticum illi tortorem habent, a quo intus plectantur, nempe mentem ream et sceleris conscientia trepidam. Nulla, mihi crede, pœna gravior ab Cæditio, vel Rhadamantho excogitata unquam fuit, quàm gerere in sinu suo testem sui sceleris, qui diu noctuque illud nobis objiciat intetretque. Lacedæmonius quidam cogitabat depositum apud se*

fuere; scilicet Anytus, Melitus, Lycon. De his aiebat ille: Possunt quidem me occidere, non autem lædere. Quia nimirum nemo læditur nisi a seipso.

197. Cæditius. Index eâ tempestate atrox et severus.

Rhadamanthus. Index umbrarum apud inferos cum Minoë et AEaco. Vide Sat. I, nota 10.

199. Spartano. Lacedæmon, urbs Peloponnesi primaria, dicta fuit quoque Sparta.

Cuidam. Glaucum appellat Herodotus, et apud eum depositam ab amico Milesio pecuniam fuisse docet.

Pythia. Sic vocabatur fatidica, sacerdos templi Delphici. Apollo ipse Pythius dicebatur a serpente Pythone, quem interemerat. Porro illa domicilium habebat in spelunca profunda, ore angusto, in cuius aditu locatum tripodem inscendens, divinationes afflabatur spiritu, indeque responsa reddebat.

Haud impunitum quondam fore, quod dubitaret 200  
 Depositum retinere, et fraudem jure tæri  
 Jurando; quærebat enim quæ numinis esset  
 Mens, et an hoc illi facinus suaderet Apollo.  
 Reddidit ergo metu non moribus, et tamen omnem  
 Vocem adyti dignam templo, veramque probavit 205  
 Exstinctus totâ pariter cum prole, domoque,  
 Et quamvis longâ deductis gente propinquis.  
 Has patitur pœnas peccandi sola voluntas.  
 Nam scelus intra se tacitum qui cogitat ullum,  
 Facti crimen habet. Cedo, si conata peregit? 210  
 Perpetua anxietas, nec mensæ tempore cessat,  
 Faucibus ut morbo siccis, interque molares  
 Difficili crescente cibo: sed vina misellus  
 Exspuit; Albani veteris pretiosa senectus

*retinere, ac interposito etiam jurejurando abnegare. Oraculum Apollinis consuluit, quæsit quid censeret Phœbus, an id facere approbante Deo posset. Respondit à Pythia, pœnas ipsum graves daturum, qui hoc ab Apolline quæsitisset, in dubiumque rem ejusmodi revocasset. Quo ille terrore ac pœnarum metu attonitus magis, quàm studio virtutis et amore inductus, depositam pecuniam restituit: idem tamen verum ac dignum Apolline responsum fuisse comprobavit suo, ac suorum liberorum, propinquorum, et universæ familiæ ab ultima stirpe penitus extinctæ, exitio. Ita solam peccandi voluntatem Superi plectunt. Et verò qui scelus pectore deliberatum concepit, perinde nocens est, ac si illud admisisset. Quid verò si meditatam facinus etiam complevit? Nonne meritas dependet pœnas? Hinc illa mentis anxietas ac malè metuentis sollicitudo, quæ hominem non deserit in ipsa mensa, ubi fauces aridæ; tamquam febri laboraret, cibum deglutire vix possunt, hærentibus inter ipsos dentes dapibus, et os; quia ægrè trajiciuntur, magis magisque implentibus. Respuat vina vel optima: Albanum vetus et generosum fastidit; si generosius aliquod*

205. *Adyti*, Adytum, locus est templi secretior, quo profanis adire nefas.

207. *Gente*. Sumitur interdum ea vox pro familia et genere: latius tamen, quàm

familia, et domus, patet.

212. *Molares*. Dentes majores, qui cibos commolunt.

214. *Albani*. Prope Albanum Latii urbem, vinum natum, licet optimum, ei non sapit,

- 215 Displicet; ostendas melius, densissima ruga  
 Cogitur in frontem, velut acri ducta Falerno.  
 Nocte brevem si fortè indulisit cura soporem,  
 Et toto versata toro jam membra quiescunt:  
 Continuo templum, et violati numinis aras,  
 220 Et (quod præcipuis mentem sudoribus urget,)  
 Te videt in somnis, tu sacra, et major imago  
 Humanâ, turbat pavidum, cogitque fateri.  
 Hi sunt qui trepidant, et ad omnia fulgura pallent,  
 Cum tonat, exanimes primo quoque murmure  
 cœli,  
 225 Non quasi fortuitu, nec ventorum rabie; sed  
 Iratus cadat in terras, et vindicet ignis.  
 Illa nihil nocuit, curâ graviore timetur  
 Proxima tempestas, velut hoc dilata sereno.  
 Præterea lateris vigili cum febre dolorem  
 230 Si cœpere pati, missum ad sua corpora morbum  
 Infesto credunt a numine; saxa Deorum

*afferat, ita rugas fronte contractâ ducit, ut si Falernum acre austerumque biberet. Si per noctem a curis ac metu respirare paulisper, et indulgere somno cœpit, post artus toto cubili diu multumque jactatos, confestim tetra somnia illi obiciunt templum in quo pejeravit, aras quarum numen violavit, quodque illum majori afficit terrore, te, quem spoliavit. Effigies tua, instar alicujus Numinis aut Furie, humanæ staturæ modum excedens, attonitum percellit, et ad crimen confitendum adigit. Ejusmodi sceleratos, simul ac tonitru quodpiam increpuit, aut fulgur emicuit, cohorrescere videas, exallescere, metu exanimari, perinde quasi non casu aliquo, et ventorum vi nativâ, fulguraret, tonaretve, sed certo numinis irati consilio, et ultrice dextrâ immissum fulmen ipsorum capiti ingrueret. Quod si præsentem procellam effugiunt incolumes, proximam gravius reformidant, et quamvis cælum videant serenam, dilatam ad breve tempus duntaxat tempestatem ac perniciem suam arbitrantur. Ad hæc si laborare febri occipiunt, si latus illis condoluit, his morbis ab irato Deo se plecti;*

216. Falerno. Sat. IV,  
 nota 135.

221. Sacra. Minitans,  
 terribilis.

225. Fortuitu. Ex opinione  
 Epicureorum, qui expunctâ  
 divinâ providentiâ, casui et  
 fortunæ omnia tribuebant.

Hæc et tela putant; pecudem spondere sacello  
 Balantem, et Laribus cristam promittere galli  
 Non audent: quid enim sperare nocentibus ægris  
 Concessum? vel quæ non dignior hostia vitâ? 235  
 Mobilis, et varia est fermè natura malorum,  
 Cum scelus admittunt, superest constantia: quid  
 fas

Atque nefas, tandem incipiunt sentire, peractis  
 Criminibus: tamen ad mores natura recurrit  
 Damnatos, fixâ et mutari nescia. Nam quis 240  
 Peccandi finem posuit sibi? quando recepit  
 Ejectum semel attritâ de fronte ruborem?  
 Quisnam hominum est, quem tu contentum videris

uno

Flagitio? Dabit in laqueum vestigia noster  
 Perfidus, et nigri patietur carceris uncum, 245  
 Aut maris AEgei rupem, scopulosque frequentes  
 Exsulis magnis: poenâ gaudebis amarâ

*putant, his tamquam saxis et telis peti: neque valetudinem a Superis deprecari audent votivâ, quam aris admoveant, ovis, aut Diis Penatibus gallum immolandum promittere: quid enim sperent scelerati ægrotantes? Quæ victima, quàm illi, dignior vitâ non est? Inconstantiam improborum vide. Illis nihil est audacius ac deliberatius, cum peccant; postquam peccarunt, tunc metu, pudore, pœnitentiâ perturbantur, et quid sit virtutem inter ac vitium discriminis, agnoscunt. Nihilominus ad eadem flagitia quæ condemnaverant, revolvuntur, naturæ quodam impetu inveteratam servantis consuetudinem, et pravorum mores dediscere nescientis. Quotus enim quisque certos in peccando limites præscripsit sibi, quos ultra non progredietur? Quis exutam semel perecundiam, induit rursum, ac revocavit? Quis uno tantum scelere contentus fuit? Perjurus ille amicus tuus, alio aliquo scelere implicatus, in eo deprehendetur, ac merito supplicio mactabitur. Vel abripitur in carcerem, vel in exsilium amandabitur, in scopulum AEgei maris aliquem ex illis ad quos famosi exsules*

246. *AEgei.* Suprà nota 81. quibus exsulant insignes rei  
 Rupem scopulosque. Ad bene multi, procul hinc de-  
 scopulosas istas insulas, in portabitur.



Nominis invisi, tandemque fatebere lætus,  
Nec surdum, nec Tiresiam quemquam esse Deorum.

*deportantur. Illius cruciatum lætus adspiciēs, ac tandem nullum inter Deos surdum et cæcum esse fateberis.*

249. *Tiresiam.* Tiresius, vates Thebanus, quem oculis Jupiter concessa divinandi facultate, solatus est. orbatum ab irata Junone,

## SATIRA XIV.

*Quàm sanctè pueri sint educandi. Avaritiæ fœditas.*

**P**LURIMA sunt, Fuscine, et famâ digna sinistra,  
Et nitidis maculam ac rugam figentia rebus,  
Quæ monstrant ipsi pueris, traduntque parentes.  
Si damnosa senem juvat alea, ludit et heres  
5 Bullatus, parvoque eadem movet arma fritillo.  
Nec de se melius cuiquam sperare propinquo  
Concedit juvenis, qui radere tubera terræ,  
Boletum condire, et eodem jure natantes  
Mergere ficedulas didicit, nebulone parente,

**E**X iis flagitiis, quæ ignominiam inurere mortaliū vitæ solent, et eorum egregias dotas obscurare, permulta discunt a parentibus liberi. Si pater quispiam ætate jam provecior, alea delectatur, eundem ludum ejus filius, adhuc puerulus, ludit, et exigua turricula versare talos amat: Adolescens qui doctus est a patre, helluone pervertuto et emerito, boletis et tuberibus vesci, adhibere illis certum jus, eoque pariter ficedulas condire, nullam profectò spem propinquis relinquit, fore ut aliquando tempe-

5. *Bullatus.* Persium vide Sat. V, nota 21.

*Eadem arma.* Talos, tesseras.

*Fritillo.* Gall. un cornet.

7. *Tubera radere.* Accommoder des truffes.

8. *Boletum.* Gall. champignon.

*Jure.* Condimento, pulmento.

9. *Ficedulas.* Gall. Recfigues.

Et

Et canā monstrante gulā. Cū septimus annus 10  
 Transierit puero, nondum omni dente renato,  
 Barbatos licet admoveas mille inde magistros,  
 Hinc totidem, cupiet lauto coenare paratu  
 Semper, et a magna non degenerare culina.  
 Mitem animum, et mores modicis erroribus æquos 15  
 Præcipit, atque animas servorum, et corpora  
 nostrā

Materia constare putat, paribusque elementis?  
 An sævire docet Rutilus, qui gaudet acerbo  
 Plagarum strepitu, et nullam Sirena flagellis  
 Comparat, Antiphates trepidi laris, ac Polyphemus? 20

*rantiū, quā suus pater vivat: Vix annum septimum attigerit, antequam omnes dentes, qui exciderant, ut sit, infantulo fuerint reparati, licet illum erudiendum sexcentis magistris ætate ac sapientiā spectatis tradas, nihilominus epulari splendide et paterno more atque exemplo culinam ferculis exquisitissimis refertam habere percipiet. Quæso, te, an Rutilus, ille crudelis in servos herus, cujus aures murmur nullum, ac ne ipsarum quidem Sirenium vox, oblectat suavius, quā verberum quibus famulos cædit, sonitus: ille in cædibus suis Polyphemus aut Antiphates, qui tunc se beatum ac pulchrum putat, cū alicui mancipio, propter unum, alterumve linteum furto surreptum, turpem ardenti ferro notam in fronte inuri per carnificem jubet: an Rutilus, inquam, docet liberos suos clementiam, et in levibus erratis benignè tolerandis*

11. *Renato.* Infantibus excidunt dentes anno septimo, et eorum in locum alii succrescunt.

12. *Barbatos.* Sapientes, Philosophos.

15. *Mores modicis erroribus æquos.* Horatius, Lib. I, Sat. III. Nam vitii nemo sine nascitur, optimus ille est, qui minimis urgetur.

19. *Sirena.* Monstra quædam Sirenes fuere; foemineo vultu, alis et pedibus vo-

lucrum instructæ, ita quippe in veteribus nummis pictæ cernuntur. Dicebantur pel-laci canā vectores in scopu-los pertrahere.

20. *Antiphates.* Rex Lestrigonum in Italia, homines devorare solitus, ut fusè Homerus narrat Libro Odysseæ X.

*Laris.* Sat. VIII, nota 13.

*Polyphemus.* Sat. IX, nota 47. Virg. Lib. III AEn. 620.

Tum felix quoties aliquis tortore vocato  
Uritur ardenti duo propter lintea ferro.

*Sic natura jubet : velocius et citius nos*

*Corrumpunt vitiorum exempla domestica, magnis*

- 25 *Cum subeunt animos auctoribus.* Unus, et alter  
Forsitan hæc spernant juvenes, quibus arte benignâ,  
Et meliore luto finxit præcordia Titan ;  
Sed reliquos fugienda patrum vestigia ducunt ,  
Et monstrata diu veteris trahit orbita culpæ.

- 30 *Abstineas igitur damnandis :* hujus enim vel  
Una potens ratio est, ne crimina nostra sequantur  
Ex nobis geniti : quoniam dociles imitandis  
Turpibus, ac pravis omnes sumus ; et Catilinam  
Quocumque in populo videas, quocumque sub axe:  
35 *Sed nec Brutus erit, Bruti nec avunculus usquam.*

*lenitatem, an severitatem potius et crudelitatem? an servorum animos ejusdem cum ceteris esse generis, artus illorum ex eodem ac nostros, luto fictos putat? Ita natura comparatum est, ut exemplis domesticis facilius multò et celerius, quam externis et peregrinis depravemur, præsertim cum proficiuntur ab hominibus, quorum auctoritas magni apud nos momenti est. Reperientur fortasse nonnulli qui se exemplis ejusmodi corrumpi non sinant, quos et reliqua mortalium veluti massa secretos, Numinis benigni manus procliviores ad virtutem finxit; ceteri vestigia scelerum a parentibus impressa consecretantur, et viam sæpe monstratam terunt. Vide igitur ut vitia, quæ tam justis aliis de causis condemnari et vitari debent, idcirco maximè fugias; ne filiis tuis peccandi præbeas ansam: siquidem ita nati sumus omnes, ut sponte flagitia initemur, et Catilinas ubique gentium reperire sit, Brutos et Catones,*

27. *Titan.* Prometheus Japeti, unius e Titanibus, filius, hominum corpora e luto finxisse dicitur, et igne, quem e solis curru surripuerat, eadem animasse. Potest et ipse sol intelligi, qui *Titan* a Poëtis appellatur, quique ad corporum temperationem non parum confert. Vide Satiram VIII, nota 130.

29. *Orbita.* Propriè significat *sulcum* et *vestigium* rotæ, humi impressum a prætereunte curru.

33. *Catilinam.* Sat. II, nota 16. *Catilina;* VIII, versu 229, et Sat. X, versu 276.

34. *Quocumque sub axe.* Sub qualibet cœli parte.

35. *Brutus.* Sat. IV, nota 102.

Nil dictu foedum, visuque hæc limina tangat :  
 Maxima debetur puero reverentia : si quid  
 Turpe paras, nec tu pueri contempseris annos;  
 Sed peccaturo obsistat tibi filius infans.  
 Nam si quid dignum Censoris fecerit irâ , 40  
 Quandoque et similem tibi se non corpore tantum,  
 Nec vultu dederit, morum quoque filius; et cum  
 Omnia deterius tua per vestigia peccet,  
 Corripies nimirum, et castigabis acerbo  
 Clamore, ac post hæc tabulas mutare parabis. 45  
 Unde tibi frontem libertatemque parentis,  
 Cum facias pejora senex, vacuuniquè cerebro  
 Jam pridem caput hoc ventosa cucurbita quærat?  
 Hospite venturo cessabit nemo tuorum :

*nusquam. In ea domo, in qua puer aliquis versatur, nihil audiatur obscœnum, nihil adspiciatur. Habenda est permagna puerilis ætatis ratio, et quasi reverentia, tuque, si quid improbè facere cogitas, noli teneram pueri ætatem spernere, immo libidini tuæ ac improbitati pueritia filii frœnos injiciat. Si enim aliquando ille admiserit quidpiam a Censore meritò castigandum, nec tui duntaxat oris lineamenta, sed morum etiam turpes notas expresserit, paternæ improbitatis heres et œmulus; cum scelera tua fideliter imitatus, ea flagitiis suis adhuc pejoribus cumulaverit, illum scilicet reprehendes, severus pater, et verbis atrocibus increpabis, quin etiam hereditate spoliare constitues. Quâ tandem fronte redargues filium? unde tibi arrogabis illam paternæ objurgationis libertatem, cum graviora pecces ipse jam ætate proventus, et caput tuum sanæ mentis expers, iis quibus curantur phrenetici, cucurbitulis indigeat? Cum hospes aliquis te domi tuæ conventurus est,*

*Bruti avunculus. Cato. Sat. II, nota 24, et Sat. XI, v. 89.*

40. *Censoris. Censores præerant moribus emendandis. Sat. II, nota 38. et nota 90; Sat. IX, nota 98.*

47. *Vacuuum cerebro. Sapientiâ destitutum.*

48. *Cucurbita. Ut hîc su-*

*mitur est vitreum, corneum, aut æneum vas, instar minoris cucurbitæ (hunc fructum Galli vocant une courge, une citronille) in quod ignis immittitur: tum admovetur cuti ad exprimendum sanguinem vitiosum: une ventouse. Ventosa hîc dicitur, id est, inanis, cava.*

- 50 Verre pavementum, nitidas ostende columnas,  
 Arida cum totâ descendat aranea telâ;  
 Hic lavet argentum, vasa aspera tergeat alter:  
 Vox domini fremit instantis, virgamque tenentis.  
 Ergo miser trepidas, ne stercore foeda canino
- 55 Atria displiceant oculis venientis amici,  
 Ne perfusa luto sit porticus; et tamen uno  
 Semodio scobis hæc emendat servulus unus.  
 Illud non agitas, ut sanctam filius omni  
 Adspiciat sine labe domum, vitioque carentem?
- 60 Gratum est, quod patriæ civem, populoque dedisti,  
 Si facis, ut patriæ sit idoneus, utilis agris,  
 Utilis et bellorum, et pacis rebus agendis.  
 Plurimum enim intererit quibus artibus, et quibus  
 hunc tu
- Moribus instituas. Serpente Ciconia pullos
- 65 Nutrit, et inventâ per devia rura lacertâ:  
 Illi eadem sumptis quærun animalia pennis.  
 Vultur jumento, et canibus, crucibusque relictis

*omnes tui famuli suos quisque partes agunt strenuè: instas acriter, imperasque huic ut pavementum purget sordibus, illi ut columnas tergeat; tu araneas mihi istas dejice: tu argentea vasa fac laves; alius, poculis cælati nitorem primum redde. Sic illos dictis ac verberibus etiam urges. Ergo infelix, sollicitus es ac vereris anxie, ne quid fœdum domi tuæ amicus adspiciat; ne atrium canino stercore, porticus cæno inquinata sit, cum tamen injectâ paulisper scobe huic malo mederi, famulus unus possit: illud verò non curas, ut puram ab omni scelere domum tuam filius adspiciat! Sanè multum tibi Roma debet ac república, quòd ei civem donaveris, quando filium in lucem edidisti: modò tamen efficias educatione probâ, ut reipublicæ sit utilis, ac vel colendis agris, vel tractandis togæ bellive artibus idoneus existat. Ad hanc rem porrò vim longè maximam habebit institutio domestica, et mores quos filio maturè instillabis. Implumes adhuc fœtus, anguibus alunt ac stellionibus Ciconiæ: illi, cum e nido provocare coeperunt, eundem cibum quæritant. Vultures abjecta*

57. Semodio scobis. Scobs, la limaille. Semodius, un vel scobis, de la sciure, de demi-boisseau.



SATIRA DECIMA QUARTA. 293

Ad foetus properat, partemque cadaveris affert :  
Hinc est ergo cibus magni quoque vulturis, et se  
Pascentis, propria cum jam facit arbore nidos. 70  
Sed leporem, aut capream, famulae Jovis, et

generosae

In saltu venantur aves; tunc praeda cubili  
Ponitur: inde autem, cum se matura levabit  
Progenies stimulante fame; festinat ad illam  
Quam primum praedam rupto gustaverat ovo. 75  
Aedificator erat Centronius, et modo curvo  
Littore Caietae, summam nunc Tiberis arce,  
Nunc Praenestinis in montibus, alta parabat  
Culmina villarum, Graecis, longaeque petitis  
Marmoribus, vincens Fortunae, atque Herculis 80  
ædem.

Dum sic ergo habitat Centronius, Imminuit rem,

*in agris equorum et canum, aut hominum suspensa e partibus cadavera laniant, ac frusta pullis deportant in nidos: ubi ætas et vires accrevire vulturis, et jam per se nidos exstruunt, eadem escâ nutriuntur. At Jovis ministræ alites, et alie nobiliores, venationem per nemora exercent, leporesque aut capreas excipiunt, quas inferunt nidis, e quibus cum evolavit generosa soboles, famem illa ipsa dape sedat, quam initio sumpsit, cum ex ovo exclusâ est. Lautas domos ædificare Centronius amabat, nunc in Caietano littore, nunc in collibus Tiburtinis aut in Praenestinis, villas exstruebat elegantes, quas accersito e Graecia et longinquis oris marmore, sic ornat ut magnificentiam templorum Herculis Fortunaeque superaret. Hæc arte Centronius opes dilapidavit, quarum tamen pars adhuc*

77. Caietæ. Urbs est Italiae, in littore maris Tyrheni. Virgil. Lib. VII AEn. v. 2.

Tiburis. Sat. III., not. 177. Tiburis.

78. Praenestinis. Praeneste urbs Latii, nunc Palestrina. Narrat Gellius, Lib. 16, c. 13, efflagitantibus Praenesti-

nis, e colonia factum municipium a Tiberio Imperatore.

79. Graecis. Plin. Lib. 36, cap. 7, Pretiosi quidem generis, inquit, marmor extitit Lacedaemonium viride, cunctisque hilarius.

Longè petitis. Ex Aegypto, Numidia, etc.

Fregit opes, nec parva tamen mensura relictæ  
Partis erat; totam hanc turbavit filius amens,  
Dum meliore novas attollit marmore villas.

- 85 Quidam sortiti metuentem sabbata patrem,  
Nil præter nubes, et cœli numen adorant,  
Nec distare putant humanâ carne suillam:  
Romanas autem soliti contemnere leges,  
Judaicum ediscunt, et servant, ac metuunt jus,  
90 Tradidit arcano quodcumque volumine Moses.  
Sed pater in causa, cui septima quæque fuit lux  
Ignava, et partem vitæ non attigit ullam.  
Sponte tamen juvenes imitantur cetera, solam  
Inviti quoque avaritiam exercere jubentur.

*non adspernanda supererat; hanc ejus filius totam perdidit, dum insani pariter ædificandi captus libidine, villas præstantiori marmore sumptuosas erigit. Nonnulli cultorem sabbati Judaici patrem nacti, nubes et cœli numen unice venerantur, neque discrimen ullum inter humanam carnem et porcinam statuunt, cum perinde ab edenda utraque absterneant: iidem Romanorum legum contemptores, instituta et jura, Judæis a Mose in sacris tradita voluminibus, memorice diligenter mandant, ac summâ religione custodiunt. Causam si quæras, ea scilicet est, quod ipsorum pater eadem infectus religione, septimam diem cujuslibet hebdomadæ, feriatus transigeret in otio, et quod omnibus communis vitæ officiis absterneret. Ceterum etsi vitia omnia ultro adolescentes et libenter a parentibus hauriant imitando, avaritiam inviti et ægrè condiscunt. Ad hanc verò*

85. *Sabbata.* Erat dies hebdomadæ septima Judæis præcipuè festa. Quâ die nefas illis erat operis quidquam facere, etc. Sat. VI, n. 110.

86. *Nubes.* Ut unum Deum, cœli terræque opificem, colere se Judæi significarent, nubes, id est, cœlum sæpe intuebantur, præsertim cum orarent.

87. *Suillam.* Porco non vescebantur Judæi; quia im-mundum est animal: sic do-

cebantur omnem obscœnitatem fugere, et ad cœlestia sese erigere. Levitici, cap. XI.

90. *Arcano volumine.* Totâ lex Judaica et religio continebatur præsertim quinque Libris a Mose conscriptis, Pentateuchum, vulgò vocant. Ea porro volumina non evulgabant Judæi.

94. *Inviti.* Quia juvenes naturâ liberales et prodigi sunt.

*Fallit enim vitium specie virtutis, et umbra;* 95  
*Cum sit triste habitu, vultuque, et veste severum.*  
 Nec dubie, tamquam frugi, laudatur avarus,  
 Tamquam parvus homo, et rerum tutela suarum  
 Certa magis, quam si fortunas servet easdem  
 Hesperidum serpens, aut Ponticus. Adde quod 100  
 hunc de

Quo loquor, egregium populus putat, atque  
 verendum

Artificem; quippe his crescunt patrimonia fabris.  
 Sed crescunt quocumque modo, majoraque sunt  
 Incude assiduâ, semperque ardente camino.

Et pater ergo animi felices credit avaros, 105  
 Qui miratur opes, qui nulla exempla beati  
 Pauperis esse putat: juvenes hortatur, ut illam  
 Ire viam pergant, et eidem incumbere sectæ.

a parentibus eò diligentius exercentur, quòd speciem ac  
 vultum virtutis illa præ se ferat, et austeritate quâdam ac  
 severitate se commendat. *Sanè laudant homines avarum,*  
*ut virum probum, frugalem, parcum, qui fortunas suas*  
*tutetur ac servet melius, quam si eas custodiret ille per-*  
*vigil draco, qui poma Hesperidum, aut alter, qui aureum*  
*vellus custodiebat. Præterea strenuus idem a populo existi-*  
*matur, et ingeniosus; ac rei bene gerendæ peritus, quippe*  
*qui matrimonium amplificet arte multâ, quæcumque demum*  
*illa sit, et assiduo labore, indefessâ curâ, instar opificum*  
*qui ferrum igne multo molliunt, atque impositum incudi*  
*figunt, rem domesticam in dies faciat auctiorem. Pater*  
*igitur hæc præclarâ de avaris opinione imbutus, qui nihil*  
*æquè ac divitias suspicit, qui nullum existisse pauperem*  
*umquam putat eundemque felicem, filios adhortatur sedulo*  
*ut eandem insistant viam et præclaram hanc sectam com-*  
*plectantur. Quemadmodum autem in omnibus vitiis, perinde*  
*atque in artibus, rudimenta sunt nonnulla, in quibus po-*  
*neram est tirocinium et unde est auspicandum, dat ope-*  
*ram avarus pater, ut liberi avaritiæ minime documenta ma-*

100. *Hesperidum.* Sat. V,  
 nota 152.

*Ponticus.* Jason cum Argo-  
 nautis navigavit in Colchi-  
 dem, quæ est Asiæ regio pro-  
 pè Pontum, ut inde vellus

aureum auferret. Illud serva-  
 bat immanis draco, quem  
 ope Medæ sopivit. Ovid.  
 Lib. VII Metamorph.

108. *Sectæ.* Professioni,  
 disciplinæ, instituto vitæ.

- Sunt quædam vitiorum elementa, his protinus illos  
 110 Imbuit, et cogit minimas ediscere sordes :  
 Mox acquirendi docet insatiabile votum.  
 Servorum ventres modio castigat iniquo,  
 Ipse quoque esuriens, neque enim omnia sustinet  
 umquam  
 Mucida cærulei panis consumere frusta,  
 115 Hesternum solitus medio servare minutal  
 Septembri, necnon differre in tempora cœnæ  
 Alterius, conchem æstivi cum parte lacerti  
 Signatam, vel dimidio, putrique siluro,  
 Filaque sectivi numerata includere porri.  
 120 Invitatus ad hæc aliquis de pōnte negabit.

*ture percipiant. Tradit illis omnes modos conficiendi ex re qualibet, vel tenuissima, lucri sordidi; post paulò excitat in eorundem animis inextinguibilem habendi cupiditatem. Servos justis demens et annonæ parte defraudat, triticum ipsius, minore quam æquum est, modio admetiens, sic illos immerita cruciat fame, quâ se ipse quoque macerat; neque enim adigi potest umquam, ut omnia frustula rancidi panis comedit; pulmentum e cibis minutatim concisus pridie paratum ac delibatum; medio mense Septembri, servare solet in sequentem diem: fabarum cum suo coctarum putamine, item siluri lacertive jam putentis, partes, unâ cœnâ relictas reponit in alteram cœnam, eaque omnia diligenter sigillo suo munita condit, cum filis porri sectilis, quorum numerum accuratè recenset. Quis rogator in pontibus mendicare solitus, ad ejusmodi vocatus opsonia, ve-*

110. *Sordes.* Omnestechinas æstu corrumpuntur.  
 et astus sordidæ avaritiæ. 117. *Conchem.* Sat. III, nota 278.  
 112. *Modio.* Certam mensuram tritici, certos mensibus singulis modios a dominiis accipiebant servi, vulgò quaternos. *Æstivi lacerti.* Æstivo calore facile putrescentis. Pisciculus est: exinius capiebatur propè Sexitaniam, urbem Hispaniæ Bæticæ. Plin. Lib. 32, cap. XI.  
 114. *Cærulei.* Est color iste mucidi panis. 118. *Siluro.* Siluri fluviales pariter ac marini pisces: sunt in Nilo frequentes.  
 115. *Minutal.* Cibum minutatim concisum, *un hachis, un pâté en pot.* 120. *De ponte.* In pontibus vulgò mendici consistunt,

Sed quò divitias hæc per tormenta coactas?

Cùm furor haud dubius, cùm sit manifesta phre-  
nesis;

Ut locuples moriaris, egenti vivere fato?

Interea pleno cùm turget sacculus ore,

*Crescit amor nummi, quantum ipsa pecunia* 125  
*crescit;*

*Et minus hanc optat, qui non habet.* Ergo paratur

Altera villa tibi, cùm rus non sufficit unum;

Et proferre libet fines, majorque videtur,

Et melior vicina seges: mercaris et hanc, et

Arbusta, et densâ montem qui canet olivâ. 130

Quorum si pretio dominus non vincitur ullo,

Nocte boves macri. lassoque famelica collo

Armenta, ad virides hujus mittuntur aristas;

Nec prius inde domum, quàm tota novalia sævos

In ventres abeant, ut credas falcibus actum. 135

Dicere vix possis, quàm multi talia plorent,

*nire non recusaret? Quid hominem quæso, juvare possunt collectæ tot ærumnis opes? Nonne hunc furere ac phrenesi dira laborare perspicuum est, qui, ut dives moriatur, mendici more vivit? Interim, etsi crumena nummis distenta vix eos capiat, nihilominus divitiarum insana cupiditas, cum ipsis divitiis augetur, adeò, ut qui penitus illis caret, levius eandem desideret. Itaque cùm tibi villa una satis non sit, alteram mercaris, placet agri tui limites extendere: vicini arvum et majus et feracius videtur: illud emis cum amœna sylvula et monte oleis albicante. Quod si compelli nequit arvi dominus pecuniâ oblatâ quantacunque, ut illud vendat, gregem boum macilentum et enectum fame, in segetes illius, tum primum humo emersas, immittis noctu, nec prius reducis domum, quàm herba omnis ac spes messis futuræ a famelicis armentis depasta et attrita fuerit, perinde quasi falcibus fuisset succisa. Vix dici potest, quàm multi suas segetes ita deperditas lamenten-*

ubi turba major hominum usurpatur canesco.

comineantium.

121. Sed quò, etc. Quò pertinent, quid prosunt?

130. Canet. A verbo caneo, pro quo frequentius

134. Novalia. Novale arvum dicitur quod alternis annis novatur, seu conseritur: quod uno anno sementem accipit, altero quiescit.



Et quot venales injuria fecerit agros.

Sed qui sermones? quàm foedæ buccina famæ?

Quid nocet hoc? inquit. Tunicam mihi malo lupini,

140 Quàm si me toto laudet vicinia pago,

Exigui ruris paucissima farra secantem.

Scilicet et morbis, et debilitate carebis,

Et luctum, et curam effugies, et tempora vitæ

Longa tibi post hæc fato meliore dabuntur;

145 Si tantum culti solus possederis agri,

Quantum sub Tatio populus Romanus arabat.

Mox etiam fractis ætate, ac Punica passis.

Prælia, vel Pyrrhum immanem, gladiosque Molossos,

*tur, quàm multi per istam injuriam et improbitatem suos agros divendere sint coacti. Age verò quis hominum est sermo, quàm palàm, quàm malè apud omnes avarus audit? Quid hoc mihi tandem obest, inquit? Malo leguminis vilissimi siliquam habere, quàm laudari ab integra vicinia, si parum interim frumenti ex agello angusto colligam. Nempe id assequeris, opinor, tuis illis opibus, ut morbos, infirmam valetudinem, curas et mœrorem propulses? Ut vitâ longiore perfruaris, si agri opimi limites tanto habueris solus, quantos integer populus Romanus obtinebat, cum Tatiûs Sabinis imperitaret? Certè auctâ subinde republicâ post bella cum Carthaginensibus, cum Pyrrho, Molossisque gesta, militibus Romanis pro multis vulneri-*

139. *Lupini.* Legumen plebeiûm, *Lupin.*

142. *Scilicet et morbis, etc.* Hæc ironicè Poëta in avarum: scilicet cum pecunia abundabis, habebis omne bonum, nec te ulla ægritudo impugnet, arcebis etiam mortem, aut saltem ævum produces.

146. *Tatio.* Rex fuit Sabinorum eo tempore, quo Romæ imperitabat Romulus.

147. *Punica.* Bella Punica tria memorantur. Primum in-

choatum est anno urbis 489, et a Q. Lutatio Catulo confectum; secundum anno 536 coeptum, post annos 17, ab Africano majore absolutum fuit; tertium anno 605 redintegratum, a Scipione Africano minore, sive Æmiliano peractum. Flor. Lib. II, c. 2, 6, 15.

148. *Pyrrhum.* Regem Epiri, quæ pars est Græciæ, spectans Italiam.

*Molossia.* Est Epiro vicina.

Tandem pro multis vix jugera bina dabantur  
 Vulneribus : merces ea sanguinis , atque laboris 150  
 Nullis visa umquam meritis minor , aut ingratae  
 Curta fides patriæ : saturabat glebula talis  
 Patrem ipsum , turbamque casæ , quâ foeta jacebat  
 Uxor , et infantes ludebant quattuor , unus  
 Vernula , tres domini : sed magnis fratribus horum 155  
 A scrobe vel succo redeuntibus , altera cœna  
 Amplior , et grandes fumabant pultibus ollæ.  
 Nunc modus hic agri nostro non sufficit horto.  
 Inde ferè scelerum causæ , nec plura venena  
 Miscuit ; aut ferro grassatur sæpius ullum 160  
 Humanæ mentis vitium , quàm sæva cupido  
 Indomiti censûs : nam diyes qui fieri vult ,  
 Et citò vult fieri. Sed quæ reverentia legum ?  
 Quis metus , aut pudor est umquam properantis  
 avari ?

Vivite contenti casulis , et collibus istis , 165  
 O pueri , Marsus dicebat , et Hernicus olim ,

*bus acceptis, vix duo jugera donabantur. Hanc sudoris multi cruorisque in bello fusi mercedem nemo umquam meritis suis inferiorem putavit , aut ingrata idcirco patriam , ac minis fidelem , liberalemque est arbitratus. Agellus ejusmodi patrem alebat , cum tota familia , in qua erat uxor prægnans , infantes quatuor ; tres nempe filii familiâs et anus servulus domi natus. Sed illorum fratribus , cum redirent ab agro , ubi vel humum araverant vel scrobes effoderant , major quædam cœna instruebatur , in qua scilicet pultes largiter apponebantur. Nunc jugera duo , quibus veterum agri definiebantur , nostris hortis non sufficiunt. Ex hac nimirum habendi cupiditate omnia ferme flagitia proficiscuntur , neque ullo vitio sæpius aut ad venena propinanda , aut ad stringendum ferrum excitantur mortales , quàm avaritiâ. Qui enim ditescere cupit , voti compos fieri citò cupit ; qui verò ita comparatus est , qui semper in augenda re festinat , an ille tandem leges reverebitur ? An pudor eum vel metus in officio continet ? O filii contenti estote istis mapalibus atque agellis ( sic olim suos liberos Marsi patres , Hernici aut Vestini com-*

152. Curta. Manca , mutila.

166. Marsus. Populus antiquæ Italiæ. Marsi , Salino

- Vestinusque senex; panem quæramus aratro,  
 Qui satis est mensis: laudant hoc numina ruris,  
 Quorum ope et auxilio, gratæ post munus aristæ,  
 170 Contingunt homini veteris fastidia quercus.  
 Nil vetitum fecisse volet, quem non pudet alto  
 Per glaciem perone tegi, qui summovet Euros  
 Pellibus inversis: peregrina, ignotaque nobis  
 Ad scelus atque nefas, quodcumque est, purpura  
 ducit.
- 175 Hæc illi veteres præcepta minoribus: at nunc  
 Post finem autumnii mediâ de nocte supinum  
 Clamosus juvenem pater excitat: Accipe ceras,  
 Scribe puer, vigila, causas age, perlege rubras  
 Majorum leges, aut vitem posce libello.

*pellabant) humo colenda et exercenda paremus panem qui satis ad victum est: laudant istam frugalitatem rustici Dii; per quos dato frumento abjectæ sunt glandes, quibus pridem homines alebantur. Nihil sceleris ille admittet, qui perones per brumam libenter induet; qui frigus arcebit ovium pellibus, earum villosa parte corpori admota. Luxus et pompa vestium, ex ignota pridem nobis et accessita longè purpura confectarum, omnia flagitia in mores iniecit. Sic majores nostri suos liberos instituebant, his illos præceptis formabant, ac nunc, autumnio jam exeunte, nocte intempestâ, dormientem placidè filium pater his verbis objurgat, jubetque surgere: Sume, inquit, libros, somnum excute, in scribendum incumbe, ad causas defendendas te compara, legum a majoribus traditarum codices evolve;*

teste, a Marso Circes filio sunt dicti: hodie *ducato di Marsi.*

*Hernicus.* Latii fuit populus, vetus Pelasgorum colonia; a Duce Hernico nuncupatus.

172. *Perone.* Gall. *des guêres.*

173. *Peregrina.* Tyria, Laconica.

*Ignota nobis.* Quia Romæ non conficitur.

176. *Post finem autumnii.*

Tunc maximè studiis operam dabant, cùm agrorum amœnitas defloruit, noctesque sunt longiores. *Vel sensus est:* Autumnio exeunte, sæviante frigore, non parit filio pater, jubet surgere.

177. *Certs.* Scribebant in ligneis tabellis certâ obductis.

178. *Rubras leges.* Quarum tituli et primores litteræ minio, seu rubricâ sunt scriptæ.

179. *Vitem.* Vitis, sive scipio e sarmento, erat in-

SATIRA DECIMA QUARTA. 301

Sed caput intactum buxo, naresque pilosas 180  
 Adnotet, et grandes miretur Lælius alas.  
 Dirue Maurorum attegias, castella Brigantum,  
 Ut locupletem aquilam tibi sexagesimus annus  
 Afferat: aut longos castrorum ferre labores  
 Si piget, et trepido solvunt tibi cornua ventrem 185  
 Cum lituis audita; pares, quod vendere possis  
 Pluris dimidio: nec te fastidia mercis  
 Ullius subeant ablegandæ Tyberim ultra:  
 Nec credas ponendum aliquid discriminis inter  
 Unguenta et corium: lucri bonus est odor ex re 190

*aut Centurionis munus et insignia supplici libello ab Imperatore postula. Sed fac ut Lælius, Dux exercitûs imperos tibi et hispido esse crines, nares pilis hirsutas, et lacertos ingentes lætus animadvertat. Everte Maurorum vicos, arces Anglorum exscinde, ut cum ætatis annum sexagesimum attigeris, signiferi munus in aliqua legione obtineas, unde magnas opes denique consequaris. Quod si ferendo militiæ labori diuturno par non es, si tubarum clangor tibi metum, quo resolvatur alvus, afferat, mercaturam exerce; compara quod vendas pluris dimidio quàm emeris, neque fastidias olidas quasdam merces, quæ trans Tiberim deportandæ sint, aut putes differentiam aliquam inter unguenta suavissima, et foetidas pelles esse statuendam: bene olet quidquid id est, unde aliquid auferri po-*

signe Centurionum. Sat. VIII, nota 245.

181. *Alas.* Axillas; sive summas brachiorum partes, introrsum junctas pectori, quæ si pilis grandioribus abundant, robustam corporis constitutionem ostendunt, uti et pilosæ nares.

182. *Brigantum.* Brigantes, populi quidam Angliæ.

183. *Aquilam.* Vexillum Romanorum erat peritica, in cujus summo erat aquila inaurata expansis alis; infra circulus laureæ coronæ effigiem referens; denique pau-

nus brevis, litteras inscriptas gerens, S. P. Q. R. Senatus, populusque Romanus.

185. *Cornua.* Hoc discrepant a lituis, quod litui leviter in summo sint incurvi, recti cetera et oblongi; cornua, tota sint incurva et re-torta.

188. *Tyberim ultra.* In Transtiberina regione versabantur villiores opifices, qui verbi gratiâ, pelles animalibus dereptas lavabant, etc. *des tanneurs.*

190. *Lucri bonus, etc.* Vespasianus hoc ipsum respon-

Qualibet. Illa tuo sententia semper in ore  
 Versetur, Dīs, atque ipso Jove digna, poëtæ:  
*Unde habeas quærit nemo, sed oportet habere.*  
 Hoc monstrant vetulæ pueris poscentibus assem.

- 195 Hoc discunt omnes ante alpha, et beta puellæ.  
 Talibus instantem monitis quamcumque parentem  
 Sic possem affari: Dic, o vanissime, quis te  
 Festinare jubet? Meliorem præsto magistro  
 Discipulum. Securus abi, vincēris, ut Ajax  
 200 Præteriit Telamonem, ut Pelea/vicit Achilles.  
 Parcendum est teneris, nondum implevere  
 medullas

Nativæ mala nequitiae: cum pectere barbam  
 Coeperit, et longi mucronem admittere cultri,  
 Falsus erit testis, vendet perjuriam summā

*test lucri. Hunc Ennii versiculum, dignum certè Superis auctoribus et ipso Jove, semper usurpa: Unde habeas quærit nemo, sed oportet habere. Hanc præclaram sententiam docent matronæ pueros, qui ab ipsis aliquid pecuniolæ ad emenda crepundia rogant: eandem puellæ omnes perdiscunt, antequam primâ litterarum appellare norint elementa. Ego verò patrem quemlibet egregia hæc præcepta filio suo inculcantem sic libenter alloquerer: Agedum, homo inconsultissime, cur ita properas filium ad avaritiam instituere? Spondeo fore, ut brevi discipulus magistrum superet; confide, nequior patre filius erit, ac in omni avaritiæ artificio callidior, ut fuit Ajax Telamone patre suo fortior, Achilles Peleo. Nunc sanè tenerior ejus est ætas, necdum opportuna et par illis robustioris avaritiæ facinoribus: exspecta paulisper dum accreverit, cum tondere coeperit barbam, falsum dicet testimonium, venalem ad perjuriam quælibet linguam minimo pretio addicet, nec Ce-*

dit filio Tito, improbanti  
 vetigal impositum urinæ,  
 quâ in tingenda purpura ful-  
 lones uti solent.

192. Poëtæ. Ennii scilicet,  
 qui quidem ironice istam sen-  
 tentiam pronuntiavit: *Unde*  
*habeas, etc.*

199. Ajax. Sat. VII. Tela-

monis filius, inter bellatores  
 Græcos insignis.

200. Pelea. Græcus est ac-  
 cusandi casus; pro Peleum,  
 Achilles patrem.

Achilles. Sat. I, nota 148.

203. Longi cultri. Nova-  
 culæ.



# SATIRA DECIMA QUARTA. 303

Exiguâ, Cereris tangens aramque pedemque. 205  
 Elatam jam crede nurum, si limina vestra  
 Mortiferâ cum dote subit: quibus illa premetur  
 Per somnum digitis! Nam quæ terraque, marique  
 Acquirenda putes, brevior via conferet illi.  
 Nullus enim magni sceleris labor. Hæc ego 210  
 numquam

Mandavi, dices olim; nec talia suasi:  
 Mentis causa malæ tamen est, et origo penes te.  
 Nam quisquis magni censûs præcepit amorem,  
 Et lævo monitu pueros producit avaros,  
 Et qui per fraudes patrimonia conduplicare 215  
 Dat libertatem, totas effundit habenas  
 Curriculo; quem si revoces subsistere nescit,  
 Et te contempto rapitur, metisque relictis.  
 Nemo satis credit tantum delinquere, quantum  
 Permittas, adeo indulgent sibi latius ipsi. 220

*reris aram ac statuam inter pejerandum tangere dubita-  
 bit. Jam exploratum habe funus tuæ nuris, si domum illa  
 vestram ingreditur cum grandi dote, ob quam ipsi mortem  
 filius tuus offeret. Ut ille non cunctanter ac timidè fauces  
 uxori dormienti elidet! Quas enim opes terræ et mari  
 conquirendas arbitraris, eas ipse compendio ac perfacili  
 via comparabit. Maxima quippe scelera nullo negotio per-  
 petrantur. Olim tu quidem dices te numquam hæc illi præ-  
 cepisse, numquam ad hæc flagitia hortatum esse. Quod etsi  
 fatear, tamen illud mihi concedas necesse est, vitiosam ejus  
 indolem non ab alio, quàm abs te profectam fuisse. Nam  
 quicumque magnarum opum cupiditatem teneris adolescen-  
 tium animis instillat, qui sinistris monitis sensim illos ad  
 avaritiam perducit, qui vias monstrat amplificandæ malis  
 artibus rei familiaris, ille similiter facit ac si habenas  
 currui liberas laxaret; is enim cum semel præceps ferri,  
 et ab equis rapi cæptus est, cohiberi nequit, atque aurigâ  
 spreto, metas longissimè transilit. Parum sibi esse putant  
 homines tantum peccare, quantum ipsis permittitur. Adeo  
 abutuntur datâ sibi facultate, et ultra præscriptos termi-*

205. Cereris. Per Cere- Pedemque. Statuæ pedes,  
 rem jurare sanctum præser- et basim.  
 im apud Romanos erat. Sat. 214. Producit. Educat, ef-  
 VI, nota 44; XV, v. 141. fingit.

- Cum dicis juveni stultum, qui donet amico,  
 Qui paupertatem levet, attollatque propinqui;  
 Et spoliare doces, et circumscribere, et omni  
 Crimine divitias acquirere; quarum amor in te est,  
 225 Quantus erat patriæ Deciorum in pectore,  
                   quantum  
 Dilexit Thebas, si Græcia vera, Menœceus;  
 In quarum sulcis legiones dentibus anguis  
 Cum clypeis nascuntur, et horrida bella capessunt  
 Continuo, tamquam et tubicen surrexerit una.  
 230 Ergo ignem, cujus scintillas ipse dedisti,  
 Flagrantem latè, et rapientem cuncta videbis.  
 Nec tibi parcetur misero, trepidumque magistrum  
 In cavea magno fremitu leo tollet alumnus.

*nos evagantur. Cum ex te audit puer, illum insanire quæ amico egenti aliquid largiatur; qui affinem inopiâ laborantem sublevet; cum, inquam, hoc dicis filio adolescenti, tunc inspiras illi mentem alios spoliandi, decipiendi, opes per fas, nefasque comparandi, quarum opum amore tanto flagras, quanto prosequuti sunt patriam Decii, quanto, si vera scriptores Græci narrant, Menœceus Thebanam urbem, cujus in agro e seminatâ a Cadmo draconis dentibus dicuntur legiones olim, instructæ armis, subito emicuisse, et pugnam inter se se, quasi signo per tubicinem dato, commisisse. Sed ut ad te redeam, ignem illum quem primus excitasti, flammâ latè spargentem cernes, et cuncta incendio lugubri devastantem: videbis leonem quem aluisti, sævire in obvios quoslibet, ac ne magistro quidem suo parcere, sed meritam mortem tibi per impium furorem in cavea sua consciscere. Norunt sanè astrologi quot ad viven-*

223. *Circumscribere.* Per fraudem circumvenire, fallere.

225 *Deciorum.* Sat. VIII, nota 252.

226. *Thebas.* Sat. XIII, nota 27.

*Menœceus.* Thebanus princeps e stirpe Cadmi ultimus qui, cum fuisset responsum ab oraculo, Thebarum quas

Argivi premebant, obsidionem solutum iri, si ipse oppeteret, ultro morti se devovit.

227. *In quarum, etc.* Cadmum aiunt cum Thebas conderet, sevisse dentes draconis a se occisi: ex illis natos repente milites, qui se mutuis vulneribus confecerunt. Ovid. Lib. IV Metamorph.

233. *Cavea.* Locus erat,

# SATIRA DECIMA QUARTA. 305

Nota mathematicis genesis tua : sed grave tardas  
 Expectare colos : morieris stamine nondum 235  
 Abrupto. Jam nunc obstas , et vota moraris ;  
 Jam torquet juvenem longa et cervina senectus.  
 Ocyus Archigenem quære , atque eme , quod  
 Mithridates

Composuit , si vis aliam decerpere ficum ,  
 Atque alias tractare rosas : medicamen habendum 240  
 est ,

Sorbere ante cibum quod debeat et pater , et  
 Rex.

Monstro voluptatem egregiam , cui nulla theatra ,  
 Nulla æquare queas Prætoris , pulpita lauti ,  
 Si spectas quanto capitis discrimine constant  
 Incrementa domus , æratâ multus in arcâ 245  
 Fiscus , et ad vigilem ponendi Castora nummi ,

*dum annos hora tua natalis tibi adpromittat , sed filio tuo permolestum est expectare dum Parce tam diuturnum vitæ tuæ stamen absolvant : antequam Lachesis fatale filum rescuerit , mortem oppetes. Negotium jam nunc juveni facessis , et hereditatem paternam spe votisque devoranti , moram longiorem affers. Discruciat illum hæc tibi tam longa , tam similis cervinæ , senectus : itaque auctor tibi sum , ut medicum consulas , et emas antidotum , a Mithridate compositum , si alterius autumnus ficus degustare , aut veris alterius rosas intueri velis. Ut Regi a subditis , sic patri a filiis metuenti , comparandum est medicamentum , quod sumat antequam capiat cibum , et quo se contra venena tueatur. Quod si quis inspicere vitam avarorum studeat , ac spectet quantis laboribus et ærumnis rem familiarem augeant , nummosque coacervent , in templo Castoris custo-*

ubi feræ , in amphitheatrum  
 producendæ , alebantur ,

*Mithridates. Sat. VI , nota 513.*

234. *Genesis. Horoscopus :*  
 natalia sydera.

243. *Prætoris. Præerat edendis ludis , uti dictum Sat. I , nota 61.*

237. *Cervina. Cervi ad multos annos vitam produ-*  
*cunt.*

*Pulpita. Erant loca editiora et suggesta quædam in theatro , unde ludî commodius propiusque spectabantur.*

238. *Archigenem. Cele-*  
*brem tunc medicum.*

246. *Fiscus. Pro thesauro*

- Ex quo Mars ultor galeam quoque perdidit, et res  
 Non potuit servare suas. Ergo omnia Floræ,  
 Et Cereris licet, et Cybeles aulæa relinquas;  
 250 Tantò majores humana negotia ludi.  
 An magis oblectant animum jactata petauro  
 Corpora? quique solent rectum descendere funem?  
 Quàm tu, Coryciâ semper qui puppe moraris,  
 Atque habitas, Coro semper tollendus et Austro?

*diendos, ex eo scilicet tempore, quo a furibus ablatae sunt pecuniae depositae in templo Martis ultoris, qui ab iisdem latronibus galeam quoque suam spoliatus est, ac suas ipse res amisit: si quis, inquam, ærumnas avarorum spectet, nec ille voluptatem ex eo spectaculo percipiet majorem illâ, quæ colligitur e spectaculis sive scenicis, sive Circensibus, a Prætoribus vel ditissimo editis. Nec dubito quin eam ludis omnibus Floræ, Cereris, Cybeles facile anteponat; ita se res habet, humanæ occupationes, maxime avarorum, ludus et spectaculum sunt reliquis spectaculis multò jucundius. Et verò an voluptate liquidiori perfundit animum funambulus, agile corpus per petaurum transmittens, aut per funem rectum devolans, quàm tu, infelix avare, qui perpetuò in navi tamquam in addicta tibi domo, versaris, ventis et naufragiis semper obnoxius, ut quasdam odoris gra-*

hic sumitur. Aliam significationem vide Sat. IV, n. 54.

Castora. Sat. XIII, nota 152.

247. *Mars ultor.* Erat Romæ templum Martis, ultoris, ab Augusto ædificatum: ibi servabantur divitum arcæ; verum cum furto sublatae fuissent, coeptæ sunt asservari in templo Castoris, appositique vigiles et excubiae.

248. *Floræ.* Meretrix quædam fuit, quæ cum populum Romanum heredem reliquisset, ab eo inter Deas relata et ludi ejus in honorem instituti, dictique Floralia, ut

Cereris Cerealia; Cybeles, Megalesia.

249. *Cybeles.* Sat. II, nota 86.

*Aulæa.* Ornamenta scenæ, ac decora.

251. *Petauro.* Petaurum, rota quædam erat, vel machina, sublimè posita, per cujus angustos meatus ac circulos arte mira corpus trans mittebant.

253. *Corycia.* Corycus erat urbs et mons Ciliciæ, in Asia minori, unde crocus devehebatur.

254. *Coro.* Cornus ventus est procellosus, ab occasu flans.

Perditus, ac vilis sacci mercator olentis : 255

Qui gaudes pingue antiquæ de littore Cretæ

Passum, et municipēs Jovis advexisse lagenas ?

Hic tamen ancipiti figens vestigia plantā

Victum illā mercede parat, brumamque famemque

Illa reste cavet; tu propter mille talenta, 260

Et centum villas temerarius. Adspice portus,

Et plenum magnis trabibus mare. Plus hominum est  
jam

In pelago; veniet classis quocumque vocarit

Spes lucri, nec Carpathium, Gætulaque tantum

Æquora transiliet; sed longè Calpe relicta; 265

*vioris merces e Cilicia, aut e Creta liquorem ex uvis ad solem arefactis expressum, et vinum in eodem quasi municipio, quo Jupiter, natum, Romam devehas? Ille tamen funambulus, qui per extensum funem trepidanti ac lubrico incedit gressu, hæc arte vitam tolerat, hæc frigus et famem depellit; tu tantis periculis ac laboribus temerè caput obijcis, ut mille compares talenta, ut centum villas numeres. Contemplare portus, et refertum majoribus navigiis æquor, plures jam videbis homines in mari, quàm in ipsa terra. Ruunt per fluctus procellosos numerosæ classes ubicumque lucri faciendi spes affulsit; neque tantum Carpathium aut Africanum pervolant mare, sed trans Gadita-*

256. *Cretæ.* Creta, *Can-*  
*die*, celebris insula, contra  
Græciam, Jovis patria.

257. *Passum.* Liquor est  
ex uvis ad solem arefactis  
expressus.

*Municipes Jovis.* Ex eodem  
quo Jupiter solo et veluti  
municipio oriundas.

260. *Tu propter, etc.* Ille  
funambulus fame ac necessi-  
tate coactus, artem exercet  
periculosam; tu magna spon-  
te subis pericula, ut nummos  
plurimos, villas, et alia id  
genus compares, quibus ca-  
rere faciliè potes.

*Mille talenta.* Gall. *d'im-*  
*menses richesses.*

264. *Carpathium.* Ab insu-  
la Carpathio dictum, propè  
Rhodum, hodie *Scarpanto.*

*Gætula.* Gætulia, pars Afri-  
cæ, ad mare Mediterra-  
neum.

265. *Calpe.* Calpe et Abila  
duo sunt montes, hic in Mau-  
ritania, ille in Hispania propè  
fretum Gaditanum oppositi  
ambo, et Herculis columnæ  
olim dicti, quia post varios  
errores ibi substituisse dicitur,  
et illos montes quasi metas  
laborum suorum statuisset. Et  
verò non ultra protendi or-



Audiet Herculeo stridentem gurgite solem.

Grande operæ pretium est, ut tenso folle reverti  
Inde domum possis, tumidâque superbus alutâ,  
Oceani monstra, et juvenes vidisse marinos.

- 270 Non unus mentes agitat furor : ille sororis  
In manibus vultu Eumenidum terretur, et igni;  
Hic bove percusso mugire, Agamemnona credit,  
Aut Ithacum. Parcat tunicis licet, atque lacernis,  
Curatoris eget, qui navem mercibus implet  
275 Ad summum latus, et tabulâ distinguitur unda;  
Cum sit causa mali tanti, et discriminis hujus  
Concisum argenti in titulos, faciesque minutas.

*num etiam fretum penetrant, in Oceani ultimos ad Occidentem fines, ubi sol currum cum stridore mergit, ubi monstra, Tritones et ignotas belluas non sine metu gravissimo conspiciunt. Quorsum autem? Quis tot ærumnarum fructus, nempe ut marsupio nummis distento, ac divite superbi prædâ domum redeant. Hæccine labore tanto periculisque digna merces! Homines alii aliâ laborant insaniâ. Est qui videre sibi furias tædis armatas videatur, in sororis amantissimæ complexu: est qui, dum boves et pecudes flagellis cædit, putet se in Agamemnonem sævire, aut Ulyssem. Quamvis ovarius vestes furiosi more non discindat, non minus tamen curatore aliquo indiget, quàm qui palam insaniunt, dum mercibus ratem onerat usque ad extremas ejus oras, et unius asseris, quo compacta navis est, intervallo, a mari et morte separatur: cum ad tam exitiale periculum adeundum non aliâ impellatur causâ, quàm ut signatum argentum in loculos demittat. Cogitur*

bis a veteribus credebatur. Hinc istud æquor Herculeum vates vocat. Calpe nunc Gibraltar vocatur.

266. *Stridentem.* Fingunt Poëtæ solem in Oceano occidentali propè Hispaniam occidere quotidie magno cum strepitu, ut cum ferrum candens aquæ frigidæ immergitur.

267. *Folle.* Marsupio instar folli distento.

268. *Aluta.* Est pellis agni-

na, ex qua vulgò conficiuntur crumenæ.

270. *Ille.* Orestes. Sat. I, nota 6; VIII, nota 213.

272. *Hic.* Ajax. Sat. VII, nota 115; X, nota 84.

273. *Ithacum.* Ulyssem, ab Ithaca insula, unde oriundus, sic appellatum.

*Tunicis.* Tunica vestis interior, ac ferè manicis carens; lacerna, exterior, et instar pallii.

277. *In titulos.* In num-

Occurrunt nubes, et fulgura : Solvite funem,  
 Frumenti dominus clamat, piperisque coëemptor?  
 Nil color hic cœli, nil fascia nigra minatur, 280  
 AEstivum tonat. Infelix ! ac forsitan ipsâ  
 Nocte cadet fractis trabibus, fluctuque premietur  
 Obrutus, et zonam lævâ, morsuque tenebit.  
 Sed cujus votis modò non suffecerat aurum  
 Quod Tagus, et rutilâ volvit Pactolus arenâ; 285  
 Frigida sufficient velantes pectora panni,  
 Exiguiusque cibus, mersâ rate naufragus assem  
 Dum rogat, et pictâ se tempestate tuetur.  
 Tantis parta malis, curâ majore, metuque  
 Servantur : *Misera est magni custodia censûs.* 290  
 Dispositis prædives hamis vigilare cohortem

*in nubem aër turbidus, emicant fulgura : inclamat nihilominus mercator nautas, ut onustam tritico et pipere navim e portu provehant in altum : Ne vos, inquit, atra cœli facies aut nubes lividæ, quæ cœlum instar fasciæ ambiunt, terrent : hæc fulgura, hæc tonitrua ex eorum genere sunt, quæ calor æstivus gignere solet, minimè ceteroquin periculosa et noxia. Forsan tamen illâ ipsâ nocte miser naufragio facto, undis jactabitur, crumenam manibus dentibusque comprehensam tenens. At cujus avaritiæ et cupiditati satis non fuerat aurum omne quod Tagus, quod Pactolus versat in flavis arenis, hic vili centone ad tegendos artusavidos contentus erit, ac modico cibo, dum vix emersus mari corrogabit stipem, et ostentatâ naufragii sui depictâ imagine, prætereuntium commiserationem excitabit. Porro divitiæ tot ærumnis ac laboribus quæsitæ, majori sollicitudine ac metu retinentur. Misere trepidus et anxius est, quicumque magnas opes servare satagit. Licinus in certis cœdium suarum locis paratas habet in vasis aquas :*

mos, qui faciem Imperatorum gerunt inscriptam cum variis titulis v. g. Germanici, Parthici, etc.

283. *Zonam.* In Zona crumenas gestabant.

285. *Tagus.* Fluvius Hispaniæ : aureas olim, ut fama est, arenas volvens.

*Pactolus.* Lydiæ fluvius in

Asia minori, hodie *Sarabat*, olim et *Chrysorroas* ab arenis aureis dictus, teste Plinio, Lib. V, c. 29.

288. *Picta, etc.* Naufragi solebant pictam tabulam circumferre, in qua ipsorum naufragium spectabatur.

291. *Hamis.* Hama est vas aquarium, vel uncus ferreus;

Servorum noctu Licinus jubet, attonitus pro  
Electro, signisque suis, Phrygiâque columnâ,  
Atque ebore, et lata testudine. Dolia nudi  
295 Non ardent Cynici: si fregeris, altera fiet  
Cras domus, aut eadem plumbo commissa mane-  
bit.

Sensit Alexander, testâ cum vidit in illa  
Magnum habitatorem. Quantum felicior hic, qui  
Nil cuperet, quam qui totum sibi posceret orbem;  
300 Passurus gestis æquanda pericula rebus.

*Nullum numen habes, si sit prudentia; sed te  
Nos facimus „Fortuna, Deam. Mensura tamen quæ  
Sufficiat censûs, si quis me consulat, edam.  
In quantum sitis, atque fames, et frigora poscunt;*

*præterea complures servos pernoctare vigiles in excubiis  
jubet, metuens ne vasa pretiosa ex electro; statuæ elegân-  
tes, columnæ e marmore Phrygio, eburnea ornamenta,  
mensæ testudinum putaminibus contactæ, furto rapiantur,  
aut absumantur incendio. Diogenis dolium igne consumi  
nequit: si quo casu frangatur, cras ipse alterum dolium,  
alteras ædes inveniet, aut easdem resarciat, partibus plumbo  
rursum conjunctis et compositis. Ubi Alexander hunc phi-  
losophum angustæ testæ ingentem incolam adspexit, tunc  
profecto intellexit quantum insignior esset hominis nihil de-  
siderantis felicitas, quam ejus, qui totius orbis domina-  
tum ambiret, ac simul cum rerum gestarum gloriâ et vo-  
luptate periculorum acerbitatem et laborum, adæquaret.  
Nullam vim habes, Fortuna, si adsit Prudentia; nos te  
in Deorum numero colligamus. Quod si quis tamen ex-  
quirat a me, quem statuendum esse modum opibus existi-  
mem; dicam. Tantas parari non vetabo, quantæ ad fa-  
mem, sitim, frigus propulsandum necessariæ sunt; quantæ*

ut alii malunt; quo muri se-  
piuntur, ne facilis pateat as-  
census.

292. Licinus. Sat. I, nota

94. Licinis.

294. Dolia, etc. Diogenes  
Philosophus Cynicus pro do-  
mo dolium habebat: fiebant  
autem tunc dolia ex argilla  
coctâ, seu testâ.

295. Cynici. Sat. XIII,  
nota 121.

297. Alexander. Venisse  
fertur ad Diogenem Alexan-  
der, eique paupertatem expro-  
brasse. Cui Diogenes: uter,  
*inquit*, pauperior, isne cui  
nihil sufficit, an is qui nullius  
eget, qui nihil cupit?

# SATIRA DECIMA QUARTA. 311

Quantum, Epicure, tibi parvis suffecit in hortis; 305  
 Quantum Socratici ceperunt ante penates:  
 Numquam aliud naturæ, aliud sapientia dicit.  
 Acribus exemplis videor te cludere. Misce  
 Ergo aliquid nostris de moribus, effice summam  
 Bis septem ordinibus, quam lex dignatur Othonis. 310  
 Hæc quoque si rugam trahit, extenditque labellum,  
 Sume duos Equites, fac tertia quadringenta.  
 Si nondum implevi grenium, si panditur ultra,  
 Nec Croesi fortuna umquam, nec Persica regna  
 Sufficient animo, nec divitiæ Narcissi, 315

*satis Epicuro, cui victum hortus præbebat, fuerunt; quantitas antea Socrates possidebat. Eadem ubique sapientiæ vox et naturæ est, eadem lex. Videbor tibi fortasse paulo severior, qui philosophorum istorum exempla te sequi velim: tempera igitur hanc severitatem, et illi de Romanorum opulentia elegantiaque nonnihil admisce: compara, per me licet, summam illam pecuniæ quam Otho lege latâ illis esse voluit, qui cederent quatuordecim ordinibus theatro proximis. Si hæc tibi summa non sufficit, si eam ut nimis angustam respuis, habeto sanè censum duorum Equitum, immo trium. Quod si nondum es contentus, si tua cupiditas istis limitibus coerceri nequit, neque Croesi, neque Persidis Regum divitiæ eam aliquando explebunt, ac ne ipsius quidem Narcissi, cui summam potestatem Claudius*

305. *Epicure.* Hic oleribus et parvo contentus fuisse dicitur, nec summum bonum in ventris et gulæ voluptatibus posuisse, sed in tranquillo corporis animique statu, qui dolorem omnem excluderet.

306. *Socratici.* Sat. XIII, nota 185.

308. *Cludere.* Vox antiqua, pro *claudere*; in angustias compellere, urgere dicendo, et convincere.

310. *Othonis.* Sat. III, nota 140. *Legi.*

311. *Si rugam trahit.* Si

facit ut frontem in rugas contrahas, quod factitant qui aversantur et abnuunt; iidem labra producunt et proferunt.

312. *Quadringenta.* Sat. I, nota 91.

314. *Croesi.* Sat. X, n. 262.

*Persica regna.* Reges Persarum ditissimi habebantur.

315. *Narcissi.* Libertus fuit Claudii Imperatoris: summas opes malis artibus collegit, ac ipsi Claudio imperitavit, homini credulo et minime malo.

Indulsit Cæsar cui Claudius omnia, cujus  
Paruit imperiis uxorem occidere jussus.

*Imperator concesserat, et cui ad nutum ita fuit obsequens,  
iureo jubente, uxorem interfecerit.*

317. *Uxorem*, etc. Lege finem Sat. X, nota 300, et  
nota 310.

## S A T I R A X V.

### ARGUMENTUM ET SYNOPSIS.

*Insectatur Ægyptiorum superstitionem, qui animalia et olera vilissima Deorum loco habebant: deinde crudelitatem, qui hominem in frusta discerptum devoraverint, quod fusiùs describit. Ad extremum de clementiâ et humanitate quam a natura insitam habemus, pauca disserit.*

Quis nescit, Volusi Bithynice, qualia demens  
Ægyptus portenta colat? Crocodilon adorat  
Pars hæc: illa pavet saturam serpentibus Ibin.

Quis ignorat, Volusi Bithynice, quæ Numinum  
monstra, quàm ridiculos Deos Ægyptii vesandâ super-  
stitione venerentur? Alii Crocodilum, alii serpentibus  
pasci solitam Ibin, religioso metu colunt. In urbe The-

1. *Bithynice.* E Bithynia oriunde: quæ est Asiæ minoris regio, Euxino mari et Propontidi vicina.

2. *Crocodilon.* Est crocodilus, piscis, seu serpens quadripes, lacertæ specie, in cam exscrecens magnitudi-

nem, ut cubitos aliquando viginti superet.

3. *Ibin.* Ibis, est volucris Ciconiæ non absimilis, serpentibus et locustis vesci solita: quibus quia Ægyptum purgabat, numinis colebatur loco.

Effigies



# SATIRA DECIMA QUINTA. 313

Effigies sacri nitet aurea Cercopithecī;  
 Dimidio magicæ resonant ubi Memnone chordæ, 5  
 Atque vetus Thebe centum jacet obruta portis.  
 Illic cæruleos, hîc pisces fluminis : illic  
 Oppida tota canem venerantur : nemo Dianam :  
 Porrum et cepe nefas violare, ac frangere morsu.  
 O sanctas gentes, quibus hæc nascuntur in hortis 10  
 Numina ! Lanatis animalibus abstinet omnis  
 Mensa : nefas illic foetum jugulare capellæ,  
 Carnibus humanis vesci licet. Attonito cùm  
 Tale super coenam facinus narraret Ulysses

*bana, quæ nunc æquata solo est, olim centum habuisse portas fertur, prope quam visebatur statua Memnonis dimidiata et gestans citharam, cujus chordæ, per magicam artem sonum quemdam edebant, in ea, inquam, urbe imago simicæ caudatæ in templis adoratur. Hic marinos, illic fluviales pisces, alibi canem civitates integræ colunt; civis nullus Dianam. Porra et cepas manducare aut secare ingens piaculum est. O religiosam nationem, cui Deos ipsi horti progenerant! Ovium carnibus aut hædorum vesci apud illos nemini licet, humanis licet; sanè cùm simile quidpiam de Antiphate ac Polyphemo Ulysses*

4. *Nitet.* Adornatur ad cultum.

5. *Memnone.* Memnon Auroræ filius, ex Æthiopia Trojam profectus, ut opem Priamo ferret, ab Achille interfectus est. Ejus statua visebatur in templo Serapidis, citharam tenens, quæ quotidie solis orientis radiis percussa, sonum citharæ similem edebat, magicâ, ut creditum est, arte. Hinc magicas, nempe istius citharæ, chordas Juvenalis appellat : ejus statuæ partem dimidiam terræ motu corruisse Strabo narrat.

6. *Vetus Thebe.* Urbs Ægypti clara : centum habuisse portas fertur. Est alia ejusdem

nominis in Græcia septem portis incluta.

7. *Cæruleos.* Est hic maris color.

8. *Nemo Dianam.* Quæ tamen Dea venationis, et canum est præses.

9. *Cepe, etc.* Cepas, allia, etc. non attingebant Ægyptii, quia lacrymascient, sitim accendunt, etc. ovibus parcebant, quia lanam et lac hominibus præbent : ita e suo commodo vel incommodo Deos æstimabant, faciebantque.

14. *Tale facinus.* Nampe hominum, qui carnibus humanis pascerentur; qualem Polyphemum Ulysses narrabat. *Ulysses. Sat. IX, nota 47.*

- 15 Alcinoö, bilem, aut risum fortasse quibusdam  
Moverat, ut mendax aretalogus. In mare nemo  
Hunc abicit, sævâ dignum, verâque Charybdi  
Fingentem immanes Læstrigonas, atque Cyclopas?  
Nam citiùs Scyllam, vel concurrentia saxa  
20 Cyanes, plenos et tempestatibus utres  
Crediderim, aut tenui percussum verberare Circes,

*inter cœnandum Alcinoö narraret, non dubito quin e con-  
vivis aliqui aut irriserint, aut etiam stomachati sint, atque  
ut inepto circulatori succensuerint. Nemone hunc fabulato-  
rem, inquebant, in mare projicit, qui de Læstrigonibus  
et Cyclopibus tam incredibilia, tam crudelia facinora no-  
bis affirmet? Dignus est profectò qui demergatur in veram  
Charybdim, non fictam, qualem nobis descripsit. Faciliùs  
enim mihi persuaserim quæ de Scylla, de Cyaneis scopu-  
lis, inter se collidi solitis, de ventis in saccum inclusis,  
de sociis suis ac remigibus a Circe virgâ verberatis et*

15. *Alcinoö.* Alcinoüs Rex Phæacum fuit in Corcyra insula, *Corfou*, homo voluptatibus perinde ac Phæaces omnes, deditus. Celebrantur illius horti. Ulysses naufragio facto cum ad Corcyram insulam enatasset, a Regis Alcinoi filia Nausicae repertus in littore, domum deductus est ad Alcinoiüm, cui super cœnam narravit quidquid periculorum adierat per annos septem.

16. *Aretalogus.* Blaterator, sophista, un *Charlatan*.

17. *Charybdi.* Sat. V, nota 102.

18. *Læstrigonas.* Sat. XIV, nota 20.

*Cyclopas.* Ministri et operæ Vulcani erant Cyclopes, uno media in fronte oculo conspicui.

19. *Scyllam.* Voraginem,

in freto Siculo, Charybdi oppositam.

20. *Saxa Cyanes.* Cyaneæ insulæ, sive potius scopuli duo sunt, in aditu Bosphori Thracii, modico spatio inter se distantes, ita ut, qui cominus cernuntur divisi, eminus appareant juncti, et inter se concurrere videantur.

*Utres.* Ulysses ab AEolo, ventorum Rege, saccum acceperat, in quo erant inclusi omnes procellosi et graviores venti; sed cum utrem malè curiosi Ulyssis socii aperuissent, erumpentes venti tetram tempestatem concitarunt.

21. *Circes.* Famosæ veneficæ, quæ Ulysem in Tyrrheni maris littus ejectum excepit, ejus socios veneficiis in porcos mutavit, etc.

SATIRA DECIMA QUINTA. 315

Et cum remigibus grunnisse Elpenora porcis.  
 Tam vacui capitis populum Phæaca putavit?  
 Sic aliquis meritò nondum ebrius, et minimum qui  
 De Corcyraë temetum duxerat urna. 25  
 Solus enim hoc Ithacus nullo sub teste canebat.  
 Nos miranda quidem, sed nuper, Consule Junio,  
 Gesta super calidæ referemus moenia Copti:  
 Nos vulgi scelus, et cunctis graviora cothurnis.  
 Nam scelus a Pyrrha, quamquam omnia syrmata 30  
 volvas,  
 Nullus apud tragicos populus facit. Accipe nostro  
 Dira quod exemplum feritas produxerit ævo.

*Elpenore in porcum mutato, narrat, quàm de hominibus humanas carnes devorantibus. An Phæacas tam stolidos esse judicavit, ut hoc sibi affirmanti crederent? Ita loqui meritò potuisset aliquis convivarum, nondum vino patrio gravis. Quippe Ulysses id nullo teste aut conscio, qui eadem vidisset, asserebat. Nos mirum quidem facinus narraturi sumus, sed in media Ægypto prope Coptum haud ita pridem, Junio Sabino Romæ Consulatum gerente, pertratatum. Auctor illius sceleris populus integer est, atque adeò eorum omnium quæ in tragœdiis exhibentur gravitatem superat; si quidem, etsi omnes tragœdias quæ post hominum genus natum conscriptæ sunt, scruteris, nullum scelus ab toto populo communiter admissum invenies. Terro-  
 rimum audi facinus et exemplum inusitatæ crudelitatis,*

22. *Elpenora.* Unum e sociis Ulyssis.

23. *Populum Phæaca.* Populum insulæ Corcyraë, hodie *Corfou* ad oram Epiri sitæ.

25. *Corcyraë.* Phæacæ insulam Corcyram tenuerunt.

*Temetum.* Vinum sic appellatur quia tenet, seu tentat mentem.

27. *Consule Junio.* Gessit Consulatum Junius Sabinus, ac Domitianum habuit collegam, anno U. C. 839.

28. *Copti.* Coptus Ægypti civitas, Arabiaë vicina, ubi

sol æstate calidissimus, unde *calidam* vocat Juvenalis.

29. *Cothurnis.* Des brodequins. Per Cothurnos indicantur actores tragici, qui illis utuntur: per actores, ipsæ tragœdiæ.

30. *Pyrrha.* Deucalionis uxor fuit, quæ post diluvium unâ cum marito humanum genus reparasse fertur. Sat. I, nota 67.

*Syrmata.* Sat. VIII, nota 227. Est Syrma vestis tragica longior et ad pedes promissa, pro *tragœdia* hic sumitur.

- Inter finitimos vetus, atque antiqua simultas,  
 Immortale odium, et numquam sanabile vulnus,  
 35 Ardet adhuc, Ombos et Tentyra. Summus  
     utrinque  
 Inde furor vulgo, quod numina vicinorum  
 Odit uterque locus, quum solos credat habendos  
 Esse Deos, quos ipse colit. Sed tempore festo  
 Alterius populi rapienda occasio cunctis  
 40 Visa inimicorum primoribus ac Ducibus; ne  
 Lætum, hilaremque diem, ne magnæ gaudia coenæ  
 Sentiret positus ad templa, et compita mensis,  
 Pervigilique toro, quem nocte ac luce jacentem  
 Septimus interdum sol invenit. Horrida sanè  
 45 Ægyptus: sed luxuriâ, quantum ipse notavi,  
 Barbara famoso non cedit turba Canopo.

*hâc nostrâ ætate duntaxat editum. Ombi et Tentyra sunt Ægypti civitates non procul a se invicem disjunctæ: ambæ pervetusto et insanabili odio inter se dissident. Odii causa hæc est, quod altera civitas alterius Deos contemnat, quia suos utraque duntaxat credit veros germanosque Deos esse. Cum igitur Tentyritarum procures ac primarii Duces imminerent in omnem Ombos perdendi occasionem, visa est illis ea peropportuna, quam offerebat dies festus solem-nibus epulis et gaudiis apud hostes celebrari solitus: statuunt igitur hilaritatem illius diei luctuvertere, ac disturbare mensas passim in compitis templisque positas, quibus illi barbari diu noctuque interdum per septem dies continuos accumbunt. Etsi enim pars hæc Ægypti horridior sit atque incultior, tamen, quantum observare ipse potui, non est minus dedita luxui et deliciis, quam Canopus, eo*

35. *Ardet adhuc.* A tot se-culis.

*Ombos, et Tentyra.* Ombi, sive Combi, civitas Ægypti erat, propè Arabiam. Item Tentyra quæ vox numeri pluralis est, et generis neu-trini.

36. *Vicinorum.* Tentyritæ oderant crocodilum, et ene-rabant, Ombi adorabant, et

suos ab eo liberos devorari gaudebant: hinc mutuum in-ter utrosque odium.

43. *Toro.* Lectos intellige quibus compositi ad mensam accumbabant.

45. *Quantum ipse, etc.* Cum scilicet in Ægyptum est profectus, et quasi ejectus in exsilium, ut in ejus vita dixi.

46. *Canopo.* Sat. I, nota

Adde quod et facilis victoria de madidis, et  
 Blæsis, atque mero titubantibus: inde virorum  
 Saltatus nigro tibicine, qualiacumque  
 Unguenta, et flores, multæque in fronte coronæ; 50  
 Hinc jejunum odium. Sed jurgia prima sonare  
 Incipiunt animis ardentibus: hæc tuba rixæ:  
 Dein clamore pari concurritur, et vice teli,  
 Sævitur nuda manus: paucæ sine vulnere malæ;  
 Vix cuiquam, aut nulli toto certamine nasus 55  
 Integer. Adspiceres jam cuncta per agmina vultus  
 Dimidios, alias facies, et hiantia ruptis  
 Ossa genis, plenos oculorum sanguine pugnos.  
 Ludere se credunt ipsi tamen, et pueriles  
 Exercere acies, quod nulla cadavera calcent. 60  
 Et sanè quò tot rixantis millia turbæ,

*nomine infamis. Incitabat præterea Tentyritas ad invadendos Ombos, quod confiderent nullo negotio se profligaturos ebrium hostem, balbutientem, ac vacillantem. Cum igitur ex Omborum parte omnia personarent tripudiis saltantium ad numeros, et strepitum tibicæ, quam fuscus aliquis AEthiops inflabat; cum essent omnes unguentis quolibuscumque delibuti et floribus coronati; ex parte verò Tentyritarum omnes impasti quidem, at odiis atrocibus incensi, initium pugnae ductum a jurgiis et clamoribus, quibus, tamquam tuba signum est ad conserendas manus datum. Mox sublato hinc inde clamore, congregiuntur, instar telorum pugnos exerunt, quibus invicem ita vapulant, ut paucos videre sit ore non contuso: vix cuiquam dimicantium, aut nemini potius, est nasus integer. Cerneret toto in exercitu vultus dimidiatos, facies ita deformatas vulneribus, ut easdem esse vix agnosceres: genas diffractis ossibus diductas, omnium manus fluentes cruore oculorum quos hosti effoderunt, ac sanie. Ludum hunc tamen ipsi et puerilem esse putant rixam, quod necdum mortuorum corpora proterant. Ac sanè quid attinet tot*

24. Canopi. Sensus est Ombos licèt agrestiores reliquis AEgyptiis, ut pote vicinos Arabibus et a Canopo emporio celeberrimo divitiis pariter ac deliciis affluente, disjunctissimos, tamen æquè luxui dedi-

tos esse ac ipsos Canopi cives. Hæc civitas centum viginti stadiis Alexandria distabat.

60. Nulla cadavera calcent. Nemine adhuc trucidatò, cujus cadaver pedibus conculcent.



Si vivunt omnes? Ergo acrior impetus, et jam  
Saxa inclinatis per humum quæsitâ lacertis  
Incipiunt torquere; domestica seditione

65 Tela, nec hunc lapidem, quales et Turnus, et  
Ajax,

Vel quo Tydides percussit pondere coxam  
Æneæ; sed quem valeant emittere dextræ  
Illis dissimiles, et nostro tempore natæ.

Nam genus hoc vivo jam decrescebat Homero.

70 Terra malos homines nunc educat, atque pusillos.  
Ergo Deus quicumque adspexit, ridet, et odit.

A diverticulo repetatur fabula: postquam  
Subsidiis aucti, pars altera promere ferrum  
Audet, et infestis pugnam instaurare sagittis;

75 Terga fugæ celeri præstantibus omnibus, instant  
Qui vicina colunt umbrosæ Tentyra palmæ.

*hominum millia congregi bello et scævire inter se hostiliter, si nemo trucidatur? Majoribus igitur animis odiisque concurrunt, saxa colligunt, ac torquent; ea sunt videlicet usitata in seditione arma: non tales ac tantos lapides tamen, quales, quantosque Ajax et Turnus projiciebant, quali Diomedes Æneæ femur vulneravit; sed quales projiciant manus istis longè dispares et imbecilliores, hominum nempe hujus ævi: nam ea robustorum hominum stirps et natio jam tum incipiebat minui, cum Homerus viveret, nunc mortales tellus procreat exiguæ staturæ, magnæ improbitatis, quos cum Superi adspiciunt, rident illorum tenuitatem, detestantur nequitiam. Sed ad institutam narrationem ab hac digressionem redeamus. Posteaquam novæ utrisque copiæ subsidio advenerunt, ausi sunt Tentyritæ educere gladios in hostem, sagittisque conjectis pugnam redintegrare. Nec ita multò post Ombitas in fugam effusos præ-*

65. Turnus. Rutulorum, in Italia Rex, Æneæ rivalis, in quem, ut narrat Virgil. Lib. XII, 896, lapidem prægrandem contorsit.

Ajax. Sat. VIII, v. 84. Homerus, Libro Iliad. VII, eum singulari certamine cum Hectore dimicantem grandi

lapide armat; similiter Diomedem cum Ænea depugnans.

66. Tydides. Diomedes, Tydei filius, Græcorum Dux.

76. Qui vicina, etc. Id est, Tentyritæ quorum civitas vicina est palmeto, seu sylvæ palmis consitæ.

SATIRA DECIMA QUINTA. 319

Labitur hic quidam, nimia formidine cursum  
Præcipitans, capiturque: ast illum in plurima  
sectum

Frusta, ac particulas, ut multis mortuus unus  
Sufficeret, totum corrosis ossibus edit 80

Victrix turba, nec ardenti decoxit ahenò,  
Aut verubus: longum usque adeo, tardumque  
putavit

Exspectare focos, contenta cadavere crudo.  
Hinc gaudere libet, quod non violaverit ignem,  
Quem summâ coeli raptum de parte Prometheus 85

Donavit terris: elemento gratulor, et te  
Exsultare reor; sed qui mordere cadaver  
Sustinuit, nihil umquam hac carne libentius edit.  
Nam scelere in tanto ne quæras, et dubites, an  
Prima voluptatem gula senserit; ultimus autem 90  
Qui stetit absumpto jam toto corpore, ductis

*munt acriter et urgent: quorum unus, dum præ metu nimis properè fugam arripit, cadit, comprehenditur, secatur a victoribus in frusta, ut ejus cadaveris particulas habere singuli possent, denique ita comeditur, ut ne ipsis quidem ossibus parcat. Neque verò illud aut elixum aut tostum comederunt, longior est ipsis visa torrendi aut coquendi cadaveris mora, crudas carnes devorarunt. Factum bene, quod ignem a Prometheo ex æthere delatum in terras, tam crudeli flagitio non contaminaverint: gaudeo tam nobile elementum istâ inmanitate violatum non fuisse, ac te id quoque gaudere arbitror. Ceterum qui primus ex illis barbaris avidos dentes cadaveri infixit, nullum umquam ferculum isto jucundius attigit. Noli enim sciscitari, aut ambigere, an gratissimæ acciderint impiis helluonibus epulæ tam sceleratæ, cum postremi omnium qui ad eas accessere postquam totum cadaver absumptum a prioribus et corrosum fuit, diram ingluviem colligendo summis digitis sanguinem, ac liguriendo summa cum voluptate expleverint. Litteris proditum est Vascones hunc in morem*

85. Prometheus. Sat. IV, nas, quibus impii Tentyritæ  
nota 130. satiarentur.

86. Elemento gratulor. Igni *Et te exsultare reor. Te, o*  
gratulor quod non sit viola- Volusi, credo mecum sentire  
tus, coquendo carnes huma- et lætari.

Per terram digitis, aliquid de sanguine gustat.

Vascones, ut fama est, alimentis talibus usi

Produxere animas: sed res diversa, sed illic

95 Fortunæ invidia est, bellorumque ultima, casus  
Extremi, longæ dira obsidionis egestas.

Hujus enim, quod nunc agitur, miserabile debet

Exemplum esse cibi: sicut modò dicta mihi gens

Post omnes herbas, post cuncta animalia, quidquid

100 Cogebat vacui ventris furor, hostibus ipsis

Pallorem, ac maciem, et tenues miserantibus  
artus,

Membra aliena fame lacerabant, esse parati

Et sua. Quisnam hominum veniam dare, quisve  
Deorum

Urbibus abnuerit dira, atque immania passis,

*carnibus humanis vitam aliquamdiu conservasse, ac famem paulisper depulisse: sed Vasconum tamen longè dissimilis est ac AEgyptiorum causa, factumque. Eò quippe adacti fuere Vascones per acerbiteriam quamdam et inclementiam Fortunæ, cum longā obsidione ac bello gravissimo rerumque omnium inopiā fracti ad extemas angustias devenissent: in quo digni profectò erant commiseratione, si post absumptas omnes herbas et animalia, et quidquid edendum objiciebat famis quædam rabies, ipsi pallore, macieque confecti, membris inediā exhaustis et attenuatis, atque ipsis hostibus miserandi, si tunc, inquam, alienis artibus vescebantur, qui suos etiam vorare non dubitassent. Quis mortalium aut etiam immortalium, civibus in tantas con-  
jectis angustias id non ultro ignovisset? Ipsæ mortuorum*

93. *Vascones.* Populus ad Pyræneos montes positus: partem Hispaniæ Tarracoenensis olim obtinebat, Navarram hodie dictam. Inde in Gallias transgressus, hunc tractum occupavit, qui modò appellatur Vasconia, *la Gasconne*.

96. *Obsidionis.* Urbs Vasconum Tarracoenensium erat Calagurris *Calahorre*, quæ hodie Castellæ veteri tribui-

tur: a Pompeio et Metello obsessa, et eò redacta est, ut cives liberorum corpora esse cogerentur. Valer. Max. Lib. VII, cap. 6.

102. *Esse parati et sua.* Nam quidam inediā pressi brachia sua nonnumquam arrosere.

104. *Urbibus.* Calagurri, Numantiæ, Sagunto. Alii legunt, *Viribus*; id est, virilibus animis, vel viris fortibus.

Et quibus ipsorum poterant ignoscere Manes 105  
 Quorum corporibus vescebantur? Melius nos  
 Zenonis præcepta monent: nec enim omnia,  
 quædam

Pro vita facienda putat. Sed Cantaber unde  
 Stoïcus, antiqui præsertim ætate Metelli?

Nunc totus Græciâ, nostrasque habet orbis 110  
 Athenas.

Gallia cauidicos docuit facunda Britannos,  
 De conducendo loquitur jam rhetore Thule.

Nobilis ille tamen populus, quem diximus; et par

*animæ, quorum cadavera laniabantur, credo illis veniam sponte annuissent. Equidem scio nos melius institutos esse a Stoïcis philosophis, et eorum principe Zenone, qui tametsi concedat fas esse quædam pro vita conservanda facere, non tamen omnia licere docet. Verum quis illam Stoïcorum philosophiam requirat a Cantabris, præsertim antiqui Metelli tempore? Nunc orbis totus philosophiæ Græcæ pariter et Romanæ præceptis abundat. Eloquentiam a Gallis Angli didicerunt, Thule ipsa cogitat rhetoricæ professores evocare, et certo pretio conductos apud se habere. Vascones igitur, de quibus modò agebam, et Saguntini, similes illis fortitudine et fidelitate in Romanos, licet*

105. *Manes.* Vide Sat. V, nota 152.

107. *Zenonis.* Zeno Philosophus Stoïcæ sectæ conditor, summo apud Athenienses in honore habitus.

108. *Cantaber.* Cantabros hic vocat, quos antea Vascones appellavit, unum pro altero populum sumens, propter viciniam. Porro Cantabri Biscaliâ et adjunctas regiones obtinebant.

109. *Stoïcus.* Sat. II, nota 40.

*Metelli.* Fuit hic additus Pompeio, ad Sertorium debellandum, circa annum ab urbe condita 670, ducentis

admodum antequam hæc a Juvenale scriberentur annis: hinc antiquum hoc in loco appellat; aut fortasse ut eum ab aliis Metellis recentioribus, qui floruerunt postea, distinguat.

110. *Athenas.* Urbs erat Græciæ primaria, philosophis et oratoribus abundans: Romanam vocat Athenas; Italia quippe rhetoribus et philosophis referta erat instar Athenarum.

112. *Thule.* Insula ultra Angliam et Orcadas sita; Islandiam vocant: alii partem Norvegiæ esse volunt.

- Virtute atque fide, sed major clade Saguntus  
 115 Tale quid excusat: Mæotide sævior arâ  
 Ægyptus: quippe illa nefandi Taurica sacri  
 Inventrix, homines (ut jam quæ carmina tradunt  
 Digna fide credas) tantum immolat, ulterius nil  
 Aut gravius cultro timet hostia. Quis modò  
 casus  
 120 Impulit hos, quæ tanta fames, infestaque vallo  
 Arma coëgerunt tam detestabile monstrum  
 Audere? Anne aliam, terrâ Memphitide siccâ,  
 Invidiam facerent nolenti surgere Nilo?

*majori quàm Vascones, clade affecti, ejusmodi, quas memoravi, excusationibus uti meritò possunt, si humanis vesci carnibus coacti fuerint, non item Ægyptii, quorum crudelitas vincit immanitatem incolarum Chersonesi Tauricæ, apud quos Dianæ-ara, prope Mæotidem paludem visitur. Illi enim cruenti sacrificii inventores (si poetis credimus) homines duntaxat immolant, non iis vescuntur, neque metuunt victimæ infelices, ne post obitum funestius aliquid sacrificulorum cultris patiantur. At Ægyptiis quid causæ tandem fuit, cur tam immane facinus admitterent? An diuturna et atrox fames? an exercitus hostium, vallo et armis urbem obsidentium? Si Nilus nollet exundare in agros et effundi pro more, ita ut sicca et infœcunda Ægyptus foret, an poterant eum odiosum et invivum magis reddere, quàm si diceretur Ægyptios præ fame coëgissee ad humanas carnes vorandas? Itane verò imbellis*

114. *Saguntus.* Hispaniæ Tarraconensis civitas vetus, quæ cùm Romanis pareret obsessa fuit ab Annibale, cives dirâ fame confecti, se suaque omnia communi rogo absumere, quàm hostem mœnibus accipere maluerunt.

115. *Tale quid excusat.* Nempe diuturnam obsidionem, famem, inscitiam philosophiæ, etc.

*Mæotide.* Mæotis palus est pars ultima maris Mediterranei, *mer de Zabache.*

*Ara.* Taurica Chersonesus, est peninsula ad fauces Mæotidis paludis; nunc *Tartaria minor*, sive *Præcopensis* dicitur. Ibi erat ara Dianæ ad quam homines mactabantur.

122. *Anne aliam, etc.* An majorem inurere ignominiam Nilo, Deo suo, poterant, si ab eo fuissent sterilitate affecti, quàm tantum scelus admitendo.

*Terra Memphitide.* Ægypto, cujus caput Memphis.



SATIRA DECIMA QUINTA. 325

Quà nec terribiles Cimbri , nec Brittones um-  
quam,

Sauromatæque truces, aut immanes Agathyrsi 125

Hac sævît rabie imbellè, et inutile vulgus,

Parvula fictilibus solitum dare vela phaselis,

Et brevibus pictæ remis incumbere testæ.

Nec pœnam sceleri invenies, nec digna parabis

Supplicia his populis, in quorum mente pares 130  
sunt,

Et similes, ira, atque fames. Mollissima corda

Humano generi dare se natura fatetur,

Quæ lacrymas dedit: hæc nostri pars optima  
sensûs.

Plorare ergo jubet causam lugentis amici,

Squaloremque rei, pupillum ad jura vocantem 135

Circumscriptorem, cujus manantia fletu

*plebecula, quæ navigare solet in cymbalis ex argilla con-  
fectis, tantam in cadaver exprompsit rabiem, quantâ neque  
Cimbri neque Brittones, neque Sarmatæ aut Agathyrsi,  
sævire aliquando comperti sunt? Quodnam supplicii genus  
inveniri potest par sceleri gentis illius, quæ idem fieri posse  
putet suadente irâ, quod fame cogente? Mores benignos  
et humanos a natura ingeneratos fuisse mortalibus vel inde  
constat, quod nos proclives finxit ad lacrymas. Hæc pars  
humanæ indolis, hæc alienæ calamitatis commiseratio,  
inter ceteras animi affectiones laudatissima est. Docet nos  
igitur natura ingemiscere cùm aliquis amicus accusatur,  
et causam apud iudices sordidatus agit: docet deslere ca-  
lamitatem vocantis in jus perfidum tutorem pupilli, cujus*

124. Cimbri. Sat. VIII, nota 247.

Brittones. Germaniæ populi, vel Galliæ ultimæ, ad occidentem, qui olim inculti et feri.

125. Sauromatæ. Iidem, qui Sarmatæ. Barbarus Europæ et Asiæ ad septentrionem populus.

Agathyrsi. Sarmatiæ populi, dicti ab Agathyrsio Herculis filio. Horum fuisse re-

gionem, ubi nunc est Moscovia, dicunt nonnulli.

126. Imbellè et inutile vulgus. Tentyritæ præ illis populis ignobiles tale audent facinus, quale numquam alii ulli.

128. Testæ. Testaceis naviculis Nilum AEgyptiî enavigabant.

136. Circumscriptorem. Lege Sat. XIV, nota 223.

Ora puellares faciunt incerta capilli.

Naturæ imperio gemimus, cùm funus adultæ

Virginis occurrit, vel terrâ cluditur infans,

140 Et minor igne rogi. Quis enim bonus, aut face dignus

Arcanâ, qualem Cereris vult esse sacerdos,

Ulla aliena sibi credat mala? Separat hoc nos

A grege mutorum, atque ideo venerabile soli

Sortiti ingenium, divinorumque capaces,

145 Atque exercendis, capiendisque artibus apti,  
Sensum a cœlesti demissum traximus arce,

*faciem lacrymis madentem crines longius, ut puellæ gerunt, promissi perturbant, offunduntque, adeo ut eum facile non agnoscas. Facit eadem natura, ut in fletum prorumpamus, cùm virginem immaturâ morte raptam deferri videmus ad rogam, cùm infantem sepeliri, qui minor est, quàm ut rogo imponatur, et concremetur. Quis enim vir probus est, ac dignus qui gestet in Cereris sacris secretis, et mysterii plenissimis tædam non extinctam, quod probitatis signum sacerdotes ejusdem Cereris esse putant longè certissimum, quis, inquam, vir probus humanam calamitatem ullam non putat ad se aliquo modo pertinere? Hoc maxime discrepamus a belluis. Et verò soli mentem numinis beneficio consequuti sumus præclaram, admirabilem, et rebus divinis capiendis non minùs, quàm excogitandis poliendisque artibus idoneam. Hanc ab ipso cœlo ductam*

140. *Minor igne rogi.* Infantes, quibus nondum nati dentes forent cremare moris apud Romanos non erat, sed humo condere.

*Face arcana.* Eleusis oppidum est Atticæ, non prochl Athenis. Ibi regnasse fertur Eleusius, et Cererem hospitio excepisse, cùm amissam filiam orbe toto errabunda quæreret. Hinc factum ut Eleusini sacra Cereris religione præcipua celebrarent, in hisque gestarent accensas lampades ac decurrerent, quasi Cererem errantem imitantes.

Porro ea sacra noctu ac silentio peragebantur, et ea vulgare nefas; Vide Horat. Oden 2, Lib. III, pag. meâ 147; neque iis intererant nisi homines spectatæ probitatis. Cujus indicium hoc sacerdotes putabant esse certissimum, si cujus fax inter currendum extincta non fuisset.

142. *Aliena.* Huc pertinet ea vox Terentiani Chremetis ad Menedemum: *Homo sum, humani a me nihil alienum puto.* In Heautontimorumenno, Act. I, Scen. 1.

SATIRA DECIMA QUINTA. 325

Cujus egent prona, et terram spectantia. Mundi  
Principio indulsit communis conditor illis  
Tantum animas, nobis animum quoque; mutuus  
ut nos

Affectus petere auxilium, et præstare juberet; 150

Dispersos trahere in populum, migrare vetusto  
De nemore, et proavis habitatas linquere sylvas:

Ædificare domos, laribus conjungere nostris

Tectum aliud, tutos vicino limine somnos

Ut collata daret fiducia; protegere armis 155

Lapsum, aut ingenti nutantem vulnere civem;

Communi dare signa tubæ, defendier isdem

Turribus, atque unā portarum clave teneri.

Sed jam serpentum major concordia: parcit

Cognatis maculis similis fera. Quando leoni 160

Fortior eripuit vitam leo? quo nemore umquam

Expiravit aper majoris dentibus apri?

Indica Tigris agit ravidā cum Tigride pacem

Perpetuam: sævis inter se convenit ursis.

*hausimus, hæc brutis animantibus in humum pronis negata, quibus nimirum ab effectore mundi sola data est anima sentiendi et vegetandi vim habens, nobis animus etiam intelligentiæ rationisque capax; ut mutua incitati benevolentia opem et operam ab aliis flagitaremus, eandemque illis navaremus; ut dissipati antea, in unum colligeremur, et sylvis, quas nostri majores incolebant, relictis, domos condere, alias aliis adnectere, et ita majori securitate somnum capere, propter vicinas ædes nostris conjunctas, possemus: ut cives aliquo infortunio affectos tueri, delapsos in aliquod periculum erigere, bellum conjunctis viribus et buccinis inferre, iisdem mœnibus ac propugnaculis hostem arcere, et eadem civitate contineri. Nunc major inter angues; quam inter homines consensio est. Fera non sæviunt in feras eadem pelle contextas. Quandoam leonem leo robustior interemit? Qua in sylva vetulus aper juniore necem intulit? Tigris Indica cum aliis tigridibus amicitiam colit, inter ursos pax est et concorde.*

153. *Laribus.* Lares Nii cia. Junctis ædibus vicinus  
erant domestici, sumuntur vicino facile fert opem in-  
pro ipsa domo. digenti.

155. *Ut collata daret fidu-*

- 165 Ast homini ferrum letale incude nefandâ  
 Produxisse parum est, cùm rastra, et sarcula  
 tantum  
 Assueti coquere, et marris, ac vomere lassi  
 Nescierint primi gladios excudere fabri.  
 Adspicimus populos, quorum non sufficit iræ  
 170 Occidisse aliquem, sed pectora, brachia, vultum  
 Crediderint genus esse cibi. Quid diceret ergo,  
 Vel quò non fugeret, si nunc hæc monstra videret  
 Pythagoras? cunctis animalibus abstinuit qui,  
 Tamquam homine, et ventri indulsit non omne  
 legumen?

*dia viget. Hominum verò crudelitas non satis habet gla-  
 dios fabricasse, cùm primi fabri ferrarii gladios ignora-  
 rent, ac rustica tantum instrumenta, rastra, sarculos,  
 marras et vomeres procuderent. Sed videmus etiam gentes  
 integras, quibus parum sit hominem mactasse, nisi etiam  
 ejus artubus vescantur. Quas igitur in voces non erum-  
 peret, si hæc portenta cerneret, Pythagoras? quò se non  
 abderet, qui carnibus animalium vesci non magis quàm  
 hominum ipsorum, timuit? Immo etiam qui omnibus ole-  
 ribus promiscuè uti discipulos suos vetuit.*

173. *Pythagoras. Sat. III,*  
 nota 214. Philosophus insi-  
 gnis, oriundus insulâ Samo,  
 venit in Italiam et Crotonæ  
 docuit. Idcirco animalium  
 carne abstinebat Pythagoras,  
 et ea vetabat occidi, quòd in

eorum corpora migrare cen-  
 seret animas humanas.

174. *Non omne legumen.*  
 A fabis abstinere dicebatur,  
 quòd ventrem inflarent, he-  
 betarentque mentem, etc.

## SATIRA XVI.

### ARGUMENTUM ET SYNOPSIS.

#### *Militiæ commoda.*

**Q**UIS numerare queat felicitis præmia, Galle,  
Militiæ? Nam si subeantur prospera castra,  
Me pavidum excipiet tironem porta secundo  
Sidere. Plus etenim fati valet hora benigni,  
Quàm si nos Veneris commendet epistola Marti, 5  
Et Samiâ genitrix quæ delectatur arenâ.  
Commoda tractemus primùm communia, quorum  
Haud minimum illud erit, ne te pulsare togatus  
Audeat: immo et, si pulsetur, dissimulet, nec

**Q**Uis possit, Galle, varias fortunatæ militiæ utilitates  
recensere? Ego certè si qua daretur occasio militandi for-  
tunatis in castris, licèt imperitus admodum belli ac tiro  
planè sim, non dubitem nihilominus ea subire faustis  
ominibus et fato annuente, cujus opportunitas et numen  
majoris ad felicem militiam est momenti, quàm si com-  
mendatitias a Venere, aut Junone ad Martem litteras  
haberemus. Ac primò quidem videamus militiæ utilitates  
omnibus militibus communes. Inter illas hæc ultimo loco  
numeranda non est, quod nullus civis audeat injuriam  
inferre militi, et ei negotium facessere? Immo quamvis  
a milite injuriam acceperit, sileat, nec ausit judici monstrare  
dentes sibi extusos, ac lividum tuberibus nigris vultum,

3. *Porta.* Portæ in castris  
Romanorum erant imprimis  
duæ, altera hosti adversa,  
quæ Prætoria dicebatur: al-  
tera quasi postica et priori op-  
posita, quæ Decumana vo-  
cabatur.

*Secundo.* Prospera quæli-  
bet appellantur secunda, quia  
sequuntur quasi vota nostra,  
et illis obsecundant.

5. *Veneris.* Hæc Marti ami-  
ca erat, ut fabulis proditum.

6. *Samiâ, etc.* Juno, Mar-  
tis mater, maximè coleba-  
tur in insula Samo: est illa  
in Ægeò mari.

8. *Togatus.* Toga civium  
propria vestis erat: ut sagum  
militum. Sat. I, nota 81; II,  
nota 45; III, nota 115.



- 10 Audéat excussos prætori ostendere dentes,  
 Et nigram in facie tumidis livoribus offam.  
 Atque oculos medico nil promittente relictos.  
 Bardaicus judex datur hæc punire volenti:  
 Calceus, et grandes magna ad subsellia suræ,  
 15 Legibus antiquis castrorum, et more Camilli  
 Servato, miles ne vallum litiget extra,  
 Et procul a signis. Justissima centurionum  
 Cognitio est igitur de milite; nec mihi deerit  
 Ultio, si justæ defertur causa querelæ.

*oculosque non effossos omnino, sed ita vulneribus attritos ac deformatos, ut medicus eos in integrum restitui ac sanari posse diffidat. Quod si tamen civis militem in jus vocet ad pœnas expetendas, statuatur controversæ iudex Tribunus militum, Bardaicus indutus veste. Huic assident Centuriones cum suis grandibus calceis, et magnis torosisque cruribus, ac vasto corpore subsellia tota implent: nempe ut serventur priscae leges, et Camilli præscriptum, quo vetantur milites extra vallum causam dicere. AEquissimum est, inquis, ut de militis causa cognoscant Centuriones, qui sunt illius germani iudices, quorum est spectata probitas et justitia; atque adeo fieri non potest, quin pœnas mihi det miles, si me ab eo injuriâ affectum, et justas esse meas querelas ostendero. Esto sanè, et cohors tamen integra est infesta, et omnes manipuli*

11. *Offam.* Propriè significat frustum carnis, panis, etc. hic pro tubere, pro carne livida, et plagis contusa sumitur.

13. *Bardaicus.* Vox deducta a Bardis Galliæ pridem populis. Bardaicus est Judex vestitus bardaico, quæ vestis erat bardorum, crassa et villosa. Bardi porro, erant Gallorum cantores quidam et Philosophi, sed crassa et pingui Minerva eruditi. Hæc veste utebantur vulgò iidem Galli, præsertim in Santonibus, itemque Romani milites.

*Datur.* A Prætorè, qui jus dicit civibus.

14. *Calceus, etc.* Subaudi apparet, aut aliquod ejusmodi verbum. Adsunt ad litem dijudicandam et sedent in subsellis Centuriones calceis militaribus et caligis induti.

15. *Camilli.* Sat. II, nota 112. *Camilli.*

17. *Justissima, etc.* Fingitur hæc civis dicere.

18. *Cognitio.* Litem cognoscere dicuntur iudices, cum testes, cum circumstantias facti exquirunt, expendantque.

Tota cohors tamen est inimica, omnesque manipuli 20  
 Consensu magno efficiunt. Curabitur ut sit  
 Vindicta gravior quàm injuria? Dignum erit ergo  
 Declamatoris Mutinensis corde Vagelli,  
 Cùm duo crura habeas, offendere tot caligatos,  
 Millia clavorum. Quis tam procul absit ab urbe? 25  
 Præterea, quis tam Pylades molem aggeris ultra

*una voce adversantur, atque obstrepunt. Quid igitur proficietis tu, ac togati quicumque militem accusabunt? Efficietis hoc utique unum, ut dum vindicare vultis injuriam, milites omnes habeatis inimicos, et graviora vobis arcesatis mala, quàm ipsa fuerat injuria, pro qua judicem interpellastis. Itaque tam stolidè facis, quisquis militem vocas, in jus, quàm Vagellius ille Mutinensis caudidicus, qui pessimas semper causas suscipit defendendas. Quàm est enim temerarium, cùm duo tibi tantum sint crura, edque minimè cereis munita, offendere tot Centuriones, tot milites, quorum caligæ ferreis clavis omni ex parte sunt præfixæ? Age verò, quem reperias tam hebetem ac rusticum, tam ignarum urbani moris, quem adeo tibi amicum, tam prisco illi Pyladæ similem, ut vallum transire, et in castra media tecum progredi, ad dicendum contra*

20. *Cohors.* Pars legionis. Decem in singulis legionibus cohortes pedium erant, totidem equitum turmæ. Sat. I, nota 45.

*Manipuli.* Cohors tres manipulos complectebatur: manipulus duas militum centurias. Erant igitur in qualibet cohorte manipuli triginta. Legio modò quatuor, modò quinque, aut sex etiam pedium millia, equites ducentos trecentosve continebat.

22. *Vindicta.* In hac voce producit ultima syllaba, ob duas consonantes a quibus inchoatur vocabulum sequens.

23. *Mutinensis.* Mutina *Modene*, urbs Italiæ, Ducatus caput, in Longobardia.

*Vagelli.* Inepti rabulæ, qui periculosas et iniquas defendere solebat causas.

24. *Caligatos.* Caliga, est quædam ocrea militaris et calceamentum, clavis præfixum ad ornatum et munimen.

26. *Pylades.* Filius fuit Strophii Regis Phocensium, cujus in aula cùm educatus Orestes fuisset, illi tam arctè conjunctus amicitia est, ut in specimen et exemplum germanæ perfectæque amicitiae ambo proponantur.

*Aggeris.* Agger est humus aggesta, quæ palis et sudibus munebatur ad castrorum tutelam, *la clôture du camp, palissades.*

Ut veniat? Lacrymæ siccentur protinus, et se  
Excusaturos non sollicitemus amicos.

Da testem, judex cùm dixerit: audeat ille

- 30 Nescio quis, pugnos vidit qui, dicere, vidi;  
Et credam dignum barbâ, dignumque capillis  
Majorum. Citiùs falsum producere testem  
Contra paganum possis, quàm vera loquentem  
Contra fortunam armati, contraque pudorem.

- 35 Præmia nunc alia, atque alia emolumenta notemus  
Sacramentorum. Convallem ruris aviti  
Improbis, aut campum mihi si vicinus ademit,  
Aut sacrum effodit medio de limite saxum,  
Quod mea cum vetulo coluit puls annua libo;  
40 Debitor aut sumptos pergit non reddere nummos,

*militem testimonium, audeat? Omitte igitur lacrymas, noli amicos urgere, qui te rogaturi sint ut se habeas excusatos. Cùm judex testem proferri petet, ubi reperietur aliquis, tam audax et præfidens, tametsi rixam totam et pugnos militis in tuo recentes ore viderit, qui se vidisse affirmet? Ego verò, si quis sit ejusmodi, hunc dignum priscæ majorum nostrorum probitate, barbâque judicabo. Longè faciliùs, mihi crede, falsus testis in civem invenietur quàm verus in militem, qui ejus fortunas aut famam lædat. Expendamus alia non pauca militiæ commoda. Si vicinus nequam et avarus abstulit mihi agrum collibus cinctum, a majoribus mihi relictum: si emovit lapidem, quo limites agrorum ac termini notantur, quem certis sacrificiis, pultem, ac placentas, ipsi imponens, veneror quotannis; si debitor negat mihi restituere mutuos, a me quos*

31. *Dignum barbâ, etc.* Romani veteres erant intonsi, nec barbam radebant: iidem eximie probi.

33. *Paganum.* Rusticum, degentem in pago, ruri versantem.

36. *Sacramentorum.* Militum qui sacramento adiguntur. Sacramentum erat iusjurandum, quo apud Imperatorem obstringebantur mi-

lites, ac spondebant se militiam non deserturos, numquam se arma contra Rempublicam capturos, etc.

39. *Quod mea, etc.* Deo Terminò sacra faciebant, et saxis, quibus agri definiebantur; pultem, ac liba imponebant.

*Vetulo.* Qui vetus agri possessor sum ac dominus.

Vana supervacui dicens chirographa ligni:  
 Exspectandus erit, qui lites inchoet, annus  
 Totius populi: sed tunc quoque mille ferenda  
 Tædia, mille moræ; toties subsellia tantum  
 Sternuntur; jam facundo ponente lacernas 45  
 Cæditio, et Fusco jam micturiente, parati  
 Digredimur, lentæque fori pugnamus arenâ.  
 Ast illis, quos arma tegunt, et balteus ambit,  
 Quod placitum est, illis præstatur tempus agendi,  
 Nec res atteritur longo sufflamine litis. 50  
 Solis prætereà testandi militibus jus  
 Vivo patre datur: nam quæ sunt parta labore  
 Militiæ, placuit non esse in corpore censûs,  
 Omne tenet cujus regimen pater. Ergo Coranum  
 Signorum comitem, castrorumque æra merentem, 55

*accepit, nummos, et chirographum, quod ipsius manu ap-  
 positum illi ostendo, falsum esse dictitat: hæc, inquam,  
 si apud iudices persequi velim, exspectandum erit dum an-  
 nus integer elabatur, dum totius populi decisæ sint lites,  
 quæ ante meam fuerint ad forum delatæ: ubi verò meæ  
 tempus advenerit, sexcentas moras ac tædia perferre oport-  
 tebit. Modò subselliis imponuntur duntaxat tapetes:  
 modò Cæditius, eloquens ille patronus, lacernâ depositâ,  
 se ad perorandum accingit; modò Fuscus ad mittendum  
 lotium discedit: aderamus parati, abeundum, causa in  
 alium diem procrastinanda. Sic more gladiatorum segniter  
 dimicantium, lentè lis inchoata disceptatur. Illis verò qui  
 balteo et armis insignes sunt, quodcumque commodum est di-  
 cendæ causæ tempus, conceditur, nec suas opes dilapidant  
 damnosâ litium diuturnitate ac morâ. Huc adde, quod soli  
 milites hoc jure gaudent, ut vivente adhuc patre condere  
 testamentum possint; sic enim legibus cautum est, ut bona  
 castrensia, et e militum stipendiis profecta, non censean-  
 tur esse pars patrimonii, neque in iis bonis numerentur  
 quorum dominium penes militis patrem est. Itaque pater  
 Corani stipendia facientis et inter signa degentis, illi quam-*

41. *Vana, etc.* Lege Sati-  
 ram XIII, v. 137.

levet, vel ut togam iudicum  
 propriam sumat.

45. *Lacernas.* Vel ut æs-  
 tum depositâ graviore veste

50. *Sufflamine.* Impedi-  
 mento, remorâ, Sat. VIII,  
 nota 146.

332 JUV. SAT. DECIMA SEXTA.

Quamvis jam tremulus , captat pater. Hunc labor  
æquus

Provehit , et pulchro reddit sua dona labori.

Ipsius certè Ducis hoc referre videtur ,

Ut qui fortis erit , sit felicissimus idem ;

60 Ut læti phaleris omnes , et torquibus omnes.

*vis jam senior , blanditur , ejusque ambit hereditatem. Co-  
ranus interim honestis militiæ laboribus ad honores pro-  
movetur , et amplissimum operæ pretium fert. In quo non  
tantum militis honor , et utilitas agitur , sed etiam Im-  
peratoris ac Ducis gloria , cujus interest plurimum , ut qui  
virtute ac fortitudine ceteris præstat , idem pulcherrimis  
præmiis cohonestetur , et omnes strenui milites torquibus ,  
phaleris , ac ceteris ornamentis militiæ decorentur.*

60. *Phaleris.* Phaleræ sunt ornamenta quædam equorum ,  
e collo ipsorum fluitantia.

*Finis Decii Junii Juvenalis Satirarum.*



A U L I  
P E R S I I F L A C C I  
S A T I R A E.

---

P R O L O G U S.

*Ait se, cùm optimus poëta non sit, rude carmen  
scribere: cùmque multi famam et gloriam scri-  
bendo captent, plures etiam lucri causâ id fa-  
ciant, se neutrum spectare.*

**N** E C fonte labra prolui Caballino,  
Nec in bicipiti somniasse Parnasso  
Memini, ut repentè sic poëta prodirem.

**N** Umquam e fonte Hippocrene bibi, neque memini  
me umquam in Parnasso dormivisse, ut subitò poëta

*Persii.* Aulus Persius Flac-  
cus natus est in ea parte Ita-  
liæ, quæ Etruria dicitur, Vo-  
laterris, anno ab Urbe con-  
dita 790, Tiberii 21. Romam,  
litterarum causâ cùm venis-  
set, ibi Cornuti, philosophi  
celeberrimi, discipulus fuit.  
Sex satiras scripsit, quibus,  
ut Quintilianus testatur,  
multum veræ gloriæ meruit.  
Exstinctus est morbo, anno  
ætatis 30.

1. *Caballino.* Caballus  
idem sonat atque equus. Fin-  
gunt Poëtæ equum Pegasus

ex Heliconis montis vertice  
ungulâ fontem elicuisse, qui  
fons Caballinus, seu Pega-  
seus appellatus sit, Græcè  
*Hippocrene*, quasi diceret,  
*fons equi*. Labra autem pro-  
luere in fonte, est, ex  
fonte aquam haurire potan-  
dam.

2. *Bicipiti.* Parnassus fuit  
mons Phocidis in Græcia duos  
habens verticēs, seu capita.

*Somniasse.* Vel quia Poëtæ  
sæpe delirant ac mera fin-  
gunt somnia: vel quia Ennius  
profitetur se, cùm aliquan-

- Heliconidasque, pallidamque Pirenen  
 5 Illis remitto, quorum imagines lambunt  
 Hederæ sequaces. Ipse semipaganus,  
 Ad sacra vaturn carmen affero nostrum.  
 Quis expedit psittaco suum χαῖπε?  
 Corvos quis olim concavum salutare,

*evaderem. Musas et loca illis consecrata, ut fontem Pirenen, numquam adivi; sed illis hoc relinquo, qui in bibliotheca Palatini Apollinis statuas hederâ coronatas habent: ipse tamen, quamvis poëta sim rudis ac pœne rusticus, ad vaturn sacram ædem hoc meum carmen affero. Quis docuit psittacum pronuntiare tam expeditè vocem illam Græcam χαῖπε tamquam si sua et naturalis esset? Quis docuit corvum e cavo et rauco gutture proferre vocem hanc, Salve? Quis picas docuit, nostras hominum vo-*

do in Parnasso dormiret, vidisse in somnis Homerum, qui affirmaret suam animam in ipsius Ennii corpus transmigrasse, et ita se poëtam repentè, parem Homero, factum.

4. *Heliconidasque.* Musas ita dictas ab Helicone, monte Bœotiae, non procul a Parnasso.

*Pirenen.* Pirene, fons Musis sacer, fuit e monte Acrocorintho, ad cujus radices Corinthus, Græciæ civitas, est. Ita dictum ferunt a Nympha quadam Pirene, quæ cum dolore amissi filii contabesceret, in fontem a Neptune mutata est. Pallidam autem Persius vocat, quia poëta nimio studio impalescunt.

5. *Quorum, etc.* Poëtis præstantioribus imagines et statuæ ponebantur, hederâ coronatæ; quod hedera Bacco sacra sit, cujus in tu-

tela sunt poëtæ. Sequacem autem hederam appellat, quia facilè adhærescit, et ramulis suis ad arborum fastigia proripit.

*Lambunt.* Ambiunt.

6. *Semipaganus.* Pagani sunt rustici, qui in pagis habitant, et ab urbanis ut barbari et profani contemnuntur. Semipaganus est, semirusticus, semidoctus.

7. *Sacra vaturn.* Intelligit ædem Musarum et Apollinis, ab Augusto exstructam, ad quam poëtæ sua deferre opera solebant, ut ibi servarentur.

8. *Psittaco.* Docentur psittaci pronuntiare voces illas, *Ave, Salve, etc.* quibus Dominos, domum subeuntes, salutent.

*Suum χαῖπε.* Quasi propriam aviculis istis salutandi rationem. χαῖπε significat *Ave.*

9. *Corvos.* Augustus ab

Picasque docuit verba nostra conari?  
Magister artis, ingenique largitor  
Venter, negatas artifex sequi voces.  
Quod si dolosi spes refulserit nummi,  
Corvos poetas et poetrias picas  
Cantare credas Pegaseum melos.

10

15

*ces cum labore et conatu exprimere? Certè id docuit fa-  
mes et venter jejunos, qui omnes artes addocet, et inge-  
nium largitur etiam brutis, et avibus, qui dociles illas  
et ingeniosas facit ad consequendas et exprimendas voces  
humanas, quas natura ipsis negavit. Quod si lucri spes  
affulgeat, si sperent homines indocti et egentes posse scri-  
bendo ditescere; statim corvi fient etiam poetæ, et illæ  
garrulæ atque absurdæ picæ, instar poetiarum, ita ca-  
nent suaviter, ut audire te credas melos, quale in Par-  
nasso ipso potest audiri suavissimum.*

Actiaca victoria cum redi-  
ret, occurrit illi Romanus  
civis, corvum manu tenens,  
qui hæc humana verba pro-  
tulit, *Ave Cæsar victor*. Cor-  
vum hunc Augustus emit  
2000 nummum, hoc est  
2000 libris Turonicis. *Ma-  
crob. lib. 2, cap. 4.*

12. *Artifex sequi, etc.* Qui  
venter instar periti artificis,  
dat facultatem feris et avi-  
bus, ut assequantur voces hu-  
manas, ipsis a natura non  
concessas.

13. *Dolosi.* Quo homines,  
ut escâ dolosâ, capiuntur.

14. *Corvos.* Corvi fient poë-  
tæ, et picæ poetriæ; nec tan-  
tum loqui hominum more  
discent, sed versus, instar  
poëtarum facient, et melos  
Pegaseum canent, hoc est,  
carmina dulcissima et opti-

ma, qualia sunt, quæ elabo-  
rantur ad Pegasi fontem. *Sen-  
tentia esse etiam hæc potest:*  
poetæ non minus inepti ad  
canendum, quam corvi, et  
poetriæ non minus insulsæ,  
quàm picæ, tam audacter  
scribent carmina, tam fiden-  
ter illa recitabunt, ut credas  
te audire opera omnibus nu-  
meris absoluta.

15. *Cantare credas.* Subau-  
di posse: adeo potens est lu-  
celli cupido, durisque urgens  
in rebus egestas.

*Pegaseum.* Egregium car-  
men, quale composuerit is  
qui ex Hippocrene biberit.

*Melos.* Hic primam sylla-  
bam producit, ut in eadem  
voce Græca Homerus pro-  
duxit, et Ennius in eadem  
Latina.

## SATIRA PRIMA.

*Invenitur in varia poetarum et oratorum vitia.*

O Curas hominum! o quantum est in rebus inane!

A. Quis leget hæc? P. Min' tu istud ais? A. Nemo Hercule. P. Nemo?

A. Vel duo, vel nemo: turpe, et miserabile. P. Quare?

Ne mihi Polydamas, et Troiades Labeonem

O ineptas hominum curas! o quantum inanitatis in rebus humanis est! Quis hæc, o Persi, quæ tam præclare incipis, leget? Tune, o amice, me alloqueris? tune mihi istud dicis? Ita est, teipsum alloquor; nemo ea leget profectò. Itane est, nemone ista leget? Duo ad summum, ea legent, vel potius nemo unus leget: quod sanè indignum est et miserabile. Cur autem? Scilicet vereris ne Labeonem, insulsum poetam, Nero ac Romani mihi præferant? quasi verò ea me ratio deterreret a scribendo debeat. Erras, si, in æstimandis rebus, standum

1. O curas hominum, etc. Fingitur Persius satiram inchoare ab hoc versu; tum supervenire aliquis a quo interpelletur subito, et a scribendo deterreatur, eo nomine, quod quæ scribit, a nemine legenda sint.

3. Vel duo, vel. Quidam hæc verba Persio tribuunt, quasi diceret, vel duo vel tres ista legent; tum amicus responderet: nemo unus leget.

4. Ne mihi Polydamas. Scilicet verebor quod olim Hector veritus est; ne, etc. Legunt nonnulli næ, id est, certè. Polydamas. Sumptum est hoc ex Iliadis, lib. 22,

ubi Hector statuit in singulare certamen cum Achille descendere, atque ne id faciat, vereri se reprehensionem Polydamantis, ac Trojanarum. Eadem allegoriâ utitur Cicero ad Atticum, ubi per Troiades seu Trojanas, Romanos imbelles et effæminatos intelligit. Persius nomine Polydamantis Neronem putatur designare qui se inter poëtas numerari gaudebat, deque aliorum carminibus ferre sententiam. Itaque cum sibi Lucanum præferri cerneret, eum mori jussit.

Labeonem. Attius Labeo ineptus poëta. Infra nota 47.

Prætulerint?

Prætulertnt? nugæ. Non si quid turbida Roma  
 Eleuet, accedas, exameneve improbum in illa  
 Castiges trutina. Nec te quæsiueris extra.  
 Nam Romæ quis non? Ah, si fas dicere! sed fas;  
 Tunc, cùm ad canitiem, et nostrum istud vivere  
 triste

Adspexi, et nucibus facimus quæcumque relictis, 16

*putas iudicio Romanorum. Non, si quid illi contemnunt, accedere debes ad eorum opinionem, aut de illorum iudicio, tamquam de iniqua trutina, reprehendendo admodum laborare. Noli te quærere extra te; noli te ex aliorum iudicio et sensu potius quàm ex tuo æstimare. Nam Romæ quis non est rerum iniquus æstimator? Cujus iudicium, cujus vita non est corruptissima? Ah! si mihi fas esset vitia Romanorum insectari liberè! Cur autem non licet! nonne fas videtur esse, cùm intueor ipsorum senum occupationes, et vitam gravitatis et virtutis, in speciem, plenam? ubi adspicio ea scelera quæ admittimus, cùm pueritid egressi sumus, cùm graves et severi existimari volu-*

5. *Turbida Roma.* Turbidos autem Romanos vocat qui non ex ratione sed ex perturbatione vitiosa tenerè ac turbidè iudicent.

6. *Elevet.* Elevare interdum est, extollere, augere; interdum minuere, criminari, damnare, ut hoc loco.

*Examen.* In libra est jugum, seu transversum ferrum, ex quo hinc inde pendent lances. In medio jugo prominet acumen ferreum, seu stylus, aut lingula: includitur autem illa lingula in oblongo foramine, quod est in ansa, quâ libra tota tenetur manu: in quo foramine si se lingula contineat, neque huc vel illuc vergat, intelligitur esse libra in æquilibrio. Castigare autem examen, est, digito libràm, seu libræ jugum per-

cutere et compescere, ut temperetur ac post agitationem conquiescat, et quo vergat examen, cognoscatur.

7. *Trutina.* Propriè est illud foramen, intra quod libratur bilancis lingula de qua mox. Hic sumitur pro tota *balance*.

9. *Canitiem.* Vel significat reverà senectutem, vel gravitatem quamdam senilem, quam Romani affectabant, ut virtutem simularent.

*Nostrum vivere.* Nostram vivendi rationem: Græca locutio est. Græci enim infinitivo verbi utuntur pro substantivo nomine.

10. *Nucibus, etc.* Pueri nucibus delectantur: itaque nudes reliquisse est, ad grandiore ætatem pervenisse.



Cum sapimus patruos; tunc, tunc, ignoscite.

A. Nolo.

P. Quid faciam? sed sum petulanti splene cachinno:

Scribinus inclusi, numeros ille, hic pede liber  
Grande aliquid, quod pulmo animæ prælargus  
anhelet.

15 Scilicet hæc populo, pexusque, togæque recenti,  
Et natalitiâ tandem cum sardonychæ albus,

*mus, et censores adolescentum esse tunc, tunc mihi temperare non possum quin satiram scribam: parcite, o Romani, si vestros mores insector. Abstine porro, nolo scribas quidquam. Quid faciam igitur? silebone? sed sum adrisum et dicacitatem propensior, abstinere me non possum. Scribimus, in museum abditi, alius versibus, alius soluta et libera pedibus oratione; scribimus, inquam, aliquid sublime et ampullatum, quod anhelanti pulmone et voce contentâ recitemus. Nimirum tu populo hæc leges e loco superioris, pexis capillis, et recenti veste, eâque candidâ et nitidâ indutus, gerens annulum insignem grandi gemmâ, qualem die tuo natali gestas; postquam tibi fauces aliquâ*

11. *Cum sapimus, etc.* Id est, cum imitamur patruos. Patruus fere sunt severi in suos nepotes; itaque patruus pro castigatore et censore juniorum sumitur, ut nepos pro libidinoso et prodigo.

12. *Quid faciam?* Respondet Persius; at mihi temperare non possum.

*Petulanti.* Is dicitur petulans qui hunc et illum absque pudore petit.

*Splene.* Splen sedes risus esse dicitur, ut iræ jecur.

*Cachinno.* Est hic nominativus casus, cachinno, cachinnonis; et significat derisorem hominem in cachinnos effusum.

13. *Scribimus.* Cohærent ista cum primo versu: *O curas hominum, etc.* Undecim

versus inter hunc et primum interjecti, legendi sunt velut intra parentheses. Insectatur poetas inanem gloriam putidè aucupantes; idque in sua persona, quod magis est satiricum.

*Numeros.* Versus, qui pedibus ac numeris adstricti sunt.

14. *Animæ prælargus.* Anima hic pro spiritu et anhelitu sumitur: pulmo animæ prælargus est: pulmo amplius, ac multo spiritu abundans, qui vocem ingentem emittit, etc.

15. *Scilicet hæc populo.* Excipit satiricè Persius: nempe auram popularem captas scriptitando et recitando, et magnam eruditionis opinionem affectas.

16. *Sardonychæ.* Sardonyx est gemma subrubra et sub-

Sede leges celsa, liquido cum plasmate guttur  
 Mobile collueris, languenti fractus ocello?  
 Tun', vetule, auriculis alienis colligis escas?  
 Auriculis, quibus et dicas cute perditus, ohe! 20  
 Quò didicisse, nisi hoc fermentum, et quæ semel  
 intus  
 Innata est, rupto jecore, exierit caprificus?

*dulci potione laveris, ut vox sit tua liquidior et clarior? atque ipse oculis procacibus parum decoros gestus edes inter recitandum? Tunc, o senex infelix, componis versus tantum ad inescandas hominum aliorum aures et delectandas? hominum, inquam, a quibus ipse, quamvis gloriæ avidissimus, tamen adeo putide lauderis, ut inflatus istis laudibus immodicis, ac propè rumpendus, cogaris dicere, ohe, desinite. At, inquis, quò pertinet didicisse et scire aliquid, nisi erumpat ista scientia, ut fermentum quoddam, et exundet ad aliorum cognitionem et famam? nisi latens imò in pectore innata gloriæ cupiditas, ut caprificus, exeat foras et emergat? En igitur, o vates in-*

*candida, colorem habens Sardii lapilli, qui rubeus, et Onychis, qui fere albus est.*

*Albus.* Vel, indutus veste candida, recenti, splendida: vel, si magis placet, ob metum et pallorem exallescens initio dicendi.

17. *Plasmate.* Græca vox est, *portionem* significans, aut *aliquid medicaminis*, quo vox mollis ac lubrica redditur, et quasi fingitur.

18. *Mobile.* Expeditum et tractabile, ad vocem sine asperitate traducendam.

19. *Colligis escas.* Escas, sive epulas, auribus, oculis dare, est oculos auresve aliquâ re suavi oblectare et quasi pascere.

20. *Cute perditus.* Is propriè sic appellatur, qui laborat aquâ intercute: transfer-

tur ad inanis gloriæ cupidum, qui laude numquam satiatur, ut hydropicus aquâ. Potest etiam ducta esse tralatio ab utre cujus pellis nimium inflata dirumpitur.

*Ohe.* Eâ voce utebantur, cum alicui rei finem esse impositum significarent.

21. *Fermentum.* Intelligitur per fermentum *eruditio*, quæ poëtam inflat ac tumidum facit, (ut farina fermento intumescit) adeo ut eam intra se continere nequeat, quin ostendet aliis.

22. *Caprificus.* Est *ficus sterilis*, quæ nascitur in parietibus et saxa disjicit. Notat hic inanem illam et sterilem doctrinam, quam gloriæ cupiditas foras profert ad ostentationem, non sine poëtæ damno et ignominia.

- En pallor, seniumque : o mores ! usque adeone  
Scire tuum nihil est, nisi te scire hoc sciat alter ?  
25 At pulchrum est digito monstrari, et dicier : Hic est.  
Ten' cirratorum centum dictata fuisse,  
Pro nihilo pendas ? Ecce inter pocula quærunt  
Romulidæ sature, quid dia poëmata narrent.  
Hic aliquis, cui circum humeros hyacinthina  
læna est,  
30 Rancidulum quiddam balba de nare loquutus,  
Phyllidas, Hypsipilas, vatum et plorabile si quid

*lix, cur libris impallescas? cur te componendo maceres ac fatiges? o tempora, o mores! adeone tuā scientia nihil est nisi ab aliis cognoscatur, nisi eruditus habearis? At gloriosum est designari digito; audire, qui dicant de te: Hic ille poëta egregius est. Nonne magnum quiddam est versus tam bonos condere, ut magistri eos dicent plurimis adolescentibus nobilibus quos instituunt? Ecce Romani mediis in conviviis poti et pransi rescire cupiunt quid contineant egregia poetarum bonorum carmina. Tum aliquis indulus eleganti veste coloris violacei, partem quamdam insulsi carminis recitat balbutiens et loquens naso magis quam ore; ac versus de Phyllide, Hypsipile, et aliis tra-*

23. *Senium.* Vel ridet poëtam, qui ætate jam decrepitā gloriolam aucupetur : vel, sumitur hic *senium*, ut sæpe, pro *vultu severo, austeriore vitæ, labore et sollicitudine*, quæ se fatigant poëtæ in condendis carminibus.

26. *Cirratorum.* Cirri sunt capilli crispatis, vel naturā, vel arte et calamistro, in annulos implexi et cincinnos. Itaque cirrati sunt juvenes eleganti comā; pexā, et comptā cæsarie.

*Ten' dictata fuisse?* Tuane opera argumentum esse thematum, quæ componenda, vel memoriæ mandanda traduntur litteratis juvenibus, an id, inquam, spernis?

28. *Dia.* Id est, divina, polita, perfecta.

29. *Hyacinthina.* Ejusdem coloris, cujus est flos Hyacinthus, nempe violacei. Læna est vestis villosa, quæ aliis imponitur, quæ utebantur in conviviis.

30. *Rancidulum.* Metaphora a carnibus ad corruptionem vergentibus : hic denotat aliquid insulsum.

*Balba.* Balbus est, qui vitio linguae voces male exprimit. Quod autem est oris proprium, tribuitur hic naribus, per quas nonnulli turpiter emittunt spiritum inter loquendum.

31. *Phyllidas.* Phyllis, Lycurgi Thracium Regis filia,

Eliquat, et tenero supplantat verba palato,  
 Assensere viri: nunc non cinis ille poëtae  
 Felix? non levior cippus nunc imprimit ossa?  
 Laudant Convivæ: nunc non e manibus illis,  
 Nunc non e tumulto, fortunataque favilla  
 Nascentur violæ? Rides ait, et nimis uncis

35

*gicis argumentis, molliculâ et liquidâ voce recitans, verba frangit atque abrupit, ea palato molliter illidens: assentiunt illi convivæ et applaudunt. Age, nonne ille poëta post istos plausus habet unde sibi gratuletur, speretque famam sui nominis etiam post cineres mansuram? nonne tumuli terra ipsi levis esse debet? an non ex ejus sepulcro flores et violas nascituras arbitraris? Rides; dicet ali-*

Demophoontem Thesei filium amabat. Is ad Trojam profectus, cum seriùs quam promiserat, rediret; illa spre tam se suspicata, laqueo sibi fauces præclausit.

*Hypsipilas.* Hypsipile fuit filia Thoantis, Regis Lemni, quæ cum duos ex Jasone liberos suscepisset, ab eo spre ta et destituta fuit.

*Plorabile.* Si quod lamentabile argumentum a vatibus pertractatum est.

32. *Eliquat.* Eliquare propriè est, vinum aut alium quempiam liquorem per saccum transmittendo defæcare et percolare, liquidum facere. Sic poëta per fauces certo modo verba transmittit, ut puriora et liquidiora fluant.

*Supplantat.* Hoc de athletis propriè dicitur, qui alterum cum quo luctantur, supposito pede dejiciunt ac subvertunt; ita recitator ille syllabas ultimas suppressit ac decurtat.

33. *Assensere viri.* Applaudunt statim omnes, et pro-

bant indignas hasce recitandi rationes.

*Cinis ille, etc.* Cum aliquem beatum esse significabant, dicebant ejus cineres quietos fore, terram leviter ejus ossa pressuram, ex ejus sepulcro flores nascituros.

34. *Cippus.* Lapis est, vel saxea columella, quæ sepulcris imponi solet, cum aliquo elogio et inscriptione.

*Imprimit.* Premit, onerat.

35. *Manibus.* Manes propriè sunt animæ mortuorum. Hic pro sepulcro vox hæc ponitur, quia existimabant veteres mortuorum animas sive umbras, ut vocabant, circa tumulos errare.

36. *Favilla.* Est cinis calidus ignem tegens: bustum intellige, quo inortui poëtae cadaver crematum est. Possunt autem hæc intelligi omnia, vel de poëta qui carmen recitavit, vel de alio poëta qui ea carmina scripserit, quæ a nobili recitentur in convivio.

37. *Uncis naribus.* Qui ridet effusè, solent nares ex-

Naribus indulges. An erit qui velle recuset

Os populi meruisse? et cedro digna loquutus,

40 Lingere nec scombros metuentia carmina, nec  
thus?

Quisquis es, o, modò quem ex adverso dicere feci,  
Non ego, cùm scribo, si fortè quid aptius exit,  
(Quando hæc rara avis est) si quid tamen aptius  
exit,

Laudari metuam, neque enim mihi cornea fibra est:

45 Sed recti finemque extremumque esse recuso,  
Euge tuum, et Belle. Nam bellè hoc excute totum,

*quis; ista per jöcum loqueris, et ut poëtas irrideas. Equis est tam vecors, ut nolit mereri laudem et famam populi? et cùm ea scripserit, quæ in cedrinis scriniis mereantur asservari, non gaudeat relinquere posteritati carmina egregia, quæ non metuant ne deferantur ad salsamentarios, ad conficienda mercibus involucria? O tu, quisquis es, quem induxi hæc tecum modò loquentem, non is sum quæ laudem omnem respuam, si quid paulò concinnius a me scriptitatum in lucem exierit (quamquam hoc admodum rarum est) neque enim adeo sum stupidus, ut laudis sensu caream: sed nego laudem ipsam et illas preclaras acclamationes, Euge, bellè, quibus poëta excipitur, spectandas esse tamquam finem vati bono propositum.*

tremas attollere et corrugare.

39. Cedro. Hæc arbor cariem non sentit, ut etiam cupressus; immo quæcumque illinuntur succo cedri, sunt carie tineisque immunia.

40. Scombros. Sombri sunt viles pisciculi; qui solent ineptis chartis et inutilibus involvi, ut aliæ id genus merces, v. g. thus.

41. Quisquis es. Sunt verba Persii, quibus eleganter distinguit finem rectè facti. Dicitque se non respuere laudem virtuti numquam non adjunctam, non tamen eam spectare velut ultimum finem.

43. Rara avis. Phœnicem indicat famosam illam avem, quam in orbe toto unicam esse Plinius scribit; vel, inusitatas aves aut peregrinas, qualis est corvus albus, cygnus niger.

44. Fibra. Hic pro jecore sumitur quod multas habet fibras, et in quo voluptatis et doloris sedes ponitur; vel pro corde. Corneum autem hic, est, sensus expert, durum, quod amore landis non tangitur: cornu enim sensu caret.

46. Euge, bellè. Duas illas assentatorias voces quas tanti facis.



Quid non inus habet? Non est hîc Ilias Atti,  
 Ebria veratro: non si qua elegidia crudi.  
 Dictarunt proceres, non quidquid denique lectis  
 Scribitur in citreis. Calidum scis ponere sumen: 50  
 Scis comitem horridulum tritâ donare lacernâ:  
 Et, verum, inquis, amo, verum mihi dicito de me:  
 Qui pote? Vis dicam? nugaris, cùm tibi, calve,  
 Pinguis aqualiculus protenso sesqui pede extet.

*Expende enim illas adulantium voces; quid inanitatis non habent? ab ejusmodi plausu captando longè absum. Non scribo carmina similia Iliadi Attii Labeonis, qui multo elleboro bilem purgare solet, atque ingenium excitare: non molles elegias condo, quales poti et pransi nobiles, inter vina componunt: non alia id genus carmina, quæ vates locupletes in lectulis e citro factis scribunt. Tu, o poëta dives, nosti amicos adulatores convivio excipere; asseclæ et comiti tuo vestes donare: tum sic cum alloqueris: Amo verum, dicito mihi quid sentias verè de meis carminibus. At quo pacto potest iste, tuis ornatus muneribus, verum tibi de te dicere? Vis dicam ego? aio te meras nugas et ineptias scribere: nec mirum, cùm totus saginâ et adipe diffluas, et venter obesus tibi promineat uno pede ac di-*

47. *Ilias.* Poëma de excidio Trojæ, quæ dicebatur etiam Ilium.

*Atti.* Attius Labeo poëta insulsus, Neroni nihilominus carus, tum eo quòd Homeri totam Iliadem ad verbum converterit in sermonem Latinum, licèt inornatè et ridiculè.

48. *Veratro.* Veratrum est album elleborum, quo purgatur cerebrum, et ingenium acuitur.

*Elegidia.* Parvas elegias.

*Crudi.* Laborantes cruditate stomachi, ob nimium cibum et indigestum.

49. *Lectis.* Solebant poëtæ recumbentes in lectulis scriptitare: fiebant autem e citro,

arbore pretiosâ, divitum lectuli.

50. *Sumen.* Quasi sugimen, est mamma suis: ex quâ fiebat genus farcininis, Romæ olim in deliciis habitum.

*Ponere.* Hic, est apponere, epulandum dare.

51. *Horridulum.* Frigore trementem.

53. *Qui pote?* Quomodo id fieri potest? nempe ut verum tibi de te dicat. Pote neutrum est a latino veteri vocabulo Potis, et hoc pote, id est, potens, sive possibilis et hoc possibile.

*Calve.* Irridentis est: ineptum ac hebetem notat.

- 55 O Jane, a tergo quem nulla ciconia pinsit,  
 Nec manus auriculas imitata est mobilis albas;  
 Nec linguæ, quantum sitiât canis Apula, tantum.  
 Vos, o Patricius sanguis, quos vivere fas est  
 Occipiti cæco, posticæ occurrите sannæ.

*midio protensus. O felicem Janum, qui, cum haberet geminum vultum et oculos in occipitio, non poterat a tergo illudi, sive aliquis, rostrum ciconiæ porrectis digitis imitatus, eum quasi tundere ac vellicare isto rostro fingeret; sive admoto ad aures pollice et reliquam manum movendo, asininas aures repræsentaret; sive linguam tantam exereret quantam canes exerunt in Apuliâ per æstatem. At vos o Romani nobiles, quibus licet honestè vivere, et cum dignitate, videte ne quis adulator vos imprudentes a tergo*

54. *Aqualiculus.* Vas est quo escam porci sorbent; item ipsius porci venter: hîc pro ventre obeso ponitur, qui in anteriorem partem surgeat: homines autem crassi et pingues vix ingeniosi sunt.

55. *O Jane.* Janus, Italiæ Rex antiquissimus, quod esset prudentissimus, ac præteritorum memoriâ uteretur ad providentiam futurorum, *bifrons* appellatus est, ac *duplicem vultum habere* dictus *adversum et aversum.*

*Ciconia.* E digitis, altero, quem indicem vocamus, extento, altero subjecto, nempe pollice; ciconiæ rostrum exprimitur. Primum derisionis genus.

*Pinsit.* Pinsere, est crebrè tundere, ut aves quæ rostro aliquid percutiunt. Hinc pistior, qui farinam tundendo subigit.

56. *Nec manus auriculas.* Alterum est derisionis genus, appositis ad tempora pollici-

bus, alios digitos et reliquam manum movere eo modo quo asinus movet aures.

*Albas.* Asini aures introrsum pilis albis sparsæ sunt.

57. *Nec linguæ, etc.* Ordo est: nec sanivio quispiam imitetur tantum linguæ, seu linguam tantam, tam longè extensam quantum porrigit sitiens canis Apula.

*Apula.* Apulia est regio Italiæ sicca et arida.

58. *Patricius sanguis.* Primi Senatores a Romulo creati, vocati sunt *Patres*, et eorum filii, *Patricii*: sumitur hîc pro quibuscumque nobilibus.

*Vivere.* Quos nulla res, non ignobilitas, non rei familiaris angustia, cogit famam indecorem captare, adulatoribus servire.

59. *Occipiti, etc.* Occurrite illis sannis, vitate ludibria et cavete, quæ fiunt illis qui habent cæcum occiput, qui carent oculis in posteriore capitis parte.

*Posticæ Sannæ.* Sanna fit,

Quis populi sermo est? quis enim? nisi carmina 60  
molli

Nunc demum numero fluere, ut per læve severos  
Effundat junctura ungues? Scit tendere versum  
Non secus ac si oculo rubricam dirigat uno:  
Sive opus in mores, in luxum, et prandia Regum  
Dicere, res grandes nostro dat Musa poetæ. 65

*irrideat. Petitis v. g. ab ejusmodi assentatoribus quid dicat populus de vestris carminibus. Enimvero (illi respondent) quid potest aliud populus dicere, nisi ea carmina esse admodum numerosa et profluentia, adeo lævia et polita, ut eorum juncturae ne deprehendi quidem possint, ungue admoto et impresso? adeo exactè composita, ut nulli fabri lignarii rectius notent rubricæ lineas in trabibus, oculo uno aperto, altero clauso. Dicent Musas vobis favere scilicet, ac, sive in mores, sive in luxum et divitum sumptus profusos scribatis, vos id egregiè ac splendidè facere. Vide-*

cùm aliquis alium irridet contorto vultu, labiis contractis, etc. *Posticus, postica, posticum*, est id quod a tergo fit; anticum, quod ante oculos.

60. *Quis populi sermo est?* Verba Poetæ vanæ gloriæ cupiditate extectati. Quid de meis versiculis sentit populus? inquit.

*Quis enim?* Quis alius possit esse populi sermo, etc. Responsio adulatoris.

61. *Ut per læve, etc.* Ordo est: ita ut junctura effundat per carmen politum et læve, ac transmittat severos ungues. Artifices et marmorarii hinc intelligunt bene juncta esse duo marmora, si ungues commissuram explorantes non adhærescant, sed inoffensi effundant se in politum marmor et transmittantur suprâ juncturas, quasi nullæ essent.

62. *Scit tendere.* Hoc populus de illo poetâ dicere fingitur ab adulatore: tam peritè scribit versum, nihil ut in eo curvum et pravum sit: non secus ac si faber lignarius, alterum oculum claudens, supra trabem funiculo dirigat lineam et eam rubricâ, seu terrâ rubrâ notet.

63. *Rubricam.* Genus est terræ fossilis, coloris rubri. Rubrica est utilis ad notandas lineas, Architectis, etc.

*Oculo dirigat uno.* Metaphora a fabris, qui lineam ducturi rectam, et hanc seu cretâ seu rubricâ notaturi, alterum claudunt oculum, ne radii visuales distraherentur, et aberrent.

64. *Prandia Regum.* Vel Regum nomine Romanos divites intelligit, ut sæpe Juvenalis; vel illas tragicas Atrei et Thyestæ epulas significat.

Ecce modò heroas sensus afferre videmus,  
 Nugari solitos Græcè: nec ponere lucum  
 Artifices, nec rus saturnum laudare, ubi corbes,  
 Et focus, et porci, et fumosa Palilia fœno:

- 70 Unde Remus, sulcoque terens dentalia, Quincti,  
 Quem trepida ante boves Dictatorem induit uxor,  
 Et tuâ aratra domum lictor tulit. Euge poëta.  
 Est nunc Brisei quem venosus liber Acci:

*mus nunc in tractandis heroicis argumentis versari, et graves sententias proferre, illos qui vix commodè levia quædam argumenta, ut odas, epigrammata et alias ejusmodi nugas, Græculorum more, scribere poterant: qui vix habebant satis industriæ, et artificii poëtici ad describendam sylvam aliquam amœnam, aut ad laudandum rus fructuum copiâ redundans, et rusticorum vasa viminea, focum, festa celebrari solita in honorem Palis Decæ rusticorum, in quibus accenduntur pyræ e fœno et stipulis cum ingenti fumo: quo ex rure orti sunt Remus et Romæ urbis proceres, et tu, o Quincti Attili Cincinnate, qui terram arabas, cum te uxor, Dictatoris insignibus ante ipsum tuum aratrum induit, atque aratrum lictores domum tuam retulerunt. Perge, o Poëta imperitè, versare in magnis argumentis, qui ne ista quidem minuta tractare cum dignitate potes. Sunt, qui delectentur legendis et imitandis Accii libris asperis et salebrosis, et tragœdiâ Pacu-*

66. *Ecce modo, etc.* Secundum Poëtarum vitium agitat: quod argumenta suis viribus imparia sumant ad scribendum.

69. *Palilia.* Hæc festa celebrantur xx Cal. Maias, quo die urbs a Romulo condita credebatur: et ignem e fœno conflatum pastores transliebant, ita se expiari arbitrantur.

70. *Dentalia.* Dentale est pars aratri, in qua est vomer, qui dentis instar tellurem mordet, ac sulco atteritur.

*Quincti.* Quinctium Attium, qui Cincinnatus et Serranus etiam cognominatus

est, Romani Dictatorem bello Samnitico creaverunt, in agro terram colentem. Is ad bellum profectus, Consulem Romanum ab hostibus obsessum liberavit, hostium Ducem accepit in deditionem, et confecto post 16 dies bello, ad aratrum rediit depositâ Dictaturâ.

71. *Trepida.* Rei novitate perculsa: vel festinans et sedula.

73. *Est nunc, etc.* Tertium quoddam poëtarum vitium insectatur, qui antiquam et obsoletam scribendirationem affectabant.

*Brisei.* Briseus est Bacch

Sunt quos Pacuviusque, et verrucosa inoritur  
Antiopa, ærumnis cor luctificabile fulta.

Hos pueris monitus patres infundere lippos

Cum videas, quærisne, unde hæc sartago loquendi  
Venerit in linguas? unde istud dedecus, in quo

75

*vii, quæ Antiopa dicitur, stylo inculto et inæquali scripta, quam Antiopam Pacuvius dicit habere cor luctificabile fultum ærumnis. Cum autem videas patres jam senes hortari pueros et monere ut ejusmodi poemata legant, non mirabere, si Latinus sermo nunc tam corruptus est ac mixtus verbis obsoletis, si est plenus etiam vocibus turpibus et propudiosis, quas Romani juvenes culti et polituli audiunt*

epithetum, ita dicti ab quodam loco in Lesbo insula, ubi colebatur, vel a voce Græca, quæ tumidum et æstuantem sonat: ita vocatur Accius poëta, vel quia poëtæ sunt in tutelâ Bacchi, vel quia tragici poëtæ solent desævire atque ampullari vehementius.

*Venosus.* Inæqualis, turgidus: ut venæ, quæ in summâ cute exstantes, tortuosæ et inæquales sunt.

*Acci.* Fuit Accius poëta vetus, æqualis Pacuvii: tragœdias scripsit summâ sententiarum gravitate, duriori tamen stylo.

74. *Pacuvius.* Poëta fuit Italus antiquissimus, Ennii nepos, tragicorum apud Latinos princeps.

*Verrucosa.* Verruca est exiguum tuber, quod in articulis digitorum enascitur instar nodi. Significatur tumidus hujus tragœdiæ stylus inæqualis, et horridior.

75. *Antiopa.* Fuit uxor Lyçi Thebanorum Regis, ma-

ter Amphionis et Zethi, quæ a Jove grvida cum esset, repudiata est a Lyco, qui Dirce duxit: ea Dirce crudelem in modum Antiopam vexavit: hinc ærumnarum illius causa, quibus ita erat oblita, ut iis fulciri et stare dicatur.

*Ærumnis fulta.* Id est, suis se miseriis sustentans, indurans: vel circumcincta calamitatibus. Metaphera, quam ex ipso Pacuvio depromptam hic reprehendi nonnulli autumant: sicut et vocem *luctificabile*.

76. *Hos pueris monitus.* Nempe ut veteres Poëtas secutentur.

77. *Sartago.* Est patella ferrea ore amplo, modico margine, in qua carnes, pisces et farcimina frignantur ac torrentur: sumitur hic pro confusione verborum obsoletorum et mixtione.

78. *In linguas.* In communem hominum sermonem.

*Dedecus.* Loquendi corruptela.



Trossulus exsultat tibi per subsellia lævis.

80. Nilne pudet capiti non posse pericula capo  
Pellere, quin tepidum hoc optes audire, *Decenter?*  
Fur es, ait Pedio: Pedius quid? crimina rasis  
Librat in antithetis, doctas posuisse figuras  
Laudatur: *Bellum hoc*. Hoc bellum? an, Romule,  
ceves?

85. Men' moveat quippe, et cantet si naufragus, assem  
Protulerim? cantas, cum fractâ te in trabe pictum

*summa cum voluptate. Non te pudet, o Causidice, quod nequeas causam alicujus miseri senis periclitantis defendere, quin laudari velis, quin captes, et aucuperis frigidam illam vocem applaudentium, Bellè ac decenter dixit? Dicit Pedio accusator: Tu es fur. Quid Pedius respondet? nempe figuras et antitheses adhibet: tum, quæ sibi obijciuntur crimina, ita periodicè ac numerosè exponit, refellitque, ut ea librare et quasi in trutinâ appendere videatur, non sine auditorum laude: Pulchrè, inquiunt, et bellè. Hoc-cine pulchrum et bellum ducitis? Non vos pudet, o Romani, huic oratori adblandiri? An me ad commiserationem flectat naufragus, qui cantet, cum flere potius debeat? egone stipem illi dederim? Fers in humeris tabellam, in*

79. *Trossulus*. Equites Romani dicti sunt *Trossuli*, vel qui Trossulum Etruriæ oppidum olim sine peditum auxilio ceperunt; vel, quasi *Torosuli*, hoc est, pingues et delicati.

*Exsultat*. Applaudit, delectatur, tibi gratulatur.

*Lævis*. Imberbis, politulus comptus, etc.

*Subsellia*. Scamna theatri, in quo recitantur tragœdiæ.

80. *Nilne*. Jam exagitat oratores qui mollem et effeminatam eloquentiam consectantur.

81. *Tepidum*. Vocat assen-  
tationes illas tepidas, quia illis fovetur ambitio patroni; quodam fomento calido.

82. *Pedio*. Pedius Romanus civis, accusatus ab Afris fuit, quod AEsculapii fanum expilasset. Pedius verò hic ponitur pro *Pedii defensore*; quia solent patroni eorum, quos defendunt causam sic tueri, ut si esset sua.

*Rasis*. Quasi dolatis, politis, limatis, bene tornatis.

84. *Ceves*. Cevere est *indecore tergum agitare*, ut canes, cum dominis blandiuntur caudâ. Per Romulum, auctorem Romanæ gentis, quemlibet Romanum intelligit.

86. *Protulerim*. E crumenâ proferam, ut ipsi dom.

*In trabe*. In trabe, quæ tempestate fracta est, porta

Ex humero portes? Verùm nec nocte paratum  
Plorabit, qui me volet incurvasse querelâ.

Sed numeris decor est, et junctura addita crudis.

Claudere sic versum didicit; *Berecynthus Atyn*: 90

*Et qui cœruleum dirimebat Nerea Delphin*:

*Sic, costam longo subduximus Apennino.*

quâ tuum naufragium descriptum est, et indulges cantui. Nec me tamen magis ad misericordiam inflectet suis lacrimis, qui orationem noctu elucubratam, et ad ciendam commiserationem operosè comparatam afferet. Atenim nostri homines, et poëtæ hujus ætatis, rationem scribendi antiquorum, et poësim, quæ durior erat ac parum polita, ornarunt suavi compositione et jungendis pulchrius numeris. Rectè omnino dicis: tales sunt nimirum pulchri illi versus, a nobili poëta scripti, quorum unus ita clauditar ac desinit: Berecynthus Atyn. Tum alter est ejusmodi: Et qui cœruleum dirimebat Nerea Delphin: Itemque tertius: Costam longo subduximus Apennino. At si hæc, o Persi, reprehendis, reprehendendus quoque Virgilius fue-

te pictum: seu portas. tabulam, quæ te repræsentat in navi fractâ naufragium facientem.

89. *Sed numeris.* Id obijcere fingitur, quem in hac satirâ sibi adversarium Persius facit.

*Crudis.* Insuavibus, ut sunt fructus acerbi, et crudi: duros et asperos versus intelligit.

90. *Didicit.* Subaudi, poëta non nemo: ejus nomen tacet; Neronem vulgò suspicantur. Est autem tota ista Persii responsio ironica, in qua reprehendit recentiores Romanos, qui putabant se egregios versus facere, cum duos tresve eodem modo clauderent, cum unum spondacum adhiberent, cum uterentur metaphoris, licet durioribus.

*Atyn.* Atys, puer a Cybele amatus, postea in arborem mutatus ab eadem fuit. Vocatur Berecynthus, quia Cybele in Berecyntho, monte Phrygiæ colebatur; quasi Cybeleus. Porro dicitur Atys seu Attys et Atyn, ut eodem modo versus iste desinat ac sequens; *Et qui cœruleum, etc.*

91. *Et qui, etc.* Et Delphin, qui mare natando dividebat. Hic versus ex Neronis, vel alterius cujuspiani carmine depromptus, de Arione loquitur, quem e navi projectum Delphinus tergo excepit. Nereus Deus marinus, pro mari sumitur; Nerea est accusativus Græcus, pro Nereum.

92. *Sic costam, etc.* Costam Apennino duximus, hoc est, nos Carthaginienses, ut in

*Arma virum* : nonne hoc spumosum et cortice pingui ,

Ut ramale vetus , vægrandi subere coctum ?

95 Quidnam igitur tenerum , et laxa cervice legendum ?

*Torva Mimalloneis implerunt cornua bombis :*

*Et raptum vitulo caput ablatura superbo*

rit, *cujus Æneidos initium hoc*, Arma virumque cano, est similiter atque alia, quæ memorasti, turgidum et instar spumæ inflatum, tam scabrum et siccum quàm cortex arboris aut vetus ramus magni suberis, sole et siccitate excoctus. At ego quæro ex te quid putes tenerum esse, et legendum collo molliter identidem in alterum humerum inflexo? nempe, inquires, isti versus: *Torva Mimalloneis implerunt cornua bombis: Et raptum vitulo caput ablatura*

Italiam penetraremus, latera et rupes Apennini montis ferro et aceto avulsimus. Depromptus versus ex carmine, cuius erat argumentum bellum Punicum. Apenninus autem mons mediam Italiam a septentrione in meridiem secat. Versus autem iste, quamvis molliter fluere videatur, ob spondæum in quinta sede positum, tamen vitiosus est ob metaphoram duriores quàm partem montis costam appellat.

93. *Pingui*. Crasso, inornato.

94. *Ramale*. Ramus siccus, stipes.

*Vægrandi*. Ingenti.

*Subere*. In subere: suber est arbor, cuius cortex admodum siccus et levis est. Quidam hunc versum, *Ut ramale vetus*, etc. volunt esse Persii responsionem laudantis Virgilianum carmen, et illud cum ramo probè cocto, mi-

nimè molli et spumoso, comparantis.

96. *Torva*, etc. Quatuor illi versus excerpti sunt e carmine quodam de Pentheo Rege Thebanorum, qui cum Bacchi orgia irrideret, immisit Bacchus ejus matri furem, quo abrepta nato caput abscidit comitata ceteris Bacchantibus. Sensus est igitur: Bacchantes, in Pentheum irrumpentes, tubas terribiles horribili sono inflarunt: ipsa Penthei mater, nati caput, quem ut vitulum videbat, amputatura, et ceteræ Mænades, habenis ex hedera factis agitantibus lynces, a quibus currus Bacchi trahitur, ingeminant istam vocem, Evion; Echo illis assonat.

*Mimalloneis*. Bacchicis. Mimallones dictæ sunt Bacchantes, a Mimante Asiæ monte, ubi colebatur Bacchus.

*Bassaris, et lynceem Mænas flexura corymbis,  
Evion ingeminat; reparabilis assonat Echo.*

Hæc fierent, si virtutis vena ulla paternæ

100

Viveret in nobis? summâ delumbe salivâ

Hoc natat in labris: et in udo est Mænas, et Atyn,

superbo Bassaris, et lyncem Mænas flexura corymbis, Evion ingeminat; reparabilis assonat Echo. *An ejusmodi versus laudaremus, an faceremus, si quid haberemus masculæ et antiquæ eruditionis ac virtutis? nempe ejusmodi carmen, effœminatum et enerve, pronuntiatur voce, non ex imò pectore viriliter ductâ, sed formatâ in primoribus labris salivâ madentibus, et in ore humido ac blæso versantur ista verba, Mænas, Atyn, etc. Neque ut istius-*

98. *Bassaris.* Bassaris significat mulierem Baccho addictam, Bacchi comitem, et sacrificulam: Bacchus enim Bassareus vocatur a poetis: vel, appellatur Bassaris, a veste Mænadam propria, quæ *Bassaris* dicebatur. Bassaris autem appellatur in hoc loco mater Penthei, quia una erat e Bacchantibus: ipse Pentheus vitulus superbus vocatur, quia contemptor erat Bacchi, et sub vituli specie a matre lymphata videbatur.

*Mænas.* Mænades etiam appellatæ sunt feminæ Bacchi comites, a verbo Græco quod furere significat.

*Flexura.* Bacchus utitur lyncibus pro equis; eas lynces flectere dicuntur et ducere Bacchantes seu Mænades corymbis, id est, ramis hederarum intortis, quibus velut habenis utuntur. Corymbus propriè est fructus hederæ, instar racemi factus.

99. *Evion.* Id est, *Bacchum*: is enim cum prosperè

in Gigantes pugnaret, ab Jove gratulante appellatus est Evios seu Evius, voce græca, quæ bonum filium sonat, aut, Enge fili.

*Reparabilis.* Echo voces loquentium iterat et quasi reproductit ac reparat.

101. *Summâ, etc.* Quæ ore humido pronuntiantur languidiora sunt et ob salivam abundantem vix distincta: in primoribus autem labris plus est salivæ.

*Delumbe.* Id est, *sine lumbis*, et *sine viribus*. Nam in illis corporis maximè robur apparet.

102. *Et in udo est Mænas, etc.* In udo esse et summâ salivâ natate, idem esse videtur. Potest etiam intelligi Persius conqueri quòd Neroniana carmina perpetuò habeantur in ore adulatorum et ineptorum Romanorum; adeoque semper in udo sint et in saliva natent. Quod simplicius est, et magis placet.

Nec pluteum cædit, nec demorsos sapit ungues.

A. Sed quid opus teneras mordaci radere vero

105 Auriculas? vide sis, ne majorum tibi fortè  
Limina frigescant: sonat hîc de nare caninâ  
Littera. P. Per me equidem sint omnia protinus alba;  
Nil moror: euge, omnes, omnes bene miræ eritis  
res.

Hoc juvat? hîc, inquis, veto quisquam faxit oletum:

110 Pinge duos angues. Secuit Lucilius Urbem,  
Te Lupe, te Muti, et genuinum fregit in illis.

*modi versus condatur Poëta, opus est ut pluteum verberet unguesve arrodatur. Quid agis tamen, o Persi, quid necesse est veritatem dicendo aures delicatas hominum vellere et offendere? cave ne procures te suis cædibus excludant, aut certè frigide cunctanterque te accipiant: acerbiores sunt tuæ satiræ: in his sonat ea sæpè littera R, quam canes exprimunt, cum aliquem impetunt, ac ringuntur. Per me verò non stabit, quin morem tibi geram: abstinebo a satiris, omnia laudabo et alba esse pronuntiabo; mira et præclara esse dicam quæ sunt vitiosissima. An hoc tibi placet, o Romane poëta, quisquis es? an jubes ut ea omnia quæ facis, quæ scribis, nemo carpat ac tangat, tamquam si sacer esset locus, ubi angues duo sint pingendi, quibus pueri moneantur ne illius sordibus inquinent? Faciam equidem, discedam ab loco isto sacro. Sed tamen Lucilius Urbis vitia est insectatus in suis satiris, et homines improbos Lupum, Mutium, graviter mo-*

103. *Pluteum.* Pluteus est mensa, sive abacus, in quo Poëta scribit versus: solent autem tundere mensulam vates, ubi carmen e sententia non fit; et cum laborant in scribendo, solent scabere caput, ungues admordere. Quod boni Poëtæ solent. Horatius, Lib. I, Sat. X.... *Et in versu faciendo sæpe caput scaberet, vivos et roderet ungues.*

106. *Caninâ.* Littera canina est R, quam videntur iterare canes irati.

110. *Angues.* Per Angues

designabantur numina et genii locorum præsides; serpens enim æternitatis et immortalitatis est symbolum, quæ dotes Deo maximè conveniunt. Angues parietibus templorum appingebant; ut admonerentur homines sanctum locum esse; ut pueros anguium objectâ specie abstererent.

111. *Genuinum.* Adeò graviter eos momordit, ut sibi dentes fregerit: genuini dentes vocantur, qui sunt majores et proximi genis, unde



Omne vafer vitium ridenti Flaccus amico  
 Tangit, et admissus circum præcordia ludit,  
 Callidus excusso populum suspendere naso.  
 Men' mutire nefas, nec clam, nec cum scrobe? 115  
 A. Nusquam.

P. Hic tamen infodiam: Vidi, vidi ipse, libelle:  
 Auriculas asini quis non habet? Hoc ego opertum

*mordit impacto veluti dente. Ipse Horatius amicis aperit omnia ipsorum vitia ridendo et quasi luderet, in intimos eorum animos pervadit, ut eos rodat, carpatque, facetus vates, et astutus in populo deridendo. Non licebit igitur mihi hiscere, ac vocula mittere? ne clam quidem et in scrobem insusurrando aliquid? Nullo modò id facias. Atqui non obtinebis quin ego in hoc libello, tamquam in scrobe, infodiam istas voces et libello dicam: O libelle, vidi ipse, omnes habent auriculas asini, nemo unus sapit. Hanc*

dicti sunt genuini. Fuit autem Lucilius æqualis Scipioni Africano, oriundus ex Arunca urbe Italiæ; primus poëtarum satiricorum Latinorum.

114. *Suspendere naso.* Deridere vitia populi. Qui alios rident, nasi extremam partem attollunt et alios naso videntur suspensos jactare velle.

115. *Nec cum scrobe.* Alludit ad Midæ fabulam. Is arbiter lectus inter Apollinem, et Pana, aut Marsiam, de cantûs suavitate; Pana, vel Marsiam Apollini prætulit. Apollo iratus aures ipsi asininas dedit; quas ita occultare non potuit, quin tonsor ipsius rem totam cognosceret; eam tamen, propositâ mortis poenâ, vetitus aperire, in scrobem istas voces clam insusurravit, *Auriculas asini Midæ Rex habet; tum scro-*

*bem terrâ operuit. Natæ arundines ex ea scrobe, et vento agitate, voces istas retulerunt. Porro Persius scripserat, auriculas asini Midæ Rex habet; quâ voce Neronem designabat: verum sibi ab eo metuens, versiculum mutavit, de sententia Cornuti sui præceptoris.*

116. *Vidi, vidi ipse.* Erumpit indignatio mea: jam dico id quod vidi non ferendum: o libelle, ego ipse vidi, nec semel vidi fatuum Neronis de carminibus iudicium, simulque tam nobilium Romanorum vel ignorantiam vel adulationem.

117. *Hoc meum opertum.* Has voces, quasi scrobi, ita libello insertas et additas. Adde quòd satira tota est opertum carmen, et mysterii plenum.

- Hoc ridere meum, tam nil, nullâ tibi vendo  
 Iliade. Audaci quicumque afflate Cratino,  
 120 Iratum Eupolidem prægrandi cum sene palles,  
 Adspice et hæc, si fortè aliquid decoctius  
 audis.

Inde vaporatâ lector mihi ferveat aure :

*ego meam arcanam vocem, has meas satiras, quibus hominum vitia ridendo carpere amo, quæ nihil tibi videntur esse, nulliusque pretii, non commutarem cum tota Iliade Attii Labeonis: pluris illas facio. Quicumque hausisti e Cratini scriptis veræ poëseos ideam ac formam; qui impalluisti legendo Eupolide, hominum vitii in senso, et Aristophane; oculos in has quoque satiras meas conjice: si fortè leges in illis aliquid elaboratum accuratius et limatum. Velim ex illa Græcorum lectione præparatum et quasi calefactum lectorem ad mea legenda cupide accedere:*

118. *Hoc ridere.* Satiricam hanc meam reprehensionem, et cachinnos, quibus vitia hominum carpo. Infinitivus, Græco more, pro nomine substantivo positus.

*Tam nil.* Nihil esse dicitur, quod nullius est pretii.

119. *Iliade.* Labeo, poeta insulsus, totam Homeri Iliadem, hoc est, poëma de Trøjæ excidio, ad verbum Latinè converterat ex Græco. Venio autem, ponitur pro *venderem*, id est, malim unam satiram scripsisse, quam Iliadem totam Latinè, ut Labeo, composuisse.

*Audaci, etc.* Ostendit Persius quos lectores suarum satirarum optet.

*Afflate.* Qui ex ea lectione amoris virtutis hauseris, veritatis aurâ et quasi odore fueris afflatus.

*Cratino.* Eupolis, Cratinus, Aristophanes, poëtæ fuerunt

Græci, auctores priscae comœdiæ. Cratinus omnium antiquissimus, Athenis natus est, paulò antè bellum Peloponnesiacum; Aristophanes haud ita multò post Cratinum floruit: exstant ejus comœdiæ facetissimæ. Hunc, senem appellat Persius, vel ob ætatem, vel ob ejus increpando acerbiter. Eupolis eodem vixit tempore, quo Alcibiades, a quo in mare dejectus est, cum eum maledicis versibus proscidisset.

121. *Decoctius.* Metaphora ducta est a fructibus, qui ut maturescant, decoquantur a sole, et acerbiteratem ponunt; vel a vino, quod eò melius est, quò est magis coctum: sic enim purgatur, et austeritatem quamdam ac viriditatem amittit.

122. *Ferveat.* Magno numero et frequens legat: vel magno studio et attentione.

Non hic, qui in crepidas Graiorum ludere gestit  
 Sordidus, et lusco qui possit dicere, lusce,  
 Sese aliquem credens; Italo quod honore supinus 125  
 Fregerit heminas Areti AEdilis iniquas:  
 Nec qui abaco numeros, et secto in pulvere metas  
 Scit risisse vafer: multum gaudere paratus,  
 Si Cynico barbam petulans Nonaria vellat.

*lector meus non sit, quicumque odit ac spernit Græcorum scripta et sapientiam, qui vitio illis verit elegantiam in cultu corporis, et delicatas eorum crepidas irridet, cum ipse sordes et negligentiam in cultu amet: non qui alios carpit, iisque sua vitia protervè objiciens, luscus, qui sunt luscus, appellat; idcirco arrogans et superbus, quod AEdilitate functus in Italice municipio aliquo, verbi gratiâ, Areti, fregerit vasa minora mercatorum, et mensuras iniquiores brevioresque justo: nec qui philosophiam contemnit, et mathematicorum numeros lineasque in pulvere, variis figuris diviso, descriptas irridet, quique voluptatem ex eo longè maximam capit, si meretricem videat philosopho procaciter insultare et barbam vellere. Ejusmodi ho-*

123. *Non hic.* Ne is mihi lector contingat, qui cum animi vitia in Philosophis et doctis nulla deprehendat arguenda, externum eorum habitum saltem irridere amat et delectatur.

125. *Aliquem.* Aliquo in numero et pretio habendum. Sunt qui legunt *aliquid* quod perinde elegans est, et idem sonat.

*Italo honore.* Aliquo Magistratu Romano, v. g. AEdilitate, quâ in municipiis funguntur cives Romani.

*Supinus.* Elatus, superbus.

126. *Heminas.* Mensura est capiens dimidiam sextarii partem.

*Areti.* Pro, *Aretii*: est autem Aretium civitas Tusciae, nunc Arezzo. Vasis fictilibus quondam celebris.

127. *Abaco.* In Abaco; in tabula plana, nigro colore imbuta, in qua mathematici figuras suas cretâ describunt.

*Pulvere.* Suas interdum figuras geometricas et mathematici delineabant in arenâ et pulvere, quem idcirco eruditum pulverem Tullius vocat. Id autem faciebant ut, si quid ab iis non rectè descriptum et delineatum foret, facilius emendaretur.

*Metas.* Lineas, quibus figuræ geometricæ, ut metis et limitibus, terminantur.

129. *Cynico.* Cynici erant secta philosophorum: dicti sunt a voce græca quæ *canem* significat, quia erant mordacissimi et impudentissimi.

*Barbam.* Atrox erat injuria et ludibrium barbam alicui

### 356 AULI PERSII SATIRA PRIMA.

130 His manè edictum, post prandia Callirhoën do.

*mines procul a meis satiris amando, denuntioque illis, ut mane in forum ad edicta Praetorum audienda se conferant, et ibi quæstum faciant: post prandium verò, comœdias saturi spectent, ac voluptati indulgeant.*

vellere, tamquam fatuo nimium et stolido. Horat. Lib. I, Sat. III sub finem. Porro Philosophi barbam promissam alere affectabant: hincquesapientem barbam vocat Horatius. Vide infra Satir. IV, nota 1.

*Nonaria.* Meretrix, quæ horâ nonâ prostat.

130. *His.* Talibus hominibus imperitis et ineptis artium liberalium ac scientiarum incapacibus, mândo et indulgeo occupationes dignas se, nempe quæstum et voluptates.

*Edictum.* Sententiæ Magistratuum edicta nuncupantur: manè autem forum frequentabant Romani cum sicci adhuc erant et sobrii.

*Post prandia.* Post forum prandeant: ac deinde per diem reliquum voluptati indulgeant. Ea est plebi imperitæ accommodata vivendi ratio.

*Callirhoën.* Quidam volunt fuisse nomen comœdiæ cujusdam, ad quam spectandam otiosi juvenes convenirent: alii meretricem ita dictam. Contendit Marcius hoc referendum esse ad Neronem, qui populum edicto vocaret, et cantaturum se Callirhoën promitteret; suamque interpres ille fulcit opinionem ex eo quod Nero in hac Satira Persius precipuè spectet.

## SATIRA SECUNDA.

*E sacrificio, quo Macrinus natalem suum diem celebrabat, ac vota Superis faciebat, occasionem sumit Persius insectandi varia hominum vota, quorum alia sunt impia, alia levia, alia inter se pugnancia: sub finem, quænam bona et facienda sint, docet.*

**H**UNC, Macrine, diem numera meliore lapillo,  
Qui tibi labentes apponit candidus annos.  
Funde merum Genio: non tu prece poscis emaci,

**H**UNC diem natalem tuum, o Macrine, numera inter  
fortunatos, et albo lapillo nota; quia felici omine addit  
novum annum tuis præteritis: sacrifica Genio, vinum-  
que in illius honorem humi funde: scio te majoribus  
hostiis, et ambitiosis precibus non indigere, quibus a Diis  
veluti emas ea quæ ab iis precaris, et quæ non possis

1. *Macrine.* Hic fuisse dicitur Photius Macrinus, homo eruditus, et Persii amicus. Solebant autem die natali amicorum, ad eos aliquid mittere munusculi: ea causa fuit, cur ad Macrinum hanc satiram Persius mitteret.

*Lapillo.* Quidam populi, Thraces, an Cretes? dies lætos albo, tristes nigro lapillo notabant: deinde verò coniectis omnibus in capsulam calculis, lætos candidosque separabant, iisque se diebus tantum vixisse judicabant, qui albo notati lapillo forent.

2. *Labentes.* Potest intelligi de anno elapso, eâ sententiâ;

qui annum superiorem et jam lapsum apponit reliquæ annorum tuorum summæ; vel de anno imminente qui inchoetur apponendus ad reliquos, aliis enumerandus.

*Candidus.* Felix ac fortunatus.

3. *Genio.* Genius erat Deus cujusque quasi privatus et custos, ita dictus a gignendo, quod una cum homine gigneretur, cum quo etiam moriebatur: vel, quia genitum hominem suscipiebat ac tuebatur. Unde vitæ voluptatisque præses erat. Illi sacrificium fiebat præcipue die natali cujusque, idque mero tantum et floribus.



Quæ nisi seductis nequeas committere Divis.

5 At bona pars procerum tacitâ libabit acerrâ.

Haud cuivis promptum est, murmurque humilesque  
susurros.

Tollere de templis, et aperto vivere voto.

Mens bona, fama, fides, hæc clare, et ut audiat  
hospes:

Illa sibi introrsum, et sub lingua immurmurat: O si

10 Ebullit patruî præclarum funus! et, O si

Sub rastro crepet argenti mihi seria, dextro

Hercule! pupillumve utinam, quem proximus  
heres

*admittere, nisi iisdem veluti corruptis. At magna nobilium pars tacitas et occultas preces faciet, dum thura Superis adolebit: non est facile tollere istas preces obscuras et arcanas de templis, et ita orare, ut omnes scire non nolis quid a Diis petas. Unusquisque clare, et ut quilibet propè stans audire possit, hæc à Dîs precatur; ut sibi mens bona sit, fama integra, et fides: illa verò intus et demissâ voce rogat: O si patruus meus subito emori, ac præclaro funere mandari humo posset! O si reperirem arcam nummis plenam inter arandum, propitio Hercule? utinam e tabulis testamenti delere possem nomen*

4. *Seductis.* Vel corruptis ut dixi, vel remotis a turba; aut, clam Diis, iisque quasi abesse et valere jussis.

5. *Acerra.* Est thuribulum: totum sacrificium significatur. *Libabit.* Est sacrificabit.

8. *Mens bona.* Juvenalis, Sat. X. *Orandum est ut sit mens sana in corpore sano.* Seneca, Epist. 94 *Roga bonam mentem, bonam valetudinem animi, deinde corporis.*

*Hospes.* Quilibet externus, aut viator; aut quicumque ad visenda templa accedit.

10. *Ebullit.* Pro *ebullierit*, ita *dedim* pro *dederim*, *comedim*, pro *comederim*, dicitur. Metaphora sumitur ab

aqua, quæ cum ferveret, exundat extra lebetem effunditurque; ita mortui extra domum ejiciuntur, etc. Vel simpliciter significat *rem quæ repente fit*: quo sensu sæpè verbum hoc usurpatur. Itaque mors repentina patruî est intelligenda. Legunt aliqui, *Ebullit*, ab *ebullo*, *ebullas*, quod significat, *cum impetu prorumpo*.

*Patruî.* Dixit potius quam avi optari mortem, fortè quia patruî ut plurimum censurâ molesti.

11. *Seria* Vas fictile.

12 *Hercule.* Hercules præerat lucris fortuitis: Mercurius industriâ quæsitis.

Impello, expungam! namque est scabiosus, et  
acri

Bile tumet. Nerio jam tertia conditur uxor.

Hæc sanctè ut pòscas, Tiberino in gurgite mergis 15

Manè caput bis, terque, et noctem flumine purgas.

Heus age, responde: minimum est quod scire  
laboro.

De Jove quid sentis? estne ut præponere cures

Hunc cuiquam? Cuinam? Vis Staio? an scilicet  
hæres?

Quis potior iudex, puerisque quis aptior orbis? 20

Hoc igitur, quo tu Jovis aurem impellere tentas,

Dic agedum Staio: proh Juppiter! o bone, clamet,

*pupilli, cui heres sum substitutus? sanè ægrotat ille scabie ac bile; nec diu videtur posse vivere. Nerius felici fato jam tres uxores suas sepelivit, et earum dote fruitur. Nempe ut hæc tam sancta vota facias manè bis, terque caput mergis in Tiberi, ut purior post nocturnum somnum fias, et Superis gratior. Agedum, responde mihi, pauca ex te rescire velim. Quid sentis de Jove? nonne illum hominibus omnibus anteponis? Cuinam verò hunc non anteponerem? Nonne Staio illum saltem anteponis? an dubitas Jovem illi anteferre, quem nosti iudicem corruptissimum et pupillorum parricidam? Age igitur, dic ea quæ precaris a Jove, dic, inquam, Staio: certè ille exclamabit indignitate precum tuarum percussus; o Jupiter; in-*

13. *Expungam.* Eraso et ablato e tabulis testamenti ejus nomine, in ipsius demortui locum substituar; sum enim post illum heres scriptus. Expungi propriè dicebantur milites, quorum nomina post missionem aut mortem delebantur.

14. *Nerio.* Erat iste Nerius fœnerator insignis.

*Conditur.* Hoc est, sepelitur. Legunt alii, *ducitur*, id est, illi nubitur; ab illo domum ducitur.

15. *Mergis.* Ante preces,

quas amabant vulgò mane fundere, corpus aquâ vivâ spargebant.

16. *Purgas.* Os et manus post noctem diligenter abluebant, ut puriores ad precandum aut ad sacrificandum accederent.

18. *Estne?* Licetne? Estne ut cures, pro, nonne curas, nonne facile fiet ut illum præponas, etc.

21. *Hoc igitur, etc.* Has preces, quibus aurem Jovis fatigas et pulsas.

22. *Staio.* Staius Albius

Juppiter ! At sese non clamet Juppiter ipse ?

Ignovisse putas , quia cùm tonat ocyus illex

25 Sulphure discutitur sacro , quàm tuque , domus-  
que ?

An , quia non fibris ovium , Ergennâque jubente ,

Triste jaces lucis , evitandumque bidental ,

Idcirco stolidam præbet tibi vellere barbam

Juppiter ? aut quidnam est , quâ tu mercede Deorum

*quies , quàm scelerata sunt hæc vota ! Quid ergo ! homo improbus exhorrescet , ac Jovem appellabit vindicem , ipse Jupiter sanctissimus ultorem se non ipse inclamabit ? An illum tibi tandem putas ignovisse , quia cùm tonat , quercus citius petitur fulmine , quàm tuum caput ac tua domus ? quia cadaver tuum ictum fulmine in aliquo sacro nemore non jacet expiandum sacrificio , et ab omnibus evitandum , jubente post consultas victimarum fibras Ergennâ aruspice , ac docente quomodo sacra ed loci fieri debeant : idcircone , inquam , Jovem irrides , et barbam illi vellis ? Quidnam tandem est , cujus fiduciâ speres te ab illo sem-*

Oppianicus judex nefarius fuit , qui fratrem et uxorem gravidam veneno sustulit : de illo Cicero agit in oratione pro Cluentio. Hunc ironicè vocat Persius judicem optimum , et erga pupillos æquis-simum.

23. *At sese non clamet , etc.* An Jupiter non seipse ad vindictam excitabit ? Non indignatus fulmen arripiet ?

25. *Sulphure.* Oriuntur fulmina e sulphureis exhalationibus , unde et ipsa olent sulphur.

26. *Ergenna.* Fuit hic Ergennas sacerdos et aruspex peritissimus. Cùm autem dicit , *fibris ovium Ergennâque jubente* , sensus est , ab Ergenna præcipi sacrificium : quod fieri solebat ad procu-

randum , seu expiandum locum fulmine ictum , inspectis antea ovium fibris seu extis.

27. *Bidental.* Ita dicitur locus fulmine percussus , a bidentibus , *hoc est* , ovibus immolatis. Cùm enim fulmen ceciderat , aderant illico fulgurum procuratores , locum claustris sepiebant , arâque exstructâ , et cæsis oviculis consecrabant , unde illum calcare nefas erat ; quare evitabatur. Appellat autem bidental ipsum hominem fulmine ictum , ut a Lucilio appellatur carcer homo dignus carcere.

28. *Stolidam.* Is alicui vellendam barbam præbere dicitur , qui ab illo irridetur et afficitur contumeliâ.

Emeris aur'culas? pulmone, et lactibus unctis? 30

Ecce avia, aut metuens Divum matertera, cunis

Exemit puerum, frontemque, atque ucla labella

Expiat, urentes oculos inhibere perita;

Tunc manibus quatit, et spem macram, supplice  
voto,

Nunc Licini in campos, nunc Crassi mittit in aedes. 35

Hunc optent generum Rex et Regina; puellæ

Hunc rapiant: quidquid calcaverit hic, rosa fiat.

Ast ego nutrici non mando vota; negato

*per audiendum æquis auribus, hunc tibi semper pariturum? An quoddam illi victimarum intestina obtuleris in sacrificium, idcirco emptam a te istò pretio gratiam illius, et scelerum veniam arbitraris? Ecce aliud votorum genus: avia, aut matertera superstitiosa, detrahit e cunis puerum, et frontem expiat ac labella humentia, ut hac arte scilicet avertat a puero noxios et pestilentes oculos, qui pueros fascinare, et inficere tacito veneno solent. Tunc palpat puerum manibus, et spem valde adhuc incertam et macram de illo concipiens, optat simplex ut Crassum ac Licinium opibus æquet, precatur ut Reges et Reginae hunc puerum sibi habere generum aliquando velint, hunc maritum puellæ; ut rosæ sub ejus vestigiis nascantur. Ast ego si quem ha-*

30. *Emeris.* Quasi, pretio persoluto, illas tibi patentes habere debeas.

*Lactibus.* Lactes sunt intestina pinguis pecudum.

31. *Matertera.* Soror matris, quasi mater altera. Dicitur autem metuens Divum, hoc est religiosa, superstitiosa; superstitio enim e nimio metu oritur.

32. *Exemit cunis.* Ut præsentem sistat sacris quæ pro ipsius incolumitate fiunt.

33. *Expiat.* Purgat, tingit pio quodam ritu ac salutari. Lutum e pulvere et salivâ conficiebant, quo frontem ac labia pueri inficiebant, etc.

Id autem fiebat octavo, aut nono post partum die, quo preces pro pueris concipiebantur, et iis nomen imponebatur: vocabatur is dies lustricus et nominalis.

*Urentes oculos.* Nocentes, virulentos. Homines quidam pueros solo aspectu fascinare et iis morbos afflare virusque, credebantur.

35. *Licini.* Licinius, libertus Augusti, et Crassus, qui contra Parthos pugnavit, fuere ditissimi, agros ingentes, magnificas aedes habuere.

37. *Non mando vota.* Hæc nempe nimia et periculosa.

- Juppiter hæc illi, quamvis te albata rogarit.  
 40 Poscis opem nervis, corpusque fidele senectæ:  
 Esto: age. Sed grandes patinæ, tucetaque crassa  
 Annuere his Superos vetucre, Joveinque mō-  
 rantur:

Rem struere exoptas, cæso bove, Mercuriumque  
 Arcessis fibrâ. Da fortunare Penates:

- 45 Da pecus, et gregibus foetum. Quo, pessime, pacto?  
 Tot tibi cū in flammis junicum omenta liques-  
 cant?

Et tamen hic extis, et opimo vincere farto

*buerim puerum; certè non jubebo ejusmodi vota pro illo fieri a nutrice; tuque, o Jupiter, noli hæc audire, et illi annuere; quamvis te albis induta vestibus oraveris. Petis a Superis robur corporis, et sanitatem, quā ad extremam usque ætatem te fideliter comitetur: bene est, laudo; tamen delicata fercula, quibus te obruis et ingurgitas, non patiuntur ut Superi hoc tibi concedant. Augere opes cupis: ob id conciliare tibi Mercurium studes, immolato bove: Fac, o Mercūri, inquis, ut res mihi bene ac feliciter domuique meæ vertat, ut augeatur meum pecus multā sobole. At id quo fieri tandem pacto potest, cū tu infelix, tot victimas mactes, tot vitulos ignibus absumas? Nihil objurgationes nostræ proficiunt: stolidus hic precator victimarum intestinis, et luculento farto, se compotem voti*

39. *Albata.* In sacrificiis faciendis utebantur veste candida, quæ morum puritatem indicabat.

41. *Tuceta.* Tucetum est genus farciminis confectum e suillis carnibus, minutatim concisis.

Crassa. Id est, pingula, adipata.

43. *Mercurium.* Ille præest lucris industriæ partis.

44. *Da fortunare.* Fac ut Penates mei (Dii sunt domestici; et ea vox hic pro domestica re sumitur) fortunent, hoc est, fortunati

sint; ut mea domus felix et opulenta sit.

46. *Junicum omentâ.* Junices sunt juvencæ, seu vitulæ: omentum est adeps, quo viscera involvuntur et qui igne solvitur et liquescit dum victimæ cremantur.

47. *Et tamen hic.* Avarus ille et impius precator.

*Farto.* Fartum, ut hic sumitur, erat libum e farre, vino, melle, etc. Ita dictum a *faciendo*, quod multis erat rebus confectum: unde *ferto*, pro *farto*, aliqui legunt.



Intendit. Jam crescit ager, jam crescit ovile,  
 Jam dabitur, jam, jam: donec deceptus et exspes  
 Nequicquam fundo suspiret nummus in imo. 50  
 Si tibi crateras argenti, incusaque pingui  
 Auro dona feram, sudas; et pectore lævo  
 Excutias guttas, lætari prætrepidum cor:  
 Hinc illud subiit, auro sacras quod ovato  
 Perducis facies: nam fratres inter ahenos, 55

*fore sperans, hæc secum: Ager meus jam crescere incipit, ovile impletur, jam id consequar quod peto, jam jam obtinebo: donec illius nummis exhaustis, unus qui in fundo crumenæ superest, se solum relictum ac delusum ingemiscat, et raucum quasi suspirans sonet. Si tibi pateras argenteas, et vasa aurea signis impressa dono dem, præ gaudio sudabis, et sudoris guttas effundes in parte læva pectoris, ubi est cor, quod tibi trepidabit ac subsiliet. Ex eo quod auro ita delectaris, illud evenit, ut auro e spoliis hostium redacto inducas et oblinas statuas Deorum, adeo ut, si credas beneficio aliquorum e quinquaginta fratribus, Ægypti filiis, quorum effigies ex ære sunt in Apollinis Palatini porticu consecratae, tibi fuisse*

51. *Crateras.* A nomine cratera, crateræ; vulgò dicitur, crater, crateris.

*Incusa.* Incude fabricata, iucudendo cælata: vel non cusa, infecta, et solida.

52. *Pectore lævo.* Lacrymas hic aliqui expressas gaudio intelligunt per guttas, quæ illi homini excutuntur, nempe ex oculis: ea porro verba, *pectore lævo*, explicant, *mente stolidâ et læva*. Te insanum, ac stolidè gestientem, avaritia facit.

53. *Lætari.* Subaudi, *incipiet*.

54. *Subiit.* Venit in mentem, contigit.

*Ovato.* Ex hostibus reportato manubiali. Ovare est minorem triumphum agere,

quia in eo mactabantur oves: boves autem in majori triumpho.

55. *Perducis.* Totas facies ex auro ducis, statuas integras ex auro ponis: vel, superficie oblinis tantum.

*Fratres inter ahenos.* Hi sunt quinquaginta filii Ægypti, quorum statuæ in porticu Apollinis Palatini erectæ. Harum enim quædam oracula et responsa per somnum postulantis reddere credebantur. Quidam intelligunt Castorem et Pollucem; alii verò quostibet Deos qui fratres dicuntur, quia sunt omnes filii unius matris Cybelæ, quorum pleræque ex ære erant statuæ.

Somnia pituitâ qui purgatissima mittunt,  
Præcipui sunt, sitque illis aurea barba.  
Aurum, vasa Numæ, Saturniaque impluit æra;  
Vestalesque urnas, et Thuscum fictile mutat.

- 60 O curvæ in terris animæ, et cœlestium inanes!  
Quid juvat hoc, templis nostros immittere mores,  
Et bona Diis ex hac scelerata ducere pulpa?  
Hæc sibi corrupto casiam dissolvit olivo,  
Hæc Calabrum coxit vitiato murice vellus:

*immissa per noctem somnia, quæ careant omni pituitâ, adeoque sint purissima et verissima, illos præcipuo habeas in honore, et barbam illis iuaves. Auri amor in causa fuit cur e templis expellerentur vasa fictilia, in Thuscia fieri solita, quibus olim Numa utebatur in sacrificiis, et quæ sola Saturni tempore, ætate aureâ, in usu erant, atque urnæ ex argilla, quibus Vestales olim virgines utebantur. At heu! quàm sunt homines rebus terrenis addicti, quàm ab Deorum studiis et moribus alieni! Cur hanc morum nostrorum corruptelam in res sacras ac templa transferimus? Cur ex ista putida nostra cuticula, ex avaritia et luxuria cestimamus quid bonum Superis gratumque sit? Nempè ille voluptatum amor, et curandæ carnis studium unguenta ex oleo et casia conficere suasit; hic lanam Tarentinam iniecit in aquam calidam et infecit liquore, sive succo muricis pisciculi, quem succum imitantur infectores, et ementiuntur: hic gemmas e conchis abstulit, hic auri*

\*56. *Pituitâ.* Cum redundat in corpore humor frigidus et aqueus, qui pituita dieitur, tunc somnia sunt fallacissima et inanissima, ut in delirantibus et vinolentis accidit. Contrà verò somnia putantur vera, ubi minimum est pituitæ. Moris erat apud Romanos fidem superstitiosam somniis adhibere.

58. *Numæ.* Fuit Numa Rex Romanorum secundus, religione præstans.

*Impulit.* Expulit, removit, exclusit e templis.

59. *Urnas.* Vestales urnis,

ad ferendam aquam in sacrificiis necessariam, utebantur.

62. *Pulpâ.* Est fructum carnis: hîc pro corporis curandi nimio studio ponitur.

63. *Sibi.* Ut nitidior, ut unguentis delibuta suavius oleat.

*Corrupto.* Ex casia et oleo mixtis et dilutis fit unguentum optimum: corruptum dicitur oleum, quia odoribus immixtis adulteratur: casia autem est frutex aromaticus.

64. *Calabrum.* Tarentum

Hæc baccam conchæ rasisse, et stringere venas   65  
 Ferventis massæ crudo de pulvere jussit.  
 Peccat et hæc, peccat; vitio tamen utitur..At vos  
 Dicite, Pontifices, in sancto quid facit aurum?  
 Nempe hoc, quod Veneri donatæ a Virgine pupæ.  
 Quin damus id Superis, de magna quod dare lance   70  
 Non possit magni Messalæ lippa propago:

*ramenta colligere, et redigere in massam, ex informi et rudi fodinarum tellure, jussit. Sed illa quamvis fiant improbe et præpostero luxûs ac deliciarum amore, tamen hominibus utilitatem afferunt aliquam: sed cuiam est usui aurum in templis, o Pontifices? nempe tam inutile Superis est, quam pupæ Veneri, quas illi puellæ donare solent. Quin id potius damus Superis quod Messalæ nobilis filius et quilibet divites ipsis dare non possunt, quamvis donis lances et altaria cumulent; nimirum pectus ad*

est civitas Calabriæ in Italia, ubi lance optimæ.

*Vitiato.* Adulterino, clementi, corrupto, non germano.

*Murice.* Murex est genus quoddam conchylii, seu pisciculi conchâ inclusi, e cujus sanguine tingitur color, purpuræ similis. Capitur hic pisciculus in mari Tyrio.

65. *Baccam.* Unionem, margaritam; quæ in concha nascitur, et illi sic adfæret, ut eradenda et evellenda sit limâ. Propriè bacca est fructus lauri, olivæ, cerasi: gemmæ vocantur etiam *baccæ*; quia ejusmodi fructibus similes sunt.

*Stringere.* In unum astringere crebris mallei ictibus: aut, igne conflare, vel decerpere et colligere auri ramenta et argenti.

*Venas.* Sulcos quosdam in terra, in quibus est metallum, quod in massam collectum igne ferventi conflatur.

67. *Vitio utitur.* Ex istis peccatis luxus et libido hominum capit utilitatem.

68. *In sancto.* In loco sacro, in templis.

69. *Pupæ.* Imagunculæ sunt, et exiguæ statuæ quas puellæ habent in deliciis: eas autem, cum nuberent, Veneri consecrabant, tamquam his puerilibus nugis validerent.

70. *Lance.* Romani in lancibus ponere solebant victimarum carnes.

71. *Messala.* Messala septies Consul fuit: ex ejus stirpe prognatus est longo post tempore Cotta Messalinus, homo degener, gulæ et abdomini deditus.

*Lippa.* Vel qui reverâ lippus erat: vel hac voce significatur ejus improbitas. Lippus aliquando pro *dissoluto* sumitur.

Compositum jus, fasque animi, sanctosque recessus  
Mentis, et incoctum generoso pectus honesto?  
Hæc cedo, ut admoveam templis, et farre litabo.

*omnia jura divina et humana servanda bene comparatum et compositum : in mente insitas penitus virtutes, animum non leviter honestatis colore quasi tinctum, sed ed penitus imbutum? Hæc mihi da, et sacrificium Diis offeram longè gratissimum, quamvis far ipsis tantum offeram.*

72. *Jus.* Jus ad officia inter homines refertur; fas ad pietatem erga Deum.

73. *Incoctum.* Ducitur hæc metaphora a lanâ, quæ coquitur, cum aliquo colore tingitur et imbutur.

74. *Farre.* Far erat idem in sacrificiis ac mola salsa, seu

triticum\* cum sale tostum; hoc pauperes, quibus non suppetebant majores victimæ, sacrificabant.

*Litabo.* Litare propriè est sacrificiis Deos placare, rite sacrificare, impetrare quod petitur.

## S A T I R A T E R T I A.

*Cohortatio ad studium sapientiæ. Insectatio desidiæ.*

**N**EMPE hoc assiduè? jam clarum mane fenestras  
Intrat, et angustas extendit luminè rimas:  
Sertimus indomitum quod despumare Falernum

*I*Tanc hoc assiduè facies? nullusque tandem inertie  
tuæ modus ac finis erit? Jam clara lux matutina fe-  
nestras, licet clausas, penetrat, earumque rimas videtur  
dilatare: tu interim hic, sterilis per tantum tempus, quan-

1. *Nempe.* Inducitur vel socius, vel magister, adolescentulum e lectulo excitans, increpansque.

2. *Extendit.* Latiores rimas apparere faciunt radii solares intromissi.

3. *Sertimus.* Subtimidam

increpationem in prima persona hic observant nonnulli, et condiscipulum potius quàm magistrum indicari volunt; sed quid abest magistrum ita discipulos increpare, et quidem acriter.

*Indomitum.* Quod vix a

Sufficiat, quintâ dum linea tangitur umbrâ.  
 En quid agis? siccas insana canicula messes 5  
 Jamdudum coquit, et patulâ pecus omne sub ulmo  
 est,

Unus ait comitum. Verumne? itane? ocyus adsit  
 Huc aliquis; nemon? turgescit vitrea bilis,  
 Finditur, Arcadiæ pecuaria rudere dicas.  
 Jam liber, et bicolor positis membrana capillis, 10

*tum sufficiat ad edormiendam crapulam e vino gravissimo collectam; dum in solari horologio umbra gnomonis et indicis tangit lineam quintam. Quid agis? quæ est isthæc inertia? Instat meridies; jam diu canicula torret messes, et sub arboribus greges, frigus captant. Ita loquitur unus e sodalibus, aut moderatoribus nobilis alicujus adolescentis. Cui sic respondet ille: Verumne est quod ais? itane est? huc statim accedat famulorum aliquis, nemone accurrit, ac vestes præbet? Cunctante famulo, in iras prorumpit, ac vocem emittit adeo inconditam, ut asinos omnes Arcadiæ credas rudere. Ubi vestes induit, sumit in manus*

stomacho coquitur, et quasi domatur digerendo.

*Despumare.* Propriè est *spumas ex aliquo liquore tollere*: hic sumitur pro *digere*, *re*, *concoquere*. Dum excoquitur vinum, spumas agit, bullitque; despumare igitur Palernum, est crapulam pri-dianam edormire.

4. *Quinta, etc.* Significatur hora matutina undecima. Duodecim enim horas in die Romani numerabant, sex ante meridiem, sex post meridiem. Est autem hic hypallage: postulat quippe ordo ut dicatur, linea quinta tangitur umbrâ styli seu gnomonis.

5. *Canicula.* Est sydus quoddam, speciem referens minoris canis, quo oriente calor augeri vehementer solet: *insana* dicitur, quasi æs-

tuosa, aut rabiem canibus afferens.

8. *Vitrea.* Splendida et pel-lucida, vel ejusdem, ac vitrum, coloris.

9. *Finditur.* Ringitur, exclamat præ iracundia: quidam legunt: *Findor, ut Arcadiæ, etc.* Findor, inquit adolescens; et rumpor irâ: sanè, inquit præceptor; sic enim clamas, ut asinum rudentem imiteris.

*Arcadiæ.* In Arcadia majores asini sunt.

*Pecuaria.* Id est, *pecora*.

10. *Liber.* Propriè est arborum cortex, in quo scribi solebat ante inventum chartæ usum.

*Bicolor.* Pars exterior membranæ cui adhærebant pili, seu lana, crocei coloris erat seu lutei, interior candidi.



Inque manus chartæ; nodosaque venit arundo.  
Tunc queritur, crassus calamo quòd pendeat  
humor,

Nigra quòd infusâ vanescat sepia lymphâ;

15 Dilutas queritur geminet quòd fistula guttas.

O miser! inque dies ultrâ miser, huccine rerum  
Venimus? At cur non potius, teneroque columbo,  
Et similis Regum pueris, pappare minutum  
Poscis, et iratus mammæ lallare recusas?

*librum, ac membranam tonsam et pilis suis exutam, denique calamum. Sed queritur, nunc quòd atramentum nimis sit spissum, et in calamo hæreat; nunc quod, si aquâ dilutum fuerit, vanescat, suumque amittat colorem; nunc quod idem calamus atramenti nimis diluti guttas duas pluresve in papyrum effundat. O infelix puer, et in dies futurus infelicior! cone tandem redacti sumus, hoccine modo vivimus? At si ita animo es averso a musis, cur non literis ac virtuti muntium palam remittis? quin paternam domum repetis, ubi otiosam, ac plenam deliciarum vitam vivas, et instar teneri columbi, aut Regiorum infantium molliter cupediis omnibus vescaris? quin petis ut cibus in minutas partes a nutrice divisus et probè mansus in os tibi inferatur? ac ejus nœnias cantilenasque, si dormire nolis, repudias? An vero possum isto calamo tam malè aptato*

11. *Chartæ.* Teste Varrone, est repertus chartæ usus sub Alexandro. Antea in foliis arborum et in corticibus scribebant: deinde in chartis quæ fiebant papyri arboris foliis in Ægypto crescentis. Demum sub Eumene rege inventæ sunt pergami membranæ; quæ inde Pergamenæ sunt dictæ.

*Arundo.* Veteres utebantur ad scribendum arundine, ut nos pennâ, in arundine autem plures sunt nodi.

13. *Sepia.* Sepia est piscis qui nigrum ex ore succum effundit, quo aquam turbat, cum se a piscatoribus capiendum esse videt. Iste niger suc-

cus, et ipse interdum piscis pro atramento ponitur, ob similitudinem.

15. *Ultra.* Magis in posterum, ulteriùs.

16. *Columbo.* Solebant viri ac feminae columbos domi alere magno studio.

17. *Pappare.* Pappa, ut testatur Cato, est infantium cibus; itaque pappare, est pappas comedere, seu comedere cibos qui minutim concisi, pueris a nutrice dantur, et iste infinitivus pro substantivo adhibetur, poscis minutas pappas.

18. *Mammæ.* Mamma non hic mamillam, quam infantes sugunt, significat, sed ma-

An tali studeam calamo? cui verba? quid istas  
Succinis ambages? Tibi luditur: effluvis amens; 20  
Contemnere. Sonat vitium percussa, malignè  
Respondet viridi non cocta fidelia limo.

Udum et molle lutum es, nunc, nunc properan-  
dus, et acri

Fingendus sine fine rotâ. Sed rure paterno  
Est tibi far modicum, purum et sine labe salinum: 25

*et secto scribere? Cui dare te verba putas? quid istas mihi  
vanas excusationes occinis? tute ipse deludis; in tuum  
damnum hæc tota cedit alëa: effluit tibi, interim dum  
tempus somno et otio teris, vita; tu eris olim omnibus;  
cùm nihil scies, ludibrio; patebit inertia tua et imperi-  
tia: non secus ac vas ex argilla, si non bene coctum,  
si fractum sit; emittit vitiosum sonum, et pulsanti mali-  
gnè respondet. Tu instar udæ mollisque argillæ nunc es,  
fingi maturè ac sedulò instar vasis fictilis, componi tam-  
diu debes, donec tui mores ad omnem honestatem confor-  
mentur. Sed objicies mihi te opes avitas habere non con-  
temnendas, nitidam et cultam suppellectilem, vasa sacra,  
quibus Diis sacrifices domi, tibi nihil a paupertate me-*

*trêm, aut nutricem, estque in  
genitivo casu; recusas lallare  
tuæ nutricis aut matris, quia  
iratus es.*

*Lallare.* Est canere vulga-  
rem nutricum nœniam quâ per  
hanc vocem, *Lalla*, sæpè re-  
petitam pueris somnum con-  
ciliant. Lallare autem in infi-  
nitivo ponitur pro *lallatione*,  
sic, *vivere nostrum*, dixit pri-  
mâ satirâ pro *vita nostra*. Re-  
cusas igitur lallationem et  
cantilenam tuæ mamiæ; re-  
cusas dormire, provocatus  
cantu nutricis.

20. *Succinis.* Succinere,  
est, ad vocem monentis ead-  
em sæpè respondere.

*Tibi luditur.* Proverbium  
est, ut istud, tibi seritur ac  
metitu, hoc est tua res agi-

tur, tu damnum capies ex tua  
inertia, non ego.

*Effluvis.* Potest esse sensus,  
otio et mollitie diffuvis sensim  
ac tabescis.

21. *Vitium.* Id est, vitiosè,  
seu non clarè, rancè, ac surdè.

*Malignè.* Remittit parvum  
et obscurum sonum. Sic ma-  
ligna lux apud Virgilium est  
parva et dubia.

22. *Fidelia.* Vas est fictile,  
ita dictum, quia fideliter ser-  
vat quæ in illo conduntur.

24. *Rure paterno.* In agro  
hereditario, et a patre tibi  
relicto.

25. *Far.* Frumentum.

*Salinum.* Propriè est vas  
in quo sal reponitur: omnem  
supellectilem significat in hoc  
loco.

Quid metuas? cuxrixque foci secunda patella est.

Hoc satis? An deceat pulmonem rumpere ventis,  
Stemmata quod Thusco ramum inllesime ducis,  
Censoremque tuum vel quod trabeate salutas?

30 Ad populum phaleras: ego te intus, et in cute novi:

*tuendum esse; nec in litteras tantopere incumbendum, quibus nempe non indiges ad vitam tolerandam. Tunc igitur opes sufficere putas ad beatè vivendum, contemptā virtute, quæ sapientiæ et litterarum studio maximè paratur? Ideone superbiā intumescis, et pulmonem distendis præ fastu, quod in stemmate familiæ tuæ, quæ a Thuscia originem ducit, millesimus es ab tui generis principe et auctore? vel quod Censorem aliquem ex familia tua salutas trabeatus in transvectione? Ostenta populo hæc inania ornamenta, nempe corporis et fortunæ bona: ille plaudet tibi, teque mirabitur; ego miserabor, et infelicem pu-*

26. *Patella.* Vasculum esca-  
rium, in quod aliquid e  
dapibus mensæ appositis  
coniciebant, deferebant in  
focum, ibique religionis cau-  
sâ adolebant. Focus verò si-  
gnificat hic *sacrum ignem* quo  
utebantur in privatis sacrifi-  
ciis, quibus colebant Deos  
domesticos.

28. *Stemma.* Stemma est  
*tabula genealogica*, instar ar-  
boris descripta ubi singuli ra-  
mi singulas familias, vel per-  
sonas ex unâ quadam stirpe  
ductas, notant. Eò major au-  
tem nobilitas, quod distant  
magis rami ab gentis principe  
et capite, quia antiquior.

*Thusco, etc.* Nobilissimæ  
Romanorum familiæ fermè  
ab Etruria ducebant ori-  
ginem.

*Ramum ducit.* Lineam nem-  
pe succèssionis. Solent advo-  
cati stemmata, sive ramuscu-  
los facere in genere, cum gra-  
dus cognationum partiuntur.

29. *Censorem, etc.* Erant  
Censores Magistratus Roma-  
norum, qui emendandis ci-  
vium moribus præerant. Quin-  
to quoque anno lustrabant ci-  
vitatem, et nomen, opes, etc.  
cujusque recensebant: maxi-  
mè verò turnas Equitum cer-  
tis temporibus recognosce-  
bant, qui illis sedentibus in fo-  
ro ante Castoris ædem et spec-  
tantibus, transvehantur tra-  
beati. Alii intelligunt salutari  
imagines majorum in atrio  
stantes; eo quod Neronis tem-  
pore censors nulli erant.

*Trabeate.* Ponitur vocati-  
vus pro nominativo. Trabea  
est vestis purpurea Magistra-  
tuum propria.

30. *Phaleras.* Phalerae sunt  
equorum ornamenta, bullæ  
frænorum, tapetes quibus te-  
guntur, etc. itemque militum  
et nobilium ornatus.

*In cute.* Nudatum vestibus  
illis, et externâ specie.

Non pudet ad morem discincti vivere Nattæ?  
Sed stupet hic vitio; et fibris increvit opimum  
Pingue; caret culpâ, nescit quid perdat, et alto  
Demersus, summâ rursus non bullit in unda.

Magne pater divûm, sævos punire Tyrannos 35  
Haud aliâ ratione velis, cùm dira libido  
Moverit ingenium, ferventi tincta veneno:  
Virtutem videant, intabescantque relictâ.  
Anne magis Siculi gemuerunt æra juvenci?

*tabo, quippe qui te introrsum noverim, et sciam esse veris animi bonis destitutum. Nihilne te pudet vivere instar Nattæ, dissoluti ac perditæ adolescentis? quamquam et ille utcumque excusandus est, quia sensum suæ improbitatis et miseriæ nullum habet, ita vitiis occaluit et obduruit; pinguedo crassa in ejus præcordiis ita increvit, ut nihil sentiat: itaque culpâ caret, et quantum damni faciat, nescit: immersus est alto vitiorum gurgite, neque in aqua summa exstat amplius, aut ullam emergendi spem habet. Tu verò potes intelligere, quid pecces, quid amittas, olimque seræ pœnitentiæ cruciatum non effugies. O Jupiter, si tyrannos punire volueris, cùm se in omnem crudelitatem et flagitium effuderint, oculos illis aperi, remove illum stuporem, fac videant dignitatem virtutis, ac dolore conficiantur quod eam neglexerint. Et verò an crudeliori supplicio affecti fuerint homines, qui ita tauro æreo inclusi gemebant?*

31. *Nattæ.* Natta fuit Romæ quidam prodigus ac hel-luo. Quidam legunt *Naccæ*.

*Discincti.* Dissoluti, nebulonis. Metaphora ducitur a veste dissoluta et discincta, quam gestare solent ejusmodi homines inertes ac nequam.

33. *Pingue.* Neutrum pro substantivo; pinguedo et adeps: in adipe autem nullus est sensus, sed tantum in nervis et carne.

*Nescit quid perdat.* Virtutis enim pulchritudinem jam non videt, et pretium ejus ignorat: sicut et turpitudinem

vitiorum et infamiam haud animadvertit.

*Alto demersus.* Vitiorum barathro absorptus.

34. *Bullit.* Ebullit, enatat, eminet in aquæ superficie.

35. *Sævos punire Tyrannos.* Aliorum malis gaudentes, quales fuere Busris, Diomedes, Phalaris, uterque Dionysius, ipseque Nero quem hic notari plerique autumant.

37. *Moverit.* Ad scelus excitaverit illorum ingenium.

*Tincta veneno.* Crudelitate imbuta, infecta omni acerbitate.

39. *Siculi juvenci.* Phala-

- 40 Et magis auratis pendens laquearibus ensis  
 Purpureas subter cervices terruit? Imus ,  
 Imus præcipites, quàm si sibi dicat et intus  
 Palleat infelix, quod proxima nesciat uxor.  
 Sæpe oculos, memini, tingebari parvus olivo ,  
 45 Grandia si nollem morituri verba Catonis  
 Discere ab insano multum laudanda magistro ,  
 Quæ pater adductis sudans audiret amicis.  
 Jure etenim id summum, quid dexter senio ferret,

*an majorem Damocli ensis e laqueari appensus, et ejus capiti imminens, timorem attulit, quàm affert improbo cruciatus sceleratæ conscientiæ, cum ita se alloquitur: Heu perçò miser, et præceps in exitium ruo! quàm illæ formidines quibus vexatur ob sua scelera, tacitusque roditur, adeo ut illas aperire amicis, ac ne uxori quidem suæ audeat! Equidem cum essem parvulus, memini me oleum oculis admovisse non semel, ut lippus esse, aut laborare oculis viderer; idque faciebam, ne mandarem memoriæ orationem Catonis Uticensis morituri, grandi stylo compositam, quam recitaturus essem scilicet, laudante vehementer magistro meo, et patre cum amicis invitatis eam audiente, ac metuente graviter ne inter declamandum peccarem. Et verò in illa ætate jure quodammodo videbar ludo potius quàm litteris delectari: id præcipuè tunc optabam*

ris, Siciliæ Tyrannus, solebat homines in æreo tauro includere, cui mox ignem subiciebat, ac vivos ululantesque miserè necabat.

41. *Purpureas cervices.* Caput Damoclis aulici, purpureâ veste induti. Damocles cum laudaret adulatoriè felicitatem Dionysii, Siciliæ Tyranni, fecit illi tyrannus vafer experiendi copiam. Hominem ad instructam regio luxu mensam jubet accumbere; sed simul e laqueari ensem nudum equinâ serâ suspendi suprâ illius caput imperat. Damocles, hoc metu examinatus, quàm anxia et misera

felicitas Regum esset agnovit, solvique se periculo rogavit.

45. *Catonis.* Fuit ille nepos M. Porcii Catonis, Uticensis dictus, quia post Pharsalicam pugnam recepit se Uticam in Urbem Africæ, ubi, ne veniret in manus Cæsaris, gladio se confecit.

48. *Id summum.* Videbatur mihi puero summus ille apex felicitatis, et vôtorum omnium, scire aleâ ludere. Senio erat ille jactus, quo quis puncta sex atterebat in singulis tesseriis, quæ vulgò tres jaciebantur, eratque jactus omnium felicissimus; contrà



Scire erat in voto; damnosa Caniculâ quantum  
 Raderet; angustæ collo non fallier orcæ : 50  
 Neu quis callidior buxum torquere flagello.  
 Haud tibi inexpertum curvos deprendere mores  
 Quæque docet sapiens, braccatis illita Medis  
 Porticus; insomnis quibus et detonsa juvenus  
 Invigilat, siliquis et grandi pasta polentâ. 55

*scire, quid felix ille jactus in alea, qui senio dicitur, ferret lucri: quid detrimenti afferret ille, qui canicula vocatur, et quantum de nummis depositis eriperet: quo pacto in arcam jaciendæ nuces essent, ita ut ab ore vasculi non aberriarem; ne quis turbinem buxeum callidiùs me torqueret loro. Verùm tu non eâ jam ætate es, quâ tunc eram: ignotum tibi non est quid in moribus curvum, quid rectum sit: nosti quænam philosophi Stoici doceant in sua porticu, ornatâ pictis tabellis, pugnas Persarum et Medorum cum Græcis exhibentibus, quæ juvenes philosophicæ studiosi, somno utentes parcissimo, oleribus ac pulve tantum vescentes, et tonsis inculti capillis, summo labore per-*

infelicissimus, qui notatas jaciebat singulas unico puncto, et canis, seu canicula vocabantur.

50. *Orcæ.* Orca fictile vasculum erat angusto collo, in quod pueri nuces conjiciebant; et quascumque in illud conjecerant, tamquam suas tollebant; quas verò extra vas abire contigisset, eas amittebant.

51. *Buxum.* Trochum e buxo. Tertius est puerorum ludus, quem describit Virgilius, AEn. VII; et vocat volubile buxum.

53. *Quæque docet, etc.* Non est tibi ignotum quid doceat porticus sapiens, id est, Stoicorum Philosophia. Chrysippus, et Zeno, Stoicorum antistites, docebant in porticu, quæ Græcè, *Stoa* dicitur: unde hujus sectæ philosophi Stoici sunt appellati.

*Braccatis.* Braccæ autem sunt femoralia longiora, quibus Medi utebantur.

*Illita.* Picta, coloribus et tabellis referta, in quibus videntur Medi; et Persæ, pugnautes cum Atheniensibus, et ab iis victi.

54. *Detonsa.* Stoici comam non alebant. Quod expressè notat Juvénalis, Sat. II, ubi habet: *Rarus sermo illis, et magna libido tacendi, atque supercilio brevior coma.*

55. *Siliquis.* Siliquæ sunt leguminum tunicæ et folliculi: hic pro quibusvis oleribus ponuntur: Stoici enim carnibus ferè abstinebant. Quod addit Persius, *grandi polentâ*, viram notat robustum, fortique stomacho valentem, qui multum panis devoret solummodò, nullas autem car-

- Et tibi quæ Samios deduxit littera ramos ,  
 Surgentem dextro monstravit linnite callem ,  
 Stertis adhuc ? laxumque caput , compage solutâ ,  
 Oscitat hesternum , dissutis undique malis ?
- 60 Est aliquid quò tendis , et in quod dirigis arcum ?  
 An passim sequeris corvos , testâque , lutoque ,  
 Securus quò pes ferat , atque ex tempore vivis ?  
 Elleborum frustra , cùm jam cutis ægra tumebit ,  
 Poscentes videas. Venienti occurrите morbo :
- 65 Et quid opus Cratero magnos promittere montes.

*discunt. Littera Pythagoræ Samii, duos in ramos diducta, virtutis viam dextrâ parte positam tibi ostendit: et tamen adhuc stertis, ignave adolescens, et studia negligenter capessis? tuumque caput, laxatis ac dissolutis genarum compagibus, oscitat, quasi ab hesternâ die somnum non vidisses. Habesne aliquem propositum tibi vitæ tuæ finem, ad quem, ut ad signum, tuas actiones, velut arcum, dirigas? An temerè vivis et vagaris, ut pueri, qui corvos et aviculas testis et glebis insectantur, parum sollicitus quò te pedes ducant? an vivis in diem, de crastino nihil curans? Id verò qui faciunt, sanè faciunt imprudentissimè: videas quippe illos, cùm gravissimis laborant vitiorum morbis, cùm cutis jam intumescit, remedia et elleborum petere; at seriùs: occurrendum est enim morbis, qui, si maturè non curentur, frustra medico peritissimò, qualis est Craterus, magnos auri montes pollicearis, morbum ille*

nes: quibus etiam vesci nefas esse credebant Pithagorici.

56. *Littera, etc.* Pithagoras philosophus celeberrimus fuit e Samo insulâ oriundus. Is duplicem hominibus quasi viam vitæ propositam esse dicitabat; dexteram nempe, arduam et difficilem, quæ ad virtutem et ad sapientiam duceret: sinistram verò, planam et mollem, quæ ad vitia deflecteret. Hanc geminam viam explicabat per litteram, Y, quæ in duos veluti secta ramos, istud bivium indicaret.

58. *Stertis adhuc.* Tu scilicet tam benè educatus, ita molliter et segniter vivis, ut etiam nunc dormias?

62. *Ex tempore vivis.* Non ex ratione et certo consilio, sed ut res, occasio, tempus, fors, tulit.

64. *Venienti occurrите morbo.* O Juvenes, citò incumbite studio sapientiæ et virtuti, quæ animi sanitas est: maturè obsistite vitiis, quæ animi sunt morbi.

65. *Cratero.* Is fuit insignis medicus tempore Augusti.

Discite, vos miseri, et causas cognoscite rerum,  
 Quid sumus, et quidnam victuri gignimur, ordo  
 Quis datus, aut metæ quæ mollis flexus, et unde:  
 Quis modus argento; quid fas optare: quid asper  
 Utile nummus habet; patriæ, charisque propin- 70  
 quis

Quantum elargiri deceat; quem te Deus esse  
 Jussit, et humanâ quâ parte locatus es in re.  
 Disce; nec invid eas, quod multa fidelia putet

*inveteratum non sanabit. Itaque, o miseri mortales, maturè discite quæ juvent ad animos vestros curandos et ad bene vivendum: quæ sint rerum causæ: quid rei homo sit, cur in lucem editus fuerit: quis optimus ordo servandus in rebus; quomodo hujus vitæ curriculum debeamus emetiri, et pericula, ut metas ac flexus molliter et scitè declinare, unde incipiendum, ubi sistendum: quem in pecunia quærenda modum adhibere deceat; quid liceat optare, quid utilitatis afferant opes, quantum ex iis largiendum patriæ et propinquis, quo te in statu vitæ, et qua in statione voluerit esse Deus in hoc orbe terrarum. Hæc, inquam, discæ omnia: et ita tuo gradu et conditione contentus vive, ut non movearis invidiâ, cum adspicies in*

67. *Quidnam.* Quid acturi nascimur, quam vitam vivere debemus.

*Ordo.* Hic ordo rerum a Deo præscriptus est, ut erga Deum ipsum piè, erga alios justè, erga nos sobriè vivamus. Per ordinem rerum, non malè divinam Providentiam, quæ omnia ordinat, intelligas.

68. *Metæ flexus.* Vitam comparat cum curriculo et stadio. In eo erat metæ, quam oportebat curru circumflectere, et qui omnium primus metam circumibat, non confectis rotis, ac inoffenso curru, hic vicerat. Per flexum igitur metæ, intelligit Persius

artem vitæ regendæ et moderandæ: vel etiam mortem, hoc sensu; discite quàm brevis ac fluxa vita sit: ut enim metæ finis erat stadii et cursus, ita mors finis est vitæ. Unde flexus ætatis pro senectute usurpatur a Tullio. Flexus autem hic *mollis* dicitur, quia citò et rapidè, scienter ac peritè debet peragi.

*Et unde.* Unde iste metæ flexus molliter inchoandus sit: unde oriatur senectus, et mors.

69. *Asper.* Recens usus, nuper signatus.

73. *Fidelia.* Vas vinarium est, aut escarium.

- In locuplete penu, defensis pinguibus Umbris :  
 75 Et piper et pernae, Marsi monumenta clientis,  
 Maenaeque quod prima nondum defecerit orca.  
 Hic aliquis de gente hircosa Centurionum  
 Dicat : Quod sapio, satis est mihi ; non ego curo  
 Esse quod Arcesilas, ærumnosique Solones,  
 80 Obstipo capite, et sigentes lumine terram ;  
 Murmura cum secum, et rabiosa silentia rodunt,

*penu divitis caudidici, qui locupletes Umbros defendit, multa vasa plena cibis, qui jam putrescunt et foetent; tanta est illorum copia: cum videbis piper, ac pernas dono dadas illi a Marsis clientibus, ac pisces, in orca prima conditos, nondum defecisse, atque absumptos esse, cum alias orcas piscium plenas domi adhuc habeat, sibi donatas ab iisdem vel aliis clientibus. Hoc loco quispiam ex olido et hirsuto militum genere, mihi objiciet: Ego meâ sapientiâ et virtute contentus sum; nihil requiro præterea; neque curo similis esse Arcesilæ, Soloni, et miseris philosophis, qui se ad assequendam sapientiâ torquent ac macerant; qui collo rigido atque immoto, oculisque humi defixis incedunt; qui taciti secum immurmurant, ac rabiosos canes, collisis dentibus, imitantur, verbaque, labris extensis ac projectis antroisum, repetentes ex intervallo, quasi in trulina librant et expendant, secum me-*

74. *Umbris.* Umbri fuerunt Italiae populi, dites et opulenti.

75. *Marsi.* Populi sunt Italiae.

*Monumenta.* Pignora benevolentiae: dona, quæ moneant mentem patroni, ut causæ clientis recordetur.

*Clientis.* Clientis ille dicitur, cujus causa defenditur a patrono. Vide Juvenal. Sat. I, nota *Clientes*, et Sat. III, nota 115.

76. *Mæna.* Piscis genus est. *Orca.* Vas, in quo reponerant salsamenta, et alia id genus.

77. *De gente.* Gens, na-

tio, sæpè sumitur pro secta aliqua et ordine hominum; ita natio poetarum dicitur.

*Hircosus.* Hircus est alarum sive axillarum graveolentia, odor foetidus, qualis est hircorum.

*Centurionum.* Centurio centum militibus præerat.

79. *Arcesilas.* Fuit philosophus academicus insignis suâ tempestate: is dicebat nihil sciri posse. Solon unus fuit e septem Græciæ sapientibus: floruit Athenis, regnante Romæ Tarquinio Prisco.

81. *Rabiosa silentia.* Dicuntur canes rabidi non latrare.

Atque exporrecto trutinantur verba labello,  
 Ægroti veteris meditantés somnia; *Gigni*  
*De nihilo nihil, in nihilum nil posse reverti.*  
 Hoc est, quòd palles? cur quis non prandeat, hoc 85  
 est?

His populus ridet, multumquæ torosa juvenus  
 Ingeminat tremulos naso crispante cachinnos.  
 Inspice, nescio quid trepidat mihi pectus, et ægris  
 Faucibus exsuperat gravis halitus, inspice, sodes;  
 Qui dicit medico, jussus requiescere, postquam 90  
 Tertia compositas vidit nox currere venas,  
 De majore domo modicè sitiente lagenà,  
 Lenia loturo sibi Surrentina rogavit.

*ditantes inania vacuæ mentis commenta, similia somniis veteris alicujus ægroti, v. g. quòd ex nihilo nihil gignatur, nihil in nihilum redeat. Hoccinè tandem est, inquit iste Centurio, propter quod impallescis et te veras? Hoc ut mediteris et expendas, prandio abstines? His Centurionis dictis populus arridet, ac robusti juvenes, militiæ dediti, cachinnis sublati applaudunt. Ego illi sic respondeo. Finge aliquem ægrotum ita medicum alloqui: Quæso te, vultum meum et venam micantem contemplare: nescio quid sit causæ, cur mihi cor palpitet, cur totum pectus horrore concutiat, et halitus malè olens e faucibus ægrè animam ducentibus erumpat. Hunc medicus jubet continere se in lectulo, et quieti indulgere. Ille ubi se per triduum valuisse videt, ac pulsu æquali venas micare, oblitus medicî consiliorum, mittit in amici divitis domum, et rogat inde sibi afferri lagenulam optimi vini Surrentini; mox*

86. *Torosa.* Pinguis, obesa; tori enim sunt carnis muscoli.

87. *Crispante.* Tremente naso, et in rugas contracto.

88. *Inspice.* Respondet Stoïcus præceptor orationi Centurionis, necessarium esse philosophiæ studium, quod qui negligunt, ruunt in vitia præcipites et malè pereunt; ut ægroti, neglectâ medicî curatione, intereunt.

89. *Sodes.* Vox blandientis, oro te, factum ex si et audes.

92. *Majore. Ditiore.*

*Modicè sitiente.* Modicè amplà, non multum vini capiente. Multum sitit lagena, quæ multum vini capit.

93. *Surrentina.* Surrentum urbs fuit Italiæ in Campania: hujus vina lenia et salubria erant, maximè convalescentibus.



- Heus, bone, tu palles. Nihil est. Videas tamen istud  
 95 Quidquid id est; surgit tacitè tibi lutea pellis.  
 At tu deterius palles: ne sis mihi tutor:  
 Jampridem hunc sepeli: tu restas. Perge, tacebo.  
 Turgidus hic epulis, atque albo ventre, lavatur,  
 Gutture sulphureas lentè exhalante mephites.  
 100 Sed tremor inter vina subit, calidumque trientem  
 Excutit e manibus; dentes crepuère relecti;  
 Uncta cadunt laxis tunc pulmentaria labris:  
 Hinc tuba, candelæ; tandemque beatulus alto

*ad balneum loturus pergit. Redit medicus, videt hominem pallidum: Palles, inquit, amice. Hoc verò nihil est, inquit æger. Noli tamen id negligere, ait medicus; pellis tibi sensim flava intumescit. Tu verò, medice, pejus quàm ego, palles. Facesse, noli me tractare severius, ut pupillos tutor solet: ego meum tutorem jam diu sepelivi; vide ne te quoque sepeliam. Bene est, reponit medicus, taceo, et abeo. Igitur ille ægrotus, ubi se ingurgitavit cibus, alvi jam pallidâ pelle intumescente, lavat se in balneis, odorem tetrum e faucibus exhalans: at mox, ubi repetit epulas, et poculum accipit, horrore subito ac tremore corripitur, et manus titubans olî poculum excutit aquâ calidâ plenum; crepitat dentibus, qui præ horrore labiis contractis reteguntur et apparent; cibi excidunt ore: moritur; atque ad ejus funus deducendum parantur tibicines, cerei, ac cædæ, tandemque iste delicatulus medici con-*

94. *Bone.* Vox blandientis.

95. *Lutea.* Pallida, crocea. Primam syllabam ea vox hîc longam habet quæ brevis est, cum a luto fit, luteus, id est, cœnosus.

96. *Tutor.* Tutores erga pupillos ferme sunt severi: hîc tutor, pro homine austero et rigido sumitur.

97. *Sepeli.* Pro *sepelivi*. *Tu restas.* Tu, qui mihi jam advenis ut tutor novus, restas à me sepeliendus. Vel, tunc hîc restas adhuc? non abis?

98. *Lavatur.* Solebant uti

balneo post cibum sumptum. Id verò noxium ægrotis, maximè hydropicis.

99. *Mephites.* Mephitis est odor teier, qui maximè ex aquis sulphureis et corruptis emittitur: hîc animæ graveolentiam significat.

100. *Trientem.* Triens est genus vasis, ita dictum; quia quatuor uncias continet: est enim triens quarta pars numeri duodenarii.

102. *Uncta.* Pinguis, lanta. *Pulmentaria.* Opsonia, cibi quilibet. Facta vox a pulte.

103. *Tuba.* Præcedebant

Gompositus lecto, crassisque lutatus anomis,  
 In portam rigidos calces extendit; at illum 105  
 Hesterni capite induto subiere Quirites.  
 Tange, miser, venas, et pone in pectore dextram:  
 Nil calet hic? summosque pedes attinge, manusque,  
 Non frigent? ingens si fortè pecunia visa est,  
 Cor tibi ritè salit? positum est argente catino 110  
 Durum olus, et populi cribro decussa farina;  
 Tentemus fauces; tenero latet ulcus in ore  
 Putre, quod haud deceat plebeia radere beta.

*temptor, in feretro collocatus, et unguentis perfusus, deponitur pedibus in publicum versis, ad januam, mox ad rogam et tumultum deportatur a servis, qui ab eo, prius quam obiret, pridie donati pileo fuerunt et libertate, adeoque recens facti cives Romani. Age nunc, o philosophice contemptor infelix, similem esse te illi ægroto agnosce: explora tu ipse tibi venam, manum pectori applica, nihilne immodici et alieni caloris deprehendis? attrecta pedes extremos et manus, nonne frigent? quid? an non cor tibi trepidat, et insolito motu subsilit, cum pecuniam adspicis? quid, si olera et viles cibi in frigidis lancibus tibi apponantur, si panis multo mixtus furfure, qualis e farina, plebeio cribro purgata, fieri solet? fauces tenta, tibi deprehendes ulcus tetrum, nempe gulam, quæ istis ple-*

funus nobilium tubæ, pauperum tibicæ.

104. *Lecto.* Feretrum instar lecti sternebant.

*Lutatus.* Uctus. Lutare; est luto inficere: hic ungere.

*Anomis.* Unguentis, aromatibus, quibus cadavera solebant oblini.

106. *Hesterni Quirites.* Romani, ita dicti, vel a Romulo, qui dictus est Quirinus; vel a Curibus, urbe primariâ Sabinorum, quibuscum prima fœdera junxerunt, appellati sunt Quirites: servi autem non recensebantur inter cives, nisi donarentur libertate.

*Induto.* Liberti pileum sumebant, ut insigne libertatis.

*Subiere.* Extulere, feretrum humeris imposuere.

110. *Catino.* Patinâ, lance.

111. *Decussa.* Purgata a furfure populi cribro, quod non excludit omne furtur, neque excutit: unde panis fit ater, et secundarius.

113. *Radere.* Petstat in metaphora: ulcera enim, si quid asperius affricetur, raduntur et offendentur: ita homo gula deditus respuit olera plebeia, qualis est beta: et ejus guttur istis cibis vellicatur ac raditur.

Alges, cū excussit membris timor albus aristas:  
 115 Nunc face supposita fervere sanguis, et ira  
 Scintillant oculi; dicisque facisque, quod ipse,  
 Non sani esse hominis, non sanus juret Orestes.

*bes cibus contenta non sit, seque illis offendi queratur. Nunc timore quateris, qui tibi capillos aristarum instar subrigit; nunc ira sanguis tibi succenditur, ut si fax illi supponeretur, et oculi scintillant; eaque dicis ac facis, quæ Orestes ipse, licet insanus, tamen facile videat esse hominis dementis, et ratione destituti.*

117. Orestes. Filius Agamemnonis fuit, Græcorum Regis, qui cū Clytemnestram matrem interfecisset, furis est agitatus, et in insaniam actus. Consule Juvenal. Sat. VIII, nota 213; et Sat. I, nota 6.

## SATIRA QUARTA.

*Magistratus gerendæ Reipublicæ imperitus.  
 Aliena vitia cernunt omnes magis quàm sua.*

REM populi tractas? (Barbatum hæc crede magistrum

Dicere, sorbitio tollit, quem dira cicutæ)  
 Quo fretus, dic hoc, magni pupille Periclei?

*ADMINISTRAS Rempublicam, o Alcibiade, pupille magni Periclis (finge hæc a Socrate illi dici). Quibus tamdem virtutibus est fretus, ut hoc a te rectè faciendum esse*

1. *Barbatum.* Socratem intelligit Atheniensem Philosophum, virum sapientissimum, qui morte damnatus ab Atheniensibus, quod de Diis perperam sentire diceretur, hausto veneno e cicuta confecto, periit. Philosophi autem barbam alebant.

*Magistrum.* Seu quia fuit Socrates Pædagogus Alcibia-

dis: sive quod, ut habet Cicero, 2 de Finibus, n. 1, Socrates philosophiæ parens jure dici potest.

3 *Pupille.* Alcibiadem hæc verba indicant, qui tutorem a patre accepit patrum suum Periclem, Græcorum ducem maximum. Volunt aliqui, sub Alcibiadis persona, castigari Neronem.

Scilicet ingenium, et rerum prudentia velox  
Ante pilos venit? dicenda, tacendaque calles? 5  
Ergo ubi commotâ fervet plebecula bile,  
Fert animus calidæ fecisse silentia turbæ,  
Majestate manûs: quid deinde loquere? Quirites,  
Hoc, puto, non justum est, illud malè, rectius  
istud:

Scis etenim justum geminâ suspendere lance 10  
Ancipitis libræ; rectum discernis, ubi inter  
Curva subit, vel cùm fallit pede regula varo,  
Et potis es nigrum vitio præfigere *Theta*.

*confidas? an ingenium tibi et prudentia maturior ante  
ceteri venit? an tenes quid tacendum, quid dicendum in  
loco sit? Age ergo, ubi populus iratus excitaverit sedi-  
tionem, libet tumultum sedare, prolatâ manu cum digni-  
tate, et silentium indicere: quid dices deinde? nempe:  
O cives, ea res injusta est: illa malè, hæc rectius, opi-  
nor, fiet: scis etenim quod justum est examinare rectâ  
judicii et rationis trutinâ; internoscis quod est rectum, ubi  
inter curva et viliosa latet, vel cùm aliqua morum et juris  
regula evadit curva et fallax, eam videlicet emendare  
potes; et prava viliosaque nosti condemnare, nigram illis*

4. *Scilicet ingenium.* Ironi-  
cè hæc et sequentia. Porro  
*ingenium*, juxta Casaubo-  
num, hic potest accipi pro  
*sapientia, judicii maturitate.*

*Rerum prudentia.* Expe-  
rientia, usus.

*Velox.* Præmatura, ante  
tempus, ante pubertatem,  
quæ apud Athenienses sume-  
batur, ut aiunt, ab anno  
ætatis decimo octavo.

5. *Pilos.* Ante barbam,  
ante canos, ante grandio-  
rem ætatem.

8. *Quirites.* Propriè cives  
Romani sunt sic dicti a Cu-  
ribus urbe Sabinorum, aut  
a *Quiri*, quæ vox, linguâ  
Sabinâ, hastam sonat. Hic  
autem, per catachresin de

Græcis intelligi debet.

11. *Ubi inter.* Ubi se abs-  
condit et latet inter curva,  
*id est*, inter injusta et iniqua.  
Virtus enim est in medio vi-  
tiorum duorum.

12. *Varo.* Distorto, obli-  
quo et curvo. Vari propriè  
dicuntur, qui pedes intror-  
sum inflexos habent. Exem-  
plum sit. Est hæc juris regula,  
*Reddatur depositum*: aliquis  
sanus ensem apud te depo-  
suit; cùm repetit idem in in-  
saniam actus; fallit hoc loco  
regula, neque enim debes  
reddere depositum.

13. *Theta.* Græcorum ju-  
dices, cùm reum condemna-  
bant, solebant tabellas in ur-  
nam, vel cistam dimittere, in

- Quin tu igitur, summâ nequicquam pelle decorus,  
 15 Ante diem blando caudam jactare popollo  
 Desinis, anticyras melior sorbere meracas?  
 Quæ tibi summa boni est? unctâ vixisse patellâ  
 Semper, et assiduo curata cuticula Sole?  
 Exspecta; haud aliud respondeat hæc anus. I nunc,  
 20 Dinomaches ego sum: suffla; sum candidus: esto,  
 Dum ne deterius sapiat pannucia Baucis;  
 Cum bene discincto cantaverit ocyma vernæ.

*et feralem litteram imponendo. Vides te istis omnibus carere dotibus, et solâ corporis formâ præstare: quin igitur cessas captare populi gratiam, ante idoneam ætatem et prudentiam, et illi te venditare, tu qui rectius faceres, si caput ac insaniam tuam purgares elleboro, quàm si administrationem imperii susciperes? Dic mihi, o infelix adolescens, qua in re summum bonum ponis? nempe in lauto victu, in curanda cute ad solem. Exspecta tantisper, queramus quid sentiat hæc vetula quæ præterit; certè nihil aliud respondebit de summo bono. Nunc tibi plaude, ac beatum te puta, quia nobilis es, et filius Dinomaches: buccas infla, gloriare de forma et pulchritudine. Sit ita sanè, do id tibi libenter, modò tu mihi vicissim concedas te nihilo sapientiorum esse, quàm sit anus pannosa, quæ in foro olitorio herbas servis protervis emendas proclamat, non sine convitiis, quibus illos proluat. Quàm*

quibus erat scripta Græca littera, *Theta*, quia *Thanatos*, quæ vox Græcè mortem significat, ab ea littera incipit.

15. *Caudam jactare.* Ita canes solent, cum blandiuntur dominis.

16. *Anticyras.* Anticyræ erant insulæ duæ eo nomine, in quibus ellebori magna copia nascébatur: valet illud contra insaniam.

*Melior sorbere.* Græca loquendi formula; id est, aptior et dignior qui sorbeas.

*Meracas.* Id est, merum et purum elleborum, ut remedium sit præsentius.

17. *Unctâ patellâ.* Pinguius patinis, id est, cibis delicatis.

18. *Sole.* Cutem ungebant ad Solem, aut ignem: aprico in loco certis horis interdum considebant, valetudinis causâ.

20. *Suffla.* Sufflare, est, flatum buccis tumentibus edere.

21. *Pannucia.* Pannosa, Baucis est nomen vetulæ, apud Ovidium celebris: pro qualibet vetula ponitur.

22. *Discincto.* Luxurioso, nebulone, prodigo.

*Ocyma.* Ocymum est genus leguminis.



Ut nemo in sese tentat descendere, nemo !  
 Sed præcedenti spectatur mantica tergo!  
 Quæsieris : [Nostin' Vectidi prædia ? Cujus ?      25  
 Dives erat Curibus, quantum non milvus oberret.  
 Hunc ais ? hunc Diis iratis, Genioque sinistro !  
 Qui, quandoque jugum pertusa ad compita  
     figit,  
 Seriolæ veterem metuens deradere limum,

*verum hoc effatum est, neminem se excutere, se inspicere, ac sua scrutari vitia! ut illa pars manticæ, quæ est in tergo hominis præcedentis, nobis ob oculos assidue versatur! Si fortè quæsieris ab aliquo: Nostine prædia Vectidii? Cujus, inquit ille? Nempe ille est, qui in agro Sabinorum tantum agri possidet, quantum milvus non percurrat per diem integrum volando.. Huncne ais? hominem nempe iratis superis, ac Genio adverso natum: ita miserè avarus est. Qui, cum post sementem factam aratrum suspendit ad compita, dolens quod lagunculæ operculum pice oblitum resignare cogatur, suspirat, et ut bonum ac fortu-*

*Vernæ.* Verna propriè est servus ex ancilla domi tempore verno natus: ponitur hic pro quolibet servo.

24. *Mantica.* Dicebat Æsopus nos vitia nostra, tamquam onus incommodum et invisum in peram seu manticam conjicere, quam tergo impositam gestaremus. Esse autem homines in vita, ut in via, ita ut alii alios sequerentur, et eam, quæ sibi a tergo penderet, manticam nemo adspiceret, sed eam quæ præcedentis tergo esset imposita, peccatis alienis plenam. Occasionem hujus digressionis ex eo sumpsit Persius, quòd Alcibiades seipse videretur ignorare, ac probè tamen cognitus aliis foret, qui aliena intuentur vitia, dum sua nesciunt.

26. *Curibus.* Cures urbs fuit præcipua Sabinorum.

27. *Genio.* Genius Deus est hilaritatis ac lætitiæ dator: itaque genio irato et adverso natus dicitur, qui genium defraudat, qui parcè vivit ac duriter.

28. *Jugum.* Agricolæ, post sementem factam, certum diem festum, insigni lætitiâ, vino epulisque celebrabant in compitis, in quibus aratra suspendebant.

*Pertusa.* Perforata; quia compita sunt loca, unde patet ingressus in multas vias: vel calcata, et contrita.

29. *Seriolæ.* Seria est vas testaceum, amphora.

*Limum.* Lutum, picem, quâ obturatur os amphoræ.

*Deradere.* Deripere, detrahere.

30 Ingemit : *Hoc benè sit* ; tunicatum, cum sale ,  
mordens

Cæpe , et farratam pueris plaudentibus ollam ,  
Pannosam sæcem morientis sorbet aceti ?

At si unctus cesses , et figas in cute solem ,

Est propè te ignotus , cubito qui tangat , et acre

35 Despuat in mores , arcanaque crimina carpat.

Cædimus , inque vicem præbemus crura sagittis :

Vivitur hoc pacto ; sic novimus. Illa subter

Cæcum vulnus habes , sed lato balteus auro

Protegit : ut mavis , da verba , et decipe nervos ,

*natum sit, precatur; tum cæpe adhuc suis tunicis involutum comedens, cum sale, et olla pultis plena, servis ob epulas adeo delicatas plaudentibus, vinum vapidum et fugiens quod acetum dici potest, avidè haurit usque ad fæcem. Hæc dicis de Vectidio, quisquis illum ita carpis; sic illius vitia rides: at si tu post lautas epulas in otio marcescis unguentis delibutus, et ad solem apricaris; non deerit aliquis fortè ignotus, qui te carpat vicissim, et te cubito pulset, tuoque tibi vitia occulta exprobrat. Ita carpinus alios, et lingua, ut jaculo, vulneramus; ita vicissim ab iis vulneramur et carpinur: sic sunt homines, sic vivunt. Sic alii alios norunt: sic tua, o Alcibiades, vitia perspicimus. Tu habes occultum vulnus intra viscera, sed tuus balteus, latior et auro ornatus, impedit quominus appareat: age ut libuerit, finge te sanum esse, ac*

30. *Hoc benè sit.* Quasi rem magnam acturus, precatur omnes Deos, ut bene illam sibi ac feliciter evenire velint.

31. *Farratam.* Farre multo plenam, seu pulte confectâ ex pingui frumento, e farina farris.

32. *Pannosam.* Fæx vini rancida et sicca, in pannosas veluti lacinias arescit.

34. *Est prope te ignotus.* Aderit quidam quem non noris, sed qui te probè norit, tuamque addeò vitam occultasque libidines expromet.

*Cubito, etc.* Id fit, cum aliquem durius admonemus: eum cubito fodimus.

35. *Despuat.* Dicimur in aliquam rem despuere, cum eam execramur.

38. *Cæcum vulnus.* Ita vocat libidines et occulta flagitia.

*Balteus.* Hæc voce potentiam et opes innuit, quæ magna sunt vitiorum integumenta: quis enim potentem ac divitem accusare velit, quis ausit?

39. *Da verba.* Impone aliis, fucum facito.

Si

Si potes. Egregium cùm me vicina dicat , 40  
 Non credam? viso si palles, impròbe, nummo!  
 Si puteal multà cautus viblice flagellas;  
 Nec quicquam populo bibulas donaveris aures.  
 Respue quod non es: tollat sua munera cerdo:  
 Tecum habita; et noris quàm sit tibi curta 45  
 supellex.

*te, si potes, accipe, et læsis nervis, corruptis visceribus, nega te ægrotare. Atqui me vicini omnes laudant et virum esse bonum prædicant: cur illis non credam? Si, o improbe, viso nummo, ejus desiderio perturbaris: si debitores tuos iniquis usuris vexas; frustra aures laudis avidas populo adulanti præbes. Repudia laudes, tibi non debitas: vilis plebecula et infimi artifices servant sibi suas adulationes et sua dona; te inspice, te consule, qui sis, quid habeas: tum intelliges quàm tuæ opes ac virtutes exiguæ sint.*

*Nervos decipe.* Metaphora ducitur ab iis qui cùm articulari morbo laborent aut paralyti, qui nervos obtundit, fingunt se tamen valere.

42. *Puteal.* Propriè est putei operculum. Locus fuit Romæ ita dictus, in quo exercebantur judicia; eratque ibi Prætoris tribunal; in eundem locum fœneratores conveniebant, ut a debitoribus usuras exigent.

*Vibice.* Vibex est signum

vulneris inflicti, cicatrix. Per hanc metaphoram significatur acerbitas et sævitia fœneratorum in debitores, sive litigatorum improbitas.

44. *Sua munera.* Laudes immeritas vocat munera assentatoris.

*Cerdo.* Cerdo est veterum calceorum sutor, in hoc loco, vilis opifex quilibet.

45. *Curta.* Manca, mutila, exigua.

## SATIRA QUINTA.

*Primum gratias agit præceptoris suo, quem pluribus laudat : deinde in quo vera libertas posita sit, præclare docet.*

**V**ATIBUS hic mos est, centum sibi poscere voces,

Centum ora, et linguas optare in carmina centum :  
Fabula seu moesto ponatur hianda tragoedo ;

Vulnera seu Parthi, ducentis ab inguine ferrum.

5 Quorsum hæc ? aut quantas robusti carminis offas  
Ingeris, ut par sit centeno gutture niti ?

**F**acerem hic libenter, quod vates solent, qui consueverunt optare, ut centum sibi ora et centum linguæ suppetant, ad ea dicenda, de quibus carmen scribunt ; seu tragœdiam componant, ab æstis actoribus clamore magno recitandam ; seu describant bella cum Parthis gesta, qui sagittas ferro præfixas extrahunt ipse e pectore vulnerato, et in hostes retorquent. Cur sic incipis, o Persi ; quorsum hæc optas ? Quodnam illud tandem est carminis tui ac Satiræ istius argumentum, cui explicando egeas centum faucibus, veluti ad ingentem offam deglutiendam ? Qui

1. *Vatibus, etc.* Est in hac Satira dialogus inter Cornutum et Persium.

3. *Fabula.* Tragœdia, quia multa in tragœdiis fingi a poetis solent.

4. *Parthi.* Parthi sunt populi Asiæ, Persis vicini, Romanorum hostes infensissimi, sagittandi periti valde, et fugam simulando vincere assueti. Unde Virgilius, Georg. 3. *Fidentemque fugâ Parthum versisque sagittis.*

*Ferrum.* Sagittas ferro ar-

matas in cuspide. Synecdoche.

5. *Quorsum hæc ?* Fingit Persius adesse Cornutum præceptorem suum, quem alloquitur in hac satira.

*Offas.* Offa est propriè frustum carnis tumidum : sumitur hic pro partibus magni alicujus et tumidi carminis.

6. *Ingeris.* Alias aliis cumulas, aggeris, et stipas : vel potiùs, infers tibi in os et buccam, ut opus sit centeno gutture ail eas deglutiendas.

Grande locuturi nebulas Helicone legunto :  
 Si quibus aut Progenes, aut si quibus olla Thyestæ  
 Fervebit, sæpe insulso cœnanda Glyconi :  
 Tu neque anhelanti, coquitur dum massa camino, 10  
 Folle premis ventos; nec clauso murmure raucus?  
 Nescio quid tecum grave cornicaris ineptè,  
 Nec stloppo tumidas intendis rumpere buccas.  
 Verba togæ sequeris, juncturâ callidus acri,  
 Ore teres modico, pallentes radere mores 15

*grande scribendi genus affectant, pergant sanè in Heliconem, et ibi colligant obscuras et sublimes locutiones; si nempe cœnam, quam Progne Tereo, aut Atreus Thyestæ apposuit, sumunt exhibendam per insulsum illum actorem Glyconem, qui Terei cœnantis, aut Thyestæ partes agat. Tu carmen ejusmodi turgidum non scribis; neque imitaris folles, qui, interim dum igne ferrum in camino coquitur, ventos colligunt, et magno cum sonitu reddunt: nec rauca voce, et inter dentes conclusa, ineptè aliquid immurmuras: nec buccis inflatis, ingenti sonitu, versus ampullatos recitare amas. Uteris verbis in communi usu positis, et genere scribendi sic aptè composito et nexu, ut numerosus*

8. *Progenes.* Progne fuit Pandionis filia, Philomelæ soror, Terei Thraciæ Regis uxor, quæ filium suum Itym epulandum apposuit marito, a quo Philomela temerata fuerat.

*Thyestæ.* Thyestes Mycænarum Rex, Pelopis filius, frater Atrei fuit; qui cum uxorem fratris temerasset, Atreus suos ipsi liberos in mensa apposuit, in olla cœtos, reservatis capitibus illorum et pedibus, quæ postea illi obtulit, ut agnosceret suum dolorem.

12. *Cornicaris.* More cornicis, tacitum quiddam et surdum crepas ac loqueris.

13. *Stloppo.* Stloppus est

ille sonus, qui inflatus buccis ac displōsis editur.

14. *Verba togæ sequeris.* Non bella carmine describis, sed quæ pacis tempore in usu sunt.

*Toga.* Toga est vestis exterior, usitata Romanis, qui togati hinc dicti: significat hoc in loco usitatum loquendi genus, oppositum ampullato et inflato. Eadem toga pro pace etiam sumitur, quia cives eâ utebantur in Urbe, cum milites sago in castris uterentur.

15. *Teres.* Rotundus, perfectus ac politus. Quidam legunt, *teris*, hoc est, ex polis, concinnas.

*Pallentes.* Sceleratos, quia improbi pallent ob flagitia.



Doctus, et ingenuo culpam defigere ludo.

Hinc trahe quæ dicas, mensasque relinque Mycenis,

Cum capite et pedibus, plebeiaque prandia noris.

Non equidem hoc studeo, bullatis ut mihi nugis

20. Pagina turgescat, dare pondus idonea fumo.

Secreti loquimur; tibi nunc, hortante Camoenâ,

Excutienda damus præcordia; quantaque nostræ

Pars tua sit, Cornute, animæ, tibi dulcis amice,

Ostendisse juvat. Pulsâ dignoscere cautus

25 Quid solidum crepet, et pictæ tectoria linguæ.

*concinuusque sit stylus tuus, non immodicè intumescens, et inflatus. Callidè insectaris hominum scelera, moresque pravos carpis acriter, atque pungis, ludendo liberaliter et urbanè. Hæc illa sunt argumenta, unde tuis materiam versibus debes sumere; relinque Græcis Thyesteas mensas, ubi elixum puerorum caput cum pedibus servatum est, in epularum fine ostendendum: expende prandia ipsius plebis et mores ejus quotidianos, ac luxum argue. Ego, verò non ob eam causam centum voces mihi opto, quodd in istis versari argumentis velim: neque enim id ago, ut repleam libros versibus ampullatis et splendidè inanibus, quibus nugas poetarum et fabulas exornem et commendem. Sine arbitris, solus solum te nunc alloquor, suadetque mihi mea Musa, ut latebras mei pectoris tibi explorandas præbeam: placet tibi nunc ostendere, o amicorum dulcissime, quàm verè te amem, et quanta sit pars anima tua meæ. Explora me, ut solent qui vasa fictilia emunt; tu, inquam, qui scis probè dignoscere quo sono vas intelligatur solidum esse, quænam amicitia vera et germana, quænam sit fucata et mendacibus verbis tecta. Ea causa est, cur centenas mihi*

16. *Culpam defigere.* Notare et pungerè: stylum in vitiis penitus figere: defigere enim, est, validè fingere.

17. *Mycenis.* Mycenæ urbs Græciæ est in Peloponneso, ubi Atreus regnavit.

19. *Bullatis.* Bulla est aqua summa intumescens, et in globulum vento plenum se convolvens: pro re tumida

et fulgenti, sed inani et vacuâ, sumitur.

21. *Secreti.* Quæ fiunt ad inanem gloriam captandam, in lucem effleruntur, ut incurrant in ora et oculos aliorum.

25. *Tectoria.* Hic significat fucatam amicitiam quæ verbis tantum constat, cum aliud in animo lateat.

Hic ego centenas ausim deposcere voces ,  
 Ut quantum mihi te sinuoso in pectore fixi ,  
 Voce traham purâ , totumque hoc verba resignent ,  
 Quod latet arcanâ non enarrabile fibrâ.  
 Cùm primùm pavido custos mihi purpura cecidit ; 50  
 Bullaque succinctis Laribus donata pependit ;  
 Cùm blandi comites ; totâque impune Suburrâ  
 Permisit sparsisse oculos jam candidus umbo ;

*dari voces velim , ut sincerâ oratione prædicem , quàm altè in animo defixus mihi sis , idque verbis aperire possim , quod in intimo latet pectore. Cùm primùm prætextam vestem deposui , quæ puerilis integritatis et verecundiæ veluti custos est , bullamque donavi et appendi Laribus ; cùm uti sociis et congeneronibus blandis cæpi , cùm clypeum , militiæ per ætatem jam patiens , candidum ut tyro , sumpsit ; cùm per Suburrâ , vicum cupediis ac deliciis infamem , oculos jam*

27. *Sinuoso in pectore fixi.* In latebris animi reconditis-  
 simis adeo te infixi , ut totus in me sis , et totus sim tuus.

29. *Fibrâ.* Corde , pectore.

30. *Purpura.* Toga puerilis , seu prætexta ; sic dicta , quia illi purpureus limbus at-  
 texebatur. Hanc gestabant , ut etiam bullam pueri nobiles usque ad annum 16 exactum ,  
 eaque depositâ , virilem togam induebant. *Custos* dicitur , quia illa vestis sacra erat ,  
 et qui eâ uterentur , sancti et venerabiles habebantur : itaque dabatur Magistratibus :  
 item pueris , ut eorum pudicitie custos esset.

*Pavido.* Vel quia pueri meticulosi sunt , vel quia magistrorum minas ac verbera timeant.

*Cecidit.* Deposita est , me reliquit.

31. *Bullaque.* Erat corculum quoddam , vel aliud quid-

piam ex auro , argento , etc. quod nobilium puerorum collo appendebatur.

*Succinctis.* Lares Dii erant domestici , qui singulis in domibus , et in aliis quibusdam locis publicè colebantur. Habebant vestem , quæ canina pellis erat , instar peregrinantium altè cinctam , et in humerum sinistram reductam ac obvolutam.

32. *Cùm blandi comites.* Non asperi monitores adorant amplius , quales patruus , aut Pædagogus , qui sumptâ virili togâ removebatur.

33. *Umbo.* Est propriè pars in medio clypeo eminens , et intumescens , interdum præfixa cuspidè. Candidus erat clypeus tyrônium , ut in eo res præclarè ab iis gerendæ scribi possent et coloribus adumbrari. Umbo etiam est togæ pars quædam eminens : laetiores enim togam ita compo-

- Cùmque iter ambiguum est, et vitæ nescius error  
 35 Diducit trepidas ramosa in compita mentes;  
 Me tibi supposui: teneros tu suscipis annos  
 Socratico, Cornute, sinu; tunc fallere solers  
 Apposita intortos ostendit regula mores;  
 Et premitur ratione animus, vincique laborat,  
 40 Artificemque tuo ducit sub pollice vultum.  
 Tecum etenim longos memini consumere soles,  
 Et tecum primas epulis decerpere noctes:  
 Unum opus, et requiem pariter disponimus ambo,  
 Atque verecundâ laxamus seria niensâ.

*spargere liberiùs potui; ed, inquam, ætate, quâ sunt incerti adolescentes quodnam vitæ institutum aggrediantur, cùm laborant ignorantia earum rerum, quæ necessariæ sunt ad vitam bene transigendam, ac veluti hærent in bivio compito, per duplicem Pythagoricæ litteræ ramum significato: tunc me tibi erudiendum tradidi, tu me Stoicâ philosophiâ, cuius auctor præcipuus Socrates fuit, instituendum suscepisti: tunc apposuisti mihi regulam, quæ mihi ostenderet quid esset in meis moribus intortum et obliquum, quæ regula ita subtilis, solers, ac delicata est, ut plerosque fallat lateatque. Tunc animus meus rationi morem gerere cæpit, et ab ea vinci, eique subjici, quàmvis non sine labore: tunc novam faciem ab arte et philosophia accepit, te fingente et velut argillam digitis formante. Memini me tecum totos dies transigere solitum, et primam noctis partem epulis seponere: ambo laboris pariter et quietis tempora partiebamur, et severiores curas hilari et honestâ mensâ levabamus. Credas meritò ab occulta sideris alicujus potestate*

nebant, complicabantque, ut certo modo tlypei speciem præ se ferret: togæ porro erant vulgò candidæ.

35. *Ramosa.* Quæ in plures vias sciuntur.

36. *Supposui.* Metaphora ducitur ab ovis, quæ fovenda gallinæ incubanti supponuntur. Quidam legunt seposui, id est, segregavi.

37. *Socratico sinu.* Tuo sinu, qui disciplinam et philo-

sophiam Socratis sequeris. De Socrate vide satiram IV.

*Fallere solers.* Solerter et callidè me fallens, vix a me deprehensa. Fallo enim sæpè sonat ignoror.

40. *Artificem.* Magnâ curâ, et arte elaboratum. Legunt alii, artificisque tuo ducit, etc. sub tuo pollice, qui es peritus artis philosophicæ.

42. *Decerpere.* Primam partem noctis ad epulas capere.

Non equidem hoc dubites, amborum foedere certo 45  
Consentire dies, et ab uno sidere duci.

Nostra vel æquali suspendit tempora Librâ  
Parca tenax veri, seu nata fidelibus horâ  
Dividit in Geminos concordia fata duorum;  
Saturnumque gravem nostro Jove frangimus unâ: 50  
Nescio quodl' certè est, quod me tibi temperat  
astrum.

*Mille hominum species, et rerum discolor usus:  
Velle suum cuique est, nec voto vivitur uno.*

Mercibus hic Italis mutat sub sole recenti  
Rugosum piper, et pallentis grana cumini; 55

*fieri, ut viâ utriusque nostrâ, occupationes, ac studia  
sibi congruant, sintque inter se simillima. Aut Parcæ, quæ  
væra hominum fata conduunt, nos sub eodem Libræ sidere  
nasci volucrunt, aut hora nascendi, nobis fidelibus ami-  
cis data, nos sub Geminis editos voluit, et istam con-  
cordiam vitæ ac morum ambobus tribuit. Noxios, et ma-  
lignos Saturni influxus, propitiis Jovis, qui nobis favet,  
radiis adspectuque refundimus. Certè est aliquod astrum,  
seu Jovis, seu alterius Numinis (cujus porro nescio) quod  
te mihi similem et conjunctissimum facit. Hominum non  
unum genus est; eorum studia et exercitationes vitæ admo-  
dum discrepant inter se: est sua cuique propensio, nec idem  
omnes amant optantque. Hic mercaturam exercet, ac mer-*

46. *Sidere.* Ab eodem astro gubernari; quod nobis nascentibus præfuerit.

48. *Tenax veri.* Mentiri nescia.

49. *Geminos.* Gemini, tertium sunt Zodiaci sidus. Poëtæ fingunt illos gemellos esse Castorem et Pollucem, qui fuerint inter sidera collocati; Astrologi verò censent eos qui sub Librâ aut Geminis nascantur amicos esse et invicem consentientes.

50. *Saturnum.* Saturnus dicitur ab Astrologis esse stella gravis, hoc est, noxia et infæusta.

*Nostro.* Propitio, favente nobis.

51. *Temperat.* Accommodat, amicum et congruentem facit.

52. *Discolor.* Non unius coloris et generis.

54. *Mutat.* Ante usum æris, per rerum commutationem mercaturâ fiebat.

*Recenti.* Sol oriens dicitur novus, quia renâsci videtur quotidie.

55. *Rugosum.* Piper scabram cutem habet.

*Cumini.* Cuminum olus est, cujus succus pallidos facit.

- Hic satur irriguo mavult turgescere somno;  
 Hic campo indulget; hunc alea decoquit; ille  
 In venerem putret: sed cum lapidosa chiragra  
 Fregerit articulos, veteris ramalia fagi,  
 60 Tum crassos transisse dies, lucemque palustrem,  
 Et sibi jam seri vitam ingemuere relictam.  
 At te nocturnis juvat impallescere chartis:  
 Cultor enim juvenum purgatas inseris aures  
 Fruge Cleanthea. Petite hinc, juvenesque, senesque,  
 65 Finem animo certum, miserisque viatica canis.

*ces Italice mutat cum pipere et cumino in India Orientali; hic epulis mavult, ac somno pinguescere, quam opes labore multo querere: alius delectatur ludo, et exercitationibus, quibus Romani utuntur in campo Martio: alium ludus aleæ spoliatur opibus: alii turpes voluptates sectantur; sed cum chiragra eorum digitos, ut veteris fagi ramos, siccaverit intorseritque, tum ingemiscunt vitam sibi totam in luto fiedarum voluptatum, ac tenebris peractam fuisse, et eam sibi ad morbos et ærumnas relictam, ac in senium prorogatam dolent. Tua studia, o Cornute, longè alia sunt: incumbis, etiam noctu, in libros; juvenum mores excolis, et in eorum aures animumque inseris philosophicæ præcepta, ut sementem bonam, unde virtutum fructus nascantur. Ex his nimirum studiis, o senes et juvenes, ex hac philosophia discite certum finem, quem animo*

56. *Turgescere.* Pinguis fieri, saginari. Irriguum appellat somnum, quia calorem nativum maximè temperat, ac veluti rigat corpus, benignos humores excitando.

57. *Campo.* In campo Martio ad Urbem, exercebat se juvenus Romana, disco, cursu, saltu, et aliis id genus ludis.

58. *Putret.* Dissolutus est, ac marcidus. Legunt alii *puris*, subaudiuntque est.

*Lapidosa.* In articulis digitorum, calculi et nodi generantur e crassis humoribus quibus arthritici cruciantur.

60. *Palustrem.* Obscuram, ut est in paludibus et popinis ob nidorem et fumum.

64. *Fruge.* Frugem appellamus herbas aut sementem. Detractis igitur pravis opinionibus, ut herbis noxiis, meliores tu, ac feliciores inseris, ut bonam sementem.

*Cleanthea.* Cleanthes philosophus fuit auditor Zenonis: quem aiunt interdum studere solitum, noctu aquas e puteis pretio extrahere, unde vitam toleraret.

65. *Canis.* Albis capillis, senectuti.



Cras hoc fiet. Idem cras fiet. Quid? quasi magnum,  
 Nempe diem donas? sed cum lux altera venit,  
 Jam cras hesternum consumpsimus; ecce aliud cras  
 Egerit hos annos, et semper paulum erit ultra:  
 Nam quamvis prope te, quamvis temone sub uno, 70  
 Vertentem sese frustra sectabere canthum;  
 Cum rota posterior curras, et in axe secundo.  
 Libertate opus est, non hac, quam ut quisque  
 Velina

*spectare in omni vita debeatis; hinc vobis sapientiam et virtutem comparate, quæ sunt veluti viaticum, quæ instructi senectutem læti percurreritis. Cras, inquit aliquis, hoc faciam. Cras hoc facies? cur non hodie? Cur adeo me urges, quasi magnum spatium temporis a te petam? diem unum donas mihi; est hoc exiguum. Sed cum altera dies venit, jam istud cras hesternum, seu dies illa hesternæ, quæ a te pridie cras dicebatur, abiit, et inutilis tota præterit; rursumque aliud cras postulabis, et ita totos annos, vitam totam consumes, dicendo te cras incæpturum sapere; et semper aliud cras erit ultra illud quod tibi dari petiisti, adeo ut numquam venias ad ultimum aliquod cras, sicut in curru rotarum quatuor posteriores rotæ quamvis juxta priores sint, et in eodem curru, numquam eas tamen currentes assequuntur, quia posteriori sunt in axe, et quantò magis sequuntur alias, tantò illæ magis antecedunt. Liberi esse debemus, non eâ libertate, quam e*

66. *Idem, etc.* Potest exponi sic. Idem dices cras, et tu hodie promittis te cras operam virtuti daturum, ita die sequenti dices, hoc fiet cras, idemque dicturus es tertâ post die, ac porro deinceps.

69. *Egerit.* Consumpserit sensim tuos annos, vitam totam peregeris, in vitio traduxeris, dum te cras, et cras bene victurum spondes. Alii ab egero deducunt istud egerit, hoc sensu: cras toties postulatum et datum expellit, extrudit, finit hos tuos annos.

71. *Canthum.* Canthus est

ferreus ille circulus, quo rota extrema involvitur; hic vero pro totâ rotâ sumitur.

73. *Velinâ.* E tribu Velinâ: hæc una erit ex Italis tribubus 35, fortè sic dicta quòd circa Velinum lacum esset. Porro servi, cum donabantur libertate, in aliquam tribum ascribebantur: iidem sumebant prænomen aliquod, vulgò illius a quo erant in libertatem vindicati; hinc iste, Publius dicitur; alter Marcus Dama. Porro nomen tribus suæ, ut ceteri e plebe, subjungebant suo prænomini,

Publius emeruit, scabiosum tesserulâ far

- 75 Possidet. Heu steriles veri, quibus una Quiritem  
Vertigo facit! Hic Dama-est, non tressis agaso,  
Vappa, et lippus, et in tenui farragine mendax:

populo quilibet, Publius v. g. *Velina* ubi semel emeruit atque adeptus est, possidet frumentum oblatâ tesserulâ frumentariâ. Heu quàm aberratis a vero, qui civem et liberum fieri censetis, si a domino manumissus et in orbem agitatus fuerit! Hic, quem videtis, vocatur Dama, et servus est, ac vilissimæ inter servos conditionis: quippe qui asinos domini agât, homo ne tribus quidem assibus testimandus, solidus, lippus, fraudulentus, fallere ac dominum fraudare solitus, vel in ipso pabulo, quod jumentis

ut Publius Velina, Marcus AEmilia, etc.

74. *Publius*. Aliquis servus, qui prænomen Publii cepit.

*Emeruit*. Servitutem exiit. Emeriti milites dicebantur, qui solvebantur militiâ, quibus vacatio a militia dabatur.

*Scabiosum*. Vile, corruptum. Legunt alii, *scabrosim*.

*Tesserulâ*. Nota quædam erat, signum aliquod et symbolum, quo exhibito, cives gratis frumentum ex horreis publicis accipiebant.

75. *Steriles veri*. Veritate destituti. Græca locutio; metaphora est: propriè steriles bonæ frugis terræ dicuntur.

*Quiritem*. Cives Romani a Quirino, *Quirites* dicti: hic abusive nomen hoc usurpatur.

76. *Vertigo*. Cum dominus servum libertate donare statuerat, ducebat illum ad Præto-rem; ibique illum apprehendens in gyrum circumagebat, significans eum jam,

quò vellet, ire ad arbitrium posse: mox eundem Prætor virgâ quæ vindictâ dicebatur, quia eos vindicabat in libertatem, percutiens, hæc verba dicebat: *Esto liber*.

*Dama*. Servile nomen. Observat Casaubonus inter nomina servilia quædam fuisse honestiora a quibus liberi non abhorrent, quamvis magna esset in nominibus apud Romanos ambitio. Hinc est quod magnificè hic Dama vocatur, et paulò post repetitur *Marcus Dama*.

*Tressis*. Qui valet tribus assibus.

*Agaso*. Qui asinos agit ac ducit.

77. *Vappa*. Vinum est, quod aceto est proximum: accipitur pro nebulone, insulso, et perdito.

*Lippus*. Cui oculi stillant ac fluunt; baxdus, nequam.

*Farragine*. Farrago, jumentorum pabulum, est far- ris et variorum leguminum permixtio.

Vërterit hunc dominus; momento turbinis exit  
 Marcus Dama. Papæ! Marco spondente, recusas  
 Credere tu nummos? Marco sub iudice palles? 30  
 Marcus dixit; ita est: assigna, Marce, tabellas.  
 Hæc mera libertas? hanc nobis pilea donant?  
*An quisquam est alius liber, nisi ducere vitam*  
*Cui licet, ut voluit?* licet, ut volo vivere: non sum  
 Liberior Bruto? Mendosè colligis, inquit 85  
 Stoïcus hic, aurem mordaci lotus aceto;

*distribuit: simul ac tamen cum dominus in orbem agita-*  
*verit, post illam agitationem, momento evadit civis ho-*  
*nestissimus, et vocatur Marcus Dama. Rem miram, Su-*  
*peri! si Marcus iste Dama pro aliquo debitore tuo spon-*  
*deat, num dubitabis nummos, tam idoneo fide jussore,*  
*tuos dare, et esse creditor? si Marcus sit iudex tuæ cau-*  
*sæ, num trepidabis ne jus non obtineas? si Marcus ali-*  
*quid affirmaverit: nonne ita esse jurabis? Marce, ades;*  
*signum tuum annulo tuo appone tabulis instrumenti pu-*  
*blici, aut testamenti. An hæc tandem vera libertas est,*  
*quam assequuntur servi vel nequissimi, si pileum sumpse-*  
*rint; Quidni? inquis; etenim ille liber est, qui arbitrato*  
*suo vivit: at ego, Marcus Dama, si vis, quem tu de-*  
*rides, ego, inquam, potestatem habeo vivendi ut volo;*  
*nonne sum igitur Bruto liberior? Malè ratiocinaris, respon-*  
*debit aliquis Stoïcus, purgatam aurem habens et acce ju-*  
*dicium, ut falsa distinguat a veris; admitto et concedo*

79. *Marcus Dama.* Assumpto sui domini prænominē, qui antea dicebatur tantum Dama, jam vocatur Marcus Dama.

*Spondente.* Fidem suam pro alio interponente.

81. *Tabellas.* Condere testamentum non poterant servi, neque obsignare aliud instrumentum, testes esse, etc.

82. *Hæc mera libertas.* Non alia sanè est libertas, quam ea, quæ licet prænomen assumere, pro alio stipulari, magistratum adipisci, testis esse,

et fidem habere, quæ omnia sunt negata servis.

*Pilea.* Servi libertate donati conferebant se in templum Dæe Feroniæ; ubi caput radabant, ac sumebant pileum, quod insigne libertatis erat.

85. *Bruto.* M. Junius Brutus, pulsus Romæ Regibus, ut Consules crearentur curavit, et libertatem sanxit.

86. *Aceto.* Valet acetum ad sordes abstergendas: pro sagacitate et prudentia ponitur.

Hæc reliqua accipio; *licet, ut volo vivere*, tolle.  
 Vindictâ postquam meus a Prætoris recessi,  
 Cur mihi non liceat, jussit quodcunque voluntas,  
 90 Excepto, si quid Masuri rubrica vetavit?  
 Disce: sed ira cadat naso, rugosaque sanna,  
 Cum veteres avias tibi de pulmone revello.  
 Non prætoris erat stultis dare tenuia rerum  
 Officia, atque usum rapidæ permittere vitæ:

*ea quæ prigrè loco dixisti, nempe, ille est liber, qui vivit ut vult: at nego hæc alia, quæ subjunxisti, mihi licet vivere ut volo: hæc tolle, sunt enim falsa. At, inquis, postquam mei juris effectus sum solitâ Prætoris formulâ, cur non mihi liceat vivere ut volo? excipio tamen ea, quæ in legibus vetita sunt, et a Masurio notata: fateor enim, non licet ea mihi facere, neque verò libet. At tu, disce quæ sit vera libertas: sed iram tamen pone, neque si quid dicam, irride, dum tibi falsas et aniles opiniones ex animo conor evellere. Non erat Prætoris, qui te liberum, postulante domino tuo, pronuntiavit, munus et facultas, efficere ut tu, qui sapiens non es, sapientiam, in qua vera libertas consistit, quæ virtutum officia, et vitæ*

88. *Vindicta.* Virga est, quâ manumittendi a Prætoris in capite pulsantur, ideo dicta, quod eos vindicat libertati. Titus autem Livius, Lib. II, cap. 5, ita punctipatam ait a Vindicio servo qui primus libertate simul et civitate donatus ob detectam conjurationem. Hinc verò sancitum, ut quoties servus aliquis manumitteretur, caput ejus baculo tangeretur, in memoriam conservatæ populo Romano per servum libertatis.

90. *Masuri.* Masurius fuit jurisconsultus, Tiberii tempore celeberrimus.

*Rubrica.* Leges; quia legum tituli et inscriptiones mihi et rubricâ notabantur.

91. *Rugosa.* Qui irridet

alios frontem et nasum corrugant.

92. *Avias.* Avia est propriè matris mater. Hic avias sunt aviarum aniles fabulæ, inveteratæ, et falsæ opiniones.

93. *Non prætoris erat.* Non est munus: imperfectum pro præsentis.

94. *Officia.* Officia vocantur ea, quæ ex officio, ex virtute, fieri ab hominibus in vitâ comuni debent. *Tenuia* dicuntur, hoc est, subtilia, accurata, quæ multum prudentiæ postulant, quæ oculos faciliè fugiunt et communem prudentiam.

*Rapida.* Quæ citò effluit, citò transit.



Sambucam citiùs caloni aptaveris alto.

Stat contrà ratio, et secretam gannit in aurem,

Ne liceat facere id, quod quis vitlabit agendo:

Publica lex hominum, naturaque continet hoc fas:

Ut teneat vetitos inscitia debilis actus.

Diluvis elleborum, certo compescere puncto

100

Nescius examen; vetat hoc natura medendi.

Navim si poscat sibi peronatus arator,

Luciferi rudis; exclamet Melicerta, perisse

*degenitæ rationem hominibus præscribit consequeris; ac permittere tibi facere quæ velles, et uti vitâ tuo arbitratu. Faciliùs docueris calonem et rusticum aptè ludere fidibus, et organum musicum peritè tractare. Reclamat etiam ipsa ratio, quæ tacitè nos admonet, ne quis id aggrediatur facere, quòd malè agendo veluti contaminaturus sit: hoc omnium gentium et naturæ lege sancitum est, ut qui per inscitiam aliquid efficere nequit, ab ea re se absterneat. Sic ratio ipsa et natura medicæ artis prohibet, ne elleborum temperes ac diluas ægroto dandum, si nescias illum ponderare, et velut in examine ac libra expendere, ut quot puncta, seu grana illius danda sint, noscas. Ita si arator astrorum imperitus, navem sibi gubernandam poscat; Dii maris exclamabunt, et impudentissimè totam rem*

95. *Sambucam.* Instrumentum musicum.

*Caloni.* Calo est militum servus.

*Alto.* Id est, hebeti, ignavo.

96. *Gannit.* Tacitè admonet.

99. *Ut teneat, etc.* Ut inscitia debilis abstineat se a vetitis actibus, omittat actus vetitos; ut qui non potest aliquid facere, ob ignorantiam, id non faciat.

100. *Elleborum.* Herba est, quæ ad bilem atram purgandam valet.

*Puncto.* Pondere, mensurâ. Stater est trutinæ species et

libræ: caret ea lancibus: sed in oblongo baculo nantur puncta quædam, ex quibus ratio et modus ponderis, quod in extremâ ejusdem baculi parte suspenditur, intelligi potest.

102. *Peronatus.* Perone indutus. Pero est calceamenti rustici genus.

103. *Luciferi.* Lucifer est stella, quæ *Venus* dicitur, quæ circa solem volvitur; pro omnium astrorum cognitione hic ponitur.

*Melicerta.* Filius fuit Athamantis ex Ino Cadmi filiâ: mutatus est in Deum marinum, et Palæmon vocatus.



- Frontem de rebus. Tibi recto vivere talo  
 105 Ars dedit, et veri speciem dignoscere calles,  
 Ne quæ subærato mendosum tinniat auro;  
 Quæque sequenda forent, et quæ vitanda vi-  
 cissim,  
 Illa prius cretâ, mox hæc carbone notasti:  
 Es modicus voti, presso Lare, dulcis amicis:  
 110 Jam nunc adstringas; jam nunc granaria laxes:  
 Inque luto fixum possis transcendere nummum,  
 Nec glutto sorbere salivam mercurialem:  
 Hæc mea sunt, teneo, cum verè dixeris, esto

*naturam esse perturbatam jure conquerentur. Igitur si philosophia, illa bene vivendi ars, tibi dedit rectè et sapienter vivere; si speciem veri ab ipsa veritate dignoscere potes, ne aurum ære mixtum, quod germani et veri auri tinnitum mendosè imitatur, pro auro vero capias; si albo lapillo notare calles honesta, quæ amanda sunt; turpia verò, quæ sunt fugienda, carbone: si modum tenes in tuis desideriis, si parsimoniam in re domestica servas, si erga tuos amicos humanus es, ita ut frumentum et opes tuas aliquando illis liberaliter impertias; aliquando, cum scilicet opus non est, occludas et contrahas; si avaritia te non cogit nummum a pueris in luto defixum inter sili-ces, colligere: si tu avidus helluo, ad quamlibet lucri spem non exilis, eamque suaviter regustas: cum verè pronuntiare poteris ea, quæ dixi hactenus, tua esse, te his*

104. *Frontem.* Verecundiam, pudorem, cujus sedes in fronte.

*Recto talo.* Rectâ viâ, congruenter virtuti; ducitur metaphora ab iis, qui pedibus rectis, non obtortis ambulant.

105. *Ars.* Philosophia, quæ vitæ magistra, lex, regula, passim vocatur; et rectè agendi præcepta continet.

109. *Presso Lare.* Non magnifica tibi res domestica, non sumptuosa est. Lar est

propriè Deus domesticus: pro ipsa domo ponitur.

112. *Glutto.* Glutto, gluttonis, helluo est, homo vorax. Quidam *glutto*, scribant in auferendi casu. Est autem glutinus pars colli, per quam cibi transmittuntur. Salivam Mercurialem sorbere, est, immodicâ lucri cupiditate teneri. Ducitur metaphora a gulosis, qui dum cibos jucundos vident, salivam in ore versant ac deglutiunt.

113. *Teneo.* Possideo.

Liberque, ac sapiens, Prætoribus, ac Jove dextro.  
 Sin tu, cùm fueris nostræ paulò antè farinæ, 115  
 Pelliculam veterem retines, et fronte politus  
 Astutam vapido servas sub pectore vulpem;  
 Quæ dederam suprâ, repeto, funemque reduco.  
 Nil tibi concessit ratio: digitum exere, peccas:  
 Et quid tam parvum est? sed nullo thure litabis, 120  
 Hæreat in stultis brevis ut semuncia recti.  
 Hæc miscere nefas; nec, cùm sis cetera fossor,

*virtutibus esse præditum; esto sane liber cum bona Prætorum omnium, ac Deorum venia. Sin tu cùm unus antea de hominum non optimorum, quales sumus, grege fueris, nescio quam virtutis speciem præ te fers, veteresque mores, ut serpens vetulus suam pellem, et vitia, et vulpinas fraudes intus retines: repeto libertatem, quam tibi paulò antè dederam, teque, ut belluam fune alligatam, rursus servituti mancipio. Si rationis es penitus et sapientiæ expers, quidquid agas, peccas; vel si digitum tantum moveas; quo quid levius esse potest? Verum numquam id evinces, aut obtinebis, ut vel minimâ sapientiæ particulâ fruantur improbi. Ea duo quippe inter se jungi nequeunt, ut non potest rusticus aliquis fossor, vel tres*

114. *Jove dextro.* Favente, approbante. Prætorum erat servos denunciare liberos, ut diximus.

115. *Farinæ.* Metaphora ducitur a panibus, qui sunt similes inter se, et ejusdem saporis, si ex eadem farinæ massa fiant.

116. *Pelliculam.* Sumitur hoc ab iis, qui cùm sint facie obscurâ et nigrâ, fuso et minio pellem oblinunt; vel a serpentibus, qui pellem veterem deponunt.

117. *Vapido.* Turbido, obscuro, caliginoso. Metaphora a vino corrupto, quod *vappa* dicitur, cujus et vapores tetri et graviores.

118. *Reduco.* Bestiarii,

quanyis belluas interdum liberius excurrere patiantur, funem tamen manu retinent; quem retrahunt, si longius illæ, abeant: hinc sumpta metaphora.

119. *Peccas.* Hoc erat Stoicorum dogma, quidquid fiat ab improbis, quos stultos appellabant, peccatum esse.

120. *Litabis.* Litare, est, aliquid, oblato sacrificio, a Superis obtinere.

121. *Semuncia.* Dimidia uncia.

122. *Hæc miscere nefas.* Servire vitiis, simul et animi libertate frui, nefas est. Sapientiæ et stultitiæ consortium nullum. Stultè facis omnia, si non sapienter. Si sapis,

Tres tantum ad numeros Satyri moveare Bathylli.  
Liber ego. Unde datum hoc sumis, tot subdite  
rebus?

- 125 An dominum ignoras, nisi quem vindicta relaxat?  
I puer, et strigiles Crispini ad balnea defer.  
Si increpuit; cessas nugator? servitium acre  
Te nihil impellit, nec quidquam extrinsecus intrat,  
Quod nervos agitet: sed si intus, et in jecore ægro  
130 Nascuntur domini: qui tu impunitior exis  
Atque hic, quem ad strigiles scutica, et metus egit  
herilis?

*passus, ad numerum peritè moveri, quo movetur modo egregius ille saltator Bathyllus. At, inquis, profectò sum liber. Unde hanc tibi libertatem arrogas, tibi, inquam, tot rerum, ac vitiorum mancipio? An putas nullum alium esse dominum, præter illum, cujus e potestate liberantur, qui feriuntur, ex more, Prætoris virgula? Audis priorem dominum tuum qui te, libertate jam donatum, ita increpitet. I, famule, defer strigiles in balnea Crispini: quid moraris cunctator? Equidem ista servitus, hæc imperia non te movent, fateor, quia libertate donatus fuisti, nec tibi est externa vis metuenda, verbì gratiâ, scuticarum et lororum, quibus dominus nervos tibi tunderet: sed si intimo in pectore nascuntur tibi domini, an minus pœndi cares, quam mancipium illud, quod ad ferendas in balnea strigiles scuticæ metu impellitur? Dormis manè in*

ber es: si stultus es, eris etiam continuò servus.

*Fossor.* Rusticus terram fodiens et arans.

123. *Tres, etc.* Tres pedum agitationes, factas ex numero et arte.

*Bathylli.* Fuit ille saltator eximius, Neronis tempore: ob velocitatem pedum Satyrus appellatur: Satyri enim sunt Dii agrestes, pedum velocitate præstantes.

125. *Relaxat.* Cujus servitute eximit. Quid sit *Vindicta*, prius dictum, notâ 88.

126. *Strigiles.* Strigilis est instrumentum quoddam dentatum, quo sudor et sordes e corpore absterguntur, a stringendo, et radendo, dictum: eo utebantur in balneis, ubi sudorem igne, vel aquâ calidâ, provocaverant.

*Crispini.* Fuit hic vel balneator, vel dives quidam, qui suas amicis thermas et balnea commodabat.

127. *Increpuit.* Subaudi, dominus aliquis: servum alloquens, I, puer, etc.

# SATIRA QUINTA. 401

Manè, piger, stertis : Surge, inquit Avaritia, eia,  
Surge. Negas; instat : Surge, inquit. Non queo :  
Surge.

En quid agam? Rogitas? en, saperdam advehe  
Ponto,

Castoreum, stupas, ebum, thus, lubrica Coa; 135

Tolle recens primus piper e sitiente camelo;

Verte aliquid; jura. Sed Juppiter audiet. Eheu,

Baro, regustatum digito terebrare salinum

Contentus perages, si vivere cum Jove tendis.

Jam pueris pellem succinctus, et œnophorum 140  
aptas :

Ocyus ad navem : nihil obstat, quin, trabe vastâ

*utramque aurem : inclamat Avaritia : Surge, age, surge.*

*Non surgis? urget. Surge, inquit. Non possum. Surge.*

*Quorsum? Rogas? perge in mare Ponticum; hinc pisci-*

*culos advehe, castorum pelles, stupas, ebum, thus, vi-*

*num ex insula Co devectum : ante alios mercatores, excipe*

*piper recens advectum, et e cameli dorso detrahe : com-*

*muta mercem aliquam cum alia : pejera. Sed me Jupiter*

*audiet pejerantem? Næ tu vir bonus es, si curas Jovi*

*placere : numquam rem facies, et ad eam inopiam de-*

*venies, ut micas salis colligens in fundo salini pœnè va-*

*cui, illud, impactis sæpe digitis, perforaturus videaris.*

*Hæc avaritiæ oratione excitatus fugis : jam vestem altè suc-*

*cingis : jam pelles, quibus nautæ utuntur, jam vini la-*

*genas famulorum humeris imponis ; ad navem properas ;*

134. *Saperdam.* Vilem pisci-  
ciculum, qui e pontiq̃ Eu-  
xino advehebatur.

135. *Castoreum.* Pharmaci  
quoddam genus, e castorum  
seu fibrorum intestinis con-  
fectum.

*Coa:* Vina ex insula Co,  
quæ alvum laxam et lubri-  
cam præstant.

136. *Sitiente.* Quia viam  
longam et æstuosam confe-  
cit : adde quod camelus diu-  
tissimè sitim tolerare dicitur.

138. *Baro.* Baro stupidum

et stolidum sonat, Barones  
erant servi militum, qui et  
calones dicebantur.

139. *Perages.* Vitam om-  
nem ages ita inops, ut ne sa-  
lem quidem habeas in sali-  
no, sed cogaris micas pau-  
culas salis, in eo relictas, ex-  
tremo digito avellere, et ori  
apponere, tam sæpe, ut sali-  
num digitis tuis perforandum  
esse videatur.

140. *Succinctus.* Veste al-  
tiùs præcinctâ.

- AEgeum rapias ; nisi solers Luxuria ante  
Seductum moneat : Quò deinde insane ruis ? quo ?  
Quid tibi vis ? calido sub pectore mascula bilis  
145 Intumuit , quam non extinxerit urna cicutæ .  
Tun' mare transilias ? tibi tortâ cannabe fulto  
Coena sit in transtro ; Veientanumque rubellum  
Exhalet vapidâ læsum pice sessilis obba ?  
Quid petis ? ut nummi , quos hic quincunce modesto

*nihil te moratur quominus magna in navi AEgeum mare ingrediaris , nisi te astuta Luxuria revocet , et quasi seductum a turba sic alloquatur : Quò pergis demens ? quid agis ? ita cestas , ut calorem istum , præ trepidatione , et insanid collectum , integra cicutæ urna non extinguat . Tune mare transmittas ? tu in transtris navis cœnare poteris , stratus inter duros rudentes ? tu vino uti pessimo , quale Veientanum est , quod tibi in viâ vase appositum , foetidum odorem afflabit , e pice , quâ vas fuerit obturatum ? Cur optas ut pecunia , quam honesto fœnore hîc augebas Romæ accipiendo quinos nummos pro centenîs mutuo datis , per laborem multum et periculum tibi crescat ,*

142. *AEgeum rapias.* Committas te mari AEgeo. Est illud mare inter Græciam et Asiam minorem , refertum insulis.

144. *Mascula bilis.* Bilis vehementior et acrior te ad insaniam redegit. Mascula vocatur , quia fortitudinem et robur solet afferre.

145. *Cicutæ.* Cicutæ est herba frigidissima , atque adeo letifera.

146. *Cannabe.* E cannabe rudentes , et nautici funes fiunt. Est autem ordo : An ibi , fulto in cannabino fune , coena erit in transtris , etc.

147. *Transtro.* Transtra sunt nautarum sedilia lignea.

*Rubellum.* Modicè rubrum , subaudi vinum.

148. *Læsum.* Gravè olens ob picem , quæ obbam claudit.

*Obba.* Amphora , poculi lignei genus , cujus fundus est latior , hinc sessilis vocatur , quia facîle in mensa veluti sedet quiescitque.

149. *Quincunce.* Quincunx sunt quinque unciae , cum quinque , verbi gratiâ , nummi annui pro centenîs mutuo datis petuntur. Usura porro illa modesta hîc dicitur , quia legibus permissa erat. Deum autem significat uncias undecim : accipere autem fœnoris loco undecim pro datis centenîs , præter omne jus et modum est : itaque avida usura dicitur , nimia scilicet , ac immoderata.



Nutrieras, pergant avidos sudare deunces?  
 Indulge Genio; carpamus dulcia; nostrum est 150  
 Quod vivis; cinis, et Manes, et fabula fies:  
 Vive memor leti; fugit hora, hoc quod loquor,  
 inde est.

En quid agis? duplici in diversum scinderis homo:  
 Hunc cinea, an hunc sequeris? subeas alternus 155  
 oportet

Ancipiti obsequio dominos, alternus oberres.  
 Nec tu, cum obtiteris semel, instantique negaris  
 Parere imperio, Rupi jam vincula, dicas.  
 Nam et luctata canis nodum arripit; ast tamen illi  
 Cum fugit, a collo trahitur pars longa catenæ. 160  
 Dave, citò, hoc credas jubeo: finire dolores  
 Præteritos meditor: crudum Chærestratus unguem

*ita ut pro centenis accipias undecim nummos quotannis? Genium cura, deliciis indulge: ea demum vitæ pars, quam impendis et consecras voluptati, vera vita est: brevi abibis in cineres, fies inferorum umbra, et nihil de te, præter sermonem ac fabulam, restabit. Mortem cogita instantem, fugit tempus: hæc ipsa hora, quæ tecum loquor, jam præterit, jam in præteriti temporis rationem transiit. Quò te vertes, infelix? utram sequeris, voluptatem an avaritiam? Quasi piscis duplici hamo illectus, in hanc, et illam partem traheris: huic, an illi domino obtemperaturus sis dubitas, modò uni, modò alteri te te subjicias oportet. Neque te liberum esse, aut catenas fregisse dixeris, si semel illis jubentibus resistas: semper aliquid diræ servitutis restabit. Ita canis, quamvis diu luctata dentibus catenam arripuerit, et fugiat, retinet tamen catenæ partem, collo alligatam, unde revocari possit. Chærestratus ille, in Menandri comœdia notus adolescens, a meretricis amoribus expedire se dum meditatur, unguem arrodens, hæc ait ad servum: Dave, mihi deliberatum est finem curis meis ac doloribus imponere; hoc tibi volo esse persuasum: Egone ignominiam hanc inuram meis propinquis*

162. Chærestratus. Adolescens quidam, malis amoribus implicatus, ex fabula Menandri, loquens hinc inducitur; ut in Terentio,

apud quem vocatur idem adolescens Phædria.

Unguem. Ut irati, aut meditantibus solent,

Arrodens ait hæc : An siccis dedecus obstem

Cognatis ? an rem patriam , rumore sinistro ,

165 Limen ad obscoenum frangam , dum Chrysidis  
udas

Ebrius ante fores , extinctâ cum face , canto ?

Euge , puer , sapias ; Diis depellentibus agnâ

Percute . Sed censen' plorabit , Dave , relictâ ?

Nugaris ; soleâ , puer , objurgabere rubrâ ,

170 Ne trepidare velis , atque arctos rodere casses :

Nunc ferus , et violens ; at si vocet , haud mora ,  
dicas :

Quidnam igitur faciam ? ne nunc , cùm arcessat ,  
et ultro

Supplicet , accedam ? Si totus et integer illinc

Exieras , nec nunc . Hic , hic , quem quærimus , hic est ,

*et affinibus sobriis et temperantibus ; an opes patrias absumam ad meretricis fores ; cû sinistro omnium de me rumore , dum ebrius canto ad fores Chrysidis , meis lacrymis humidâ , extinctâ face . Macte , inquit Davus , perge istud facere ; gratias Diis , agnâ immolatâ , solve , qui te isto malo expedierint . Sed , o Dave , si eam relinquo , nonne id ægrè feret ? nonne plorabit ? Ah redis ad ingenium : si ad illam reverteris , ipsâ te crepidis rubro corio tectis percutiet , et indignum in morem tractabit , facietque ne audeas cogitare de excutiendis illis vinculis , et arrodendis laqueis , quibus teneris irretitus : nunc videris adversus illam ferox et constans ; sed si te vocet , statim , præsto sum , inquires . Quid faciam autem ? an etiam nunc non redibo ad illam , cùm me revocet ultro , ac roget ? Ah , mi here , si totus et integer ex illis tuis vinculis exiisses , ne nunc quidem eò redires . En qui se ita gereret hic , hic ille liber est quem quærimus , non ille*

165. Udas . Unguentis , et odoribus pretiosis perfusas : vel meis lacrymis humidâ . Accendebant autem faces in honorem et gratiâ meretricum ; eas verò , cùm ad ipsarum fores venissent , extinguiebant , ne agnoscerentur , cantilenas interim quas-

dam amatorias cantitantes .

167. Depellentibus . Qui a te hanc amoris insaniam depulerunt . Tales præcipuè censebantur Castor et Pollux : Diique depellentes seu averruncantes dicebantur .

170. Trepidare . Jactare et agitare sese .

Non in festuca, lictor quam jactat ineptus. 175  
 Jus habet ille sui, palpo quem ducit hiantem  
 Cretata ambitio? Vigila, et ciceringere largè  
 Rixanti populo, nostra ut floralia possint  
 Aprici meminisse senes; quid pulchrius? At cùm  
 Herodis venere dies, unctaque fenestrâ 180

*alius, in quem lictor ineptè festucam jactat. Jam verò an ille liber ac sui juris est, quem ore aperto populares auræ captantem ambitio splendide mendax trahit suis illecebris? Heus tu, inquit illa, expergiscere, et ad captandum favorem vulgi, populo de suffragiis distribuendis inter se litiganti fruges, et olera largire affatim in ludis Floralibus: ita ut tuæ liberalitatis fama celebretur a senibus olim longo pòst tempore, dum ad apricum solem confabulabuntur: quid enim præclarius istâ largitione? Quid? an tu, homo superstitiose, es liber, qui, cùm Judæi sua Sabbata colunt, et natalem Herodis sui Regis*

175. *Festucâ.* Cùm servus libertate donabatur, lictor Prætoris festucam in servum conjiciebat; cujus moris quia ratio nulla erat, ineptus dicitur.

176. *Palpo.* Palpus, sive palpum, palpi, significat illecebras, illicium. Palpo etiam, palponis, significat adulatorem, captatorem gratiæ popularis: quo sensu si accipias, ita versum Persii explica: an ille palpo jus habet sui, quem hiantem ducit ambitio, etc.

177. *Cretata.* Fucata et cretâ oblitum ac gypso vultum habens: vel candidis induta vestibus, quales ferebant candidati, qui non contenti nativo et albo lanæ candore, illum additâ cretâ, augebant.

*Cicer.* Genus leguminis, quod frictum spargebant candidati, a populo colligendum,

non sine rixa et mutuis colligentium verberibus. Ita potest explicari vox illa, *Rixanti populo.*

178. *Floralia.* Erant festi dies, in honorem Floræ instituti. In ejusmodi autem ludis, candidati studebant variis largitionibus populi suffragia captare.

179. *Aprici.* Qui sole gaudent, qui ad solem sedentes garriunt.

180. *Herodis.* Triplex fuit *Herodes*, primus Antipatri filius, Rex Judææ dictus a Romanis, sub quo natus Christus Dominus. Alter fuit *Herodes*, prioris filius, cognomine *Antipas*, sub quo mortuus Christus. Tertius *Herodes* Agrippa, Aristobuli filius, Jacobi Apostoli interfector, vivente Persio adhuc regnabat. Hujusne an primi mentio sit hoc loco, nec doctissimi decernunt.

- Dispositæ pinguem nebulam vomuere lucernæ,  
 Portantes violas, rubrumque amplexa catinum  
 Cauda natat thynni, tumet alba fidelia vino;  
 Labra moves tacitus, recutitaque sabbata palles.  
 185 Tunc nigri lemures, ovoque pericula rupto:  
 Tunc grandes Galli, et cum sistro lusca sacerdos,  
 Incussere Deos inflantes corpora, si non  
 Prædictum ter manè caput gustaveris alli.  
 Dixeris hæc inter varicosos Centuriones,  
 190 Continuo crassum ridet Vulfenius ingens,  
 Et centum Græcos curto centusse licetur.

*diem celebrant, cum spectantur dispositæ in eorum fenestris lucernæ violis ornatae, et fumum latè fundentes, cum instaurant iidem epulas, thynnosque, pisces exquisitos, in ingentibus patinis, et amphoras vino refertas, apponunt; tu, inquam, eo tempore, homo Romanus, instar Judæi circumcisi, tacitas preces fundis, et jejuniis, quo celebras eorum sabbata, pallorem contrahis? quid alia referam, quæ superstitiosus metuit? nigros scilicet lemures timet; item, ne quid mali eveniat, si ovum inter sacrificandum ruptum sit: tunc Galli proceri sacerdotes Cybeles, et sacerdos Isidis lusca, sistrum tenens, incutiunt illi metum a Diis, a quibus aiunt in homines immitti morbos inflantes corpora, nisi ter manè allium momorderit. Ea porro, quæ de vera libertate diximus, si quis inter milites bellicâ gloriâ ferociter elatos, disserere voluerit, statim Vulfenius, eorum unus, stolidè irridebit, et ut fabulas explodet, negabitque se centum philosophos totidem integris assibus empturum; ita illos, et omnem philosophiam contemnit.*

185. *Lemures.* Larvæ nocturnæ et spectra.

186. *Sistrum.* Est æneum crepitaculum, quo utebantur in sacris Isidis. Juvenal. Sat. XIII, v. 93.

188. *Alli.* Allium, a jejuniis manducatum, contra incantationes valere creditur.

189. *Varicosos.* Varicosus, qui venas, maxime crurum,

nimis tumentes sanguine habet.

191. *Græcos.* Philosophi Romæ celeberrimi ferme Græci erant: hinc Græcos pro philosophis ponit.

*Centusse.* Centussis est summa centum assium.

*Licetur.* Liceri, est, in auctione pretium offerre alicujus rei.

## SATIRA SEXTA.

*In avaros invehitur, eos maxime, qui suas opes  
heredibus dilapidandas servant.*

ADMOVIT jam bruma foco te, Basse, Sabino?  
Jamne lyra, et tetrico vivunt tibi pectine chordæ?  
Mire opifex numeris veterum primordia rerum,  
Atque marem strepitum fidis intendisse Latinæ?  
Mox juvenes agitare jocos, et pollice honesto . . . 5  
Egregios lusisse senes. Mihi nunc Ligus ora

O Basse, jamne te in villa tua Sabina hyems ad ignem compulit? jamne lyram pulsas plectro, eique vocem et quasi vitam tribuis; dum carmina plena dignitatis, gravitatisque condis? tu, qui mira vales arte, ad scribendam vincula numeris oratione primorum temporum, et antiquæ Italorum linguæ historiam; ad Latinos versus lyricos, nunc generoso ac virili quodam stylo procudendos, nunc tenero et juvenilem in modum jocante; denique ad res præclare gestas veterum Heroum nobili carmine celebrandas. Ego, qui nunc sum in ora maritima Liguriæ, temperatâ utor tempestate, dum in mari sævit

1. Basse. Cæsius Bassus, insignis poëta lyricas eâ tempestate fuit.

Sabino. Sabini, populi Italiæ sunt inter Umbros et Latinos.

2. Lyra. Jamne lyricis carminibus more tuo egregiam navas operam? porro lyre inventor Mercurius traditur.

Tetrico. Tetricus gravem sonat, severum, ac morosum.

3. Rerum. Legunt alii, vocum, et dicunt esse ipsam Poësim, quippe quæ ante prozam a Scriptoribus usurpata fuerit.

4. Marem. Animosum, heroicum, vividum.

Fidis Latinæ. Lyricæ poëseos, Latinæ. Lyrici poëtae primi et insignes fratre Græci: inter Latinos postea flourerunt Horatius, et iste, ad quem Persius scribit, Cæsius Bassus. Fides autem, hujus fidis, significat lyram, seu chordam lyre.

5. Juvenex jocos. Juveniles, liberiores, quales juventutem decent.

Pollice. Carmine lyrico: quia lyra digitis pulsatur.

6. Lusisse. Ludere aliquid, est, versu amœniori scribere.



Intepet, hybernatque meum mare, quā latus  
ingens

Dant scopuli, et multā littus se valle receptat.

*Lunai portum est operæ cognoscere, cives:*

- 10 Cor jubet hoc Enni, postquam destertuit esse  
Mæonides quintus, pavone ex Pythagoreo.

*hyems: hic littus tutum ob scopulos quasi latus mari opponentes in vallem amplam sinuatur, portumque præbet insignem, de quo est hic Ennii versus: Lunai portum est operæ cognoscere, cives. Hoc, inquam, dicebat Ennius, postquam desiit somniare se esse Homerum, animamque Pythagoræ, quæ primò in pavonis, deinde Euphorbi, tum Homeri, postea Pythagoræ corpus migraverat, demum quinto loco in suum corpus transisse, per metempsychosim*

*Ligus.* Ligus, omnis generis est. Liguria porro est Italiae superioris pars, ad oram maritimam, ubi nunc Genua: porrigitur ab Gallia usque ad Etruriam inter Apenninum et mare.

7. *Meum mare.* Vel mare vicinum, vel mare Etruscum, oriundus enim erat Persius Volaterris, oppido Etruriæ. Maritimæ regiones solent esse per hyemem calidiores, ob vapores maris, quibus frigus acutum mitigatur. Porro urbem Lunam in Liguria ponit, licet ad Etruriam pertineat, quia est in Liguria limite.

9. *Lunai.* Pro *Lunæ*, ut *aulai*, pro *aulæ*; Virg. Luna est civitas Italiae, sic dicta quia in eo loco ubi posita est, littus in Lunæ crescentis formam curvatur. Lunæ verò portus est veriùs sinus Liguria inter portum Veneris et portum Erycis, ambitu viginti millia passuum patens: hodie *Golfo della Spezia*, sic denominatus ab op-

pido Spetia, quod situm set in intimo recessu. Est autem hic versiculus ab Ennio sumptus.

*Est operæ.* Subaudi *pretium*, hoc est, *juvat cognoscere*.

10. *Cor jubet, etc.* Est locutio Græca: *id est*, hoc voluit Ennius dicere; jubet nos cognoscere Lunæ portum: vel Ennius, ille vates prudens et cordatus, laudat Lunæ portum, et dignum esse qui cognoscatur, docet.

*Enni.* Ennius poëta fuit Italus vetustissimus, ingeniosus, et eruditus: Annales populi Romani scripsit, et alia quædam, quorum fragmenta exstant.

*Destertuit.* Desiit stertere, seu somniare. Sic despumo, est spumam effundo et relinquo.

11. *Mæonides.* Homerus: ita dicitur a patre Mæone.

*Quintus.* Vel est nomen numeri et ordinis, ut explicatum est in interpretatione;

Hic

Hic ego securus vulgi; et quid præparet Auster  
 Infelix pecori; securus, et angulus ille  
 Vicini, nostro quia pinguior: etsi adeò omnes  
 Ditescant omni peioribus, usque recusem 15  
 Curvus ob id minui senio, aut coenare sine uncto,  
 Et signum in vapidâ naso tetigisse lagenâ.  
 Discrepet his alius: geminos, horoscope, varo  
 Producis genio: solis natalibus est qui  
 Tingat olus siccum muriâ vase in calice emptâ, 20

*Pythagoream.* Hic ego vitam vivo, securam nihil sollicitus  
 quis de me sermo vulgi sit, quid meridianus ventus, pe-  
 cori noxius, detrimenti afferre gregibus paret; nihil etiam  
 sollicitus, quod vicini mei agellus meo sit pinguior: et  
 quamvis porro omnes infimo loco nati fiant locupletes,  
 nolim tamen eam ob rem tædio et dolore consumi, prono  
 in terram vultu incedere, parcè ac duriter vivere, cibusque  
 lautioribus abstinere, ac naso admoto explorare utrum vi-  
 num in lagena obsignata sit corruptum, atque adeo ido-  
 neum ut bibatur. Sint alii sanè, qui mihi non assentian-  
 tur: nec miror; videmus enim interdum gemellos fratres,  
 licèt eodem utantur horoscopo, dissimili tamen esse genio  
 et naturâ. Alii nullum alium diem festum, præter diem  
 suum natalem celebrabit; tumque olara prædebet, nullo  
 pingui condimento adhibito, sed acri tantum et acerbâ  
 muriâ, emptâ in vasculo, homo scilicet parcus et frugi;

vel est ipsum prænomen En-  
 nii; quod hic ironicè cum  
 Græco nomine, *Mæonides*,  
 quia Græci ejusmodi præno-  
 mino ignorabant: quasi di-  
 ceres, Quintus Homerus, ut  
 Quintus Ennius.

*Pythagoreo.* Quis fuerit Py-  
 thagoras, quid docuerit, vide  
 in satiris superioribus; præ-  
 sertim Sat. XV, v. 173.

15. *Pejoribus.* Pejor, maxi-  
 mè apud Græcos, pro igno-  
 biliori ponitur.

16. *Senio.* Senium sæpè  
 usurpatur pro tristitiâ et mœ-  
 rore.

*Uncto.* Cibo pingui, et

exquisito.

17. *Vapida.* Avari vinum,  
 nisi mutatum et corruptum,  
 non bibunt. Potest etiam sic  
 explicari: explorare, admo-  
 to naso, num lagenæ signum  
 et operculum integrum sit,  
 an a servis resignatum et frac-  
 tum.

18. *Horoscope.* Horosco-  
 pus hic significat certam as-  
 trorum complexionem, quæ  
 in cœlo est, dum quimur;  
 astrum natale, quod nativitati  
 præsidet.

*Varo.* Varus propriè est  
 homo distortis pedibus.

20. *Muriâ.* Est salsugo seu

Ipsæ sacrum irrorans patinæ piper; hic bona dente  
Grandia magnanimus peragit puer: utar ego, utar:  
Nec rhombos idè libertis ponere lautus,  
Nec tenuem solers turdorum nòsse salivam.

25 Messe tenus propriâ vive, et granaria, fas est,  
Emole; quid metuas? occa; in seges altera in  
herbâ est.

Ast vocat officium: trabe ruptâ, Brutia saxa  
Prendit amicus inops; remque omnem, surdaque  
vota

Condidit Ionio; jacet ipse in littore, et unâ

*ac piper in patinam leviter insperget, tamquam si sacrum esset. Alter ingentes opes magnificè absumet ac disperdet in epulis et luxu. Ego neutrum imitabor; utar meis opibus, nec abutar tamen: non ero ita prodigus, ut meis libertis pisces pretiosos epulandos apponam, aut curam ac solertiam diligentem adhibeam in dignoscendo sapore turdorum. Fac sumptus pro tuarum fortunarum modo, eosque tuâ messe, tuis annuis proventibus metire: frumenta, quæ servas in granariis, mola contere, panemque inde confice; id æquum est; quid enim times? arva tua sere, et occa; contitudo nascetur tibi altera messis in annum sequentem. Hoc verò impensius fac et libentius, cum officii ratio id a te postulabit. En amicus tuus, navi fractâ, ad littus Italum conatur evadere, et manu prensare saxa in littore posita: opes ille omnes, ac merces in mari Ionio, immo etiam vota et preces inutiles, quas Superis fecerat, perdidit; ipse in littore jacet: apparent tristes navis reliqua ex carnibus sale conditis*

23. Rhombos. Pisces exquisitos.

Libertis. Servis a me libertate donatis.

Ponere lautus. Græca locutio; tam lautus, ut apponam.

24. Salivam. Pro sapore usurpatur, qui salivam ciet, ac in deglutienda saliva maximè sentitur. Turdi autem aliter alio cibo pasti et loco sapiunt, aliter si domi, aliter si ruri alantur.

25. Messe tenus. Usque ad modum et copiam tuarum opum.

26. Occa. Occare, est propriè glebas majores, post arationem relictas, frangere et comminuere.

27. Brutia. Brutii sunt Italiæ extremæ populi, prope Siciliam.

28. Surda. Non exaudita a Superis surdis.

29. Ionio. Mare Ionium est in extrema parte maris Adria-

Ingentes de puppe Dei, jamque obvia mergis 30  
 Costa ratis laceræ. Nunc et de cespite vivo  
 Frange aliquid, largire inopi, ne pictus oberret,  
 Cærulea in tabulâ. Sed cœnam funeris heres  
 Negliget, iratus quod rem curtaverim, et urnæ  
 Ossa inodora dabit, seu spirent cinnama surdum, 35  
 Seu ceraso peccent casiæ, nescire paratus.

*quæ, quibus mergi insultant : lacerata puppis ostendit fractas imagines Deorum, qui tamquam navis præsidēs, in ea picti fuerant; nunc eum juvare par est, non tantum pecuniâ, sed aliquâ etiam agri virentis, et fundi parte vendita, ne cogatur mendicare ostiatim, et circumferre tabulam pictam, in quâ suum naufragium descriptum sit. At, inquis, meus heres, id si fecero, iratus mihi, quod istâ liberalitate patrimonium imminuerim, dapes in meo funere nullas, aut parum exquisitas, adhibebit; condet ossa mea in urnam, nullis additis floribus adoratis, aut aromatis; nihil curabit scire an unguenta, quibus meum cadaver ungetur, odorem emittant surdum et obtusum, qui vix sentiat, an casiæ cerasi cortice admixto fuerint vitiatæ. Audire jam mihi videor illum heredem meum, qui me ita increpet : Tune bona tua, cum es*

tici, inter Siciliam et Græciam.

30. *Dei.* Pingebant in puppe Deos custodes cujusque navis : iis exstructa erat in puppi ara.

*Mergis.* Sunt aves marinæ.

31. *Costa.* Tabulæ fractæ navis, et quasi latera data sunt mergis ludibrio.

*Cespitē.* Non tantum de pane et frumento, sed de agro virenti, et messe, quæ in herba tantum est, largire. Cespes est gleba cum gramine.

32. *Pictus.* Naufragi, ut hominum commiserationem moverent, solebant circumferre tabulam, in qua mare et ipsorum naufragium de-

pictum erat : undè cærulea vocatur tabula ob maris colorem.

33. *Cœnam funeris.* Solebant in mortuorum funere dapes ponere, quæ cum cadavere creinabantur : interdum illas sepulcris ipsis imponebant, et quasi mortuis epulandas apponebant : vocabatur ea cœna, silicernium.

34. *Rem.* Opes.

*Curtaveris.* Mutilaveris, aliquid ex ea detraxeris.

36. *Ceraso.* Cinnamia, casiæ, erant aromata; unde unguenta conficiebantur : ea autem vitabantur admixto cerasi cortice, seu gummi ex ceraso.

Tune bona incolumis minuas? sed Bestius urget :  
 Doctores Graecos : Ita sit, postquam sapere Urbi  
 Cum pipere et palmis venit nostrum hoc maris  
 : expers,

40 Fœnisecæ crasso vitiarunt unguine pulles.

Hæc cinere ulterior metuas? At tu, meus heres,  
 Quisquis eris, paulum a turba seductior, audi :  
 O bone, num ignoras? missa est a Cæsare laurus,  
 Insignem ob cladem Germanæ pubis; et aris

45 Frigidus excutitur cinis, ac jam postibus arnia,

*adhuc florenti ætate, et integra valetudine, sic minuas? En Bestius, homo sapiens, conqueritur (et meritò) de philosophis illis Græcis, qui liberalitatem nobis adeo commendant: atque, ex eo tempore, quo sapientia, quam prisci olim Romani e remotis et transmarinis regionibus non petebant, in Urbem cum peregrinis mercibus advecta est, ipsos rusticos lautius cœpisse vivere, et suas pulles condire crasso adipe. At, quis tam ineptus sit ut, obitâ morte, hæc metuat, ut de minis suorum heredum sit sollicitus? Tu verò, quisquis meus heres futurus es, a turba paulum, arbitrisque, mecum te remove, ut hoc audias: Nescis, o amice, missas esse ad Senatum ab Imperatore Caligula litteras lauro coronatas, propter insignem victoriam, ab ipso de Germanis reportatam: parantur sacrificia, et cineres frigidi, in aris relictis, excutiuntur:*

37. *Bestius.* Cornelius Bestius, insignis Romæ avarus, in luxum per Philosophos inductum declamare solitus: cuius auctoritate se tueretur ille heres, bona olim ad hereditura minui queritans.

38. *Ita fit.* Verba sunt Bestii: Sic nempe vivitur, sic in Urbe luxus dominatur.

*Sapere.* Infinitivus, Græco more, pro substantivo, sapientia.

38. *Palmis.* Quæ ex Syria deferuntur, et Palæstinâ.

*Mâris expers.* Quod sapere, quæ nostra sapientia non petebatur olim e transmarinis

regionibus, putâ ex Græcia, etc.

40. *Fœnisecæ.* Rustici, qui fœnum secant.

*Vitiantur.* Inquinantur, cum antea simplicius victitarent.

41. *Uterior.* Ultra mortem positus defunctus. Cadavera comburebant Romani, et in cineres redigebant.

43. *O bone.* O amice.

44. *Insignem.* Ironicè. Caligula enim cum triumphare cuperet, quasi Germanos magnâ clade affecisset, scripsit ad Senatum, ut sibi triumphus decerneretur.

*Pubis.* Juventutis.



Jam chlamidas Regum, jam lutea gausapa captis,  
 Essedaque, ingentesque locat Cæsonia Rhénos.  
 Diis igitur, Genioque ducis centum paria, ob res  
 Egrediè gestas, induco; quis vetat? aude:  
 Væ, nisi connives: oleum, artocreaeque popello 50  
 Largior, an prohibes? dic clarè. Non adeò, inquis:  
 Exossatus ager juxtà est; age, si mihi nulla  
 Jam reliqua ex amitis, patruelis nulla proneptis,

*jam Cæsonia, uxor Imperatoris, templorum foribus arma Regum barbarorum, et vestes affigit, in victoriæ monumentum; jam eadem captivis vestes villosas et luteo colore insignes, quibus induti ducuntur in triumpho, parat; et currus adornat, in quibus Germanos, Rhénii accolæ proceros, collocet ad pompam triumphi. Quare ad agendas gratias Diis immortalibus, hujus victoriæ auctoribus, et Caligulae Genio, ob res præclarè in eo bello gestas, inducere statuo in arenam centum paria gladiatorum: quis me id facere prohibet? tunc id audes? miserum te, nisi saltem dolorem tuum dissimulas! Quin etiam largiri volo populo epulum; an tibi hoc displicet? dic apertè. Ego verò, inquis, non prohibeo. Age, est mihi prædium suburbanum, probè cultum, et ab lapidibus repurgatum: si ex meis amitis vivat ac supersit nulla patruelis, nulla*

46. *Lutea gausapa.* Villosas vestes; lutei, seu crocei coloris.

47. *Esseda.* Currus grandiores et vehicula Gallorum propria.

*Rhenos.* Pro Rhénii accolæ. Est autem Rhénus ingens fluvius, Gallias ab Germania dividens.

48. *Genio.* Deo tutelari, et custodi Imperatoris.

*Paria.* Dies festos colere solebant, inductis in arenam gladiatoribus, qui se mutuis vulneribus trucidarent. Centum autem paria gladiatorum, sunt ducenti gladiatores; inter se æquales. *Par* enim,

cùm substantivum nomen neutrum est, significat res duas æquales.

50. *Artocreas.* Græca vox est: significat carnem et panem, sive cibum ex pane et incocctâ carne compositum.

51. *Non odeo.* Subaudi, *prohibeo*: absit ut vetem.

52. *Exossatus.* Lapidés, ossa terræ dicuntur.

53. *Amitis.* Amita patris soror est.

*Patruelis.* Patruelles vocantur, qui orti sunt e duobus fratribus; consobrini, qui e duabus sororibus.

*Proneptis.* Nepotis filia.

- Nulla manet, patruī sterilis matertera vixit ;  
 55 Deque aviā nihilum super est, accedo Bovillas ,  
 Clivumque ab Virbi : præsto est mihi Manius heres.  
 Progenies Terræ? Quære ex me, quis mihi quartus  
 Sit pater, haud promptè, dicam tamen : adde etiam  
 unum ,  
 Unum etiam ; Terræ est jam filius, et mihi ritu  
 60 Manius hic generis propè major avunculus exit.  
 Qui prior es, cur me in decursu lampada poscis?

*patruī proneptis; si mortua sit matertera mea sine prole, et nulli liberi ex aviā meā supersint; Bovillas ibo, et ad clivum Virbii: occurret mihi Manius, quem heredem meum instituam. At ille, inquis, est homo ignobilis et Terræ filius? Pete a me quis abavus meus fuerit: equidem dicam, at ægè: si verò quæras ampliùs quis tritavus, quis tritavi mei pater fuerit, reperies eos, ut est ille Manius, Terræ esse filios, atque ita Manium istum tam mihi esse cognatum, et tam nobilem, quàm fuit major meus avunculus, et eodem in cognationis gradu mihi censerī propinquum posse, quò major meus iste avunculus fuit. At tu, o meus heres, licet mihi sis prior et propinquior quàm iste Manius, cur a me hereditatem meam tamquam facem petis, dum adhuc vitæ stadium decurro?*

54. *Patruī.* Patruus est frater patris.

*Matertera.* Soror matris.

55. *Aviā.* Patris, vel matris mater.

*Bovillas.* Oppidum in via Appia.

56. *Virbī.* Ita dictus est iste clivus ab Hyppolito, qui Virbius appellatus fuit, postquam artibus Æsculapii ad vitam revocatus est, et prope hunc collem in templo Dianæ colebatur. Idem clivus vallis etiam *Ariciā* dicebatur, quia per illam ibatur Ariciam. In eo clivo multi erant mendici.

57. *Progenies Terræ.* Homines obscuro, aut incerto

patrenati dicebantur filii Terræ, quæ communis est omnium parens.

58. *Pater quartus.* Abavus, seu proavi pater. Est enim hic ordo; pater, avus, proavus, abavus, tritavus.

59. *Ritu generis.* Perinde quasi hunc locum et ordinem in meo genere et familia obtineret.

60. *Major avunculus.* Est avi, ut aviæ avunculus, vel frater, ut quibusdam placet; nam avunculus propriè est matris frater; itaque major avunculus erit aviæ frater.

61. *Lampada.* Athenienses in quibusdam Promethei sacris, lampada tenentes manu,

Sum tibi Mercurius : venio Deus hoc ego , ut ille  
Pingitur : an renuis ? vir' tu gaudere relictis ?  
Deest aliquid summæ ? minui mihi : sed tibi totum  
est .

Quidquid id est : ubi sit , fuge quærere , quod 65  
mihi quondam

Legarat Stadius ; neu dicta repone paternâ .

Fœnoris accedat merces , hinc exime sumptus :

*Expecta dum obierim : illa tibi ut-lucrum insperatum et indebitum obveniet ; atque adeo ego instar Mercurii tibi ero ( quippe ille lucris inexpectatis præest ) et cum marsupio in dextra manu , ut ille pingitur , ad te veniam . An recusas accipere meam hereditatem , quanta quantula illa sit , et a me relictis bonis grato animo fini ? Musitas , ut video ; deest aliquid summæ , inquis : ego verò , si quid inde abstuli , mihi abstuli , meum hoc commodum aut damnum fuit , non tuum , qui rei meæ dominus non eras : quod reliquum erit , totum erit tuum , quidquid illud sit . Noli quærere , quas in res insumpserim , aut ubi posuerim quod olim Stadius mihi testamento reliquit , nec mecum instar alicujus severi patris age . Talle de tuarum opum capite et summa tota usuras et nummos quos fœnoris nomine dedisti fœeneratoribus : detrahe hinc legitimos*

ita currebant , ut primus postquam currendo defatigatus erat , facem alteri recenti et integro traderet in manum , iste tertio , tertius quarto , etc. posterior autem non porrigebat facem priori , sed prior , seu , qui priori loco stadium erat ingressus , posteriori : sic mortui hereditatem et lampadem veluti tradunt viventibus . Alii hæc verba , qui prior es , ita exponunt , qui es senior , qui prior vitæ cursum ingressus es , cur a me , licet juniore , hereditatem ante tempus , ante meum obitum petis ?

67. *Merces fœnoris*. Id est , fœnus , quod supra sortem seu caput , ut aiunt pecuniæ ,

colligitur , estque pecuniæ mutuo datæ fructus , et quasi foetus . Vulgò dicitur usura .

*Accedat*. Ad summam principem a te addatur . Quidam ita explicant : Noli , o heres , instar severi patris , cogere ad augendam fœnore pecuniam , et ad sumptus quierunt necessarii , sumendos ex illo fœnore , non ex sorte . Alii censentesse Persii verbasuum heredem alloquentis : Sic olim , cum hereditatem meam administrabis , cam augebis usurâ : ex ea usura sumptus facies , non ex sorte , quæ tibi sic remanebit integra . Verum , inquit heres , quantula hæc erit sors ? quid est relictum a te ? nihil ferè .

Quid reliquum est? reliquum? Nunc, nunc  
impensiùs unge,

Unge, puer, caules; mihi festâ luce coquatur

70 Urtica, et fissâ fumosum sinciput aure?

Vende animam lucro; mercare; atque excute  
solers

Omne latus mundi, nè sit præstantior alter

Ceppadocas rigidâ pingues pavisse catastâ.

75 Rem duplica. Feci: jam triplex, jam mihi quartò,  
Jam decies redit in rugam: depinge, ubi sistam,  
Inventus, Chrysippe, tui finitor acervi.

*sumptus quos fecisti: quid reliquum est? Certè perparum. Tunc hoc mihi dicis, mi heres? pètisne a me quid reliquum sit? At istud quidquid est reliquum, te invito consumam, et indulgebo genio. Famuli, caules lautius condite, dapes exquisitiores ponite. Egone ut festis diebus vescar urticâ in tuam gratiam et tuorum, contentusque sim capitis porcini anteriori parte, quæ per aurem, clavo perforatam, suspensa in camino, et sumo durata fuerit? non faciam. Interim, o avare, quisquis es, servias per me licet hereditibus tuis; age, vitam tuam quasi vende et periculis omnibus expone, ut ad mercede divitias compares: mercaturam exerce: omnes mundi partes diligenter lustra: nemo te reperiatur solertior, in mancipiis advectis e Cappadocia venalibus exponendis, et saginandis, in lignea machina et cavea: duplica opes. Feci jam, ais; immo ter, quater, decies duplicavi, neque invenio, ubi sistam, aut quem augendæ rei modum faciam. Id me, quæso, doce, o Chrysippe, et fac ut inveniam rationem satiandæ avaritiæ, quæ, instar acervi tui, finem nullum et modum novit.*

73. *Cappadocas.* Servi e Cappadocia, minoris Asiæ regione, multi Romam venales deducebantur.

*Catastâ.* Erat machina quædam, e lignis per intervalla positis, instar ingentis cavæ, in qua saginati et nudi exponebantur servi, ut eos emptores possent inspicere, ne quid lateret vitii.

75. *In rugam.* Metaphora ducitur a pannis, qui rugas

contrahunt, cum duplicantur. *Depinge.* Legunt alii, *depunge*, id est, punctum ali-quod fige, ubi hæream.

76. *Acervi.* Hæc argumentatio, sorites aliâ voce dicitur: in ea multæ coacervantur propositiones, in quibus aliquid doli est, quod in conclusione tandemprehenditur. Chrysippus, philosophus Stoicus, qui hunc acervum invenit, idem invenit mo-

dum ejus solvendi et sistendi in aliqua propositione, unde omnis dolus penderet, ac in alias derivaretur. Alii hoc aliter explicant; negantque, Cicerone teste, posse ullum acervo finem statui, neque id umquam a Chrysippo inventum, itaque volunt accipiendum hunc ultimum esse versiculum, de re quæ fieri non possit, hac sententia: Doce me quis avaritiæ modus esse possit ac finis: id verò non magis me docebis, o Chrysippe, quàm docuisti acervum tuum finire; quod præstare numquam potuisti. Potest etiam ita exponi: doce me ubi sistam, inveniamque modum et rationem finiendæ cupiditatis et avaritiæ, quæ simillima et acervo tuo, Chrysippe, cujus finis inveniri nullus potest.

*Finis Auli Persii Satirarum.*



# APPENDIX DE DIIS

## ET HEROIBUS

### POETICIS,

AD POETARUM INTELLIGENTIAM NECESSARIA,

*Auctore JOSEPHO JUVENCIO.*

### PARS PRIMA.

#### *De majoribus et minoribus Ethnicorum Diis.*

#### CAPUT I. SATURNUS.

**D**EORUM antiquissimus habeatur Cœlum. Duo ejus filii celebrantur à poëtis, Tempus, sive Saturnus, et Titanus. Hic, etsi priore loco genitus foret, eique proinde imperium orbis deberetur, jus tamen suum remisit, concessitque Saturno, rogante Vestâ matre, sed eâ lege tamen, ut Saturnus masculam prolem educaret nullam. His ita constitutis, Saturnus mares statim editos devorabat, invitâ vehementer uxore, quæ uno partu Jovem et Junonem enixa, *solum* Junonem ostendit Saturno, Jovem occultavit. Sensit dolum Titanus, ac Saturnum acie victum in vincula conjecit. Iis liberatus postea fuit per Jovem filium suum, à quo Titanes, bellum pro Titano patre redintegrantes, fuere profligati. Saturnus vinculis liberatus, cum in fatis esse cognovisset futurum, ut ab eodem Jove regno spoliaretur, illi struxit insidias, ac bellum etiam indixit. *Ovid. Metamorph. Lib. 1.* Jupiter debellatum patrem cœlo expulit. Saturnus, amisso cœlo, in eam Italiæ partem, ubi Roma condita postmodum est, venit, quæ Latinum fuit appellata, quod ibi latuisset. Extorrem Deum Janus, Latii rex, benignè accepit, ac vicissim a Saturno donatus est insigni prudentiâ; cujus ope

meminerat præterita, futura prospiciebat: unde biceps, seu bifrons appellatur. Eo regnante, mores optimi artesque viguerunt, quæ illi ætati nomen Auræ fecerunt. Saturni festa dicebantur Saturnalia, et Decembri mense celebrata sunt per dies primò tres, deinde quatuor, tum quinque, ac plures. Per eos dies Senatus non habebatur, vacabant scholæ; munera ultro citroque mittebantur ab amicis; de sontibus supplicium sumere, ac bellum indicare, nefas; servis mensæ accumbentibus ministrabant Domini, et servorum vicem implebant, ad reficandam videlicet memoriam pristinæ, quæ florebat, Saturno regnante, libertatis, cum nemo serviret.

Janus, de quo proximè facta mentio est, pingebatur cum clavi et virgâ. Virgam gerebat, quasi viarum præses; clavim, quia domorum januas, et seras invenisse credebatur. Ab eo Januarius mensis invenit nomen: aræ duodecim eidem ponebantur, pro numero mensium: utque sunt anni tempestates quatuor ipsi frontes aliquando datæ. In omnibus sacrificiis appellabatur primo loco, quippe qui primus aras et sacrorum ritus instituisset. Ejus templum Romæ claudabatur pace composita, patebat flagrante bello.

## C A P. II. CYBELE.

CYBELE, Saturni uxor, varia sortitur apud Poëtas nomina. Dyndimene vocatur, Berecynthia, et Idea, a montibus Phrygiæ Dyndimo, Ida, et Berecyntho, ubi præcipuè colebatur: magna Mater, quia Dii plurimi, maximique, ex ea nati: Ops, et Tellus, quia ut Saturnus cœlo, sic illa terræ præerat, opemque mortalibus ferebat: Rhea, quia e terra fluunt omnia, et gignuntur. Dicta quoque Vesta reperitur: vulgò tamen Vesta Saturni mater, non conjux, ponitur; itaque duas aliqui Vestas constituunt, unam Cœli conjugem, et matrem Saturni; alteram juniorem, et Saturni filiam: seniore eandem esse cum Cybele, ac Tellure, censent. Pingebatur illa sedens, quia terra stat, suis librata ponderibus; tympanum gerebat manu, quia terra ventos sinu continet, qui erumpunt inde cum fragore: aderant circum belluæ: curru vehebatur, quem trahebant leones: caput floribus, plantisque, sæpius coronâ e turribus et murorum pinnis conflata, cingebatur. Junior Vesta igni præerat, eique aram Numa Pompilius consecravit, et ignem in ara perpetuum foveri jussit, cujus alendi curam virginibus Vestalibus demandavit. Si casu extingueretur, indicabatur justitiam, et publica, privataque negotia intermittebantur, donec prodigium illud inlaustum, expiatum fuisset: si Vestalium incuria, graviter in eas animadvertebatur. Quotannis

renovabatur ignis ille, Kalendis Martiis, petita non ab igne alio; sed a Sole, flamma. Cybeles festa Megalesia vocabantur; sacerdotes dicebantur Galli, a Gallo, Phrygiæ fluvio, cujus aqua epotâ in rabiem versi lacerabant se culiris, caput rotabant, et adversis frontibus inter se velut arietabant; unde illis etiam Corybantes nomen fuit. Tondebant iidem comam in priori capitis parte; stolâ muliebri erant induti: Jovem in Creta insula aluerant, quas ob causas Cûretes pariter dictos volunt. Denique reperiuntur appellati sæpe Dactyli Idæi. Dactyli quidem (quæ vox Græca digitos significat) quia decem (quot in manibus digiti) erant; vel quod, instar digitorum, quibus manus ambæ utuntur, Divæ præsto essent ab omni sacrorum obsequium. Idæi verò, quia Idam Phrygiæ montem incolebant. Sacra Cybeles celebrabant inconditis clamoribus, fistulis, tibiis, ac tympanis percrepantibus. Romæ a feminis fiebant eadem in templo ac loco secreto, quod Opertum nuncupabant, exclusis viris.

Saturni et Opis, seu Cybeles filia Ceres fuit, Dea frugum, et inventrix frumenti. Quamobrem cum spiceâ coronâ pingitur, et plenis uberibus; ex quo mammosæ, et almæ nomen est adepta, quod omnes alat. Facem gestabat, quia filiam Proserpinam a Plutone raptam diu quæsivit, *Metamorph. Lib. 5*; cumque somnum præ mœrore capere non posset, ei papaver edendum præbuisse Jupiter dicitur, cujus ea vis est, ut somnum conciliet. Hinc papavera manu tenebat. Usa est Triptolemo adjutore ad monstrandam hominibus serendi artem. *Metamorph. Lib. 5*. Erat hic Eleusini regis, apud quem Proserpinam Ceres quærens diverterat, filius. In eodem oppido Eleusi cœpta sunt primùm peragi. Cereris sacra, Eleusina dicta: in iis incredibile servabatur silentium, ac summun nefas putabatur ex illis aliquid evulgare. Alia duo Cereris festa memorantur in scriptoribus antiquis: Thesmophoria, quia Ceres Atheniensibus leges descripserat: et Ambarvalia, instituta ad fertilitatem et ubertatem impetrandam arvis, quæ tunc ambiebantur a supplicantibus, unde festo nomen. Vinum ab aris Cereris amovebatur: immolabatur illi porcus, quia fruges et sata rostro eruit. Agrorum limitibus præerat Deus Terminus: ejus festa, Terminalia dicebantur. Cererem in Græcia regnasse D. Augustinus tradit; artemque agros colendi tradidisse, ac per eam factum, ut Græcia suis frugibus uteretur, cum antea frumento aliunde importato vixisset.

### C A P. III. JUPITER.

**JUPITER**, Saturni et Cybeles filius, postquam patrem egisset in fugam, regnum mundi cum fratribus ita divisit, ut cælum sibi vindicaret, aquas Neptuno, inferos Plutoni

regendos permetteret. Non diu tranquillum regnum habuit. Tellus enim, Titani uxor, dolens filios suos Titanas a Jove interfectos, Gigantes procreavit, mole viribusque spectandos, qui congestis in cumulum montibus, Jovem cœlo detrudere aggressi sunt. *Metamorph. Lib. 1 et 14.* Sed fulminibus dejecti, et suis obtritii montibus, pœnas Jovi dedere. Vocati ab illo in belli et periculi partem. Dii, cùm se imparem unum tot hostibus crederet, sic Gigantum conspectu perterriti sunt, ut omnes in Ægyptum fugerint, ibique sub variis animantium formis latuerint. *Metamorph. Lib. 5.* Hinc factum ut belluas Ægyptii colerent pro numinibus. Bacchus tamen specie leonis indutus, rem strenuè aliquantis per gessit, hortante Jove, et Evolie, id est, *Euge fili*, ingeminante. Jupiter pacatum adeptus regnum, curam ad formandos homines contulit. Eum imitatus Prometheus sinxit statuas quasdam hominum ex argilla, illasque, rapto e curru Solis igne, animavit. *Metamorph. Lib. 1.* Promethei temeritatem indignè ferens Jupiter negotium Vulcano dedit, ut eum in Caucasio monte religaret: addidit vulturem, qui laniaret viscera, in novos cruciatus sèmpèr rênascentia. Severitatem Jovis iniquè tulerunt ceteri Dii, ac doluerunt quòd sibi uni formandos hominum jus arrogaret. Quare collatis studiis et muneribus, mulierem effinxere, quam Pandoram appellarunt, quasi ex omnium donis conflata. Jupiter superùm arrogantiam ulturus, illi capsulam dedit, infelix munus; in eam quippe congesta erant omnia naturæ mala. Hanc Pandora cùm detulisset ad Epimetheum Promethei fratrem; illi impulsus curiositate pravâ, sive, ut alii narrant, ejus uxor, capsulam aperuit; ex eaque pèstes omnis generis in orbem terrorum evolarunt, solâ Spe in fundo capsulæ relictâ. Hinc ætas ferrea et scelerum colluvies nata est. Jovem non unum in Creta regnasse doctorum opinio est: omnium celeberrimus Abrahamo supparem Eusebius facit. Patrem spoliavit regno, quod ita cum suis fratribus Neptuno et Plutone divisit, ut ipsi regiones ad sortum sitæ, Plutoni occidua pars insulæ, Neptuno maritimi tractus obtigerint. Hinc Jupiter cœli, Neptunus maris, Pluto inferorum rex, numenque ductus est. Jovis nomine apud poëtas Aër ut plurimum significatur, sive cœlum; ut nomine Junonis, quæ Jovis conjux, terra; quia e cœlo, terraque, omnia gignuntur. Ejusdem Jovis varia sunt apud scriptores profanos nomina: hæc frequentiora. *Diespiter* vocatur, quasi dici pater: *Feretrius*, vel quòd hostes feriret, vel quòd in ejus templum ferrentur opima spolia. *Stator* (ita est a Romulo dictus) quòd Romanorum contra Sabinos pugnantium fugam striterat: *Xenius*, sive *Hospitalis*, quia gerebat hospitum curam. *Vejovis*, et *Vedius* tunc appellabatur, cùm rogabatur ne quid inferret

mali; et inter sinistra noxiaque numina censebatur: factæ voces istæ sunt ex interjectione *væ*, quæ mali ominis; et duplici genitivo, altero Græco, altero Latino, Jovis, et Diös.

## CAP. IV. JUNO.

**JUNO**, Jovis soror et conjux, matrimonii præerat, ac partibus feliciter edendis: tumque Pronuba, Lucina, et Hylthia, nominabatur. *Metamorph. Lib. 9.* Ejus filia Hebe, juventutis Dea, nectar Jovi tamdiu miscuit, dum ejus locum Ganimedes, a Jove in aquilam mutato raptus, occupavit. *Metamorph. Lib. 9 et 10.* Edidit etiam Juno Martem, belli armorumque præsidem, cujus soror Bellona, sive Enyo: denique Vulcanum, sed distortum et informem. Horruit partum degenerem Jupiter, et calce in terras dejecit. Vulcanus, crure inter cadendum fracto, claudus remansit. Jupiter ut infortunium hoc solaretur, illum præfecit fabricandis fulminibus. Officinæ Vulcani Lemnos, Lipara, Aetna: adjutores et administri fuere Cyclopes, ita dicti, quod unum in fronte media oculum haberent. Ceterum offensus Jupiter et arrogantia Junonis, et postremo partu, eam fastidire atque alias amare coëpit. Immo Palladem e foecundo capite productam, bello pariter præesse litterisque voluit. Vulgo tamen cum litterarum est præses, Minerva nuncupatur. Osea ipsi dicata erat, pacis insigne: nam et pace gaudent litteræ; et belli finis præmiumque pax esse debet. *Metamorph. Lib. 6.* Ab Atheniensibus præcipue culta fuit. Interim Juno maritum in pellicum amores turpiter effusum observans, illi custodem apposuit centum oculis præditum, Argum nomine. Molestum observatorem Jupiter, opera Mercurii, obtruncavit. *Metamorph. Lib. 1.* Ejus oculos Juno indicit pavonis caudæ. Argum ipsum, ut alii volunt, in pavonem mutavit. Junonis famula et nuntia Iris fuit, quemvis operam aliquando Jovi, ceterisque Diis navaret. De Marte, addo illum Gradivum appellari solitum, quando sæviebat; gradior enim proprie de militibus in aciem procurrentibus dicitur: Quirinum verò, cum tranquillius et milis erat, sumpto nomine a Sabino vocabulo; *Curis*, seu *Quiris*, quod hastam significabat. Id nominis Romulo quoque, Martis filio, tributum est. Salii, Martis sacerdotes, urbem obibant saltando, et ancilia (clypeolos sacros) circumferendo.

## CAP. V. APOLLO.

**JUPITER**, spretâ Junone, Latonam adamavit, ex eaque suscepit Apollinem et Dianam. Priusquam in lucem ederentur, Juno terram obsecravit, ut nullum Latonæ; ubi consistere



posset ac parere, locum relinqueret. *Metamorph. Lib. 6.* Promisit terra excludendam omnibus locis Latonam, præterquam ab insula Delo, quæ tunc fluitabat incerto mari, ac fere semper fluctibus erat obruta. Sed Neptunus, Latonam miseratus, Delum stabilem reddidit, ac jussit emergere. Hinc Apollo Delii cognomen est nactus ab insula natali. Ejus filius AEsculapius, cum artem medicam a patre, et a Chirone Centauro didicisset, tantum in ea profecit, ut Hyppolytum, Thesei filium, monstris marinis disceptum, ad vitam revocaret. *Metamorph. Lib. 2 et 15.* Quò facto Jupiter auctoritatem suam lædi ratus, AEsculapium fulmine percussit. Apollo vicissim Cyclopes, fulminis fabricatores, quoniam sævire in Jovem ipsum non poterat, interemit. Exarsit iracundiâ gravi Jupiter, et Apollinem cœlo pulsum, divinitate per aliquot annos spoliavit. Redactus in ordinem Apollo, multis incommodis afflictatus est; ac ne periret fame, operam suam locavit Admeto, Thessaliæ regi, cujus greges pascendos accepit. *Metamorph. Lib. 2.* Hinc Deus pastorum habitus fuit, eique immolabatur lupo, ovium pestis. Armenta sic pascentem aliquando vidit Mercurius, eique vaccam dolo surripuit: mox ipsam ejusdem humeris furtim pharetram detraxit. Daphne in laurum ab eo mutata fuit. *Metamorph. Lib. 1.* Hyacinthus, quem disco imprudens colludentem interemerat, in florem cognominem. *Metamorph. Lib. 10.* At Hyacinthi parentes Apollinem, ut pœnas expeterent, insecuti, fugere coëgerunt in Troadem, ubi incidit in Neptunum, cœlo pariter exsulantem, irato Jove, in quem cum Diis aliquot conjuraverat. Ambro ad Laomedontem, qui Trojam tunc ædificabat, confugiunt; ac pacto pretio navant operam construendis Trojæ mœnibus. *Metamorph. Lib. 11.* Cum promissam mercedem negaret Laomedon, conspirarunt in perjurum regem, ejusque civitatem Neptunus, immissis aquis, evertit magna ex parte; Apollo pestilentia regionem devastavit. Tot malis remedium quæsit Laomedon. Oraculo consulto, responsum est placandos Apollinem ac Neptunum objectâ monstris marinis Trojanâ quotannis virgine: sors Hesionem, regis ipsius filiam, neci addixerat. Hercules ita se liberaturum illam spondit, si Laomedon quosdam insignes equos sibi daret. *Metamorph. Lib. 11.* Promisit rex; at liberatâ filiâ, monstris abactis et interfectis, Herculem indonatum, irrisumque valere jussit. Hercules justo furore percitus obsedit urbem, cepit, ac regem interfecit. Interea mitigatus Jupiter cœlum Apollini ac divinitatem reddidit. Apollo pristinum decus non modò recuperavit, sed magnâ etiam accessione cumulavit. Nam in cœlo lucis Orbis dividendæ munus recepit, quod antea gerebat, etsi provinciam hanc poëtæ tribuant uni e Tita-

nibus, quem Titanem, et Hyperionem dixerunt. Hunc alii Solis ipsius patrem faciunt. Solem Aegyptii Horum appellabant; Persæ, Mithram. In terris verò edere cœpit oracula, præsertim Delphis, ubi sacerdos responsa dabat insidens cortine, sive tripodi tecto pelle serpentis Pythonis, olim ab Apolline interfecti. *Metamorph. Lib. 1.* Præterea invenit artem canendi, et Marsyam satyrum, a quo fuerat provocatus, victum cantando, exuit pelle. *Metamorph. Lib. 6.* Eadem canendi artem et poësim docuit Musas, Jovis et Mnemosynes filias. Novem recensentur, Calliope, Clio, Erato, Thalia, Polyhymnia, Urania, Melpomene, Terpsichore, Euterpe. Parnassum unâ cum Apolline incolebant. *Metamorph. Lib. 5.* Inter Apollinis filios celebratur Phaëton qui paternum currum, temerè expetitus, cum malè regeret, a Jove percussus, et in Eridanum deturbatus est. Ejus sorores, Heliades in populos mutatae. *Metamorph. Lib. 2.* Inter Apollinis liberos nonnulli numerant Auroram. Hæc Tithonium, Laomedontis filium, habuit in matrimonio, eique immortalitatem a Jove impetravit; nec tamen obtinere potuit, ne senesceret. Itaque senio fractus, in cicadam ut mutaretur exoravit. E Tithono genuit Aurora Memnonem, qui Priamo suppetias, in Trojano bello, tulit. Ab Achille interfectus, a matre diuturnis lacrymis, quæ rorem effecere, deploratus est, et ex ejus rogo natæ aves Memnonides. *Metamorph. Lib. 13.* Illi statuam Aegyptii posuerant, quæ, Solis orientis primoribus radiis icta, sonum canoræ voci similem edere jactabatur.

## CAP. VI. DIANA.

**D**IANA soror Apollinis, eadem in cœlo Luna, in terris Diana, in inferis Hecate, dicebatur. Hinc triformis diva, triceps Hecate, a poëtis nuncupatur. Venationi præsertim addicta, venatoribus præfuit. Eadem virginitatem perpetuò coluit, et Actæonem venatorem, quod in eum, ubi se cum nymphis lavabat, locum imprudens venisset, mutavit in cervum. *Metamorph. Lib. 3.* Insigne templum habuit Ephesi, et inter septem orbis miracula numeratum: aram quoque in Taurica Chersoneso, ad Pontum Euxinum, in qua ipsi homines immolabantur, præsertim si qui naufragio ad istas oras ejecti fuissent.

## CAP. VII. BACCHUS.

**J**UPITER e Semele suscepit Bacchum, quem narrant, cum ante tempus in lucem exiisset, insertum fuisse Jovis femori, donec menses legitimi partûs implerentur. *Meta-*

*morph. Lib. 4.* Aetate provectior peragravit orbem terrarum, deque India triumphavit. Invenisse vinum fertur, eique caper immolabatur, quia vitium gemmas arrodit. Primus etiam aratro boves subjunxisse memoratur: quam ob causam ejus capiti affinguntur cornua, quæ parite indicant robur et audaciam ebriosi familiarem. Sacra illi quoque hedera, quia vini fumos nativo frigore discutere creditur. Eâ involutum et pampinis jaculum gestabat, quem thyrsum vocabant. Eodem instructæ feminae, sparsis comis ululantes, sacra Bacchi celebrabant: Trieterica illis nomen, quia tertio quoque anno recurrebant; et Orgia, ob furorem, quo istæ Bacchantes, pellibus tigridum et pantherarum indutæ, nonnunquam armatæ facibus, per invios montes vagabantur, præsertim in Thracia. *Metamorph. Lib. 4 et 11.* Præter illius nomina, quæ exposuimus; *Metamorph. Lib. 4,* vocatur etiam Dionysius, sive Dionysus, à Jove, ipsius patre, et ab urbe Nysa, ubi regnavit: vel, a Nysæis nymphis, a quibus educatus est. Apud Latinos vulgò Liber dicebatur, quia ebrio liberius nihil, nihil ab omni cura solutius. Huic nomini respondet Græcum Lyæus. Hinc ejus festa vocabantur apud Græcos Dionysia; apud Latinos verò Liberæ, sive Bacchanalia. Peculiarior quædam celebrabantur in Atticæ pagis, Ascolia nuncupata, a voce Græca, quæ utrem significat. Statuebant itaque utres Hircinos in prato, inflatos, et oleo inunctos. Saltabant per hos rustici unico tantum pede; nam alterum erectum, et in aëre libratum habebant. Qui cadebant (quod proprio vocabulo cernuare dictum est a Romanis, eadem subinde festa imitatis) risu agrestis coronæ, et cachinnis excipiebantur. *Cansule Lacerdam, Lib. II Georg. versu 384.* Sunt qui adumbratum in Baccho fuisse velint Nembrodam, qui Hebræâ voce Bar-chus, id est, Chusi filius, appellatur. Sunt qui Moysem in eo expressum pugnent, ac multa proferunt a poetis attributa Baccho; quæ plane in Moyse quadrant. Plerique omnes Noëmium in eo depictum censent, satorem vitis, ac vini sive monstratorem, sive reparatorem. In eam sententiam explicant quæ poetæ de Baccho tradunt: nempe a Naisidibus, fontium nymphis præsidibus, educatum fuisse; ut vinum aquâ temperandum docerent. Pingunt eundem puerili semper vultu; ebrii puerorum simillimi sunt: nudum, quia nullum ebrio arcanum est. Furiosos comites illi addunt, tigres ejus curru subjugunt; quia vinum, excusso rationis imperio, intemperantes irâ et furore incendit, ac belluis simillimos reddit.

## CAP. VIII. MERCURIUS.

**M**ERCURIUS, Maiâ genitus, Atlantis filiâ, Jovis et Deorum interpres fuit ac nuntius. Itaque alas in capite et pedibus habebat; quò expeditior esset ad mandata Superùm perferenda; caduceum verò, in manu. *Metamorph. Lib. 2.* Mercurium narrant incidisse aliquando in duos angues inter se dimicantes, utrumque diremissee interpositâ virgâ, quam tenebat manu: inde factum, ut virgam gemino angue circumfuso insignem gestaret; caduceusque pacis esset ac fœderis symbolum. Quia deorum minister et nuntius erat Mercurius, inditum illi quoque fuit Camilli nomen, quo nomine pueros, ac sacrificiorum præsertim administratos, antiqui vocare consueverant. Mercurii nomen invenit a mercibus, et mercatura, cui præerat. Alterum Mercurii munus erat, animas mortuorum ad inferos deducere, ex iisque, cùm res ferebat, revocare. Tertium, fures adjuvare. Idem palæstræ et eloquentiæ laude florebat: ac sæpe pingebatur cuni aureis catenis ex ore defluentibus, quibus audientes vinciebat. Hinc Hermes apud Græcos appellatus est. Ejus statuæ apud Romanos in triviis, et compitis, ut iter ostenderent, locabantur, erantque manibus captæ ac pedibus, et *Hermæ* vocabantur. Idem Romani solebant Mercurii ac Minervæ statuas jungere, et eidem quasi trunco imponere; *Hermathenas* vocitabant: item Cupidinis ac Mercurii; et *Hermerotes* dicebantur.

## CAP. IX. VENUS.

**V**ENERIS Mater Dione fuit: filius, Cupido: item Priapus, hortorum; Hymenæus, nuptiarum præses; denique Æneas: filiæ verò, Charites, sive Gratiæ tres, Aglaia, Thalia, Euphrosine. Colebatur præsertim Amathuntæ, Cytheris, Paphi. Astarte, Sidoniorum Dea, non alia fuisse quam Venus, ab eruditis creditur. Additur aliquando Veneri comes Pytho, sive Suada, eloquentiæ Dea. Currum Veneris trahebant columbæ, cycni, aut passerres. Magistra impuditiæ ferebatur, ut ne puderet miseros mortales volutare se in cœno libidinum, qui Deos ad hæc flagitia duces, hortatoresque sibi fecissent.

## CAP. X. NEPTUNUS.

**N**EPTUNUS, Jovis frater, maris imperium sortitus est. Illi pro sceptro, tridens; pro curru, ingens concha; pro equis, hippocampi, sive equi marini, bipedes tantum,

postremâ corporis parte in piscium caudam desinente; pro satellitibus, tritones erant. Uxor ejus Amphitrite; filiae, Harpyiæ. *Metamorph. Lib. 7.* Oceanus, Neptunî filius, pater fluviorum, Thetyn uxorem duxit, ex qua Nereum, et Doridem suscepit. E Nereo et Doride prognatæ sunt nymphæ, quarum aliæ vocabantur Nereides, quæ mari; Naiades, quæ fontibus et fluviis; Napeæ, Dryades, et Hamadryades, quæ silvis, pratisque præerant. Inter Nereides insignis fuit Thetis, Pelei conjux. *Metamorph. Lib. 2.* Oceani pariter filius erat Proteus, Neptuni pastor, qui in omnes formas sese vertebat. *Metamorph. Lib. 2, 8, et 14.* Inter maris numina censebantur etiam Glancus, Ino, ejusque filius Melicerta. Glancus quo pacto Deus evaserit, explicat Vates, *Metamorph. Lib. 7 et 13.* Ino conjux erat Athamantis Thebarum regis. Hunc irata Juno egit in furias: quibus ille agitatus necem uxori machinatus est. Furentem Ino fugiens, in mare se dejecit, cum filio Melicerta. Utrumque miseratus Neptunus Deos maris esse jussit, et Inonem Leucotheam, Melicertam verò Palæmonem dixit. *Metamorph. Lib. 4.* Nec prætereundus inter Deos maris AEolus est, ventorum arbiter. Ejus regia et ventorum carcer, prope Siciliam, in AEoliis insulis collocatur. In augusto freto quod Siciliam ab Italia separat, monstra duo marina ponuntur a poetis, Scylla nempe et Charybdis. In eodem freto Siculo degebant Sirenes, quæ suavitæ cantûs pellectos vectores in brevia syrtesque perducebant. *Metamorph. Lib. 5.*

## CAP. XI PLUTO.

PLUTONIS conjux Proserpina, Cereris filia, quam rapere coactus est, quia Dearum nullam, quæ tam deformis regni domino vellet nubere, inveniebat. *Metamorph. Lib. 5.* Inferorum fluvii, Acheron, Cocytus, Phlegeton, Palus, Styx. *Metamorph. Lib. 2.* Custos inferorum, Cerberus, canis triceps: portitor Charon, senex inexorabilis: carnifices, furie tres, Alecto, Megæra, Tysiphone, flagellis et facibus armatæ. *Metamorph. Lib. 4.* Plutonis administræ, Parcæ tres, Clotho, Lachesis, Atropos. Illæ fatalem tenebant colum, modò nigrâ involutam lanâ, modò albâ, ex eaque filum ducebant, quo reciso, pereundum erat. Mortuorum animæ, operâ Charontis transvectæ, deducebantur a Mercurio ad judices AEacum, Minoem, et Rhadamanthum: qui expensâ singulorum vitâ, probos mittebant in Elysium, sceleratos in Tartarum detrudebant. Eorum pœnas, et insignium facinorosorum nomina describit Vates, *Metamorph. Lib. 4.*



Porro animæ in Elysios campos missæ, post certum annorum numerum, ex iis educebantur, et in alia migrabant corpora, novam ut vitam instituerent. Sed antequam felicibus exirent campis, hauriebant aquas fluvii Lethes, quarum ea vis erat, ut rerum omnium præteritarum oblivionem afferrent. Mortui, quorum insepulta jacerent cadavera, centum annos in ripa Stygis errabant, quibus exactis, a Charonte transmittebantur. Plutonis nomina tria, quæ præ ceteris erant illustria: Orcus dicebatur, quasi Urgus, vel Uragus, quod omnes urgeret in interitum. Februus, ab antiquo verbo *februo*, quod significat purgo, lustrum; quia in funebribus cæremoniis multæ lustrationes et purgationes adhibebantur: præcipua quædam sacra Plutoni fiebant, dicta ob eandem causam Februa; unde etiam fluxit nomen Februarii mensis, quo hæc sacrificia peragebantur. Plutonis vocabulum a Græca voce divitias significante dicitur; quia aurum et alia metalla in imam tellurem naturæ provida benignitas, ut laterent, retrusit, ipsisque admoovit inferis, ac Plutonis arbitrio subjecit, ut fugebant poëtæ: qui tamen peculiarem Deum, Plutonis administrum, divitiis præfecerant, Plutem nomine: claudum faciunt, quia tardè comparantur opes; cæcum, quia sæpe immineritis contingunt.

## CAP. XII. PAN, FAUNUS, SATYRI, etc.

UT cœli et inferorum, sic terræ propria quædam erant numina. Principem inter agrestes Deos locum obtinebant Pan, et Pales. Pan Mercurii filius, capri caput ac pedes, necnon barbam, et cornua gerebat: illum comitabantur Satyri, non dissimiles: itaque Silvanus, silvarum præses. In Arcadia præcipuè colebatur Pan: ejus in honorem Romani mense Februario celebrabant Lupercalia: quibus in festis, Luperci, Panos sacerdotes, nudi per urbem discurrabant. Pan, ut ipsa vox Græca innuit, ac testatur Servius, symbolum erat universi, in quo homines belluis mixti sunt: itaque supernè hominis, infernè pecudis speciem gerebat. Fistulam gestabat, ad significandum partium mundi, junctarum inter se ordine pulcherrimo, concentum. Narrat Pausanias, cum Galli, Brenno duce, Græciam percursantes, templum Delphicum pararent spoliare, injectum illis a Pane improvisum terrorem, quo percussi omnes fugam arripuerint: inde natum, ut terror sine causa susceptus, panicus appelletur. Pales invocabatur a Pastoribus: eadem ac Cybele esse putabatur. Ejus festa Palilia celebrabantur Aprili exeunte. Faunus quoque Pici, Latinorum regis, filius, in agrestium Deorum numerum ve-

niebat, quia multa docuerat homines ad agriculturæ usum spectantia.

Pomona fructuum; Flora, seu Chloris, florum gerebat curam. Iudi ejus in honorem celebrati vocabantur Floralia, et tubâ indicebantur. Præterea suum singulis fontibus, fluviis, domibus, hominibus, Deum assignabant. Domestici Dii Lares, sive Penates appellabantur. Lares vicorum etiam, itinerumque præsides erant: itaque in vicis et compitis colebantur, et ludis in eorum honorem celebratis, Compitalitiis nomen erat. Tunc hominum effigies e lana, tamquam victimæ piaculares, suspendebantur in compitis, rogabanturque Lares, ut in hæc simulacra iram et pœnas effunderent, si quas ipsimet homines commerruissent. Cum bullas pueri deponebant, eas Laribus consecrabant. Canes illis erant dicati, animal domesticum, et fidele; ipsique caninâ pelle vestiebantur. Locus Laribus domi sacer, vocabatur Lararium. Idem Præstites nominabantur, quasi qui multa familiis commoda præstarent. Proprium cujusque hominis numen Genium vocabant; eumque simul cum uno quoque nasci, et mori arbitrabantur. Duplicem statuebant Genium, alterum candidum et felicem; alterum nigrum et sinistrum, qui si albo esset fortior, omnibus infortuniis miserum hominem male multabat. Feminarum Genios appellabant Junones. Serpens Genio dicatus erat. Rerum humanarum veluti clavum moderabatur Fortuna, Dea cæca, rotæ insidens volubili, et in sola inconstantia constans. Huic maxime supplicabant, eique variâ diversis nominibus templa posita reperiuntur. Si quis fortunâ secundâ et favente abuteretur, hunc plectebat Nemesis, et indignos ingratosque ulciscabatur. Inditum id illi nomen a voce Græca quæ significat *distribuere*, quia pœnas et præmia unicuique veluti dividebat. Dicta quoque legitur Adrastea; vel ab Adrastô, rege Argivorum, qui primus aram illi condidit, vel quod nemo illam posset effugere, ut vox Græca sonat. Rhamnunte (pagus Articæ fuit) præcipue colebatur. Hinc Rhamnusia vocatur a pœtis. Alatham exhibebant, ad significantiam celeritatem pœnarum, quæ impios non tardo pede consequuntur: insidentem rotæ, ut indicarent eam vicissitudinem quâ delictis pœnæ respondent, iisque succedunt. In Deorum etiam numerum referebantur Nox, et Somnus, sive Morpheus. Ex utroque genitus Momus ludo jocisque præsidebat.

Posita quoque templa visebantur variis scelerum monstris, et morbis; ut Invidiæ, Fraudis, Calumniæ, Discordiæ, Furori, Febri, Pavori, Paupertati, Necessitati, Tempestati. Illud paulò rectius, quod eosdem honores tribuerent virtutibus, Fidei, Justitiæ sive Astrææ, Pietati, Pudicitæ,

Concordiæ, Veritati, Saluti, Libertati, Paci, demum Silentio, cujus præses apud Aegyptios erat Harpocrates; apud Græcos, Sigalion: uterque pingebatur cum digito indice labris admoto, quasi silentium indicens. Harpocrati sacra erat arbor Persea, quod ejus folia, linguæ; fructus autem, cordis speciem præ se ferant. Ab iisdem Aegyptiis Angeronia, silentii Dea præses habebatur, ejusque simulacrum, ore obligato et obsignato prostabat.

## P A R S S E C U N D A.

### *De Semideis et Heroïbus.*

#### C A P. XIII. ORIGO IDOLATRIÆ.

CUM primùm homines, abrepti cupiditatum æstu, in graviora flagitia prolapsi sunt, tunc originis suæ et Conditoris obliti, nova sibi numina fabricarunt. Ac primò quidem Solem et Lunam adoravere, quia nihil formosius obiciebatur sensibus, quorum judicio ferè omnia metiebantur: deinde hominibus ipsis cultum uni Deo debitum adhibuerunt. Id primus omnium tentasse Ninus fertur, circa mundi annum 1945, qui collocatâ publicè patris sui Beli statuâ, jussit ad eam preces et vota concipi. Exemplum secutæ gentes vicinæ, divinos honores suis principibus, aut heroïbus de genere humano bene meritis, decreverunt. Sic inter superos relati Saturnus, Jupiter, Neptunus, Hercules, aliique, et pro Numinibus deinde habiti sunt, communi gentium omnium suffragio, præcipuè Græcorum, qui ceteris eruditione ac sapientiâ præstare credebantur.

Ordinem nihilominus aliquem statuebant inter Deos; quosdam enim censebant omni exceptione majores, ut Jovem, Junonem, Neptunum, etc. quosdam minores, ut Panam, Faunos, Satyros, Nymphas, etc. Nonnullos dimidiatos quasi Deos, sive Semideos, appellabant, qui maternum duntaxat, paternumve genus ab aliquo Deo ducerent, ut AEsculapium, Pollucem et similes. Denique heroïbus ob res præclarè gestas, et magna quædam in mortales collata beneficia, cælum ac Divinitatem indulserunt. De duobus primis deorum generibus dictum est parte primâ; nunc de Semideis et Heroïbus disserendum.

## CAP. XIV. PERSEUS.

**A**CRISIUS, Argivorum rex, cum oraculo didicisset futurum, ut periret a puero, quem Danaë filia sua pareret; hanc ærea turri inclusit, appositis custodibus, ne quis ad illam vir aspiraret. Eò tamen penetravit Jupiter in imbrem aureum mutatus, hoc est, auro corruptis puellæ custodibus. Genitum sic furto Perseum Acrisius in arcam abdidit, et in medios fluctus projecit: sed a piscatoribus servatus, cum ætate processisset, ac ludicro interesset certamini, patrem imprudens interfecit. Res ejus præclare gestas describit Ovidius, *Metamorph. Lib. 4, ad finem, et initio Lib. 5*. Pegasus de quo meminit idem Ovidius, *Metamorph. Lib. 4*, egregiam Perseo primum navavit operam, deinde Bellerophonti, Glauci regis Corinthiorum filio. Ille cum Proetum Argivorum regem inviseret, ejusque uxori Stenobææ assentiri nollet, ab ea fuit accusatus apud Proetum, qui ne datam hospiti dextram, fidemque violaret, misit ipsum cum litteris quasi commendatitiis, quarum similes *Bellerophontis Epistolæ* postea sunt appellatæ, ad Iobatem regem Lyciæ, socerum suum. Rogabatur istis litteris Iobates, ut Bellerophontem insidiis et astu perderet. Statim variis periculis fuit objectus ab Iobate, ut periret, præsertim Chimææ, horribili monstro, in Lycia, quod Pegasi tamen ope domuit. Sed dum equi alati tergo insidens evolare in cælum conatur, a Jove dejectus et oculis orbatus est. Commodius actum fuit cum Perseo et ipso Pegaso; nam ambo in sidera sunt relati. Stenobæa necem sibi conscivit.

## CAP. XV. HERCULES.

**H**EROUM, quos vetustas celebravit, clarissimus extitit Hercules, Alcmenæ genitus, conjuge Amphitryonis, Thebani principis, et Jove. Regnabat per idem tempus Mycenis in Græcia, Sthenelus et regnum Herculi fata destinabant. Sensit Juno, effecitque, ut Eurystheus Stheneli filius, prior nasceretur, quam Hercules, cum antea impetrasset a Jove, ut qui amborum prior foret in lucem editus, alteri imperitaret. Imperium inclementer in Herculem Eurystheus postea exercuit. *Metamorph. Lib. 9*. Longum tamen Junoni visum est, dum uterque adolesceret: Herculem in cunis perdere tentavit, immissis anguibus geminis, quos infans, jam doctus vincere, qui vivere vix coeperat, tenellis manibus elisit. Palladis tamen ope, Juno Herculi conciliata paulisper est, dumque puer labris ubera immulget, decidit aliqua particula candidi liquoris, et in eam cœli partem

defluxit, quæ via Lactea posthòdum est appellata. *Metamorph. Lib. 1.* Hæc Junonis benevolentia minimè fuit diuturna. Eurystheum, Mytenarum sollo positum, impulit, ut Herculem variis objiceret laboribus, quibus denique oppressus periret. Duodecim vulgò numerantur. Primò jussus est leonem Nemeæ silvæ, a quo toti regioni perniciosus creabatur, interficere. Adortus feram Hercules in antrum compulit, unde nullum patebat effugium; faucibusque constrictis interemit. *Metamorph. Lib. 2.* Ejus pellem deinceps, primæ scilicet victoriæ monumentum, semper gessit. Erat Hydra leone isto tetrior, serpens inhumanis in Lerna palude, prope Argos; cui septem capita sic uni collo inserebantur, ut cum unum excinderetur, alia multa repullularent: omnia simul eodem ictu Hercules abscidit; aut igne, ut alii tradunt, exussit. *Metamorph. Lib. 3.* Dirus aper in Erimantho monte vastitatem agris afferebat: vivum cepit, Eurystheoque obtulit. Neque nihil nocebat in Mænalo monte cerva, æreis pedibus, aureisque cornibus prædita: hanc anno toto insecutus, denique assecutus est, jaculisque confixit. Damni plus afferebant volucres quædam in lacu Stympphalo, inusitatæ magnitudinis et roboris, ita ut prætereuntes unguibus laniarent: iis fugatis magnam est adeptus gloriam: majorem debellatis Amazonibus, ad fluvium Thermodontem. *Metamorph. Lib. 4.* et tyrannis duobus, Diomede ac Busiride interfectis, quorum hic in Ægypto peregrinos atque hospites immolabat Jovi; ille, in Thracia, eosdem ferocibus equis conculcandos, ac devorandos, præbebat.

Illis par inhumanitate ferebatur Geryon, Hispaniæ rex, tricorpor; quem simili affecit pœna. Magnam quoque industriæ laudem tulit in repurgando Augiæ, regis Elidis, stabulo, in quo collectæ multis ab annis sordes, ærem pestilenti odore inficiebant. *Metamorph. Lib. 5.* Parem adhibuit solertiam tum in domando tauro ferocissimo, quem iratus Neptunus in Græciæ cladem creaverat; tum in auferendis aureis Hesperidum pomis, sopiendo pervigili dracone, illorum custode: hoc in labore adiutorem Atlantem habuit; qui dum poma colligebat, Hercules cœlum humeris tulit. Sed maximum omnium periculorum adiit in educendo ab inferis Cerbero; *Metamorph. Lib. 6.* cum quo Theseum amicum suum, ibi vinctum, pariter eduxit.

His laboribus feliciter perfunctus, orbem terrarum, ad levandos mortales variis calamitatibus conflictatos, peragravit. Italiam Caco, Vulcani filio, latrone insigni, liberavit. Prometheus, in Caucasò religatum, vinculis exemit. Antæum, Terræ filium, singulari certamine profligavit. *Metamorph.*



*Metamorph. Lib. 9.* Lycum, qui, Thebis captis, Creontem, earum regem, socorum Herculis, tunc ad inferos profecti, interfecerat, meritâ morte multavit. Oceanum in medias terras induxit aperto freto Gaditano, duobusque montibus, Calpe, et Abila, diductis: quibus, tamquam columnis triumphalibus, elogium illud inscripsit: *Non plus ultra.* Herculis gloriam iniquissimè ferens Juno, tam atro furore illum concussit, ut Megaram uxorem, liberosque occiderit; nec sibi violentas ipse non attulisset manus postquam se ab illo furore collegit, nisi eum amici attuissent. Victorem tot monstrorum amor imbellis vicit, ac servire turpiter Omphalæ, Lydorum reginæ, coëgit, clavamque colo, leonis exuvias muliebri cultu, mutare. Pro Dejanira quoque pugnavit contra Acheloûm, Thetidis filium. *Metamorph. Lib. 9.* Eo superato, cum puellam, pugnae præmiuni, domum duceret, Centaurum Nessum, Dejaniram abducere tentantem, sagittis interemit. Nessus moriens, et ultionem spirans, vestem suo cruore, quod præsentissimum erat venenum, tinctam, Dejaniræ dedit, affirmans, si eam Hercules indueret, futurum, ut nunquam aliam amaret. *Metamorph. Lib. 9.* Dejanira vestem sacrificanti in Oeta monte Herculi misit. Vix induerat, cum intestino correptus igne, in pyram se coniecit, eaque conflagravit. *Metamorph. Lib. 9.* Antea tamen sagittas suas, Hydræ Lernææ sanguine imbutas, sine quibus Trojam capi non posse in fatis erat, donavit Philoctetæ, Pæantis filio. Philoctetes illas Trojam attulit, ab Ulysse perductus. *Metamorph. Lib. 13.* Censent eruditi tot res præclare gestas nequaquam esse unius Herculis, sed multorum, qui eodem nomine, non eodem loco ac tempore, vixerint: ac duos præsertim statuunt, alterum Libycum, cui adscribunt pugnam cum Antæo, cum Geryone, cum dracone Hesperio, diductam Africam ab Hispania, immisso freto Gaditano; et si qua sunt alia gesta per Africam et Hispaniam: alterum Thebanum, cui reliqua facinora tribuunt per Arcadiam, Peloponnesum, et Phrygiam, sparsa.

## CAP. XVI. THESEUS.

**T**HESEUS, AEgei, regis Atheniensium, filius, Herculi propinquus tempore, et consanguinitate fuit. Ejus fortitudo eluxit præsertim in domandis tyrannis, ac dynastis, qui potentiam suam vexandis hominibus, et publicâ infelicitate, metiebantur. *Metamorph. Lib. 7.* Talis erat Sciron, qui prætereuntes in mare præcipitabat: talis Proustes, qui hospites in suo ipsius lecto sternebat, iisque pedum partem, quæ modum lecti excederet, amputabat; aut actis in di-

Hippolytum ; quem Phædra , Minois filia , secundis nuptiis Theseo juncta , cum aliter amaret ac par et honestum erat , accusavit , quasi paternum temerare , thorum voluisset. Theseus Hippolytum diris devovit , ac Neptunum filio ultorem invocavit , a quo immissæ Phocæ Hippolytum in maris litore spatiantem curru excusserunt. Mortuum Æsculapius revocavit in vitam ; Diana transtulit in Italiam , et Virbium appellavit. *Metamorph. Lib. 2 et 15.* Phædra , crimen confessa , necem sibi attulit.

## CAP. XVII. CASTOR ET POLLUX.

CASTOR , Pollux , Helena et Clytemnestra , Ledam habuere matrem , uxorem Tyndari , OEbalicæ regis in Græcia : sed Pollux et Helena , Jovem ; Castor et Clytemnestra Tyndarum , patrem sortiti sunt. Castor tamen et Pollux vulgò Tyndaridæ a Poëtis vocantur ; et amborum celebratur amicitia , quæ tanta extitit , ut Pollux , Jove scilicet natus immortalis , suam immortalitatem impertiri fratri non dubitaverit. Annuit Jupiter , ut alternis diebus alter viveret , alter moreretur ; immo Castorem adoptavit , in Pollucis gratiam , ita ut ambo appellarentur promiscuè Dioscuro , hoc est , Jovis filii , et inter sidera collocarentur , ubi tertium in Zodiaco locum obtinent , Geminique nuncupantur.

Honorem hunc tamen , nisi magnis in mortales promeritis consecuti non sunt , ac potissimum depellendis mari prædonibus : quam ob causam vota facere notæ consueverant , et agnos immolare candidos , cum nigras oves Tempestatibus sacrificarent. A Romanis quoque impensius culti sunt : apud quos viri per ædem Pollucis jurabant vulgò ; feminae , per ædem Castoris.

## CAP. XVIII. JASON ET ARGONAUTÆ.

ATHAMAS , Thebarum rex , arietem aureo insignem vellere donatum a Superis servabat domi , familiæ Palladium. *Metamorph. Lib. 6 et 7.* Hunc Phryxus , Athamantis filius , novercam Nephelæ fugiens , asportavit , et ad Colchos delatum immolavit Jovi : aureum autem vellus dedit Æetæ regi Colchorum , a quo repositum in luco Marti sacro fuit , additis , custodiæ causa , tauris ignem spirantibus , et pervigili dracone. Hunc thesaurum eripere Colchis Jason decrevit , filius Æsonis Thessaliæ regis , hortante patruo Peliâ , qui , fratris senio confecti loco , regnum administrans , donec ei regendo per ætatem Jason par foret , eum in ista expeditione petitarum sperabat. Jason vocatis in periculi , et gloriæ societatem ducibus Græciæ fortissimis , Hercule ,

Theseo, Castore, Polluce, Orpheo, Lynceo, Typhi, etc. navim Argo fabricavit, trabibus e Pelio monte sumptis, sive, ut alii tradunt, e Dodonæa silva, cujus arbores, voce præditæ, edebant oracula. Typhis clavum regebat; Lynceus, oculis acutissimis valens, brevia, et scopulos detegebat: Orpheus navigationis tædia levabat cantu: ceteri heroes, qui vulgò dicuntur Argonautæ, remos agitabant. Solus Hercules cursum parumper retardabat, tum quia pondere corporis deprimebat navim, tum quia ingentem stomachum nulli satis implebant cibi; cumque omnem, quæ condita in cadis ferebatur, aquam hausisset, misit Hylam, adolescentem sibi carum, ad petendas e vicino fonte lymphas. Lapsus in fontem Hylas, sive a Nymphis, ut poëtis placet, raptus, (sunt illæ fontium Dcæ) cum non rediret, exscendit Hercules eum quæsiturus, ac socio molesto vectores liberavit.

Navis hoc onere levata, petras Cyaneas, quæ Symplegades vocantur, prætervecta, *Metamorph. Lib. 7 et 15*, et Pontum Euxinum feliciter emensa, Colchidem attigit. Jason aureum vellus abstulit, adjuvante Medea, *Metamorph. Lib. 7*, quæ unâ cum illo fugiens in Thessalian, ut patrem AEetam persequentem moraretur, Absyrtum fratrem interfecit, ejusque membra, quæ pater instabat, dissipavit; quæ colligens AEeta, illi spatium fugiendi dedit. Ut Medea venit Jasonis domum, AEsonem ejus patrem, annis et morbis gravem, in pristinum robur ac juventutem arte magicâ restituit. *Metamorph. Lib. 7*. At Peliam, deceptis ejus filiabus, jugulavit. *Metamorph. Lib. 7*. Jason interea, Corinthum profectus ad Creontem regem, ejus filiam Creüsam adamavit. Medea se spretam furens, arculam gemmis incantatis plenam Creüsæ misit, quæ igne concepto, et ipsam, et Creontem absumpserunt. *Metamorph. Lib. 7*. Medea post exprobratam Jasoni perfidiam, susceptos ex eo duos filios, in ipsius conspectu mactavit, alatisque vecta draconibus, Athenas evasit ad AEgeum regem: cui cum nupsisset, ac Medum filium genuisset, conata est Theseum, AEgei filium, e medio tollere, veneno dato: sed deprehenso scelere, fugit in eam Asiæ partem, quæ ab ejus filio Media est nominata. *Metamorph. Lib. 7*. Argonautarum expeditionem chronologi assignant anno post conditum Ilium sexagesimo quarto: ante ejus axosin, septuagesimo nono.

## CAP. XIX. CADMUS.

JUPITER in taurum conversus Europen Agenoris, Phœnicum regis filiam, abduxerat in Cretam. *Metamorph. Lib. 2*. Agenor ejus investigandæ negotium Cadmo filio dedit, eumque, nisi repertâ sorore, domum redire vetuit.

Cadmus pererratis frustra variis orbis terrarum partibus, oraculo Delphico jussus est in eo Græciæ loco consistere, ubi obivium haberet bovem, ibique urbem condere; *Metamorph. Lib. 3.* Regionem, Bœotiam; urbem, Thebas appellavit.

In ea plures regnavit annos, domesticis tamen calamitatibus graviter conflictatus. Ex ejus quippe liberis Semele cum Jovem, ex quo Bacchum edidit, videre fulminantem exoptasset, ambusta fulmine periit: Iryo furentem virum suum Athamantem fugiens, in mare se præcipitem dedit.

*Metamorph. Lib. 4.* Agave, Penthei mater, filium discerpsit. *Metamorph. Lib. 3.* Cadmus ipse Thebis pulsus ab Amphione, concessit ad Illyrios, cum conjuge, ubi tædio calamitatum affecti, Diis miserantibus, in serpentes ambo mutati sunt. *Metamorph. Lib. 4.*

Amphion Thebanæ civitatis muros condidit, convenientibus ad sonitum lyræ saxis, septemque in ea portas aperuit. Hanc Alexander delevit, Pindari tamen familiæ ac domicilio paritum uni voluit. Alia fuit urbs ejusdem nominis in Ægypto, centum portis patens, a qua regio vicina cognomen Thebæidis habuit: alia in Cilicia, Andromaches patria, quam Græci Trojam ad bellum proficiscentes, vastaverunt.

## CAP. XX. OEDIPUS.

**L**AÏUS, Thebarum rex, cum audivisset se periturum a filio, Jocastæ uxori præcepit, ut natum infantem jugularet. Aversata facinus mater, occidendum puerum tradidit militi: miles pueruli lacrymis, et liberali formâ motus, eum ex arbore suspendit pedibus, quos fune, seu vimine in calces indito, trajecerat. Suspensum vidit magister arinentorum Polybii Corinthiorum regis, et reginæ, liberis carenti, obtulit: quæ puerum aluit pro suo, Oedipumque dixit a pedum tumore, quos inflatos et tumentes retinebat.

Ætate proventus comperit nequaquam Polybii se esse filium; oraculum consuluit, ab eoque didicit futurum, ut patrem in Phocide reperiret. Illuc profectus Laïum, in seditione populari sedandâ laborantem, imprudens peremit, ac Thebas rediit. Erat non procul ab urbe Sphinx, monstrum ingeniosum, virgineo capite, corpore canino, alis draconis et caudâ, pedibus leonis et unguibus, insigne. Prætereuntibus enigma proponebat, eosque, nisi objectum nodum solverent, devorabat. Hinc regionis vastitas et urbis solitudo, ad quam nemo poterat aspirare. Creon Jocastæ frater, qui, Laïo mortuo, regnum Thebarum occupaverat, præconis voce per universam Græciam edixit fore, ut regnum et Jocastam, Laïi uxorem, illi traderet, quicumque



propositum enigma posset explicare. *Quodnam animal est inquebat Sphinx, manè quadrupes, sub meridiem bipes, et vesperi tripès?* OEdipus, tanto præmio invitatus, respondit animal istud hominem ipsum esse, qui pedibus manibusque reptat in infantia: binis pedibus nititur vir: senex, baculo, quasi tertio pede, fulcitur. *Metamorph. Lib. 7.* Hoc responso victa Sphinx, præcipitem se in mare projecit, et regnum metu liberatum, ac Jocastam, OEdippo reliquit. Ex hac Eteoclem et Polynicem; itemque Antigonem, et Ismenam tulit; nec prius matrem esse suam cognovit, quam, ortâ pestilentia, vates pronuntiassent inmissam pestem a Superis Laii necem vindicantibus, nec desituram, nisi exularet is, a quo Laius cæsus fuisset. Compertum denique fuit cædis auctorem OEdipum esse, eundemque matrem habere in matrimonio. His attonitus infelix, oculos eruit sibi, et in voluntarium exilium discedens, regnum Eteocli et Polynici administrandum reliquit.

## CAP. XXI. ETEOCLES ET POLYNICES.

Eteocles et Polynices, OEdipi filii, ne paternum regnum dividendo debilitarent, satius duxerunt, illud integrum, sed alternis annis, possidere. Eteocles, ut major natu, primus regnavit anno suo: sed, eo elapso, fratrem, contra quam convenerat, solio exclusit. *Metamorph. Lib. 9.* Hæc belli Thebani, a poetis, præsertim a Statio, decantati, causa. Polynices enim omnem Græciam, in arma exivit, adscito in foedus Adrasto, Argivorum rege. Tiresias fausta omnia promittebat, si Mœneceus Creontis filius, ultimus Cadmi posterorum, se pro patria devoveret. Nec dubitavit fortis adolescens, invito patre, procurrare in conspectum hostium, et cruore suo, voluntaria victima, litare.

Hinc secunda omnia Thebanis cesserunt. Multi hostium duces, et potissimum Tydeus, Parthenopæus, Capanæus, Amphiaræus, maximis jactati periculis periere. Ad extremum ambo fratres, crudeli bello finem imponere singulari certamine aggressi, alter alterius manu ceciderunt. Nec ipsa mors odium illorum internecinum extinxit. In eundem quippe rogam coniectis cadaveribus, flamma sponte divisa, vivere in ipsis mortuorum fratrum cineribus inimicitias, demonstravit. Creon, extinctis OEdipo, ejusque filiis, regnum, quod ipsis sponte concesserat, recepit. Ereptum rogo Polynicis corpus et inhumatum projecit. Antigone, fratris ossa conatam sepelire, vivam humo jussit infodi: sed ipsa supplicium, elisis faucibus antevertit. At Hemon, Creontis filius, qui Antigone sponsam optaverat, ense sibi adegit in pectus: Eurydice, Creontis uxor, tantum



filiū obitu luctum hausit, ut mortem sibi consciverit. Haec regiae familiae cladem Sophocles in scenam cum protulisset, tam suavi commiseratione affecit spectatores, ut insulae Sami praefectura donatus fuerit.

## CAP. XXII. TANTALUS.

NON levioribus infortuniis familia Tantali, regis Phrygiae, concidit. Prima calamitatum origo, impietas ipsius Tantali fuit. Jovem, a quo genus ducebat, cum ceteris Diis domus acceperat. Eorum Divinitatem ut probaret, Pelopem suum filium, in frusta concisum et elixum illis apposuit. *Metamorph. Lib. 6.* Ceres paulò reliquis avidior, humerum Pelopis absumpsit; alii ferales epulas detestati, Tantalum in tartara detruserunt, ubi mediis in undis sitit, et alludentibus ori pomis, fame cruciatur. *Metamorph. Lib. 4.* Pelopem deinde in vitam revocarunt, educta ex inferis per Mercurium ejus animam, et membris ita reparatis, ut limus eburneus, in ejus locum, qui a Cerere comesus fuerat, substitueretur. *Metamorph. Lib. 6.* Niobe, Tantali filia, paternam impietatem imitata, dum Latonam contemnit, numerosam amisit sobolem, telis Apollinis ac Dianae confixam: et ipsa dolore amens, in saxum dirigit. *Metamorph. Lib. 6.* Pelops Phrygiam tot cladibus suorum funestam deserens, venit in Elidem, et Hippodamiam, OEnomai regis filiam; uxorem ab ejus patre postulat. OEnomai mortem sibi a genere afferendam admonitus, eam filiae procis conditionem proposuerat, ut curuli certamine secum decertarent, eam posituri, si vincerent; perituri, si vincerentur.

Accepit conditionem Pelops, et regem vinci aliter quam dolo, non posse intelligens, egit cum Myttilo, ejus auriga, ut ferrum tolleretur, quod axi extremo, rotarum modiolis inserto infigitur, easque, ne effluant, continet. Excussus hunc in modum currum OEnomai, fractis cervicibus, cum vita victoriam et regnum amisit. Pelops regno dotati potitus, Peloponneso nomen dedit: felix si concordēs habere filios, Atreum et Thyestem, potuisset! sed fratrum discordia tantò solet esse gravior, quantò sanctior amicitia esse debet. Thyestes uxorem fratris temeravit: Atreus Thyestae filios, inscio patre interfectos, eidem epulandis praebeuit. Supererat Thyestae filius nothus, qui perire statim ab ortu jussus, a pastoribus tamen servatus, et lacte caprino nutritus fuerat, unde illi nomen Aegisthus factum. Hic Atreum obtruncavit: Agamemnonem, Atrei filium, e Trojano reversum bello sustulit, conscia et adjuvante, quam sibi malè devinxerat, Clytemnestra, conjuge Agamemnonis. Hinc secunda tragœdiarum seges.

## CAP. XXIII. TROJANI REGES.

**I**N ea Phrygiæ parte, quæ Bosphorum Thracium respicit, Trojan Dardanus, Jovis et Electræ filius, condidit, et Thuscia fugiens occiso fratre, quicum in hac Italiæ parte regnabat. Rerum in Troade tunc potiebatur Teucer, qui Dardanum generum adscivit, cumque illo Trojæ fundamenta jecit, annis ante natam Romam ferè septingentis. Dardano successit Erichthonius filius, Erichthonio Tros, qui Trojam de suo appellavit nomine; Trois filius fuit Ganymedes, a Jove raptus. *Metamorph. Lib. 10.* Item Assaracus, ex quo genitus est Capys, Anchisæ pater: demum Ilus, qui paternum adeptus regnum, Trojam illum vocari jussit.

Illo successit filius Laomedon, quem Hercules vitâ regnoque spoliavit, abducto ejus filio, *Metamorph. Lib. 11*; qui a Trojanis redemptus, inde Priami nomen consecutus est, cum antea Podarces diceretur. Priamus patri successit, turribus arcibusque munivit urbem, quæ tunc Pergama vocabantur, unde ipsa Troja nomen quoque sumpsit. Priami uxor, Hecuba: filii præcipui, Hector, Deiphobus, Helenus, et Paris, sive Alexander, funesta patriæ fax. Talem sibi visa fuerat parere mater, ejusque somnio cognito, Priamus necari puerum jusserat. Hecuba clam inter pastores educandum curavit, ubi cum regias dotes ostenderet in conditionis humilitate, originem probavit, ipsisque Superis dignus est visus, qui ortam inter Junonem, Palladem, et Venerem, controversiam dirimeret. Intererant epulo geniali, cum Thetis Peleo nuberet. Discordia in medium jecit fatale pomum, cum hac inscriptione, *Detur pulchriori.* Paris arbiter duræ litis sumptus, eam Veneri adjudicavit, et sibi, suisque Junonis ac Minervæ conflavit odia.

Interim Priamus certamen ludicrum nobilitati Trojanæ proposuit. Adfuit Paris adhuc incognitus, et ceteris, qui congressi fuerant, victis, ipsum Hectorem superavit. Hector, cum pugilem ignotum ferro persequeretur, ut ignominiam ejus sanguine elueret, agnovit fratrem, conspectis certis insignibus et gemmis, quas Hecuba pastori, ejus educatori, tradiderat. Priamus, factorum immemor, filium lætus amplectitur, et in regis partem accipit.

## CAP. XXIV. TROJANI BELLI CAUSA.

**C**UM Hercules Trojam vastaret, Hesionem Laomedontis filiam, Telamoni, Græco duci, conjugem dederat. *Metamorph. Lib. 11.* Paris, amitam suam repetiturus, classem instruxit, Priamo non invito, qui opibus et gloriâ pollen-

imminebat in omnem injurias a Græcis toties acceptas vindicandi occasionem. Paris rectâ Spartam contendit, ad Menelaum, Spartæ regem, filium Atræi, et Agamemnonis fratrem. Exceptus humanitate summâ, et domi relictus est a Menelao, cui erat iter in Cretam necessarium.

Helenam, uxorem Menelai, Venus ita Paridi conciliavit, ut cum eo Trojam profugerit, probante Priamo, qui Hesionem, sororem suam, ita redditum iri facile sperabat, si cum Helena permutaretur. Contra ac speraverat accidit. Nam Græci Hesionem reddere negarunt, Helenamque junctis viribus et armis repetentes, Trojam per annos decem obsessam, solo demum æquarunt. Quo pacto Ulysses, et Achilles ad hoc bellum perducti fuerint exponit Ovidius, *Metamorph. Lib. 13.*

Idem explicat quemadmodum Græcorum exercitus Aulidem convenerit, ibique ventis adversis tandiu retentus fuerit, dum Agamemnon filiam Iphigeniam Dianæ immolare constitueret. Cervam tamen ejus in locum Diana substituit, eamque in Tauricam Chersonesum deportavit; *Metamorph. Lib. 12 et 13.* Dianâ placatâ, solvit Græcorum classis, mille ducentarum nonaginta navium, sub ducibus quinque et nonaginta, et ad Trojam castra posuit. Diuturnam bello moram attulit Asia ferè universa, ad urbis unius auxilium concurrens: tum Hectoris fortitudo: denique discordia Achillem inter et Agamemnonem coortat. Hic puellam quamdam, sacerdoti Apollinis ereptam, penes se habebat. Apollo a virginis patre oratus, immissâ peste, Græcorum exercitum populabatur; quam ut Achilles averteret, Agamemnonem coëgit puellam parenti reddere. Agamemnon iracundiâ elatus, Briseidem vicissim Achilli eripuit. Achilles injuriam non ferens, inclusit se tentorio, Græcosque Trojanis profligandos permisit; arma sua duntaxat concessit Patroclo, quibus ille indutus, et Hectorem ausus lacessere, ab illo sternitur; *Metamorph. Lib. 13.* Tum verò Achilles, ulciscendi amici causâ, bellum repetiit, Hectoremque cæsum ter circa muros urbis raptavit.

#### CAP. XXV. TROJÆ EXCIDIUM.

**H**ECTORIS necem clades fortissimorum e Trojanis ducum est consecuta. Priamo et Hecubæ in desperationem actis, promisit Paris necem Achillis, quo uno maximè Græci stabant. Comperit eum Polyxenæ, Priami filiæ, amore captum: adducit in spem conjugii, et pactis paucorum dierum induciis, in templum Apollinis invitat, colloqui uberioris causâ. Venit Achilles, nihil à Paridis perfidiâ metuens, a quo sagittâ percussus interfuit. Cæsum in acie canit Ovidius,

*Metamorph. Lib. 12* : de illius armis certatum Ajacem inter et Ulyssem, *Metamorph. Lib. 13*. At Græci dolo pariter et proditione ulciscendos proditores arbitrati, reditum in patriam, velut fessi bello, simulant, et equum ingentem fabricantur, quasi donum placandæ Minervæ, cuius numen a se violatum dictitabant, rapto ex arce Trojana Palladio, seu Minervæ sacrâ statuâ, quâ Trojæ fatum et felicitas contineri putabatur. Equum in litore relictum, Græcis ad insulam Tenedum profectis, Trojani in urbem inducunt, dirutâ murorum parte, per quam Græci noctu e vicina insula Tenedo reversi, subierunt, et civitatem somno ac vino sepultam incenderunt. Hanc illis ab Ænea et Antenore proditam fuisse fama est. Pyrrhus, Achillis filius, Priamum ad Jovis aram jugulavit; immolavit Polyxenam ad Achillis qui ejus nuptias ambierat, tumulum. *Metamorph. Lib. 13*. Andromacham Hectoris conjugem abduxit in Græciam. Paris sagittâ Herculis a Philoctete confixus est. Menelaüs Helenam a Deiphobo, cui post Paridem occisum nupserat, recepit. Ulysses Astianactem, Hectoris filium, e summa turri dejiciendum curavit. *Metamorph. Lib. 13*. Ajax Oilei filius, Cassandrâ, Priami filiâ, temeratâ, Palladis, cujus ad statuam veluti ad asylum illa confugerat, iram in se concitavit: quare facto naufragio, fulmine conflagravit. Classis Græcorum ad Caphareos scopulos, insulæ Eubœæ, allisa, *Metamorph. Lib. 13*, magnam partem periit, Nauplii scelere, qui dolens filium suum Palamedem ab Ulysse falso crimine accusatum, et a Græcis damnatum, ignes nocturnos e cantibus extulit, ad quas classis, portum rata, per tenebras temerè appulit. Contigit Trojæ excidium anno mundi bis millesimo octingentesimo septuagesimo, cum Aïlon Hebræis jus diceret. Cæsa esse perhibentur in eo bello, Græcorum octingenta octoginta sex millia: Trojanorum verò, ante captam urbem, sexcenta septuaginta sex millia.

#### CAP. XXVI. AGAMEMNON ET ORESTES.

AGAMEMNON domum redux, Clitemnestræ et Ægysthi, ejus adulteri, ferro cecidit. Orestes ultus est patris mortem, peremptâ matre: quam cum obversari sibi semper crederet tædis et serpentibus armatam, oraculum consuluit. Eo jubente, in Tauricam Chersonesum contendit comite Pylade, regis Strophii filio: cujus amicitiam cum in maximis antea periculis, tum in hoc præcipuè loco est expertus. Mos erat, ut hospites ac peregrini comprehenderentur, Dianæ, quæ ibi colebatur, immolandi. Capti Pylades et Orestes, adducuntur ad Thoantem, summum sacerdotem. Is novorum



hospitum nobilitate permotus, et indole liberali, cum utrumque servare, salvis patriæ legibus, non posset, alterum ductâ sorte, incolumem fore pronuntiat. Hic verò celebris orta est inter Pyladen et Oresten contentio, dum alter alterius perire loco certat. Sors Oresten addixit neci. Præerat Dianæ sacris Iphigenia, Orestæ soror, illuc per Dianam ex Aulide translata, cum cervam in illius mactandæ locum supposuit, ut Ovidius narrat *Metamorph. Lib. 12.* Iphigenia cum ferrum libraret in fratris caput, eum agnovit. Occiso Thoante, Orestes cum sorore, Pylade, et Dianæ statuâ rediit in Græciam, ubi expiatus, et Furiarum tetro aspectu liberatus, paternum regnum feliciter administravit. Eadem statuâ Dianæ in Italiam postremo delata est, et in Aricino collocata nemore. Templi ædituus, et sacerdos istius Dianæ Aricinæ, Rex nemorum vocabatur; ac vulgò servus erat fugitivus, qui tamdiu regnum illud obtinebat, cum ab alio fugitivo, commissâ pugna victus, necaretur. *Metamorph. Lib. 15.*

## CAP. XXVII. ULYSSES.

DECEM annos Ulysses erravit post excisam Trojam, priusquam paternos lares reviseret. Vix ingressus navim, in Thraciam tempestate delatus est. Ibi regnabat Polymnestor, ejus fidei ac tutelæ Priamus filium Polydorum, et regales Thesauros, ne venirent in Græcorum manus, tradiderat custodiendos. Polydorum rex avarus, ut auro potiretur, trucidaverat. Hecuba id cum rescivisset (nam Ulyssi in Trojana præda dividenda obvenerat) Polymnestorem adiit, velut ignara; ostentansque spem thesauri alterius, eum seduxit a regio comitatu: mox involans in vultum, oculos illi unguibus eruit. Quo facto lapidibus a populo superveniente appetita, in canem rabidam mutata fuit. *Metamorph. Lib. 13.* Ulysses repetitâ navigatione, abripitur in Africam ad Lotophagos, ita vocatos a loto arbore cujus fructus tam suaves habebat illecebras, ut advenis oblivionem patriæ afferret, ejusque suavitate captos e sociis suis nonnullos Ulysses amiserit. Alii redintegrato cursu, Siciliam cum leo tenebunt. Sex eorum Polyphemus, Cyclopum teterrimus, devoravit. *Metamorph. Lib. 14.* Ulysses vino gravem invasit, eique unum, quem in fronte media gerebat, oculum exculpit. Inde ad AEolum propere fugit, qui ventos adversos utribus inclusos, in ejus navim congescit, ne nocerent. Utres tumidos socii male curiosi reclusere. Ventis solutis novæ tempestates excitatæ, nova pericula. Lis jactatum Ulysses, et a Læstrigonibus, Formianum litus incolentibus, atque humanâ carne vesci solitis, penè oppressum,



insidiosâ benignitate excepit Circe, famosa venefica. Hæc socios Ulyssis in ferarum varia monstra transformavit: ipse artes magicas elusit, instructus herbâ Moly, sapientiæ symbolo, a Mercurio sibi donatâ. *Metamorph. Lib. 14.* Eadem Circe adjuvante, adiit inferos, ubi a Tiresia vate multa de rebus, aliquando sibi eventuris, cognovit. Pari felicitate ac prudentiâ Sirenum dolosos cantus, in eodem Tyrrheno litore effugit, sociorum aumbus cerâ obturatis, ipse ad malum alligatus. Inde Siciliam rursùm tenuit. Solis boves Phaëtusa nympha pascebat: præceperat enixè sociis Ulysses, ut sacris armentis temperarent; auditus non est. Itaque Sole irato, naves cum sociis amisit, vixque in fractæ ratis tabula enatavit ad Ogygiam insulam, ubi recenti navigio instructus a Nympha Calypso, mari se commisit. Facto iterum naufragio, cujus auctor Neptunus, Polyphemum filium ab Ulysse excecatum ægrè ferens, évasit ope Leucothoæ in insulam Corcyram; et acceptis ab Alcino, Phæacum rege, navibus Ithacam attigit. Domum suam, rustici cultu ingressus, cognoscendum se Telemacho filio, et fidis aliquot famulis dedit, quorum operâ procis deletis, fortunas, uxoremque Penelopen, recuperavit. Re bene gestâ letum tacitus angebat metus, ne a filio interficeretur; id enim Tiresias prædixerat: ac ne tristi vaticinio fidem faceret, cogitabat secedere in aliquam solitudinem, cum Telegonus, quem e Circe genuerat, audito felici patris in Ithacam adventu, accessit gratulaturus. Dum ut ignotus repellitur, nonnihil tumultus ortum est ad fores. Procurrit Ulysses, ut rem cognosceret, interque confusos tumultuantium clamores sagittâ vulneratur a Telegono. Fieri medicina plagæ non potuit, quia jaculum veneno infectum erat.

## CAP. XXVIII. AE NE A S.

**ÆNEAS**, Veneris et Anchisæ filius, Creüsam, Priami natarum unam, duxerat. E patriæ incendio elapsus opè matris, septem annos erravit incerto mari; ob iram Junonis nomini Trojano semper infensæ. His transactis Carthaginem venit, ubi, quemadmodum canunt Virgilius et Ovidius, Dido novam condebat urbem; ab eaque mensibus aliquot retardatus, monente demùm Jove perrexit in Italiam; ac victo Rutulorum rege Turno, Laviniam regis Latini filiam cum dotali regno accepit, ac Romani imperii fundamenta jecit. *Metamorph. Lib. 13 et 14.*

## CAP. XXIX. UTILITAS E FABULIS CAPIENDA.

**CUM** Poëtæ et Doctores profanæ antiquitatis plurima, quæ ad explicandam rerum naturam aut instruendos mores pertinent, simulacris Deorum, et fabulis involverint; dispi-

ciendum est quid veri, bonive, sub istis integumentis lateat. Ita Cœlum finxerunt Saturni, sive Temporis, patrem; quia cœlum diurnâ et annuâ conversione tempus efficit. Cum verò temporis par vetustati sit velocitas, idemque finem rebus quas produxit afferat, describere Saturnum habitu senis alati, et falce armati, qui liberos suos devoraret. Saturnum excepit Janus, Latii rex prudentissimus: qui cum prospiceret futura, præterita meminisset; eum bifrontem pinxerunt. Rudes et incultos homines Prometheus a ferino victu abductos excoluit, ac mentem veluti corporibus brutis addidit: hæc fuit causa cur homines dictus sit e luto finxisse. Idem usum ignis edocuit, ac reperit quo pacto e solis radiis, putâ concavo speculo exceptis, eliceretur. Hinc nata multa vitæ commoda, et e commodis incommoda, nimirum, morbi, febres, etc. Deucalion urbes condidit, invenit artes, vitam moribus ornâvit: hinc saxa in homines mutasse prædicatur. Amphion devinctos concordia Thebanos ad urbem ædificandam adduxit: lapides lyre sono movisse narratur. Atlas verò in montem conversus cœlum humeris ferre; quia, ut astra specularetur, in editiorem ascendebat locum; et cœlestem excogitavit sphaeram, quam ferè semper præ manibus habebat. Alas Dædalo deerunt, ut e labyrintho evolaret; quia navigandi et utendi velis, artem reperit. Icarum audaci volatu sublimia captantem in mare dejecerunt, ut juvenilem notarent imprudentiam, quæ medium iter ac tutum tenere nescit. In Tantalos avaros; in Lycaone, crudeles; in Sirenibus et Circe, amatores voluptatum; in aliis alia flagitia descriperunt. In Medusa, muliere libidinosâ, indolem impuræ libidinis adumbratam voluere, cujus ea vis, labesque est, ut homines omni rationis, pietatis et humanitatis sensu spoliatos, in saxa transformare videatur. Quis in Narcisso non agnoscit hominem sui amantiorē? in Marsya, quem Apollo cute spoliât, arrogantem; in Persei Pegaso, celeritatem rebus gerendis necessariam; in ejusdem speculo polito, quod instar clypei gestabat, sapientiam non intelligit? An temerè conjiciet, si altiora spectamus, qui Adamum in Saturno liberos devorante expressum arbitrabitur? In Iapeto, Japhetum, e Noëmi liberis tertium, et alia ejusdem generis? Sacrarum arcana litterarum e Judæis cognoscere Phœnices et Aegyptii facillè potuerunt: ab utrisque hauserunt Græci; et jam adulterata, novis commentis depravarunt: a Græcis Romanus orbis originem sumpsit, ut subtiliter et eruditè disserit P. Turneivinus Soc. Jesu, in egregio specimine prolixioris de tota ratione fabularum commentarii; cujus conspectus magnam totius operis expectationem omnibus

eruditis fecit (1). Multa quoque morum documenta sub fabularum velo latentia detegit P. Michaël Pexentelderus Soc. Jesu, in eleganti ac pia lucubratione, cui nomen fecit *Ethica Symbolica, etc.* edita Monachii, 1686.

## CAP. XXX. QUOMODO EXPLICANDÆ FABULÆ.

ERIT igitur Christiani præceptoris, videre quid lateat sub illo cortice fabuloso, et veritatem istis involutam umbris evolvere. Sic impiæ vetustatis venena vertentur in antidota, et suus virtuti honor, improborum errore ad vitia traductus, jure ac merito restituetur. Quamvis autem hæc una caperetur utilitas ex historia fabulosa, quamvis hæc una legeretur e tot flagitiorum, quibus religio profana sordet, sterquilinio gemma, nimirum commendatio Christianæ religionis, quæ Deum, moresque, tanto veteribus illis dissimiles, tradit, satis magnus pateret ad juventutem non piæ solum, sed festivè ac eleganter instituendam, campus. Documento est P. Carolus de Aquino, Italus, Soc. Jesu, quo eloquentiæ magistro frui per annos duodeviginti Romano licuit Collegio, in egregius quas recens edidit Satiris, ubi totam illam veterum Deorum farraginem ita excutit, exagitatque, ut ingenium cum eruditione certet, majestas heroïci carminis, cum satirica dicacitate; latinitatis exquisitæ sapor, cum insigni priscorum auctorum notitia. Easdem dotes in aliis duobus carminum, quos vulgavit ante paucos annos, tonis, observare est, ac præsertim in ipsius *Anacreonte recantato*; in quo quinquaginta sex odas lepidissimi, at non usquequaque modesti et sobrii vatis, eodem quo scriptæ sunt metro et ordine sic imitatur Latinis versibus; ut eas ad honestiorem sensum accommodet, per totidem Palinodias; non sacra duntaxat argumenta substituendo profanis; sed ingeniosâ varietate fingendo, ludendo, et priscas recentibus historias, ac sententias, utiliter suaviterque intexendo.

(1) *Mémoires de Trévoux*, 1702. Décembre. 1703. Janvier.

FINIS.

MAG 2018856

---

# INDEX

## DEORUM ET HEROUM

HUJUS APPENDICIS.

### PARS PRIMA.

|                           |              |
|---------------------------|--------------|
| SATURNUS,                 | Pag. 418     |
| Cybele,                   | 419          |
| Jupiter,                  | 420          |
| Juno,                     | 422          |
| Apollo,                   | <i>ibid.</i> |
| Diana,                    | 424          |
| Bacchus,                  | <i>ibid.</i> |
| Mercurius,                | 426          |
| Venus,                    | <i>ibid.</i> |
| Neptunus,                 | <i>ibid.</i> |
| Pluto,                    | 427          |
| Pan, Faunus, Satyri, etc. | 428          |

### PARS SECUNDA.

|                              |              |
|------------------------------|--------------|
| Origo idolatriæ,             | 430          |
| Perseus,                     | 431          |
| Hercules,                    | <i>ibid.</i> |
| Theseus,                     | 433          |
| Castor et Pollux,            | 435          |
| Jason et Argonautæ,          | <i>ibid.</i> |
| Cadmus,                      | 436          |
| Œdipus,                      | 437          |
| Eteocles et Polinices,       | 438          |
| Tantalus,                    | 439          |
| Trojani Reges,               | 440          |
| Trojani belli causa,         | <i>ibid.</i> |
| Trojæ excidium,              | 441          |
| Agamemnon et Orestes,        | 442          |
| Ulysses,                     | 443          |
| Æneas,                       | 444          |
| Utilitas e fabulis capienda, | <i>ibid.</i> |
| Quomodo explicandæ fabulæ,   | 446          |

FINIS.







